



LIBER QVINTVS.
DE VARIETATE
LEGVM HUMANARVM,
ET PRÆSERTIM
DE ODIOSIS.

DIximus haec tenus de lege humana in genere, tam ciuili, quam canonica, quia vero in utroq; ordine aliquæ sunt, quæ secundum suas peculiares rationes, vel proprietates, speciali etiam declaratione indigent, quia proprias habent difficultates, idcirco operæ pretium duxi in hoc libro, & duobus sequentibus de illis in particulari dicere. Doctrina tamen illorum communis erit ciuilibus, & canoniciis legibus, quia in his rationibus fere uniformiter conueniunt: quod si aliquid peculiare interdum occurrit in aliquo ordine utriusque legis, facile poterit per occasionem adnotari. Quoniam vero tam leges ciuiles, quam canonicas in plura membra solent diuidi, quæ maiori ex parte solo nomine, vel ad summum accidentaliter, & materiali differentia, quæ ad doctrinam moralē nihil confert, distinguuntur, idcirco in hoc initio partitiones illas, & variæ appellations legum utriusq; ordinis præ oculis ponere institui, & ex eis illas eligere, de quibus in hoc, & duobus sequentibus libris dicendum est.

C A P V T I.

De Humanarum legum varietate.

Traduunt varias legum humanarum distinctiones, seu potius denominations utriusque iuris auctores, & expositores, vt in iure canonico Gratian. d. 1. 2. & 3. per totas, ex Isidoro libro 5. Etymol. capit. 1. & sequent. & ibi expositores, & in Rubr. de Constitut. In iure autem ciuili Papinian. in l. Ius ciuale, ff. de Iustit. & iur. & Pompon. in l. 2. ff. de Orig. iur. & Julian. in l. Neque leges. ff. de legibus, & Vlpian. in l. Diurno. eod. & Iustinian. Imperator Instit. de Iustit. & iur. & de iur. natur. gent. & ciuali, per plures textus, & interpretes eisdem locis. Et ex Theologis tractat late Anton. 1. p. tit. 17. 18. & 19. breuius D. Thom. 1. 2. quæst. 95. art. 4. cuius methodum sequendo clarius, & expeditius nonnullis partitionibus omnia comprehendemus, & elucidabimus.

Primo ergo D. Thomas diuidit legem humana in ius gentium, & ciuale, seu humanum strictius sumptum. Nos autem in superioribus de iure gentium diximus, & ita illam diuisionem omitimus, supponimusque sermonem esse de lege positiva humana proprie sumpta, vt esse solet distincta, & in diversis gentibus, prouinciis, seu ciuitatibus, aut congregationibus vnicuique propria. Hæc igitur lex primo diuidi potest in scriptam, & non scriptam. Prior intelligi solet nomine legis, quia licet utraque sit vera lex, nihilominus nomine legis humanæ simpliciter prolatum pro lege scripta accipi solet. Vnde Isidor. ait. *Lex est constitutio scripta: altera vero consuetudo appellatur, quæ quoad substantiam, & obligationem, veram legis rationem habet, quia vero habet peculiarem modum generationis (vt sic dicam) seu introductionis, & efficaciz, idcirco de illa in particulari dicemus in libro 7. nuno vero de lege scripta tractamus.* Quæ interdum denominari solet à materia, vel modo, quo scripta est: sic enim solennes fuerunt apud Romanos leges duodecim tabularum, quæ à decem, quæ fuerant apud Græcos duxerunt originem, quibus Romani duas addiderunt, vt habetur in l. 1. ff. de Orig. iur. Decalogus etiam in duabus tabulis scriptus fuit, licet inde nomen non accepit. Est ergo illa denominatio accidentaria, & ad rationem legis parum confert.

Secundo diuidi possunt leges humanæ per habitudinem ad principia, à quibus procedunt, sic enim distinguntur leges canonicas à ciuibib, & in utrisque inuenitur eadem distinctio, vel subdivisio, quæ aliquando materialiter tantum, vt sic dicam, datur, aliquando vero potest formaliter darit. Materialiter voco quando in auctoribus legum solum consideratur diuersitas personarum: formaliter autem voco respectu munerum, quando spectatur distinctio regiminum, ac potestatu, quamvis totum hoc tandem materialiter fere sit respectu obligationis ipsarum legum. Priori modo distingui solent in legibus ciuibib, leges Trismegisti, Lycurgi, Solonis, Rhadamanthi, Minois, Cereris, & aliorū apud Isidorum supra, & Platon. in Dialog. Minos, & Plin.

*Lex 1. disti-
ditur inscri-
ptam, & no
scriptam.*

*3
2. Diuidi-
tur lex per
ordinem ad
principia &
hoc materi
aliter, aut
formaliter*

*Isidor.
Plato.
Plinius.*

*Varia le-
gum distin-
tiones, seu
denomina-
tiones ex
Gratiano.
Isidor.
Papin.
Pompon.
Vlpian.*

*D. Anton.
D. Thom.*

lib. 7. Histor. cap. 35. & Aristot. s^ep^e in libris Ethic. Imo interdum denominantur hæ leges non solū ab auctoribus, sed etiam à collectoribus, vt sumitur de iure Papyriano, & Flauian. ex l. 2. ff. de Orig. iur. Sic etiā denominatur lex Hortensia, Papia, aut Iuliana; & sic sunt varij tituli. ff. ad l. Falcidiā, & similes. Posteriori autem modo distinguitur leges secūdū varias rationes gubernandi ciuitates, vel simplices, vel mixtas, & sic in legibus Romanorū distinguuntur leges latæ à populo, & vocātur Plebiscita; & latæ à senatu dicuntur Senatus consulta, & quia in senatu aliquis consul præsidebat, nomē eius interdum notatur in ipso legis nomine, vt cum dicitur Ad senatus consultum Velleianū, aut Macedonianum, &c. Atque hoc referri etiam potest ius prætorium, quod à Prætore ferebatur, & honorarium etiam dicitur in l. 7. & 8. ff. de legibus. Item ius dictum Tribunitium, quia à Tribunis erat latum, & sic de aliis, iuxta potestatem vnicuique magistratū concessam. Præterea hūc spectant responsa prudētū, id est iuris consultorum, quæ vim habebant legum, quando eis auctoritas Principis, aut reipublicæ accedebat: vel antecedenter illam eis committendo, vel consequenter illam communiter acceptando, & hoc ius interdum per antonomasiā vocatur ius ciuile. Leges autē, quæ ferebantur ab imperatoribus dicuntur constitutiones Principum, dici possunt ius Imperatorium. Nunc autem utrasque leges complectitūr ius commune ciuile, quoad absolute dictum solet accipi pro iure Romanorum, vt dicitur in §. Sed ius, Institut. de Iur. natur. illi vero responderet in singulis regnis ius regium.

Hæc tamen varietas vocum licet conferat ad intelligendū ius ciuile, ad formalem distinctionem legum parum est necessaria, licet cum proportione ad varias communites, prout diversimode gubernantur, applicari possit. Et similiter cum proportione potest applicari ad leges canonicas; nam leges Pontificiæ sunt constitutiones Principum, & interdum nominantur à suis auctoribus, vt Clementinæ, &c. leges autem Episcopales censeri possunt quasi ius prætorium, vel honorariū, leges autē Conciliorum quasi senatus consulta, in legibus autem canonici non habent locum plebiscita, quia potestas ferendi leges canonicas nec in populo est, neque ab illo manauit.

Tertio diuidi possunt leges ex parte eorum ad quos ferrantur, & hoc dupliciter scilicet, vel secundum communites omnino distinctas, vel secundum partes eiusdem communatis, quatenus intra illam diuersa habent munia, & suo modo distinctas communites, magis particulares componunt. Priori modo distinguuntur leges Aegyptiorum, Lacedemonum, Atheniensium, seu Græcorum, Longobardorum, & Romanorum, vt notatur in §. Sed ius, Institut. de Iur. natur. gent. & ciuil. Et nunc etiam distinguuntur leges Hispanorum à legibus Gallorum, &c. Posteriori autem modo intra idem regnum, vel rempublicam, distinguuntur leges per ciuitates, & intra eandem ciuitatem, per communites particulares, & sic distinguuntur ius municipale, & commune: & municipalia diuiduntur iuxta modum, & nomina ciuitatum, aut communitatū. Hoc etiam modo diuiduntur iura, aut leges pro diuersitate munerum, seu personarum communī bono Reipublicæ deseruentium, & sic intra eandem rempublicam distinguuntur ius

A militare, quod pro militibus specialiter institutum est, ius patronorum, liberorum, aut seruorum. Item ius Magistratum, quod publicum etiam dicebatur. Dicebatur etiam apud Romanos ius publicum, quod erat de rebus sacris, & sacerdotibus, cap. Ius publicum dist. 1. Vnde sacerdotiale etiam oīci poterat. Nunc autem hoc ius in Ecclesia separatum est à ciuili, ac temporali, & canonicū denominatū est, vt supra vidimus.

In quo Canonico iure potest aliquid propriū considerari, quia leges Canoniciæ in sua generalitate vniuersaliores sunt, quam leges ciuiles ex parte eorum pro quibus ferri possunt, quia dari possunt vniuerso Orbi, quia per illud totum Ecclesia diffusa est. Atque ita cōmunitas adequata (vt sit dicāt) legibus canoniciis non multiplicatur, sed vna tantum est; ideoque leges canoniciæ ex hac parte vniuersales sunt, & non recipiunt varias denominatiōnes ex parte eorū, pro quibus feruntur, sed simpliciter dici possunt Canones Ecclesiastici, vel præcepta Ecclesiæ. At vero intra ipsam Ecclesiam, ex parte personarum, vel communitatū particularium distinguuntur variae leges, seu iura, & sic potest specialiter dici ius sacerdotiale, vel clericale, quod non solum canonicum est, sed specialiter pro statu sacerdotiali, vel clericali fertur: sic etiam dici potest ius Monachale proprium religiosis. Item hoc modo distinguuntur iura Synodalia secundum varios Episcopatus, Dioceses, vel prouincias, à quibus etiam s^ep^e denominantur, & appellari etiam possunt iura municipalia canonica.

Hinc etiam distinguere aliquis solent inter legem, & statutum, quia lex dicitur proprio de lege pertinente ad totam communitatē alicui Regi, vel supremo Principi subiectam, statutum vero dicitur proprio de lege municipali. Sic enim leges vniuersitatum, Collegiorum, religionum, &c. statuta dici solent. Sed hoc solum ad significationem vocabulorum spectat, & ideo communis usus obseruandus est. Nam sine dubio statuta municipalia sunt veræ leges; illis enim cum proportione conueniunt, quæ haecennus de lege in communi, vel de lege humana dicta sunt, & ita s^ep^e appellantur, & ē conuerso leges communes, & vniuersales vocari possunt statuta, & frequenter ita vocantur, quia vis vocis non minus in illas conuenit, ut per se constat; solum ergo per quandam accommodationē solent illa vocabula ita distinguiri, præsertim in doctrina tradenda, vt habeamus vocabula quibus breuiter, & distincte loqui possimus. Ad eundē modum censendum est de nomine constitutionis: aliqui enim putant legem simpliciter dici de lege ciuilis non de Canonica, constitutionem vero ē contrario: sed hoc etiam non habet fundamentum in re, nam leges etiam ciuiles cōstitutiones Principum, appellantur, Digestis de Constitutione. Principū Isidorus in capite Constitutione, distin^ct. secunda, ait, constitutionem esse edictum, quod Rex, vel Imperator constituit, & ē conuerso constitutiones Canonice verè leges sunt, & ita etiam passim nominantur. Tamen per accommodationē ille modus loquendi videtur esse satis visitatus, & conformis Rubricæ de Constitutionibus in Decretalibus, vbi videri possunt interpretes.

Alia vero sunt nomina magis propria legum Ecclesiasticarum: vocantur enim Canones, Decreta Patrum, Decre-

3. Diuiduntur leges in ordine ad eos ad quos ferrantur,

⁷
videtur
est inter le-
gēm & sta-
tūm.

A talia (vtique, iura, seu Decretales Epistolæ, vt constat ex titulo Decretalium, & ex capite primo & quinto, & de Constitut. & ex cap. primo, & secundo, distinctione tertia, vbi Glossa insum rationem nominum declarat, & alia adiungit. Nos solum aduertimus illa tria nomina potissimum dici solere de legibus Summorum Pontificum, vel Conciliorum. Nam leges Episcopales non solent Canones, vel Decreta appellari, de quo videri potest Felinus in capite primo de Constitution. Denique his nominibus addita sunt alia plura, quibus leges Ecclesiastice & significantur, dicuntur enim Extravagantes, Motus proprij, Bullæ, &c. Hę autem voces, & similes solis quibusdam legibus Pontificibus attribui solent, & varias habent origines, & etymologias, quæ nunc nobis necessarię non sunt. Nam vis legum quæ per has voces significantur, eadem esse videtur, & quod occurrerit proprium, in sequentibus adnotabitur.

B Quarto solent distingui leges ex rebus, seu materia, quā p̄cipiunt, esto; hęc denominatio valde visitata in iure ciuili, & interdum fit interposito nomine auctoris, vt ad legē Iuliam de Adulterijs, ad legē Corneliā de sicariis, ad legē Iuliam de Ambitu Maiestatis, &c. Sēpe vero fit simpliciter denominatio ex materia, vt lex frumentaria, agraria & commissoria, &c. Et fere omnes tituli vtriusq; iuris hoc modo distinguuntur. Sed hęc etiam diuisio materialis est in ordine ad formalē rationē legis quam nos consideramus, & ideo licet in ordine ad usum, & ad practicam notitiam legum necessarium sit scire; quid per vnamquamque legem p̄cipiatur, nobis tamē ad generalem doctrinā necessarium non est. Et ideo de his omnibus partitionibus, seu denominationibus legum nihil amplius dicere oportebit. Solum enim illas proposuimus, vt illarum vocum significatio non ignoretur, id enim ad nostrum usum necessarium erat, ad eundem vero sufficiunt, quæ dicta sunt.

C A P V T II.

De lege odiosa, & fauorabili, earumque varietate.

Diuisionibus legis traditis in superiori capite, addere possumus quintam ex effectibus sumptam, quę instituto nostro maximè deseruiet. Quinto ergo lex humana generatim sumpta diuiditur in odiosam, seu onerosam, & fauorablem, seu beneficium conferentem, quæ diuisio ex multis iuribus colligitur. Nam interdum dicunt iura odia esse restringenda, & fauores ampliandos. C. Odia. de Reg. iur. in 6. cum vulgaribus concordantibus, quæ regula p̄fertim intelligitur de fauoribus, vel odiis in iure contentis, ac subinde de legibus fauorabilibus, & odiosis. Et ita diuisione hanc legum communiter Doctores supponunt, vt constabit ex his quos in discursu capitinis referemus. Triā vero ad intelligentiam huius partitionis desiderari possūt. Primū est, vnde sit sumēda distinctione inter illa mēbra. Secūdū est, an sit sufficiēs, ita vt illa duo membra ad aquatē diuidant legē humanam, tertīū est quot genera legū humanarū sub singulis illorū membrorū contineantur, vt de illis sigillatim in sequentibus dicamus.

Circa primum ratio dubitandi esse potest, quia nulla est lex quę simpliciter fauorabilis non sit, ergo non potest subsistere diuisio. Antecedens patet, quia lex ut sit iusta, & vera lex, debet esse communī bono utilis, & moraliter necessaria, sed utilitas boni communis maximus fauor est, quia bonū commune præferendum est ceteris: ergo omnis lex simpliciter inducit fauorem, & hoc est esse fauorablem; nulla ergo esse potest odiosa. Et confirmatur: nam si quæ esset lex odiosa maximē illa, quæ pœna imponit, at hęc non est odiosa; ergo nulla. Probatur minor, tum quia aliās omnis lex esset odiosa, quia omnis lex imponit reatum pœna transgressoribus: quod autem illa pœna exprimitur, vel determinetur in lege, parū auget grauamen seu odium, cum solus reatus aeternæ pœnæ ad huiusmodi odium sufficiat, & comminatio illius reatus in omni lege includatur, quę gratis sit, & nomen p̄cepti simpliciter mereatur. Tum etiam quia pœna non est intenta per legem, sed potius apponitur, vt fugiat, & vt saltem ex timore eius seruetur p̄ceptum, ergo additio pœnæ non facit legem odiosam, quia qualitas legis pésanda est ex fine, & bono per se intento per legem. Tū denique, quia licet pœna sit malum quoddam, est tantū secundum quid, & vt est medium ad seruandam legem, est maximum bonum: ergo est potius fauor, quam odium. Exdemque rationes fieri possunt de quacunque ratione odij in lege considerabili.

C In contrarium videri potest, nullam esse humanam legem, quæ odiosa dici non possit, ac debeat, eo modo, quo talis denominatio potest in veram legem cadere. Lex enim non potest dici odiosa, quia per se fit odio digna, nec quia per se habeat effectum qui reddat hominem odio dignum, sic enim solum peccatum est per se odio dignum, & reddit peccatorem, vt talis est, odio dignum; lex autem nec peccatum est, nec ad peccatum inducit: non potest ergo hoc modo dici odiosa. Solum ergo dici potest odiosa, quatenus aliquid onus imponit, quod durum, ac graue meritō reputatur; hoc autem modo omnis lex humana odiosa videri debet, quia addit nouum conscientię vinculum ultra omne vinculum diuinę legis, quod graue onus reputatur, p̄fertim quia potest esse occasio culpę & aeternę mortis. Et confirmatur, quia si quæ esset lex fauorabilis, maximē priuilegiata, quia hęc est, quæ magis directe & ex instituto fauorem concedit, & priuilegium quatenus lex est, odiosum est, quia est onerosum, illis quos obligat per modum legis, & quatenus priuilegium est, censetur odiosum, quia derogat iuri communi, & inducit singulatatem in communitate, quæ odiosa esse solet, vt postea suo loco videbimus; ergo nulla est lex quę quatenus est talis, simpliciter fauorabilis sit. Tandem haec rationes pro vtracq; parte factae videntur conuincere, omnem legem mistam esse, & partim fauorem, partim odiū includere, quod satis est vt diuisio non habeat locum, cum omnis lex sub vtroq; membro comprehendatur. Quod si dicatur, in hac mistione posse ex alterutra parte esse excessum, & secundum excessum alterius partis illa membra distingui, tunc difficillimum erit, talem excessum expendere, & declarare, vixque poterunt applicari regulæ,

Ratio dubitandi ex eo quod omnis lex videntur fauorabilis

i. Ratio dubitandi ex eo quod omnis lex humana videntur odiosa.

qua de fauoribus, & alijs in iure traduntur.

In explicanda igitur distinctione illorum membrorum, variæ sententia referri possunt, de quibus videri potest Sarmient. lib. I. Select. c. 12. Prima est, ex fine legis iudicandum esse, an lex sit fauorabilis, vel odiosa. Nam si lex intendit fauorem; seu bonum aliquod confere, fauorabilis est, quidquid ex ea sequatur: si vero intendit inferre malum, seu onus imponere, erit odiosa, etiæ si fauor aliquis ex ea sequatur. Hac regula vtuntur multi iurisperiti, citatur glos. in c. Si propter, de Rescri. in 6. illa vero solù in verb. Intentionis aduertit, in legibus ad intentionem scribentis recurredum esse. Citatur etiam Glos. verb. Alios, in c. Etant cuncti, de Elec. in 6. quaterius dicit, legé illius tex. esse fauorablem, quam ibi Dñic. & alij sequuntur, & in simili Panorm. in c. Non dubiū, de sent. excē mun. n. 3. vbi Fel. n. 2. idē sentit. Quia in omni dispositione (inquit) . . . editur, quod principi aliter agitur. I. Siquis nec causam. ff. si certum petatur. Clarius Panermit. in cap. I. de Locato n. 10. Item Nauar. cons. 11. de Constit. & cons. 31. alias 32. de Regular. Barth. Bald. Alexand. & alij, quos refert Tiraq. in Praef. ad Retract. n. 59. & 65. & tract. 1. de Retract. s. 30. Glos. n. 5. vbi etiam, nonnulla adducit iura ex quibus id colligi potest, & facit etiam c. 2. §. 1. de Decim. in 6. Ratione item suaderi potest, tum quia finis est qui dat specie actibus humani, & cōsequenter etiā proprietates; ergo etiam in legibus finis est prēcipue attendēdus, vt iudicetur, an lex sit fauorabilis, vel odiosa. Tum etiā quia id quod est per se, prafertur ei, quod est per accidens; at lex intendens fauorem, per se fauorabilis est; ergo simpliciter talis est, licet ex accidenti inferat grauamen.

Veruntamen hæc sententia, nisi aliquo modo limitetur, aut explicitur, non potest simpliciter approbari. Primò ob generalem rationem, quod proprietas legis magis est spectata ex intrinseca materia, & quasi natura talis legis, quæ ex intentione ferentis; quia talis intētiō extinseca est, & non potest mutare proprietatem intrinsece inharentem legi ex vi sui obiecti, seu materia; ergo si materia legis fauorem cōtinet, lex erit fauorabilis, etiæ si legis lator aliud intendat, & è contrario. Neq; enim intentio legis latoris facere potest, vt quod suapte natura odiosum est, sit fauorable, vel vt quod fauorable est, sit odiosum, vt recte dixit Tiraq. in dicta Praefat. n. 67. Secundo, quia vel est sermo de intentione finis ultimi, seu remoti, aut proximi, neutra autem sufficit; ergo. De priori patet ex ratione dubitandi proposita, quia sic omnis lex esset fauorabilis, quia per omnem legem intenditur commune bonum, alias enim non erit iusta, commune autem bonum fauorable est. Itē quia lex non potest esse ita odiosa, vt in odio sit, nisi forte feratur in odium alicuius vitij, quo per se, & absolutè dignum est, & ideo tale odium inter fauores computandum est. Eo vel maximè quod per se refertur in amorem virtutis, & ita ex fine remoto fauorable est. Respectu vero personarum nuncquam lex intendit malum, nisi propter maius bonum, ergo si finis remotus sufficit vt lex sit fauorabilis, omnis lex quantunvis grauis, vel pénalis erit fauorabilis, si iusta sit hoc autem est contra communem omnium sensum, & cōtra principia iuris. Si autem sit sermo de fi-

A ne proximo, intento à legis latore, constat illū non satis esse; nō solù quando ille finis est extrinsecus, & accidentalius, vt probat prior ratio sed etiam si videatur intrinsecus, quia potest facta aliunde vinci, ac superari. Quod pater exemplis. Nā dispensans proxime intendit concedere fauorem, & tamen dispensatio non censemur fauorabilis, sed odiosa, vt infra videbimus; ergo idē esse poterit in lege. Et à cōtrario quādo legislator infert grauamen, vt per illud obuiet maiori nōumento, dispositio eius nō censemur odiosa, sed fauorabilis iuxta cap. 2. §. 1. de Decim. in 6. Ex quo principio multi existimāt, dispositionem capit. iquis suadente, esse fauorablem, licet proximè facta sit ad grauem censuram imponendam; ergo ex solo fine proxime legis latoris non potest sumi certa regula in hac materia.

B Dici ergo potest, leges fauorabile, & odiosa distinguendas esse ex materia, ita vt illa lex fauorabilis sit, quæ fauore concedit; illa verò odiosa, quæ pénā vel aliud simile grauamen infert. Quæ regula erit certissima, quando materia legis talis est, vt vel purū fauorem, vel purū grauamen cōtineat, non solù directe, & perse, sed etiā indirecte, seu per quādā cōsequutio nem: tūc enim ex intrinseco fine lex talis est, & non habet vnde cōtrariā denominationē accipiat. Nec verò repugnat dari huiusmodi leges. Nam in primis sape potest concedi fauor, aut beneficiū alicui fieri sine ullo illius grauamine, vel aliorū prējudicio, vt de nonnullis priuilegijs infra dicemus, tūc ergo erit lex, & dispositio fauorabilis; idē ergo erit in quaçūq; lege cōmuni habēt similē cōditionē. Sic enim per se valde probabile est, omnem legem prohibentem aliquid perse malum, vel præcipiente aliq; uid honestum, non nimis graue, aut onerosum, sed moderatum, & cōmuni modo viuendi hominū cōfentaneū, esse fauorablem, quia re vera est magnū beneficiū hominū, dū eos suauiter, & efficaciter dirigit ad operadū bonū, & vitadū malū. Vnde nec sola ratio obligationis, aut vinculi cōscientiæ, nec periculo reatus, quod ad prēceptū sequi videtur, sufficit, vt cōseatur lex non contineat purum fauorem, sed mixtū, tum quia hoc cōmune est omni legi, & ideo nō mutat rationes particularū legum. Tū etiā quia difficultas intrinseca ipsi virtuti nō impedit, quominus virtus ipsa maximus fauor sit, ergo eadē ratione lex, quæ est regula virtutis, quatenus vinculū imponit cū moderatione debita, gratia est, & fauor secundū rectā rationē spectata, licet inferiori portioni grauamen esse interdum appareat. Tum deniq; quia si quid est periculi alicuius mali cōb transgressionē legis, illud non nascitur ex ipsa lege sed ex hominis imperfectione, & ideo non impedit quominus lex huiusmodi purum fauorem contineat. Magis potest dubitari de lege odiosa quomodo possit purum odium cōtinere, cum semper bonum intēdat. Dicendum vero est, ex parte materia legis hoc non repugnare, etiam si ex parte finis aliquid fauorable per omnem legem intendatur: & ita lex pure pénalis, seu, quæ solum fertur ad imponendam, vel augendam pénam, potest dici simpliciter odiosa, & leges tributorum, & aliæ huiusmodi sub eodem ordine continebuntur.

Dificultas verò specialis est, quando ma-

1. Sente. ex
fine uascan-
dum de le-

Panor.
Nauar.
Barth.
Bald.
Alexand.
Tiraq.

Finis dat
specie atti-
bus. & pro-
prietates co-
sequenter.

Ex intrinse-
ma: eria su-
mēdam pro-
prietate po-
diose aut
fauorabilis.

6

7

teria legis vno respectu videtur favorabilis, & sub alio grauamen continet, vt s̄p̄ius contingit, quomodo de illa iudicandum sit. Auctores enim in hoc etiam varie sentiūt; quidam enim dicūt omnem legem continentem pr̄iudiciū, vel grauamen alicuius, aut malum aliquod inf̄erentem, simpliciter odiosam esse, etiam si magnum fauorem, vel fauorem aliunde continēat. Ita sentit Tiraquel. in dicta Pr̄esa. n. 65. cum Ioan. Andr. & alijs in c. vlt. de verb. signif. circa Glos. verb. *Similibus*. Qui dicunt, cum concurrunt fauor, & odium. dispositionem esse odiosam. Fundari potuit Tiraq. in alio principio, quia existimat, non posse eandem dispositionem simul esse favorabilem, & odiosam etiam respectu diuersorum, vel secundum diuersas rationes, neque idem statutum posse esse partim favorabile, partim odiosum, tum quia non potest vna, & eadē res diuerso iure censeri. l. Eum qui edidit. ff. de Vſu cap. tum etiani quia non potest idem statutum extendi in fauorem vnius, quin vertatur in odium alterius, & ē conuerso. Ex hoc ergo principio inferri potest, legem, in qua simul concurrunt fauor, & odium, odiosam censendam esse, quia non potest simul esse favorabilis, & odiosa, nec etiam potest dici favorabilis omnino, quia bonum ex integrā causā, ergo erit odiosa, quia malum ex quoconque defectu, & odium habet rationem mali. Item quia legem esse odiosam non includit negationem omnis fauoris, sed solam dicit impositionem alicuius odij, seu grauaminis, quod verificatur simpliciter de tali lege, est ergo simpliciter odiosa. Denique quia talis lex simpliciter restringenda est, ne odium aliqua ex parte augeatur, ergo est tantum odiosa.

Alij verò existimant, vbi coniunguntur fauor, & odium in eadem lege, vel statuto, talem dispositionem favorabilem omnino censendam esse. Fundari potest, quia vbi concurrunt fauor, & odium, fauor pr̄eulaet & pr̄efertur odio; ergo constituet dispositionem simpliciter favorabilem. Antecedens sumitur ex l. C. de In ius vocando, vt notat, & sequitur Panormit. in c. *In litteris*, de Restit. spol. n. 34. Anchār. & alij, quos refert Tiraq. supra. n. 66. Et Confirmatur, quia vbi cōcurrunt fauor & odiū, fauor quo ad fieri possit, ampliandus est, & odium restringendū est quantū necesse fuerit, vt fauor amplietur, ergo talis dispositio simpliciter iudicanda est favorabilis.

Dico tamen, in primis. Non repugnare, eandem legem diuersis respectibus esse favorabilem, & odiosam. Ita sentiunt communiter Doctores, & expresse Glos. in dicta l. 2. C. de In ius vocando, verb. *Litteris*, quam ibi Palud. Castren. & alij sequuntur. Idem sentit Innoc. in c. *Quod dilectio*, de Consanguini, & affi. & ibi Panor. n. 7. & communiter Summis verb. *Priuilegium*. Potestque inductione ostendi in priuilegio, dispensatione, lege pœnali, & similibus, quę respectu diuersorum, favorabilia sunt, & odiosa. Ratione item patet, quia in hoc nulla ratio repugnantę ostendi potest: nam relationes quasi oppositę possunt eidem rei conuenire respectu diuersorum, vt similitudinis, ac dissimilitudinis equalis. & in equalis, maioris, ac minoris; sed ita comparantur, h̄c duo: nam fauor, & odium respectiva sunt.

A fauor enim, alicuius est fauor, & odium, similiter; ergo nihil repugnat eandem dispositionem, respectu diuersorum, vni esse favorabilem, alteri odiosam.

Dices, verum esse, hoc non repugnare, illas tamen duos respectus ita esse inter se cōnexos, vt vnu ex odio sequatur, idēq; non posse secundum vnum ampliati legem, quin secundū aliū etiam amplietur, neq; ē conuerso secundum vnum restringi, quin secundum odium restringatur; & idcirco necessarium esse de tali lege iudicare tanquam de favorabili absolutè, vel odiosa absolute, ita vt vel nulla ratio odij habeatur propter fauorem, vel nulla ratio fauoris propter vitandum, seu minuendum odium. Exemplum optimum est in lege tributum imponente, quæ odiosa est ei cui tributum imponitur, favorabilis autem ei, pro quo imponitur, vel rei, propter quā imponitur, nec potest vno respectu augeari, & minui secundū aliū, & idēq; necessariū est, vt alter respectus vincat, secundū quem lex iudicetur simpliciter favorabilis, vel simpliciter odiosa.

Respondeo concedendo interdum illos duos respectus habere inter se illam connexionem, & tunc argumentum recte procedere, quando fauor vnius augeri non potest sine dāmno alterius, neque ē conuerso potest incommodum vnius temperari, quin alterius cōmodum cestet, aut minuatur. Sicut in motu physico non potest quis latius, aut velocius accedere ad vnu terminum, quin cum eadem proportione recedat ab opposito, nec potest homo plus donare ex propria pecunia, quin pauperior fiat, &c. Nihilominus tamen non semper est necessaria illa cōnexio inter fauorem & odiū, s̄p̄e enim potest fieri, vel augeri fauor vni sine pr̄iudicio aliorum, & ē conuerso vnu potest grauari, vel puniri propter cōmune bonū sine speciali fauore aliorū, qui inde resultet. Eademq; lex seu regula interdū ampliarur respectu vnius ob fauore, & restringitū in odiū alterius ratione boni cōmunis, vt est optimum exemplū in l. Qui exceptionem, ff. de Cōdict. indebiti. Quia potest fieri alicui beneficium sine diminutione bonorum alterius, & ē cōuerso. Item fauor potest consistere in tempore, vel in modo, vel in honore, aut alijs rebus, quę nō subtrahuntur vni, vt dentur alteri. Deniq; hoc potest inductione ostendi in priuilegijs, in dispensationibus, in pénis, & alijs similibus.

Deinde addo, quādo lex diuersis respectibus est favorabilis, & odiosa, non semper fauorem odio, aut odium fauori esse pr̄eferendū, sed prudenter pensanda esse ónia, scilicet, intentionem legislatoris, tationē boni cōmuni, & alias circumstantias materia & verborum, vt illud pr̄feratur, quod videtur esse grauius, & honestatis ac iustitiae legis magis consentaneum. Hęc assertio quatenus media est inter duas sententias allegatas, potest vtriusque motiuis suaderi, & per se quidē spectata valde probabilis est. Quia fauor magis per se intendi potest, odium vero, seu grauamen minimè, sed propter instantem necessitatem. Et ideō per se loquendo, ac ceteris paribus, fauor est pr̄eferendus: nihilominus tamen tanta esse potest necessitas imponendi grauamen vt imponendū sit, vel augendum propter maius bonum. Atque sic sentiunt qui censent, canonem, si quis suadente, esse legem

10.

11.

12.

Fauorem,
aut odium
preferenda
pensatio cir-
cumstantijs
materie, in
tentionis, &
boni cōmu-
ni maxi-
me.

Lex excludens fennas ab hereditate est odiosa, quia favor illere spectu hominum est priuatus.

13. *In dubio præferendum favorum & legem ampliandam, quia per se lex intendit fauorem.*

fauorabilem, & esse extendendum, etiam si censura extendi consequenter videatur, quia est fauor religionis, & requirit illum rigorem, ut stabilis perseveret. Similiter in lege imponente tributum potest esse causa tam pia, & necessaria, vt non habeatur ratio odij, seu grauaminis, quominus lex simpliciter fauorabilis, & extendedat. E contrario vero lex excludens fennas ab hereditate, licet intendat fauorem masculorum, odiosa simpliciter est, & coarctanda, vt est communis doctrina Iuristarum, vt videre licet in Tiraquelle supra dicta Praef. n. 64. & alijs locis, quæ ipse allegat, quia fauor ille priuatus est, & non admodum necessarius, neque ad pacem, & honestatem miorum multum utilis, & ad hunc modum est de aliis iudicandum.

Vnde tandem assero, vbi res fuerit dubia, quia fauor, & odium videntur quaidam æquitatem habere, vel quia adinvicem se habent, sicut excedens, & excessum, tunc fauorem esse præferendum, & ad ampliandam legem, esse iudicandam simpliciter fauorabilem. Ita sumitur ex Gloss. in l. 2. C. de his, qui non possunt ad liber. peruen. verbo *Interrogauerit*, vbi etiam Bald. & alij, idem Bald. in l. penult. C. de Pœnis, circa finem, vbi etiam Roman. & Alex. lib. 7. Consilior. conf. 197. Et ratio est facilis ex dictis, quia lex per se, & quasi sponte sua inducit fauorem, odium vero quasi ex accidenti, & coacte ob necessitatem, id autem quod est per se præfertur ei, quod est accidentarium, ceteris paribus, ac subinde etiam in dubio. Explicatur hoc amplius, quia odium non intenditur, nisi vt tandem cedat in aliquod commodum, quod vel sit fauor, vel vt fauor reputetur; fauor autem non est propter odium, immo ex genere suo per se; ergo magis intenditur fauor ex suo genere. Nam propter quod vnumquodque tale, & illud magis; ergo in dubio, ac ceteris paribus fauor præfertur. Et ita facile conciliantur sententiæ adiunctæ, & solutæ manent omnes rationes dubitandi, vt facile potest lector intelligere, & ideo non oportet circa singulas imorari.

14. *Possit legem esse mixta odiosam & favorabilem.*

Ex his resolutur, quod secundo loco supra proposui de sufficientia prædictæ partitionis. Posset enim facile dici, non oportere, vt omnis lex, aut fauorabilis sit, aut odiosa. Nam potest aliqua esse mixta secundum diuersos respectus, & aliqua forte esse potest neutra, ita vt nec odium contineat, nec fauore, vt videntur esse præcepta morum generaliter propria propter commune bonum. Melius ramédicatur, diuisione esse adæquatā, quia lex, quæ videtur mista, ab ea parte denominatur, quæ in ea præualet: vel si est dubium, aut æqualitas, talis lex censetur absolutè fauorabilis, vt declaratum est. Quod si lex sit, quæ nulli imponit speciale grauamen, nec ita est grauis, & onerosa, vt propterea odiosa censeatur eo ipso, quod est iusta, & propitia communi bono, censetur fauorabilis, & amplianda intra limites fauoris, & ita relinquitur partitio sufficiens, & adæquata.

15. *Quatuor esse species præcipiæ legum odiosarum.*

Tandem quod ad ultimum punctum attinet, plures numerari solent modi, aut quasi species legum odiosarum; tres autem, vel quatuor videntur esse præcipiæ. Videlicet lex pœnalis, lex tributum aut onus imponens, lex irritans factum, quod prohibet directe, vel indirecte, seu consequenter, lex exorbitans à iure antiquo vel à communi iure, aut illi derogans, vel

A limitans, aut corrigens illud. & à fortiori lex posterior priorem abrogans, & de his omnibus in presenti libro dicemus, quatenus peculiares proprietates, & effectus habent, quos explicare necesse est. Aliæ vero leges omnes, quæ huiusmodi non sunt, inter fauorabiles computantur. Veruntamen ex vihuius negationis non participant speciale rationem, quæ propria consideratione indigeat, tantum ergo illæ, quæ priuilegij rationem habent, speciali indigent ratione, & ideo de illis dicemus in libro sequenti.

C A P V T III.

Vtrum leges pœnales obligent in conscientia ad actus, quos proxime intendunt.

D VAE partes in lege pœnali distinguendæ sunt, una est de actu, quem intendit fieri, aut omitti, alia est de pœna, quam imponit contra transgressores talis legis; & quamvis prior pars videri possit exposita tractando de lege humana, ciuili, & canonica, tamen aliquid speciale habere potest in lege pœnali, & ideo prius de illa priori parte dicemus, postea de posteriori, circa illam vero partem multa inquiri possunt. Primum, an leges pœnales possint obligare ad culpam: secundum, an de facto obligent; tertium, an possint non obligare ad culpam, sed ad solam pœnam: quartum, an de facto sic obligent. Et haec duo puncta examinabimus capite sequenti, nunc reliqua examinanda sunt, & difficultas est de legibus imponentibus pœnam temporalem: nam de spiritualibus ut sunt censuræ, & similes, nulla est dubitatio, quin regulariter loquendo culpam supponant, vt ex dictis in libro 4. constat, & in sequentibus magis declarabitur.

Circa primum ergo, de potestate nulla est controversia, & ideo breuiter dicimus, non excedere humanam potestatem præcipere aliquid simul obligando in conscientia, & imponendo pœnam, ac subinde posse ab homine fieri legem obligantem in conscientia, & imponentem pœnam certainam transgressoribus, quod etiam de Principe seculari nullus Iurisperitorum negavit, vt fatetur Nauarrus in cap. *Fraternitas* 12. qu. 1, n. 22. Et probat ut facile: primò, quia talis lex potest esse valde conueniens reipublicæ, immo experientia ostendit, sàpe esse valde necessariam, & alioqui nullam iniustitiam continet; ergo non est cur excedat potestatem humanam: neque illa ratio probabilis ad hoc afferri potest. Secundò de legibus imponentibus spiritualem pœnam, excommunicationem, &c. nemo dubitat, quin obligent in conscientia ad actus præceptos, vel prohibitos, vt in libro 4. diximus, quia spiritualis pœna maximè solet imponi propter contumaciam, quæ non est sine inobedientia, & culpa, & quia spirituales pœnae sunt medicinales, & præcipue intendunt curationem animæ, & correctionem culpæ; ergo generaliter loquendo, non excedit potestatem humanam obligare in conscientia sub certa etiam pœna per legem imposita; ergo nec excedit hoc facultatem legis, seu potesta-

2
Posse esse legem pœnalem obligantem in conscientia si enim efficacior erit
Nauarr.

tem ciuilem, etiam si pœnas tantum temporales imponat. Probatur consequentia, quia nulla sufficiens ratio differentia assignari potest, quia utraque potestas sicut includit vim dirigendi in conscientia, ita etiam utraque includit vim coercendi per pœnas proportionatas, & sicut adiectio pœnae spiritualis est moraliter necessaria in legibus Ecclesiasticis; ita pœna temporalis est moraliter necessaria in ciuilibus, immo in utrisque legibus. Quia utraque obligatio simul magis cogit, quam altera tantum, & sensuales homines efficacius terrentur comminatione temporalium pœnarum, licet spirituales grauiores sint. Tertio, quia legislator humanus potest sine adiectione pœnae temporalis obligare in conscientia per suas leges; ergo etiam cum illa. Probatur consequentia, quia legislator humanus potest adiicere pœnam temporalem obligationi legis naturalis, vt pœnam mortis propter homicidium, vel sursum grauissimum, & similiter potest per posteriorem legem adiicere pœnam priori legi humanæ pure morali, & obliganti in conscientia, ita vt lex posterior non auferat obligationem prioris; vt latè probat Nauarr. supra, dicens, à nemine negari, & esse rem adeò claram, vt non egeat probatione; ergo idem potest facere simul per unam legem, quiavalle accidentaria est unitas, vel pluralitas legum, neque variare potest rationem iustitiae, aut potestatis.

Sed obiectio solet, quia videtur excedere iustitiae & equitatem, reatum duplicitis pœnae impone-re propter unam transgressionem: nam in foro Dei non insurgit duplex tribulatio, propter idem delictum, vt dicitur Naum 1. vbi Septuaginta legunt, Non vindicabit bis in id ipsum in tribulatione; ergo multo minus potest id facere legislator humanus; ergo dum imponit pœnam temporalis, non potest imponere æternam, vel aliam alterius vitæ; ergo nec potest obligare in conscientia, quia ad hanc obligationem sequitur reatus pœna alterius vita. Respondeatur, negando assumptum, & patet inductione, quia Deus præcepto imposito Adamo, obligauit illum in conscientia, & sub grauissima culpa, & reatu pœna æternæ, & nihilominus addidit pœnam mortis temporalis, idemque constat in multis præceptis legis veteris, quæ obligabant sub pœna mortis, & de illis est generalis regula, quod obligabant in conscientia. Idem fit cvidens ex dictis de lege addente pœnam excommunicationis, etiamsi supponat reatum pœna æternæ. Item de lege addente pœnam temporalem propter crimen contra legem naturalem, vel contra aliam priorem legem humanam, quia ibi etiam coniunguntur duæ pœnae sine iniustitia. Ratio vero est, quia vel peccatum propter suam infinitatem est capax utrisque pœnae, & plurium, vel quia transgressio legis humanæ non solum est offendit Dei, sed etiam Principis, & reipublica humana, & ideo ab utroque iuste punitur. Vnde etiamsi lex aliqua non imponat specialem pœnam, sed sit pure moralis, potest Princeps punire temporaliter transgressorum talis legis, quanvis etiam in foro Dei habeat reatum suæ propriæ pœnae; ergo signum est, duplum illam pœnam diuersæ ratiōnis, & distincti fori, diuinæ, & humanæ, non excedere meritum talis transgressionis. Nec locus Naumi aliquid facit ad

A causam, tum quia ibi non agitur de lege, aut eius pœna, sed de quadam promissione Dei respectu populi Iudaici, quem tunc secundo statuit non punire, non quia iuste non potuit, sed quia ex benignitate noluit; tum etiam quia ibi est sermo de duplice tribulazione temporali, licet per figuram ibi significatum fuerit, eos, qui ita affliguntur semel in hac vita, ut veram penitentiā agant, non esse passiros secundam vitæ futuræ afflictionem.

Supposita ergo potestate, de facto, seu de voluntate legis latoris humani, superest quæstio. In qua est prima opinio asserens, leges humanæ eo ipso, quod sanctiuntur temporalibus pœnis, non obligare in conscientia de facto, & iuxta presumptam voluntatem legis latoris, nisi aliud ipsem exprimat, quod raro sit vel nunquam in legibus ciuilibus. Hanc opinionem potissimum defendit Nauarr. supra, & in Summ. c. 23. n. 55. & pro illa refert Matesilan. not. 78. quem etiam refert, & sequitur Decius in cap. Nam concupiscentiam; de Constit. lect. 2. n. 7. vbi refert Hostien. & Ioan. And. in cap. Relatum, ne cleric. vel monach. Tamen hi specialiter loquuntur de quibusdam statutis religiosorum, vt Dominicanorum, nec putant, id esse generale. Vnde etiam Matesilanus eos referens, cum eis tantum videtur sensisse. Idem vero generalius sensit Imola in cap. 2. de Maiorit. & obedient. & in cap. Cum contingat, de Iure. Iur. quem refert, & sequitur Decius supra lect. 1. n. 3. Sed illi loquuntur non tantum de pœnalibus legibus, sed absolutè de humanis prohibentibus, vel præcipientibus res indiferentes, seu non necessarias ad honestatem ex lege naturæ, quorum opinionem quoad hanc partem improbabilem esse suprà ostensum est lib. 3. & 4. & Nauarr. etiam ab illis in hoc dissentit, quanvis in presenti eorum auctoritate utatur, referens alios pro illa sententia, quire vera illam non docent, vt Felin. in cap. 1. de Spons. n. 12. & Caiet. de quo iam supra dictum est. Quod vero ad presentis spectat, dictam sententiam docuere prius Iason in l. 2. C. de Iur. emphyt. n. 143. & Ludou. Gom. in cap. 2. de Constit. 1. n. 6. n. 60.

Fundamenta Nauarrisunt, Primum, quia lex pœnalis est odiosa, & ideo interpretanda benignius quoad fieri possit: hec autem intelligentia est benignior, & confert multum ad tollendos laqueos, & pericula animalium, & potest sine inconvenienti sustineri. Secundum quia legis lator addens pœnam temporalem, præsumitur excludere æternam, quia qui ex duabus unum exprimit, & aliud tacet, censetur illud excludere, iuxta regulam text. in cap. Nonne, de Presumpt. Tertiò, quia leges humanæ raro explicant in actu signato obligationem in conscientia, vel certe ciuiles nunquam hoc declarant: immo infideles Principes nunquam de tali pœna cogitarunt; ergo non est verisimile illam intendere, maximè quando pœnam temporalem exprimunt. Quartò allegat Nauar. consuetudinem testaturque communis consensu receptum esse, vt haec leges in hoc sensu intelligantur. Tandem quia aliquæ leges pœnales non obligant in conscientia; ergo nullæ, nam est eadē omniū rat. io.

Nihilominus contraria sententia verior est & securior. Dicendum est ergo, legem, quæ in verbis suis, & modo, quo fertur, præceptum

4.
Læges hu-
manæ habé-
tes tempo-
ræ pœnas
non obliga-
re in con-
scientia, ni-
exprimat
contra reū
legislator.
quod raro
contingit,
sensit Nau-
arr, quia
sunt odiosa
Matesilan.
Decius.
Ioan. And.

Imola.

Iason.
Lud. Gom.

5.

Contraria sententia
verior, & securior, & re-
centque Cas- pro.
Sotus.
D. Thom.
Driedo.
Medina.
Henric.
Felin.
Sylvest.
Angel.
Tolet.
Armil.
Couarr.

continet, etiamsi penam adjiciat, obligare in conscientia, vel sub mortali, vel sub veniali culpa, iuxta qualitatem materiarum, & alia signata in superioribus libris, nisi aliunde constet de expressa mente legislatoris. De hac postrema limitatione dicam in capite sequenti. Illa ergo omessa, assertio est communis Theologorum, quam maximè defendunt Castro lib. 1. de Leg. pœnali cap. 8. & Soto lib. 1. de Iustit. q. 6. art. 4. & 5. qui allegat D. Thom. 2. 2. q. 186. ar. 9. ad 1. Tenet etiam Driedo lib. 2. de Libert. Christiana c. 1. & lib. 3. c. 3. ad 5. Medin. C. de Restit. q. 12. alias 13. & q. 36. ad 6. & in Cod. de Pœnit. tract. de ieiun. Idem sentit Henr. Quodlib. 3. q. 22. Nā licet varijs distinctionibus vtatur, tādem in hac sententia persistit. Tenet etiam Tolet. de 7. peccat. mort. cap. 20. Bart. Medin. 1. 2. q. 96. art. 4. dub. 3. Quæ est etiam communis Canonistarum, tenet Glossa in cap. *Vt animarum. de Constit. in 6.* vbi idem sentit Domin. & in cap. *Perpetuo,* eodem tit. Idem habet Felin. in cap. *Nam concupiscentiam, de Constit. n. 1.* Sylvest. y erb. Inobedientia, in fine, & ibi Angel. & Armil. n. 2. & verb. *Lex. n. 4.* Couarr. in Reg. Peccatum. 2. p. 5. n. 3.

D. Thom.

August.

Nauar.

Fundari solet primò hæc opinio, quia lex pœnalis est vera lex; ergo obligat in conscientia. Probatur consequentia, quia vis obligandi in conscientia est de essentia legis. & per hoc solum distinguitur à consilio, vt in superioribus dictum est, & insinuat D. Thom. 1. 2. q. 91. ar. 4. Hæc verò ratio non conuincit, quia non est de essentia legis, vt determinatè obliget in conscientia ad actum, quem præcipue intendit, vt in capite sequenti explicabo. Secundò sundari solet quia pœna dicit essetialiter ordiné ad culpam, nec aliter dici potest iusta. Nam vt dicitur Deut. 25. Secundum mensuram delicti erit plagarum modus, & significatur in cap. 2. de Constit. in 6. & in cap. Non afferam. 24. q. 1. Vnde August. 1. Retract. c. 9. Omnis pœna, si iusta est, pœcati pœna est. & supplicium nominatur, & ideo culpam, & pœnam correlativa esse dixit Gerson. tract. de Vita spirit. lect. 1. & insinuat D. Thom. 1. 2. q. 87. art. 7. & q. 108. art. 8. ergo cum lex pœnalis iuste puniat, suppōnit culpam in transgressione eius. Veruntamen etiam hæc ratio non vrget, nam licet pœna in quadam significatione rigorosa dicat ordinem ad culpam, tamen latius sumpta pro quoquaque suppicio, vel damno, aut incommodo potest iuste inferri propter iustum causam sine culpa, vt late ostendit Nauar. in dicto cap. Frater mit. a. n. 10. vsque ad 14. Vel etiam dici potest, licet omnis pœna sit propter culpam, non tamen semper esse propter culpam contra Deum, sed interdum sufficere culpam quasi ciuilem, & humanam. Sed vrgent aliqui, quia si quis ex ignorantia inuincibili contra pœnalem legem committat, non sit reus pœna, vt infra dicemus; id autem non videtur esse, nisi quia ignorantia excusat culpam; ergo signum est, talem pœnam supponere obligacionem sub culpa. Respondeo tamen, etiam hoc signum non esse sufficiens. Nam si ignorantia excusat pœnam (vt supponitur, & infra examinabitur) non est solum quia excusat culpam, sed etiam quia reddit actum involuntarium, qui nec est culpa, nec iusta causa pœna; maximè vbi pœna non ponitur, nisi ad inducendam, & quasi cogendam voluntatem ad aliquid, quæ

A coactio non habet locum, vbi voluntaria ratio ignorantie intenit.

B Unica ergo ratio assertionis est, quia lex continens præceptum obligat in conscientia, vt sūpræ ostensum est; sed talis lex continet præceptum, ergo obligat in conscientia. Consequentia patet, cuius maior propositio vniuersalis est, & quia adiectio pœna non obstat obligationi in conscientia, vt satis ostensum est. Eademque ratione probari potest Minor, quia lex illa continet præceptum ex vi verborum, considerata qualitate materiarum, & alijs necessarijs in superioribus declaratis; ita vt si non adderetur pœna, illa forma præcipendi, tali modo prolata, & in tali materia, esset sufficiens ad inducendum præceptum, & indicandam talem intentionem præcipientis, hæc enim in primis necessaria est, sed adiectio præcepti nō euacuat hanc vim legis, & verborum eius, nec etiam est signum intentionis non obligandi, aut præcipiendi in legislatore, quia non solent adiucere comminationem pœna, vt suum præceptum destruant, sed vt muniant, & quodam modo augeant obligationem, saltem extensiue, vt soluendo argumenta Nauarri facile constabit.

8.
Lex conti-
nens prece-
ptum obli-
gat in con-
scientia,

C Et hinc confirmari potest assertio exemplo præcepti recitandi horas canonicas: nam habet adiunctam pœnam restitutioñis in beneficiarijs, & nihilominus obligat in conscientia. Respondent autem aliqui, obligationem recitandi in conscientia, esse priorem illa lege pœnali, ex priori præcepto morali, seu consuetudine, cujus non suit ablata per posteriorem legem pœnalē, iuxta doctrinam supra datam. Sed contra hoc instaur ratione supra facta, cuius si diuersis legibus inducitur hæc duplex obligatio circa idem, cur non etiam eadem? Quia sicut lex posterior addens pœnam priori obliganti in conscientia, non reuocat illam, nec ostendit talem esse intentionem præcipientis, imò potius solet indicare severitatem præcepti, & maiorem voluntate obligandi. Accedit in dicto exemplo, quod lex recitandi officium Virginis impostum clericis pensionarijs sub eadem pœna obligat in conscientia, & tamen non est antiquior illa obligatio, sed per idem præceptum inducta.

10.
Lex taxans
pœna obli-
gat in con-
scientia,

D Denique, leges iusta taxantes pœna rerum, licet ferantur sub comminatione pœna, obligant in conscientia, vt est in Hispania lex taxans pretium tritici; ergo idem erit in quacunque alia lege pœnali. Respondent aliqui, non esse eandem rationem, quia per legem taxantem pretium fit vt merces non plus valeant, & ideo si carius vendantur fit contra iustitiam, & inde oritur ratio culpe. Sed contra. quia lex taxans pretium rei, ideo facit, vt non plus valeat, cuius definit medium iustitiae, sed eodem modo per alias leges constituitur medium virtutis, vel in iustitia, vel in religione, vel in alijs, quia hæc est efficacia legis humanæ, vt in superioribus ostensum est, vnde consequenter contrarium actum constituit in specie vitij oppositi; ergo obligat etiam in conscientia ad seruandum tale medium, vel vitandum tale vitium. Nec videtur posse assignari sufficiens ratio, ob quam lex lata in materia

materia iustitiae, censetur præscribere medium virtutis etiam si pœnam adiungat, & non idem censendum sit de legibus præcipientibus sub pœna in alijs materijs.

11. *Benigniore interpretationem habere locum ubi res est moraliter dubia.*
Neque in contrarium vrgent rationes Nauari. Ad primam enim respondeo, benigniore in interpretationem habere locum, vbi res est moraliter dubia & talem esse debere, vt verba legis non corrumpat. At hic sensus legis non est dubius, quandoquidem supponuntur verba ex se sufficienter significantia præceptum, & sine fundamento recurrit ad intentionem, corrumpendo, seu eneuando verba legis. Ad secundam dicitur primò, axioma illud, & cap. Nonne. ibi allegatum habere locum, quando vel duo, de quibus est sermo, sunt repugnantia, vel quando sunt ad eligendum proposita; tunc enim assumptio vnius præsumitur esse exclusio alterius: si autem non sint huiusmodi, non est illa sufficiens coniectura, nisi alia adiungantur. At hic obligatio ad culpam, & pœnam, non repugnat inter se; imò ex se habent quandam connexionem, & ideo sola adiectio pœna nulla est conjectura excusationis culpe. Deinde dicitur, in lege, de qua tractamus, sufficienter contineri obligationem ad culpam in verbis præceptiis, & ideo dici non posse, eam legem comminari pœnam, prætermissa combinatione culpe, quia non solet aliter culpe reatus proponi, nisi præcipiendo.

12. Vnde ad tertiam rationem negatur consequentia. Quæ si alicuius esset momenti, probaret, etiam leges humanas morales non adjicientes pœnam, non obligare in conscientia, quia hoc non exprimunt in actu signato; & leges Principum infidelium non ligare conscientias, etiam si pœnales non sint, quia tales Principes nihil de pœnis alterius vitæ cogitaverunt; utrumque autem absurdum est, vt constat ex lib. 3. Igitur sicut in legibus moralibus sufficit naturalis vis præcepti ad inducendam obligationem conscientię, etiamsi princeps illam non exprimat; imò nec de illa cogitet in actu signato, sed tantum de præcepto imponendo; ita etiam sufficit in legibus penalibus. Et patet, quia præceptum morale Regis infidelis obligat sub reatu pœnae vitæ futuræ, etiamsi legislator illam non cognoscat, quia sufficit vis connaturalis præcepti, ergo etiam sufficit in lege pœnali, quæ simul moralis est: nulla enim ratio differentia in his casibus reddi potest. Ad quartum negamus talem consuetudinem, quam Doctores communiter non agnouerunt, nec ex communione vnu, & sensu fidelium colligitur. De quinta ratione in sequenti capite dicendum est.

C A P V T IIII.

An dentur, vel dari possint leges pœnales non obligantes in conscientia, sed tantum sub pœna, sine intentu culpe.

I.
*Negat Syl.
uest. Arm.
Bellarm.*

Parthen negantem tenet Sylvestor supra, & sequitur Armilla, licet non videatur consequenter loqui, vt explicabo. Citatitur pro hac sententia Soto supra, sed si attentè legatur, non

A negat potestatatem, nec in re dissentit à communis sententia, licet in usu verborum discrepare, & sine causa contendere videatur. Citat etiam Sylvester pro hac sententia D. Thomam, & auctores, qui indistincte dicunt, legem, vel præceptum superioris obligare in conscientia. **probat. t.**
Eidem sententia adhædere videtur Bellarmino. lib. 3. de Laicis cap. 11. probation. 6. Fundamenta huius sententia tacta sunt in præcedenti quæstione, & ferè soluta. Summa est, primò, quia de ratione legis est obligatio in conscientia; ergo repugnat esse veram legem pœnaem, quin obliget in conscientia. Secundò, qui alias esset iniusta inferens pœnam sine culpa. Tertiò, quia alias nulla esset ratio inferendi maiorem, vel minorem pœnam per tales leges, quia pœna infertur maior, vel minor iuxta proportionem ad culpam; sed vbi nulla est culpa, non potest esse maior, vel minor culpa; ergo nec maior, vel minor pœna. Quartò, quia nulla potest ratio feddi, cur quædam leges pœnales potius obligent in conscientia, quam alia, nec declarari facile potest, quo signo, aut modo discernendæ sint huiusmodi leges.

2.
Affirmatiua pars rea.

Nihilominus dicendum est primò, dari posse leges cogentes, seu obligantes sub comminatione pœnae, licet non obligent in conscientia ad actum, propter eius transgressionem obligant ad pœnam. Hanc assertionem vt claram supponit Nauarr. suprà, carmine tenet Victor. Relect. de Potestate. ciuil. n. 20. eam etiam latè ostendit Castro, & sequuntur alii antiqui citati. Qui distinguunt duplē le gem pœnaem, puram, & mistam, seu compositam, quibus membris additum tertium de lege humana non pœnali, sed pure morali, qualis est illa, quæ obligat in conscientia, & pœnam non adiicit. Nec refert, quod Nauarr. ait, etiam ex hac lege non seruata incurri reatum pœnae: nam hoc est semper verum in foro Dei, non vero in foro humano, vnde ille reatus non oritur propriè ex lege humana, sed ex natura rei, vel ex diuina lege, & ideo illa lex humana merito dicitur moralis pure, id est, non pœnalis, quia ipsa nec taxat pœnam, nec directe imponit illam. Mista vero dicitur, quæ simul moralis est, & pœnalis, & duo præcepta virtute includit, vnum faciendo, vel vitandi talium actum, aliud sustinendi tam pœnam, si id non fiat; & de hac intelliguntur omnia dicta in capite præcedenti. Lex autem pure pœnalis dicitur, quæ solum habet vnum præceptum: quasi hypotheticum sustinendi talium pœnam, vel incommodum, si hoc, vel illud fiat, etiamsi de actu substrato tali conditioni præceptum non imponatur. Et quamvis Nauartus suprà nouam dicat esse distinctionem illam, & Sylvestor & Armilla illam contemnunt, vt puerilem, verbalem, & inutilem, nihilominus nec noua, nec puerilis est, quia illa videntur graues Doctores, non tantum moderni, sed etiam antiqui, vt Henricus Angelus Castro, & aliqui alij ex allegatis capite præcedenti pro nostra sententia. Nec etiam potest dici inutilis, aut verbalis: nam rem, quam tractamus, recte declarat, & potest optima ratione fundari, quia simul etiam probabitur assertio posita.

*Nauarr.
Victor.
Castro.*

*Nauar.
Sylvest.
Armil.*

*Henr.
Angel.
Castro.*

Ratio autem est, quia legislator potest simul

sua lege obligare in conscientia, imponendo pœnam transgressoribus, ut in superioribus ostensum est, & potest etiam obligare in conscientia sine adiectione pœna: ergo etiam potest obligare solum ad debitum pœna, & ita resultat distinctio trimembris respectu legis humanæ in communi, & bimembbris respectu legis pœnalis. Solum supereft probanda prima consequentia: negari enim posset, quia culpa est prior, quam pœna, & ita potest ab illa separari, & cum illa coniungi: pœna verò cum sit posterior, quam culpa, licet possit cum illa coniungi, non tamen videtur posse ab illa separari, quia fundatur in illa. Sed nihilominus probatur consequentia, quia ille modus præcipiendi non est contra rationem legis, nec cōtra rationem iustitia, ergo potest legislator pro suo prudenti arbitrio illum tantum intendere, & non alium; ergo si ita faciat, constituet legē purè pœnalem, quæ in conscientia non obliget ad actum præceptum, sed tantum sub pœna. Prior consequentia patet, quia cum utraque obligatio cadat sub potestate legislatoris, potest prout voluerit illa vti, quantum ratio legis iusta permittit. Posterior item cōsequenter clara est, quia obligatio legis pendet ex intentione legislatoris, & non potest illam excedere ex vulgari regula, quod actus agentiū non excedunt intentionem eorum.

⁴ Regule religiosorum sape obligant ad pœnam ubi nō ad culpam.
Castro.

Prior verò pars antecedentis probatur exemplo regularum religionum, quæ hoc modo obligant. Respondent aliqui illas nō esse leges, sed vel consilia, vel conuentiones quasdam, & quasi pacta. Sed hoc gratis dicitur: nā cōmuniter veræ cōstitutiones, & statuta censentur, & ita à Pontificibus vocantur, cum dant potestatem ad illa condenda. Itē quia sunt actus iurisdictionis, & potestatis superioris imponentis necessitatē aliquam sīc operandi; ergo excedunt rationem consilij, & nō sunt tantum conuentiones. Nam licet illam supponant, quatenus in principio fuit necessaria professio talis status; postea obligatio nascitur ex iurisdictione. Vnde quidam existimant, ad rationem legis satis esse, quod inducat necessitatem siue ad culpam, siue ad pœnam. Castro verò supra dixit, huiusmodi legem imponere obligationem in conscientia iudici, vt transgressorē puniat, & ita fatetur habere magis proprietatem legis respectu iudicis, quam respectu rei. Sed instari potest, tum quia præcepta religionis non magis videntur obligare in conscientia Prælatū, quam subditū; tum etiam quia hic agimus de lege respectu subditū. Et ita (vt ipse etiam fatetur) si lex pœnalis imponat pœnam ipso facto soluendam, obligat subditum in conscientia post transgressionem legis, ad soluēdam pœnam. Et ideo in universum magi placet, hanc legem semper resolui, vt sic dicam, in aliquam obligationem conscientiae, vt lib. 3. cap. 18. declarauī, quia licet non obliget ad id, quod immediate præcipit, tamen si quoad illud non seruetur, obligat in conscientia, vel ad soluēdam pœnam, si sit latæ sententia, vel ad sustinendam illam, cum imposta fuerit, vt sensit D. Thomas 2.2.q.186. ad 1. ergo sufficienter saluatur in tali statuto vera ratio legis.

D. Thom.

Interdictum
& irregu-
laritas sepi-

terdum incurrit sine culpa, quamvis non sine causa, vt etiam dixit D. Thom. 2.2.q.108. ar.4. ad 2. afferens exempla irregularitatis, quæ sape incurrit sine culpa, & idem est de interdicto. Ad hæc verò dici posset, irregularitatem illam non esse pœnam; interdictum verò nunquam imponi sine culpa alicuius, quamvis comprehendat innocentes propter aliquam unionem, quam habent cum delinquente, Sicut pœna patris peccantis solet redundare in filios innocentes. Sed in hoc non est de nomine contendendum. Fatemur enim (vt dixi cap. præcedente) pœnam in maxima quadam proprietate sumptam includere rationem vindictæ, & dicere ordinem ad propriam culpam. Non est tamen necesse ita in præsenti sumi: nam generalius omne incommodeum naturæ ex quacunque causa nascatur, includitur sub malo pœna, & specialiter, ac morali modo loquendo, etiam dicitur pœna propria omnis afflictio, quæ sit per modum coactionis, vt lex aliqua seruetur, & hoc potest sine culpa contra Deum imponi, quamvis non sine aliquo defectu, vel imperfectione apud homines. Quod ergo hic modus pœna possit sine iniustitia imponi, probatur, quia superior potest cogere ad actum de se bonum, etiamsi in omissione talis actus non sit culpa, quia illud potest expedire ad bonum commune, & nihil habet contra rationem, & contra debitum superioris officium; ergo eadem ratione potest superior onus aliquod, vel afflictionem ponere propter emisionem illius actus, etiamsi culpa non fuerit apud Deum. Probatur consequentia, quia illa punitio tunc non est, nisi quedam coactio, vt fiat, vel non fiat talis actus, quæ necessaria est, vt timor illius antecedenter etiam cogat ad vitandam similem transgressionem. Et confirmatur; nam interdum potest res publica alia onera imponere ex iusta causa, & sine culpa, vt probant exempla supra adducta, & alia, quæ adducit Glossa in cap. 2. de Constit. & ratio est, quia ad bonum regimen reipublicæ sape id necessarium est; ergo ita etiam fieri potest in præsenti, nam causa est sufficiens, seclusa culpa.

Denique sape potest expedire ad pericula animarum vitanda hoc tantum modo cogere ad actum alias conuenientem communitatii. Quia coactio aliqua est vtilis, & quod maior non fiat, est etiam vtile animabus, & pertinet potius ad suauem prouidentiam, quam ad rigorem. Et hoc prudēti consilio fiunt statuta in religiobus, in quibus supponitur virtuale pactum in voto obedientiæ, & professione inclusum, acceptandi talem pœnam, si in hac, vel illa regulæ transgressione quis comprehendatur, vt notauit Anton. 3. p. tit. 16. c. 1. s. vlt. circa finē. Quod extendi etiam potest ad quacunque communitatem, seu rempublicā, quia inter eam, & singula membra eius intercedit, vel saltem supponitur talis conuentio ad ciuilem unionem in uno corpore, illa tamen supposita, ex vi potestatis iurisdictionis, quæ est in superiori, sequi potest talis modus imperandi, & imponendi talem obligationem, quia per se est iustus, & utilis communitatii, vt declaratum est.

Dico secundo. Aliquæ sunt leges pure pœnales, & in conscientia non obligantes, nisi

incurritur
sine culpa.
D. Thom.

Glossa.

⁶ Sape expedi-
re ad pe-
ricula ani-
marum vi-
tanda obli-
gare ad pœ-
nam, quib-
ligetur ad
culpam, sic
in lege ha-
manæ ce-
serur, que
pœnam im-
ponit fugiti-
ti de carce-
re, & scu-
denti ligna
in flua.
Anton.

2.
Conclusio.
ad

ad pœnam, quæ ex materia, & verbis, alijsque circumstantijs à legibus pœnalibus missis discernendæ sunt. Prior assertionis pars clara est, eamque videntur supponere auctores allegati in priori assertione, & licet Castro dubitet an dentur tales leges, tamen non videtur cadere in dubium, tum, quia cum possibles sint, & sèpe possint esse aptiores ad regimen subditorum cum minori periculo, & grauamine in aliquibus materijs, in quibus maius onus necessarium nō est, videtur per se credibile, sèpe ferri hoc modo leges pœnales. Tum etiam quia in religionibus sunt clara exempla harum legum, vt supra dixi, & in legibus humanis, pœnae pœnalis censemur illa quæ pœnam imponit fugienti de carcere, scindenti ligna in sylva communi, &c.

8.
Pendere ex intentione legislatoris, quod lex sit pure pœnalis vel non,

Cosuetudine esse interpretem, an lex sit pure pœnalis.

Nauar.

Regula generalis.

Tota ergo difficultas est in posteriori parte assertionis explicanda, quando scilicet, lex pœnalis pura censenda sit. In quo diei communiter solet, hoc pendere ex intentione legislatoris, quod verissimum esse credo, ob rationem facta. Neque hoc pendet ex illa questione, an obligatio præcepti, seu legis in conscientia, possit esse maior, vel minor ex intentione legislatoris. Nā quidquid de hoc sit, stāte iam præcepto, nihilominus certū est, pendere ex intentione superioris, præcipere, & similiter duo præcepta, aut vnu tantum hypotheticum imponere, sicut pendet ex intentione voulentis sub pœna aliqua, vel vtranq; per se vouere, & expresse, aut tacite duō vota emittere, vel vnum tantum hypotheticū, supposita ergo necessitate intentionis, inquirimus, quomodo cognoscetur, & vnde constabit, intentionem Principis fuisse, vnum tantum præceptum hypotheticum imponere. In quo etiam est clarum, maximè posse hoc constare per expressam declarationem ipsius legislatoris, siue hec exprimatur in ipsam lege particulari, siue per aliquā generalem regulā aliquarum constitutionum, in eis comprehensam, quæ hoc declareret, vel designet verba, per quæ sola significetur obligatio in conscientia, vt in aliquibus religionibus sit, siue denique de tali intentione constet per traditionem, cosuetudinem, seu legem non scriptam. Quanuis enim talis confusudo nō sit vniuersalis in omnibus legibus pœnalibus (vt Nauarr, volebat) potest in aliqua republica, seu cōgregatione introduci, & illa erit optima interpres cuiuscunq; legis talis comunitatis, nisi per ipsammet legem reuocetur, exprimēdo vt talis lex obliget, vel habeat vim præcepti non obstante contraria consuetudine.

Ulra hos verò casus possimus generalem regulam negatiuam constituerem. Quoties per verba legis pœnalis non declaratur sufficienter proprium præceptū obligans ad actū, vel omissionē eius, præsumendū est, esse legem purè pœnalem, ita vt in hoc casu procedat opinio Nauarri tractata cap. precedenti. Quia procedit etiam ratio eius: nam si lex nō satis explicat duplē obligationem, seu præceptum, benignior pars est eligenda, cū res sit dubia, & lex non satis explicit rigorem. Censebitur autem lex nō satis explicare priorem obligationē conscientiæ, quando nec late fuerit per verbū expresse præceptum, quod in actum prohibitū, vel imperatum cadat, nec ex circumstantijs, aut materia, vel pœna legis colligatur virtuale præceptum, seu intentio sufficiēs præcipientis. In priori par-

A te huius documenti videtur fūdata regula, quæ generaliter admittit Castro, quoties lex non fertur per verbum imperandi, aut prohibendi, sed per verba conditionem tantum significantia, legem esse purè pœnalem. Vt cum lex dicit, Si quis inueniatur extrahens triticum ex regno, perdat illud, vel duplū, vel cum dicit, Quicq; deprehensus fuerit venans in tali loco, soluat tale quid. Similes enim leges ex vi verborum non inducunt obligationem ad actum, vel omissionem, quia in rigore non præcipiunt.

*Castro gene-
ralis regula.*

B Hæc autem regula indiget limitatione insinuata in posteriori parte nostri documenti. Nā si pœna legis intrinsecè supponat culpam, lex non est censenda purè pœnalis, etiam si sub illa forma feratur, quia conditio pœnae satis declarat mentem legislatoris, vt quando excommunicatio fertur sub hac forma. Si quis hoc fecerit sit excommunicatus, vel Qui hoc dixerit anathema sit. Nam licet Nauar. dicat, has leges esse purè pœnales, supponere tamen culpā ex prioribus legibus diuinis, aut humanis, nihilominus verū nō est. Tum quicq; sèpe nō supponitur talis obligatio prior, vt quando nouo statuto dicitur, Si quis ingressus fuerit talē locum, maneat excommunicatus, idemque cum proportione est, quādo veritas aliquā de nouo definitur sub illa forma. Si quis tale vel tale dixerit, anathema sit. Tum etiā, quia licet cōditio apposita sit de re contra ius naturale, vel diuinum, vt si quis percussit, si quis furatus fuerit, &c. nihilominus ad excommunicationem necessarium est præceptum Ecclesiasticum, & contumacia contra illud, vt talis pœna incurritur. Quoties ergo leges imponunt huiusmodi pœnas, non sunt purè pœnales, etiā si dictis verbis vñantur. Idemque censeo, quando pœna est grauissima, etiam corporalis, vt si imponatur pœna mortis, vel mutilationis, aut alia æquipollens, idque non solum ratione periculi (vt quidam volunt) nam illud sèpe vitari posset, sed ex morali estimatione talis pœnae. Nam lex censēda est prudens, & iusta: esset autem intolerabilis, si propter rē, quæ culpa caret, pœnam mortis, vel mutilationis impuneret. Et ideo diximus in superioribus ex doctrina Augustini, omnia præcepta legis veteris, quæ pœnam mortis corporalis imponebant, induxisse obligationem sub mortali. Vnde licet verba non sint expresse præceptiva, vel prohibitiua, satis est quod virtute illam contineant, & ex adiuncta pœna declaretur, qualis sit legis latoris intentio.

*Limitatur
regula Caa
stris.*

Nauar.

D Obijcies, quia satis grauissima pœna est flagellationis publicæ, quæ imponitur frangenticarcerem, & nihilominus ille non obligatur in conscientia, seruare illam prohibitionem, nec peccat fugiendo. Respondeo, vel illam pœnam respectu talis personæ non censori nimium grauē, vel à republica iudicatam esse proportionatam ad coactionem necessariā pro tali prohibitione, & quasi ad defensionem sui iuris, & publici iustitiae, & ideo omnia esse prudenter consideranda.

*II.
Consideran-
dā materie
grauitatem,
ad cōgrōscē-
dam legis
obligationē
quoad con-
scientiam
vel tantum
ad pœnam.*

Denique quamvis verba per se spectata, vel grauitas pœnae, non satis ostendant obligationem in conscientia ad legem obseruandam, consideranda est materia legis: nam si illa fuerit moralis, id est pertinens directè ad bonos mores reipublicæ, & ad cohibendavitia, & ad eos fines censeatur necessaria: vel ad pacē eius, vel

III.

ad pœnam.

ad

Victor.
Conar.

ad vitandum magnum incommodum eius, magna præsumptio est, legem ponit sub intentione obligandi in conscientia, etiam si modus præcipiendi non sit adeò expressus, & formalis, nec pœna nimiū grauis. Ita sum itur ex Victor. & Couar suprà. Et ratio est, quia credendū est, legilatorem in his casibus velle obligare modo magis conueniente, & necessariò reipublica, in tali autē materia, & occasione maximè expedit, cogere obligando in conscientia; ergo. Quando verò nihil horum interuenit, sed materia est politica, vel non magni momēti, aut necessitatibus ad bonos mores, & forma præcipiendi est tantum conditionata, & pœna nō nimium grauis, signum sufficiens est, talem legem non obligare in conscientia.

Ad primam rationem contrarie sententiaz iam responsum est, legem pœnalem resolui in aliquam conscientiaz obligationem soluendi, vel sustinendi pœnam, & hoc satis esse, ut sit vera lex, etiam si ad conditionem sub qua pœnam comminatur, in conscientia non obliget, respectu cuius cōditionis dicitur pure pœnalis, licet respectu ipsius pœnæ efficacia habeat obligandi modo prædicto. Ad secundam negatur sequela, nimirum, talem legem fore iniustum, quia licet inferat pœnam (id est, grauamen aliquod, seu malum) sine culpa, non tamē sine causa, vel licet illud inferat sine culpa morali, non tamē sine culpa ciuili, seu politica, & hoc sufficit. Unde ad tertiam negatur etiā sequela, quia ratio inferendi maiorem, vel minorem pœnam, nō solum esse potest maior vel minor culpa, sed etiam maior, & minor causa, seu necessitas inferendi maiorem, vel minorem coactionem. Et argumentum deficit planè in regula religiosa, in qua inæquales penæ inferuntur propter varias transgressiones regularum, quæ ad culpam non obligant. Ad quartum iam declaratum est, cur oporteat dari aliquas leges pure pœnales, & quibus signis à mixtis discerni valeant.

C A P V T V.

Vtrum lex humana pœnalis possit obligare in conscientia ad illam soluendam, relexquendam, seu obseruandam ante iudicis condemnationem, & executionem.

affirmatio
ria exceptio
nione, que
intrinsecè
malitia in
cluderet.

Castro.

Diximus de obligatione legis pœnalis ad actum, vel omissionem prohibitum, nunc superest dicendum de altera parte talis legis, quæ est impositio pœnæ; quæ scilicet, obligatio ex illa nascatur, & dicemus prius de possibili, deinde de facto, habetq; locum questio, tam in lege pure pœnali, quam in mixta, eademq; proportione in utraq; definienda est. Prima igitur sententia docet indistincte, legem humanam posse obligare in conscientia transgressorum ante omnem sententiam ad omnem pœnam quācumq; grauem exequendam, etiam si actionem ipsius rei requirat, illa tantum actione excepta, quæ in trisecam malitiam includeret, si ab ipsomet delinquentे fieret, vt esset v. g. occidere, aut mutilare se ipsum. Hanc opinionem tene re videtur Castro toto lib. 2. de lege pœnali, qui maximè loquitur in particulari de pena cōfiscationis omnium bonorum. Putat enim obligare in conscientia delinquentem, qui illam ipso facto incurrit, ad tradenda omnia bona sua

fisco, etiā ante sententiam declaratoriā. Ex quo exēplo planè sequitur dicta vniuersalis regula, præsertim quoad pœnas, quæ corporales non sūt, & ratioties, quibus vtitur, generaliter procedūt. Sequuntur hanc sententiam magna ex parte Panormit. Felin. & alij Canonistæ in c. 1. de Cōstitut. & plures sumi possunt ex Tiraquel. in l. si vñquā verb. Reuerratur. n. 291. & sequētibus. Fūdamenta huius sententiaz sunt multa, quæ latè refert, & soluit Simancas infrā citandus.

Quibus omisssis, quia in sequentibus attingentur, duæ partes distinguiri possunt in hac sententia. Vna est indefinita, scilicet, non deesse in lege humana potestatem obligandi ad pœnam, & ad pœnam exequitionē, seu obseruatōrem ante omnem sententiā, & hoc tanquā verū admittimus. Quia nulla in eo potest ostendi repugnātia, & præterea ex dicendis clarè cōstabit. Altera pars est, hāc potestatē extendi ad omnē pœnam cū sola exceptione pœnæ in cludentis malitiā, quia non potest alia cū fūdamento excipi. Quod probatur, quia lex humana potest directe præcipere quidquid honestum est, si sit necessarium ad bonum commune. Reipublice; ergo etiam potest id in pœnam præcipere dicto modo, quia potest etiam esse necessariū ad commune bonum. Neq; obstat acerbitas pœnæ, tū quia tale potest esse delictū, vt totā illā mereatur, tū etiā, quia lex humana potest obligare ad rē etiā difficillimā, si bono Comuni expediatur: tū deniq; quia iudex per sententiā declaratoriam potest ad hoc obligare, vt constat in pœna illā de confiscazione bonorum, ergo lex poterit.

Nihilominus sententiam hanc non probbo quoad hāc vnicam exceptionē, cū tanta generalitate in ceteris pœnis. Quia vltra pœnas, quas ipse reus licet in se nō potest exequi, sunt alia ita acerbæ, & non repugnantes naturæ, vt præter humanam potestatem sit illas dicto modo imponere. Cuius non minimum signum est, nullam talem inveniri legem humanam. Nam quod dicitur de confisante bona, quod ratio ne illius reus teneatur illis se spoliare, verum nō est, tū quia consuetudo oppositum docet & tenet, & nullus vir, aut confessio doctus obligat huiusmodi delinquentes ad se spoliandum suis bonis, priusquam iudicentur. Tum etiam, quia in cap. Cum secundum leges, de hæretic. in 6. declaratū est, non licere fisco vel iudicibus, usurpare bona hæretici, etiamsi de eius delicto alias constet, donec per sententiā declaretur; ergo signū est, ipsum non teneri in conscientia ad se spoliandum. Ex hoc autem vsu satis probabiliter colligitur, nō cadere hoc sub humanam potestatem, quia si haec tenus factū nō est, etiam si cōmissa fuerint delicta grauissima, quātū esse possūt, & satis frequētia, signū morale est, fieri non posse. Itē quod haec tenus nō fuit necessariū, nec expediēt ad cōmune bonū, signū est, & nunquā futurū, & natura sua nō esse tale; ergo etiam est signū non esse materiam, vel effectū accōmodatū legi humanæ. Cōfirmatur nam hac ratio ne dicimus, materiam propriam Consiliorum non esse accōmodatam præcepto humano, quia licet actus sit bonus, tamen obligatio per absolutam legem est vltra humanam consuetudinem, & utilitatem; ergo similiter non satis est, quod actio pœnalis non sit mala, vel quod sit honesta, si obligatio est extra humanam consuetudinem, & utilitatem. Et hæc

Panormo.
Felin.
Tiraquel,

Simancas

Non deesse in lege humana potestatem obligandi ad pœnam. Et eius execu^{tionem} ante sententiā cū hoc possit conueniens esse cōmuni boni aliquando.

3
Prædictam potestatē non exten^{sionem} ad omnē pœnā exceptā pœna includente malitiā cum sint alia nūmis acerbæ & repugnantes nature humanae.

Prædicta executio est vltra humana num usum & utilitate quo dsem per fias ita,

ter negans
posse legi-
tatem obli-
gare ad pœ-
nam ante sen-
tentiam.

Conarr.

1. ratio.

2. ratio.

Natura ab-
horret in se
exequi pa-
nam, &
lex huma-
na debet es-
se facilis.

Refutatur
ab exemplo
excommun-
icationis.

est ratio à priori huius partis, quæ in sequentiibus magis explicabitur.

Secunda opinio principalis est extremè contraria, nam simpliciter negat posse legislatorum humanum obligare in conscientia subditos delinquentes ad pœnam ante sententiam. Pro qua referri possunt *Couar. in Epitom. quarti, p. 2. c. 6. §. 8.* & alij infrà citandi. Tamen nullus est, qui non addat aliquam exceptionem, & ita non videntur ita generatim loqui, quam plures eorum rationes, si efficaces essent, id probarent. Potest ergo hæc sententia suadetri primò, quia contra iustitiam est, vt aliquis non accusatus, & conuictus condemnetur, prius quam audiatur, & ideo hoc damnant omnia iura: sed si quis obligaretur ante sententiam, damnaretur non auditus, & non conuictus; ergo esset contra iustitiam; ergo excedit omnem potestatem. Secundo, quia cogere ad obseruantiam legis est officium iudicis, qui ab Aristotele propterea vocatur iustum animatum; sed contra naturam est, obligare reum, vt in se exerceat officium iudicis, & sibi inferat vim, & coactionem; ergo etiam est contra naturam obligare illum, vt pœnam in se exequatur, quia per pœnam fit coactio. Vnde argumentatur tertio Soto, nam pœna consistit in passione; ergo natura abhorret, vt aliquis cogatur, eam in se exequi, quia non debet simul esse agens, & patiens. Quartò argumentantur multi, lex humana debet esse tolerabilis, vt supra dictū est, imò & facilis; vt regulariter obseruari possit, non enim est præcipiēdum multis, quod pauci possunt efficere, sed exequi in se pœnam ante omnem condemnationem, est tes valde difficilis, quā moraliter loquēdo pauci implebunt; ergo non est materia accommodata legi humanae.

Hæc sententia non potest universaliter defendi, & ita à nullo Doctore catholico, quem viderim, vniuersaliter, vel sine limitatione assertur. Quia excommunicatio est pœna, & gravissima, vt iūra docent, & tamen certissimum est, sāpē imponi ipso facto, & incurri ante sententiam iudicis, & idem est de alijs censuris. Ex quo exemplo constat, rationes factas non habere vim; nam qui excommunicatur ipso facto, condefnatur antequam in exteriori iudicio audiatur, accusetur, & conuincatur; ergo vel illa pœna iniusta est, quod dicendum non est, vel hoc non est intrinsecè malum, nec per se iniustum; ergo ex hoc capite non recte probatur esse supra potestatem humanam obligare ad pœnam ante sententiam. Ratio autem huius est, quia accusatio, & cetera debent esse accommodata condemnationi; quando autem quis per legem pœnalem obligatur ipso facto, non condemnatur in foro ex teriori, sed in conscientia; ergo in illo debet accusari, audiri, & conuinci. Hoc autem modo constat, eum, qui sibi conscientis est, delicti contra legem commissi, in sua conscientia accusari, & si aliquam excusationem habet audiri, & cum rationabilis non appareat, conuinci; ergo non est alienum à iustitia, quod tūc etiā in cōscientia obligetur. Nō ergo cogit prima ratio. Nec etiam secunda, quia licet iudex ex officio debeat cogere ad leges seruandas, tamen etiam legislator ipse potest aliquam coactionem per se adhibere, præfertim pro his casibus, pro quibus viderit officiū iudicis nō sufficere; & hoc facit Ecclesia, quādo im-

A ponit censuras ipso facto; ergo etiam potest id facere quicumq; aliis legislator, si aliunde non repugnet. Ex tertio etiam capite agentis & patientis nō repugnat; tum quia in viuentibus, & præfertim in liberis nō repugnat idē esse agens, & patiens, tum etiā quia interdū potest pœna in actione consistere, si voluntaria est, tum denique quia sape lex ipsa secum assert executionē & imponit pœnam, vnde ipsa est agens, & homo patiens. Denique difficultas non est tanta, quæ superet conditionem humanam: nam excommunicatio satis grauis pœna est, & ad multa obligat satis ardua, vt sunt priuari omni usu rerum sacrarum, & omni humana communicatione, & fructibus beneficiorum, &c. & nihilominus ad hæc obligatur homo ante sententiam; ergo imponere hoc onus non est supra potestatem legis humanæ, nec repugnat in omni pœna, licet in aliqua repugnet, vt diximus.

B Est ergo tertia sententia, quæ à priori solum differt, quia excipit solas censuras. Ita sentit Soto lib. 1. de Iustit. q. 6. ar. 6. & lib. 4. q. 6. art. 3. Quis singularis est in hoc, quod licet fateatur, censuras posse per legē imponi ipso facto (id enim negare non poterat) de omnibus alijs pœnis, id negat, solum propter fundamenta proximè soluta in præcedenti paragrapho. Constituit autem differentiam, quia per censuras, inquit, priuat Ecclesia fideles quibusdam bonis communib; quod potest facere, quotiescumq; ex parte illorum sufficiens causa fuerit, nullo spectato eorum consensu, neq; interueniente alia actione præter ipsam sententiam legis. Sicut potest (inquit) Rex non admittere ad publicum copiuium de bonis suis eū, qui hanc vel illam conditioñem non habuerit, nulla interueniente sententia, sed ipso facto. Alia item ratio, & fortasse probabilior redi posset, quia censuræ non tā sunt pœnæ vindicatiæ; quā medicinalis, vt autem medicina adhibetur, non est necessaria sententia iudicis, sed vnuſquisq; tenetur eam assumere, maximè præcipiente medico, seu doctore; alia verò pœnæ sunt vindicatiæ, & ideo maiorem coactionem requirunt. Alia item ratio redi posset, quia censuræ inducuntur per modum præcepti superioris vetantis talē aetionem, receptionem, aut communicationem, vel quid simile, & ideò non sequuntur conditions pœnarum, sed præceptorum, quæ obligant virute ipsius legis absque alia sententia.

D Nihilominus hæc sententia defendi non potest, vt opinor, sunt enim multæ alia pœnæ que non solum de possibili, sed etiā de facto imponuntur per ipsam legem ante sententiam hominis, & consequenter imponunt aliquam obligacionem in conscientia. Hoc patet in primis in pœna irregularitatis, quæ non solum potest ipso iure imponi, sed etiam hoc includit in ratione sua, vt ex propria materia suppono; & consequenter ante omnem sententiam obligat in conscientia ad abstinentiam ab omni usu, & receptione ordinum. Scio, ipsum Sotum hanc irregularitatem præialtem vocare censuram, sed in hoc etiam falsa est eius sententia: & contra cap. Quarenii, de Verbor. significat. & contra communem usum rescriptorum, Pontificum, & Romanæ curiæ. Et in hoc exemplo deficit secunda ratio facta, quia irregularitas non est medicinalis pœna, sed vindicativa, & ideò est de se perpetua.

6.
Sotus negat
de omnibus
alijs pœnis,
affert ten-
suras posse
imponi ipso
facto ob ex-
empli regu-
non admit-
tentis ad me-
sam suam,
nisi cum ta-
li conditione.

7.
Refutatur
Sotus exem-
pli irregu-
laritatis, q
antem
sententiam
ligat & idē
de primatio-
ne beneficij.

Cap. Qua-
renti

8.

Nauar.

Idem est de priuatione beneficij, etiam iuste prius posseisi: nam potest imponi ipso facto ante omnē sententiā, ut fatetur Nauar. in Summ. cap. 23. n. 67. vbi de possibili loquitur, tamen n. 110. verific. *Nota decimo*, notat duos casus simonie confidentialis, in quibus iuxta decretal. Pij. IIII. & Pij V. quæ ibi refert, hæc pñna ipso facto incurritur. Et quamvis Sylu. Couarr. & alij dubitent de facto, maximè in intelligentia vnius, vel alterius textus, tamen quod id facere possit Ecclesia non dubitant. Estq; casus satis expressus in cap. *Licet*, de Elect. in 6. Vbi id notat Glossa verb. *Priuatus*, & Nauar. cap. 25. n. 118. dicens, eum, qui intra annum post obtentum beneficium parochiale, non ordinatur, amittere illud ipso facto, ita ut non possit in conscientia illud retinere. Et eodem modo intelligit pñnam admissionis Episcopi, qui intra sex menses non consecratur, in Concil. Tridentino Sess. 23. de Reformat. c. 2 Responderi autem potest ex eodem Nauar. & Soto supra, illam non esse propriam pñnam, sed quasi conuentionem, quia, v. g. qui recipit beneficium parochiale pr̄tis quā sit sacerdos, sub hoc tacito pacto illud recipit, vt intra annum ordinetur, alias illud amittat, & hoc modo eludit Soto alia similia exempla, sed non satis facit, tum quia similes leges non tantum habent efficaciam in eos, qui post illam legem receperunt beneficia, sed etiam in eos qui iam illa habebant, in quibus nulla conuentione pr̄cessit; tum quia licet is, qui recipit beneficium ignoret talem legem, & nullo modo consentiat tali conuentioni, manet noxius illi obligationi, & pñnæ; ergo est ex efficacia legis, non ex conuentione.

9.
De pena
confiscatio-
nis bonorum
Cap. Cum
secundum.

De alijs pñ-
nis priua-
tionum fru-
ctuum irri-
tationum &
inabilita-
tum.

Soto.

Tertium exemplum est in pñna confiscationis bonorum, quæ ipso facto imponit, cap. *Cum secundum leges*, de Hæret. in 6. cum similibus. De qua potissimum disputant Doctores relati, & terendi, & inter eos est controvërsia; an reus tenet in conscientia se spoliare bonis confiscatis, in qua, concedimus veriorem esse partē negantem, quæ communior est, vt videmus. Et etiam controvërsia, an reus ipso facto amittat dominium suorum bonorum, esto non amittat iustum possessionem, vsum fructum, & vsum; tamen fortasse est questio de modo loquèdi, quia dubitari non potest, quin reus ipso facto amittat aliquod ius, quod antea in suis bonis habebat, & fiscus illud acquirat. Nam ratione illius iuris, quando postea fertur sententia declaratoria criminis, retrotrahitur exequitio pñnæ, & fiscus recuperat omnia bona rei, vbiunque, & quomodounque illa inuenierit; ergo talis lex infert aliquam pñnam, statim ac sit crimen, ante omnem sententiam. Vnde etiam ex illa nascitur obligatio in conscientia ad non dilapidanda ea bona in detrimentum fisci, & ad non faciendo contractus, qui possint in damnum tertij redundare. Sed de hac poena in materia de Hæresi, Deo dante, latius dicturi sumus. Præter has deniq; sunt multæ aliae pñne priuationum fructuum, irritationum contractuum, & inhabilitatum, ad quas s̄pē lex penalis obligat in conscientia, ut constat de aliquibus impedimentis ex delicto ita inhabilitibus personæ ad matrimonium, ut ante omnem sententiam irritent subsequens matrimonium: est recepta, & in dubitata sententia, quam ipse Soto in 4. amplectitur. Inabilitas etiam ad donandum,

A acquirendum, vendendum, & similia, s̄pē inducit per legem humanam ipso facto, vt infra videbimus. Cur ergo, sicut hoc facit lex ipso facto, propter alias rationes non poterit etiam id efficere propter delictum: non est ergo sufficiens illa exceptio, quam facit Soto.

Accedit præterea, quod generalis regula à Soto constituta nulla sufficiens ratione probatur: nam potissimæ sunt, quas adduxi in prima sententia, & ostendi nihil probare. Denique difference, quam adducit Soto, non est constans. Tum quia censuræ etiam priuant proprijs bonis, vt fructibus beneficij, vsu proprij munieris, seu officij, & aliquarum actionum, quarum homo est dominus. Tum etiam per alias leges inhabitantes interdum priuatur homo bonis, seu iure proprio, vt est habilitas ad contrahendendum matrimonium, vel quid simile, quod tamen per legem fieri solet in pñnam, vt dixi. Tum præterea, quia dum Ecclesia priuat bonis communibus, non se gerit vt domina, sed vt fidelis dispensator, & Iudex: ergo sicut potest per legem ferre sententiam, qua priuet hominem bonis communibus, ad quæ habebat ius ab ipso Domino, ita etiam potest priuari bonis proprijs, quia non plus aliquando estimantur, nec magis utilia sunt bona propria, quam communia, vt cathedræ suffragia, & similia; ergo de his omnibus possunt ferre leges pñnales operantis ipso facto, quod Soto negat. Et probatur consequentia ad hominem, quia in hoc aequi-parentur censuræ, & nulla alia ratio differentiæ ab eo redditur. Ad secundam vero, quam nos adduximus, responderetur, etiam alias pñnas esse posse medicinales, & è conuerso etiam censuras esse pñnas vindicantes delicta. Præterquam quod vindicatio respectu vnius, est medicina preservativa respectu aliotum, & ideo postulare potest eandem vim & efficaciam. Tertia itē differentia nulla est, quia et iam inhabititas ad matrimonium per legem imposta includit præceptum non contrahendi cum irritatione, & è conuerso priuatio inducta per censuram, s̄pē non solum præceptum, sed etiam irritationem includit, est ergo eadem ratio.

Quarta sententia distinguit duplē pñnam, vna est, quæ in sola passione consistit, nec requirit actionem, seu exequitionem hominis. Alia, quæ sine hominis actione, & exequitione fieri non potest. De priori affirmat hæc opinio, posse per legem ita imponi, vt ante omnem sententiam obligetur homo in conscientia ad seruandam illam, de posteriori autem negat. Hæc fuit opinio Caiet. 2. 2. q. 62. art. 3. & in Summa verb. *Pena*, vbi videntur ita sentire Angel. Ar. mil. & alij Summistæ. Approbat etiam distinctionem Caiet. Simanc. de Catholic. Insti. tit. 9. n. 31. & sequentibus, & inclinat Syluest. verb. *Assassinus*, num. 4. in fine, tamen n. 4. in ea non persistit. Citatur etiam Victor. in Relect. priori de Indis. nu. 14. Adrian. Quod lib. 6. q. 1. Conrad. de Contracti. q. 7. Cordu. lib. 1. *Quæstion*, q. 36. & plures ex Iurisperitis, præsertim Barthol. in 1. *Eius qui delatorem*, ff. de Iure fisci: & Bald. in 1. *Id quod pauperibus*. C. de Episcop. & Cleric. Ioan. Andr. cap. 1. de Homicid. in 6. & Anchæ. in cap. *Felicit*, de Pœnis. in 6. Sed hi autores re vera non loquuntur generaliter, sed de vna, vel alia graui pñna. Prior ergo pars huius sententiaz de pœnis consistentibus in passione suffi-

10.
sent. de
na in a-
dōne confi-
bente adquā
nemo oblo-
gatur ante
sententiam
secus de ea
que in sola
passione co-
ficit.
Caiet.
Angel.
Ar. mil.
Simanc.
Victor.
Sil.
Conrad.
Cord.
Barth.
Bald.
Io. Andr.
Anchæ.

sufficienter probatur argumentis factis contra secundam opinionem. Aliqua vero ex fundamento illius secundum opinionis applicantur ad posteriorem partem suaderendam. Sed illa iam soluta sunt, unde unicum superesse potest huius partis fundamentum, scilicet, quia leges humanæ debent esse tolerabiles; & accommodatae humanæ conditioni, cap. Cur autem lex, dist. 4. cap. Allegant. 26. q. 7. cum supra notatis de hac re, sed lex, quæ obligaret hominem in conscientia ad exequendum in se pœnam, quæ propriam eius actionem requirit, esset nimis grauis & intolerabilis, & aliena à communione hominum usu; ergo talis modus legis excedit humanam potestatem. De qua ratione præter citatos videri potest Nauarr. in Comment. de Datis, & promissis num. 44.

12.
Refutatur
prædicta se-
sentia, ex epli-
cione dam-
natus admor-
tem ex fa-
me vel non
fugiendum
è carcere.
& non cele-
brandi, si
adgit infamia.

itter.

Nihilominus hec sententia universaliter, & indistinctè sumpta probari non potest, nec distinctio data potest subsistere. Quod ita declaro, quia vel prior pars de pœnis pure passiuis, seu negatiuis intelligitur vniuersaliter, & sine ultra exceptione, vel cum hac moderatione; Nisi pena continat nimiam acerbitatem repugnantem humana conditioni. In priori sensu non est vera prior pars. Nam si quis per legem damnatur, ut fame pereat, non potest in conscientia obligari ad non comedendum, quanvis illud non requirat actionem, sed carentiam actionis, cuius manifestum argumentum est, quia etiam post sententiam iudicis ad id non obligatur reus in conscientia, ut traditur 2. 2. q. 64. & bene Victor. Relect. de Homicid. num. 28. Idem est, si per legem quis obligatur ad non fugiendum è carcere, in quo timet aliquod gracie documentum: nemo enim ad hoc in conscientia obligatur, ut ibidem docet Victor. & infra attingemus, & tamen illa pœna non requirit actionem, vel motum, sed quietem. Idem est, v. g. de pœna non celebrandi, aut non communicandi: nam si ex effectu sequito, v. g. infamia fiat nimis acerba, non obligatur quis in conscientia ad seruandam illam. Propter quod dicunt omnes autores, excommunicatum occultum posse licite publicè communicare, quando siue graui infamia id vitare non potest. Præterea ratio, quam dicta sententia pro se adducit, persuadet, in illa priori parte necessariam esse hanc moderationem, quod pœna licet sit pure passiva, nihilominus debeat non esse nimis acerba, & inhumana. At vero posita hac moderatione, etiam erit adhibenda in altero membro distinctionis, & sic erit falsum, & ruet tota distinctio. Nam pari ratione dicendum est, pœnam quæ requirit actionem, tunc solum non posse dicto modo in conscientia imponi quando est nimis grauis, & præter humanam fragilitatem: secus autem esse, si intra latitudinem illius generis pœne moderationem retineat. Tum enim cessat fundamentum illius sententia, cessat etiam omnis ratio iniusticie, quia lex humana potest præcipere quidquid nec malum est, nec nimis graue, aut repugnat naturæ, si aliunde possit habere æquitatem, & utilitatem boni communis.

13.
Non repu-
gnare pœ-
nam requi-
rere actio-

Superest tamen ut probemus, hec duo non repugnare, scilicet, pœnam requirere actionem ipsius rei, & nihilominus esse moderatam, & humanam; id autem multipliciter ostendo.

Primum quia dicti autores fatentur, per sententiam declaratoriam criminis incurri posse aliquam pœnam in conscientia sine alia condamnatione, vel exequitione iudicis, aut ministriorum eius, ergo idem posset facere lex non postulando sententian declaratoriam. Probatur consequentia, quia per sententiam declaratoriam non fit coactio physica, vt sic dicam, & reus ipse obligatur, vt sit exequitor pœnae in se ipsum, & nihilominus mandatum ipsum non censetur intolerabile, vt procedit a iudice; ergo nec respectu legis ille modus pœnae est nimis acerbis, si alias ex parte materiae boni communis sit sufficiens ratio utilitatis. Secundo, quia moratiter loquendo non minus grave, & onerosum est homini libero se priuare aliquibus actionibus ad quas habet vel propensionem, vel ius, vel ex quibus sperat fructum; quam aliquas actiones exercere; quæ pœnales, vel sibi graues sint, ergo si non est pœna nimis rigorosa, obligare hominem in conscientia, vt se priuaret multis actionibus, vt communicatione humana, & diuina, usu sui officij, etiam cum priuatione fructus, non erit etiam nimis durum, quod obligetur aliquando ad actionem pœnalem moderatam. Probatur consequentia, quia quod sit actio positiva, non includit specialem malitiam, vt suppono, propter quam ab homine fieri non possit; in reliquo autem æqualis est ratio, præstigi cum voluntaria omissione moraliter sit quædam actio, quatenus non fit sine voluntate continendi se ipsum. Unde confirmatur: nam secundum estimationem moralem plus vellet homo tantam pecuniae quantitatem soluere, quam priuari suffragio actiuo, vel pauci circa tale munus, sed potest per legem in conscientia priuari suffragio actiuo, vel fieri inhabilis ad pauciū; ergo etiam poterit imponi pecuniaria pœna ipso facto soluenda, etiam si in actione consistat.

14.
Tertio, quia leges imponentes pœnas priuicias, seu pauciulas, conse quenter obligant ad multas actiones homini inuoluntarias, si necessariæ sint ad seruandam priuationem, vel ex illa consequantur. Ut excommunicatus si sit in Ecclesia & Missa, vel diuinum officium inchoetur, tenetur egredi, vel si ei detur beneficium, tenetur non acceptare, quod licet videatur negatiuum, non fit sine positiva actione, & (quod difficilius est) quando quis per legem priuatur beneficio, obligatur in conscientia relinquere illud secundum multos. Respondent aliqui, per legem auferri titulum beneficij, quia hec est pœna, quæ non requirit hominis exequitionem, inde autem sequi obligationem renunciandi beneficium, quia ablato titulo perdit dominium beneficij quia omnino pedit à titulo: argumento, Regul. 1. de Regul. iur. in 6. & cap. vnic. de Fo, qui mittitur in poss. in 6. & cap. Relatum, de iur. Patronatus Hæc autem obligatio iam non est pœna legis humana, sed obligatio legis diuinæ, quia nemo potest retinere quod suum non est. Sed hoc non eneruat, sed confirmat potius rationem factam: nam si lex potest a se ipsa auferre titulum beneficij, etiam si inde sequatur nocumentum illud renunciandi beneficium, cur non poterit directè obligare ad hoc ipsum nocumentum. Item quia eodem modo dicere quis

Cap. Rela-
sum.

posset legem priuare omni dominio , & iure in pecuniam , & illud in aliū transferre , & inde sequi obligationem non retinendi rem alienam , sed tradendi illam vero Domino , sicut in pr̄escriptione lex priuat priorem Dominum om̄ai iure , quod in re , vel ad rem habebat.

^{15.}
Resolutio
primā.

Concludo igitur , ex omnibus his ferè opinōnib⁹ aliquid sumendum esse ex quo vera doctrina consurgat . Primum itaque assero , posse legēm humanam obligare in conscientia ad pēnam tam passiuam , quam actiuam ante omnem sententiam , si aliunde seruetur exq̄uitas . Hoc probatur , quia legislator potest suo p̄cepto obligare non solum ad sustinendam pēnam , sed etiam ad agēndū quando poenalis actio potest licite ab ipso reo exerceri licitē , & non est nimis acerba , & inhumana ; ergo potest per legēm ita hoc p̄cipere , vt statim ob liget absque alia declaratione . Etenim superior potest propter alias rationes iustas ita obligare subditum ad similem actionem ; cur ergo non poterit propter iustum causam ex delicto ortam ? Certe non potest probabilis ratio reddi , vt ex dictis etiam contra alias sententias constat .

^{16.}
Secunda.

Tertia.

Cord.
Couar.
Nauar.

Secundo dicendum est , hunc modum obligationis habere locum in pēnis moderatis , non verò in quibuscumque grauissimis , p̄sertim quando requirunt hominis exequitionem , hoc etiam proximē probatum relinquitur . Tertio dicendum est , hunc modum obligationis facilis posse imponi in pēnis priuatiis , quam in his , quæ requirunt actionem hominis , qui punitur , & inter priuatias facilius in censuris , & irregularitatibus , quæ in alijs . Hac assertionē damus auctoribus secundz , & tertiz , sententiaz , & eam suadent rationes eorum , maximē tamē usus est ; vt statim videbimus , & illius alias congruentias afferemus . Atque hæc sententia sic moderata est sine dubio communior inter modernos Auctores , vt videre licet in Cordubā dīcta q. 36. ferè in principiō , Nauar . citatis locis , & idēm tandem dicunt expresse Couar . & Simanc . & existimo antiquos Doctores nihil ab hac sententia discrepare .

C A P V T VI.

Quando leges pēnales continēant sententiam ferendam , & non latam , & ideo non obligent in conscientia ad pēnam ante iudicis sententiam .

O Stendimus non deesse potestatem legis latori humano ad obligandum subditos ad pēnam suę legis absque interuentu aliquius sententiaz p̄f hominem lataz , superest dicendum de actuali obligatione , quando imponatur : quoniam certum est , non semper vt legislafores hac potestate , neque etiam nūquam illa vti , ideoque necessarium est expōne re , quando leges pēnales vno , vel ali⁹ modo obligent . In hoc ergo capite dicemus de legibus , quę non statim obligant ad pēnam : in sequenti verò de his , quę obligant : ex quibus , priores dicuntur continere sententiam pēnæ ferendam p̄ iudicem ; posteriores vero dicun-

A tur esse latę sententiaz , quia per se ferunt sententiam condemnatoriam de tali pēna , siue requirant sententiam declaratoriam criminis ; siue non , vt postea explicabimus .

Quia verò tota hæc distinctio legum maxime pendere solet ex ipsarum verbis , ideo ad hoc declarandum aduerto , dupliverborum modo solere vti leges ad pēnas imponendas , vnum possimus simplicem vocare , aliū compositum : simplicem vōcō , quando lex solum vtitur verbo p̄cipiendo , & imponendo pēnam ; compositum verò quando illi verbo addit vel aduerbium aliquod , vel aliam partculam , aut clausulam , per quam magis explicet modum imponendi pēnam . Et vterque modus est multiplex , & varius . Nam in priori , primo fieri potest simplex comminatio pēnæ , vt cum dicitur , Prohibemus hoc fieri sub talis pēna . Secundo potest fieri per verbum de futuro significās actionem , vt excommunicabitur , deponatur , irritabitur , &c . Tertio per simile verbū de p̄sentis , vt excommunicamus , irritamus . Quarto per verbū prateriti , quod rādē sit , nisi addito alio verbo , vt , Nouerit se priuatum , sciat se esse inhabilem , &c . Quinto per verbum imperandi , vt excommunicetur , &c . Sexto per verbum substantiū , sum , quod semper adiungitur alicui particípio , & per dicta tempora , & modos variari potest , vt , Priuatus est , vel fuit , priuatus erit , sit priuatus , & ex parte participij potest esse similis varietas p̄sens vel futuri , vt , Priuandus est , vel Priuatus est . In altero modo formę legis composito distinguuntur etiam quā plures particulae , & modi quibus iussio pēna solet vrgeri , & quasi exagerari , vt statim incurvantur , quales in primis sunt omnes illae particulae , quæ indicant p̄sens etiam effectum , vt , Eo ipso , Ex tunc , Ipso factio , Ipso iure , & similes . Secundo sunt aliæ excludentes expresse necessitatem sententiaz , vt Ante sententiam , absque alia declaratione , nulla monitione p̄missa , &c . Tertio sunt aliæ explicantes obligationem in conscientia , vt si lex dicat , In conscientia teneantur , &c . Quarto sunt quādam particulae vniuersales , quæ videntur hoc comprehendere , vt Omnia , penitus , plene , &c . nullius momenti , & similes .

Prēterea aduerto , iuxta communem usum , & sensum Doctorum , omnes ferè hos terminos habere maiorem vim circa pēnas , quæ hominis actionem non requirunt , quam in alijs inueluentibus talēm actionem , & ideo hoc etiam considerari solere ad regulas in hac materia constituendas . Quæ plures tradi solent .

D Antequam vero illas constituamus aliud supponimus fundamentum generale in hac materia , quod posuit Glos. in cap. In pēnis , de Regul. iur. in 6. Nimurum , quoties talia sunt verba legis (quæcumque illa sint) vt ex vi illorum incertus sit sensus legis , an scilicet contineat sententiam latam , vel ferendam , de ferenda interpretandam esse , & ideo perse non obligare in conscientia . Idemq; tenet Glos. in cap. Cupientes . §. Si vero verb. Priuentur , de Elect. in 6. Item Glosa in cap. 2. §. 1. de Hæreti. in 6. verb. Innotetur . sequitur Castro dicto lib. 2. cap. 1. Tiraquel. de Pēnis temper. num. 245. plures referens . Fundanturque in illo principio iuris , quod pēnæ in partem mitiorem int erpretandæ sunt . Et fauent alia principia iuris , quod nemo p̄sumitur obligatus , nisi probetur ; & quod

Glos.
Cap. In pē-
nis .

Cap. Cupi-
entes .
Cap. Tiraquel .

C. Ad au-
dientiam.
4.
Lege vien-
tene verbis
simplicibus
comminan-
tibus pœnam
non obliga-
re in conse-
nti ad ta-
lem pœnam
subeundam
D. Thom.
Caiet.
Sotus,
Cord.
Glossa.
Tiraq.
Nauarr.
Castro.
5.
Traq.
Paulo Ca-
stren.
Felin.
Castro.

Alex; & sententia præcipue condemnatoria de-
bet esse perspicua, & quod si legislator amplius
intendisset, expressisset, cap. Ad audientiam, de-
Decim. His ergo positis.

Prima regula sit, Quoties lex tantum vtitur
verbis simplicibus comminantibus pœnam, nō
obligat in conscientia ad talem pœnam sube-
undam, cuiuscumque generis pena sit. Vt cum
lex dicit, Sub pœna quadrupli, vel sub pœna inhabili-
tationis, &c. Et communis, vt de Censuris dixi-
mus tom. 5. & sumitur ex D. Thoma. 2. 2. q. 62.
art. 3. & ibi Caiet. Tenent Soto, Cordub. & alii
Theologi, & Iuristæ etiam communiter cum
Glossa vlt. in cap. Fraterni. tas. 12. q. 2. vbi etiam
Nauarr. & Tiraq. suprà num. 254. referens mul-
tos. Ratio est, quia talis lex ex visuorum ver-
borum nullum præceptum ponit de executione
pœnae, solum ergo instruit iudicem, argumento
cap. De causis, §. 1. de Offic. deleg. Vnde ad sum-
mum virtute, & quasi per necessariam illatio-
nem præcipit reo, vt pareat iudici imponenti
talem pœnam. Confirmatur primò, quia iura
præcipiunt pœnas benignè interpretari Reg. In
pœnis. de Regul. Iur. l. Penult. ff. de pœnis. Con-
firmatur secundo, quia aliud est designare pœ-
nam imponendam, aliud illam imponere; talis
autem lex designat pœnam, & non imponit; nec
fert sententiam, quia nullum est in ea verbum,
quod illam significet. Vnde Castro adhibet li-
mitationem, vt hæc regula procedat, nisi præ-
ter verbum designans pœnam addatur aliud de-
clarans sententiam latam. Sed hæc limitatio-
nem est nunc necessaria: nam pertinet ad caput
sequens, in præsenti enim solum agimus de lege
simpliciter loquente, vt dixi, & ita ex parte ver-
borum nullam habet limitationem. Ex parte
autem pœna solet duplex limitationem adhiberi.

Prima est, vt non procedat in pœna conu-
entionali, qua in cōtractibus solet apponi. Quia
violans contractum statim tenetur ad pœnam
designatam in contractu soluendam, licet in
contractu tantum dictum sit sub tali pœna, vel
talem pœnam incurrat. Ita tenet Tiraquel. su-
pra. num. 256. citans Paul. Castren. inl. Addiem.
ff. de verb. oblig. Expressæ idem tenet Felin. in
cap. 1. de Constitut. num. 46. & Deci. ibi lect. 2.
nu. 20. & sequitur Castro suprà. Ratio præcipua
est, quia pœna conuentionalis debetur ex vi pa-
sti, quod autem debetur ex pacto, debetur in
conscientia ante iudicis sententiam. ergo. Maior
videtur planè colligi ex l. Rescriptum, §. Si pacto:
ff. de Pact. dicente. si quis in pacto pœnam stipulatus
est posse postea agere, vel ex pacto, vel ex stipulatione su:
arbitrio, ergo supponit illa lex, pœnam conuen-
tionalis deberi ex pacto, & ex promissione.
Vt vterque autem titulus inducit obligationem
in conscientia, & ideo Gloss. ibi differentiam in
hoc constituit. inter pœnam legalem, & con-
ventionalem, qua non potest esse alia, nisi quod
lex per se non obligat ad pœnam; conuentio
autem, seu pactum obligat. Declaratur in votis
pœnalibus: nam si quis voulit aliquid sub tali
pœna censemur voulisse pœnam, illamque in
conscientia tenetur implere, si principale promis-
sum non impleuit; ergo idem est cum propor-
tione in promissione, vel pacto humano-
nam est eadem ratio, qua in voto, in quo
pœna censemur promissa Deo, vel in pœnam
prioris transgressionis, vel in defectum alteri-
us operis, quasi sub disjunctione promissi; idē

autem est modus præmissionis humanæ, vt
constat.

Nihilominus limitationem hanc non admit-
tit Nauarr. d. cap. 23. num. 68. Itmo ampliat re-
gulam positam, vt non solum protebat in pœ-
na legali, sed etiam in conuentionali. Qui ne-
minem pro sua sententia allegat, nec probat
illam aliquo textu, vel ratione iuridica, sed tan-
tum ex consuetudine, quia hæc pœna conuen-
tionales communiter non soluuntur, nisi interueniat
coactio, & ita ipsa consuetudo interpretatur,
intentionem contrahentium esse, vt talis pœna
non aliter debeatur. Hanc opinionem sequitur
Vasques 1. 2. Disp. 173. cap. 1. Addit que, Na-
uarrum intellexisse, hanc pœnam conuentionalis
non deberi antequam petatur coram iudi-
ce, & debitot condamnetur, quod est verisimile,
licet Nauarrus id non explicauerit, quia alia nō
est propria coactio. Addit præterea, hanc sen-
tentiam procedere, etiam si in contractu ex-
pressum sit, vt pœna ipso facto incurrit, quod
Nauarr. non dixit, nec ipse aliter probat. De-
nique allegat Couarr. in 4. 2. p. cap. 6. §. 8. num.,
11. cuius sententia longe diuerfa est: ait enim,
pœnam conuentionalis deberi in conscientia,
si ab altera parte petatur, vnde non requirit
sententiam iudicis, & ita interpretatur priorem
sententiam, & differentiam inter pœnam con-
ventionalem, & legalem. Nam in reliquo di-
cit seruare proportionem, quia sicut non licet
resistere iudici imponenti pœnam, ita nec licet
resistere petenti pœnam ex pacto debitam. Ad-
dit vero Couarr. sicut pœna legalis non debe-
tur ante sententiam, ita nec conuentionalis
deberi antequam petatur. Ratio eius est, quia
quando alius pœnam non petit, ex iusta con-
iectura alter præsumit, illam sibi remittete.
Non exponit autem, quæ sit ista coniectura, po-
test autem afferri illa, qua vtitur Nauarrus
quia honestiores homines non decet has pœ-
nas exigere, aut velle, argumento cap. Suamde
pœnis, & cap. Fraternitas: 12. q. 2.

Neutra ex his sententijs potest à nobis sim-
pliciter, & in vniuersum probati. Dicere tamē
possimus priorem esse veram de rigore iuris, de
facto vero posse contrarium contingere ex in-
tentione contrahentium. Quod ergo de lege
diximus, ita de pacto dicendum est, scilicet,
aliud esse loqui de potestate, aliud de facto. Nā
de potestate certum est, posse contrahentes con-
uenire de pœna soluenda in conscientia ab illo,
qui contractum, vel præmissum non seruauerit,
etiam non expectata alterius petitione. Quod
nemo negare potest, cum hoc nulla lege natu-
rali, vel humana sit prohibitum, & non con-
cedat liberam facultatem contrahentium. Lo-
quor autem generaliter de contractibus, in qui-
bus non est prohibitum, pœnam appone-
re: nam si quis est specialis contractus vbi hoc
est prohibitum, vt de sponsalibus statuitur in
cap. Gemma. de Spons. ibi nec in conscientia,
nec per sententiam debita est pœna. Quando-
cunque vero licitum est pœnam ponere, licitum
etiam est, se se inuicem contrahentes in con-
scientia obligare. Sicut etiam est certum, quod
si nolint se ita obligare, sed solum vt cogi pos-
sint per iudicem ad talem pœnam soluendam,
vt etiam positum sit in eorum voluntate, quia
nihil est, quod eos necessitat ad se magis obli-
gandum.

Pœnam con-
uentionalis
non deberi
antequā pe-
tatur coram
indice, &
debitor con-
venietur, li-
cer in contra-
etu explic-
etur pœnum
incurrī ipso
facto sentit
Vasques,
Nauarr.
Couarr.

Nauarr.
Cap. Suam
Cap. Fra-
ternitas.

7.
Resolutio
Authoris.

Cap. gem-
ma.

8.

*Ex intentio
contraria
sententia iudi-
candum de
obligatione
soluendi pe-
nam, et 2.
ex verbis
ipsorum si co-
rimeant pro
missionem
plane solue-
da est inco-
scientia an-
te sententiam
iudicis, nisi
confer de
contraria
consuetu-
dine.*

Ex his ergo colligo, in conscientia iudicandum esse de obligatione contrahentium ex intentione ipsorum, quia ex illa pendet obligatio, & quoad illam eorum confessioni standum est in foro conscientie. Si autem nesciant speciem intentionem explicare, sed solum generaliter, contrahendi, & obligandi se prout debeant: tum in primis verborum vis perpendenda est: nam si illa continet promissionem ipsius penae in tali eventu, sine dubio oritur obligatio in conscientia, quia est promissio conditionata, quae obligat impletâ conditione. Et hoc probat exemplum de voto, & quae de illo tradi solent, habent enim locum in promissione humana penali, quae est quidam contractus. Et eadem ratione procedent, in quocumque contractu similem promissionem includente: Atque idem erit, si contractus penalis resoluatur in disiectuum, & faciat hoc, vel illud: nam ex illis verbis sine dubio oritur obligatio ad unum ex illis, & consequenter ad secundum, si primum non impletur. Solet autem hoc fieri per modum penae, quando unum est per se primo intentum per contractum, & aliud adiungitur in defectum illius, & quasi ad cōgendum contrahentem, ne in principali deficiat. Denique ob eandem causam, si verba contractus satis significant obligationem ipso facto, vel eo ipso, quod aliquis fuerit pactum transgressus non video, cur non oriatur obligatio in conscientia, cum ex verbis debeamus de voluntate iudicare, & illa verba satis indicent huiusmodi voluntatem. Quapropter nisi constet de contraria consuetudine (de qua mihi non constat, prorsim pro tali casu) censeo sic contrahentes, & transgredientes contractum obligari ad penam in conscientia, ante sententiam, saltem si ab altera parte petatur, ut magis ex sequenti puncto constabit.

9.
Nauar. Couar.

Addo enim ulterius, licet in contractu solum dicatur, sub tali pena, quam soluere debet contraveniens contractui, iuxta commune ius, & attenta rei natura, intelligendum esse solitandem esse penam, nulla sententia, vel coactio ne iudicis exspectata. Hoc mihi suadent fundamenta prioris sententie, quia re vera tota illa obligatio intelligitur nasci ex obligatione pacti, & promissionis humanæ mutuæ vel acceptæ, pactum autem humanum obligat ex se, & sine ullo ordine ad coactionem iudicis. Unde quamvis non repugnet, pactum fieri sub illa conditione, scilicet sub tali pena per iudicem imponenda, vel post eius sententiam saltem declaratoriam soluenda; talis tamen intentio non videtur consonanea promissioni, vel pactio humanæ; nec etiam videtur presumenda nisi in verbis declaretur, vel de illa certò constet pacienti. Vel certè nisi certum sit, hanc esse communem consuetudinem: tunc enim censendus est unusquisque vel le obligari secundum communem consuetudinem. De tali autem consuetudine mihi non constat (quicquid Nauarus & alii dicant). Et fortasse ad summum consuetudo habet, vt tali pena non censematur debita, donec petatur, vt Couar. dicebat: potuit autem consuetudo introduci ex probabili presumptione supra notata. Neque hanc est propria limitatio regulæ supra positæ, quia illa procedit de pena legis, quae est simpliciter inuoluntaria, & ex obligatione imposita,

A non assumpta: pena autem conventionalis est voluntaria in sua origine, nam ex voluntario contractu nascitur. Item lex veluti natura sua dicit ordinem ad iudicem tanquam ad motorem suum, nam iudex est quasi lex viua, seu anima legis, pactum autem ex se per ipsos met contrahentes executioni mandari debet: & ideo per se non requirit iudicem, etiam ad executionem penæ, sed solum quod in conscientia constet, tam de transgressione, quam de voluntate alterius, & ciuii, ac spontaneo modo exigentis penas.

B Alia item limitatio ad dictam regulam adhiberi solet, vt scilicet, non procedat in pena testamentaria, quae solet ponit in legato, seu mandato testatoris imponentis tale vel talé pena, non impletatur. Nam licet testator solū dicat sub tali pena, non implens eius voluntatem tenetur in conscientia. Quae est communis sententia Panormit. in cap. Rainaldus, de testamen. n. 25. Atto. 3. p. tit. 10. cap. 3. §. 11. quæstiunc. 4. Caiet. in Summa. verb. Pena, Couar. in dicto cap. Rainaldus, §. 1. nu. 6. & in 4. p. 2. §. 8. num. 17. Nauar. dicto cap. 23. n. 67. & Castro dicto lib. 2. c. 1. Tiraquel. supra num. 54. Hac autem limitatio licet veram doctrinam contineat, re vera non est limitatio regulæ positæ. Quia hanc non est vera pena, sed conditio, vt recte notauit Abb. supra ex Glos. ibi ver. Adiiciens. Testator enim, ait recte Panorm. non habet iurisdictionem, qua puniat, & cogat, sed habet plenum dominium rei suæ, ratione cuius potest legare, prout vult: & ideo quando videtur imponere penam, legat rem sub conditione, quia non impleta, non vult, rem suam detineri ab herede, vel legatario: & in hoc sensu imponit penam, id est, onus non fertur illam, quia in illo eventu non vult illam donare, & ideo talis pena obligat in conscientia, quia cessat iustus titulus retinendi illam, & quia voluntas testatoris ex iustitia obligatione implenda est. Secus vero est de pena legali, quae per potestatem iurisdictionis imponitur, & per eam reus priuatur re, vel iure, quod absolute possidebat, ad Reipublicæ satisfactionem, & correctionem, & ideo non est de illa similis ratio. Alia limitatio posset adhiberi ex parte materiæ, quam in regula sequenti, cui communis esse videtur, ex plicabimus.

D Secunda regula est, quando lex fertur similiiter per verbum futuri temporis tantum non obligat in conscientia ante sententiam. Est communis, vt de censuris dicto loco dixi, & generaliter Doctores allegati, prorsim Tiraquel. supra num. 29. 40. & 41. vbi innumeros allegat Doctores, & Glossas, adiiciens, solū Barbat, contradixisse leuiibus motu rationibus, quas ideo omittit. Ratio ergo regulæ clara est, quia verbum futuri temporis non solum non fert sententiam in praesenti, sed etiam virtute includit negationem eius, quia quod in futurum faciendum est, non fit. Ut si dicat Excommunicetur, irritetur, non dum excommunicat, nondum irritat. Dices, hoc esse verum in verbis significantibus actiones, quae non ab ipso reo, sed à superiori facienda sunt, vt sunt excommunicare, irritare: Secus vero fore, si verbum legis significet actionem ab ipso reo exercendam, vt si dicat, Solvet, ieunabit, &c. Nam tunc videtur imponere de praesenti obligationem

10.
*Licet testa-
tor solū
dicat sub tra-
li pena, non
implens eius
voluntatem
tenetur in
conscientia,
est enim ea
ditio sine
qua non
Panormit.
Rainaldus.
Couar.
Anton.
Nauar.
Castro.
Tiraquel.
Abb.
Panormit.*

II.
*Quando lex
fertur simili-
titer, per
verbū futu-
ri, non obli-
gat ante sen-
tentiam, cō-
muni cō-
tra Barbat.
verbū si
guidū futu-
ri virtute
includit ne-
gationē sen-
tientiā.
Tiraquel.
Obuiatus
obligationi.*

ad actum postea futurum . Respondeo , tunc habere locum alia principia posita quod saltem verba illa sunt indifferentia ad iustruendum iudicem , vel obligandum reum , ac subinde in misiorem partem assumuntur . Et ideo quidam dixerunt , quod si ex tenore legis constet , verbum de futuro dirigi ad partem , & non ad iudicem , continet sententiam latam , vt refert Tiraquel . supra n . 61 . Probatio autem , quam adducit , procedit in gratijs , non in poenis , & ideo non admitto in presenti illam doctrinam . Nam licet lex loquatur ad reum , si tantum per verbum de futuro designat poenam , intelligitur præcipere , ut pareat tali poena , quando illi fuerit iuridice imposta ? nam hic sensus est mitior , & iuri ac consuetudini conformis .

Huic regulæ plures limitationes adhibet Tiraquel . supra , duæ tamen , aut tres tantum sunt examinanda . Vna est , quod non procedat , quando verbum de futuro geminatur in legge , vt si dicat lex Cessetur , & irritetur , Ita habet num . 46 . vbi pro ea refert Baldū , Roman . Iason . Decium , Felinum , & innumeros alios . Qui solum in hoc fundantur , quia verbum geminatum debet aliquid operari lege , Balistā , Digestis de Trebelian . adiuncta Glossa ibi , verbo , Etiū fructus . Nihilominus hæc sententia mihi non probatur , quia nullo sermo fundamento nititur . Et ideo ab illa merito discedit Castro , quem alij Theologi moderni sequuntur . Et ex Iuristik illam retractarunt Deci . in lege , Cum postea Codice de Pactis , & Felin . in cap . vltimo de Offic . delegat numero primo in fine . Dico ergo , licet lex habeat duo verba de futuro , eandem poenam , seu effectum significantia , non obligare in conscientia , nec continentere legem latam , sed ferendam . Ratio in primis est , quia etiam in illo verbo geminato non continetur præceptum ipsi reo impositum : exequendi seu obseruandi poenam : ergo ad hoc non obligatur donec à iudice per sententiam præcipiat , vtsi lex dicat , Irritabitur , & euacuabitur , per vtrumque verbum instruitur iudex , non cogitur reus .

Nec fundamentum contrariæ sententia est alicuius momenti , quia licet geminatio verbi aliquid operetur , non tamen operatur nouum effectum non significantum per mille verba sic milia . Quocirca , si verba significant distinctas penas , vel vnum augeat aliud in ipsa poena ; & vtrumque sit de futuro , geminatio significabit augmentum poenæ imponendæ , non vero poenam ipso facto impositam . Quando autem verba sunt Synonyma in significato , & vtrumque est de futuro , non possunt significare aliquid de præsenti propter solam geminationem , quia hoc est ultra significationem verborum , & ita est ampliatio valde voluntaria , quæ in omni materia cauenda est ; maxime vero in poenali . Illa ergo geminatio tunc solum ostendit , vel maiorem deliberationem legis latris , vel maiorem effectum , vel maiorem criminis acetitatem , vel indicat maiorē firmitatem , vel immutabilitatem in poena , vt iudex non audeat illam minuere , non vero indicat nouum effectum , quem , verba non significant . Sicut in multis iuribus constat , & in legibus etiam sententibus poenam ipso facto , vt postea videbimus , & admittit ipse Tiraquel . ibi

A num . 25 . 48 . & saxe alias . Vnde non video , curili sententiae tam constanter adhæferit : nam multitudo Doctorum non sufficit , vbi nec tex-tus , nec ratio suffragatur .

Atque hinc etiam non probbo limitationem aliam , quam idem Tiraquel . adiungit num 44 . nimirum , si poena per verbum de futuro impo-natur per duas leges , priorem , & posteriorem , tunc licet ex vi solius prioris legis fuerit poena tantu ferenda ex vi posterioris esse latam , ac subinde secundam legem obligare in conscientia ad illam . Fundatur enim hæc limitatio in præcedenti , quia ibi geminatur verbum futuri . Nec impedit , imò iuuat , quod geminatio per duas leges fiat : nam iuxta doctrinam iuristarum , efficacior est geminatio , quæ fit per actus distinctos , & per temporis interualum , quam quæ fit uno momento , & contextu , vt tradit Felin . dicto cap . vlt . de Offic . deleg . & idem Tiraquel . num . 49 . Accedit . quod vltima dispositio , seu lex idem statuens , quod prima ; aliquid debet operari , ne sit superuacua , vt ex multis idem auctor notat . num . 45 . inde concludens . secundam legem imponentem poenam de futuro plus operari , quam primam , & ideo continere legem latam .

Nihilominus , vt dixi , hæc limitatio admittenda non est ; propter rationem factam , quia verba posterioris legis non significant sententiam latam , nec mutant significationem propter priorem legem . Nec geminatio sufficit , vt ostensum est . Nec refert , quod sit cum interuale temporis , quando effectus , & modus significandi verborum idem omnino est . Neque Rota . propterea a secunda lex erit superflua , tum quia habere potest omnes effectus supradictos , tum etiam quæ potest deseruire , vt si fortasse prior lex indissuetudinē abijt , per posteriorē restau-retur . Sic enim dixit Rota , decisi . 31 . de Præben . in antiquis , alias 858 . geminata reseruationem Papæ non operari nouum effectum , sed solum efficiere , vt reuocata priori , non censematur sublata posterior . Item duplicata lex auget fortasse obligationem iudicis , & magis illum mouet ad talem poenam impo-nendam .

Tertia , & valde notanda limitatio est , vt regula non procedat , quando talis est poena , vt nisi ipso facto incurritur , illusoria reddatur lex , & nullius momenti : tunc enim licet lex simpliciter imponat penam , dicendo sub tali poena , vel per verbum de futuro , tacite sub intelligit , & includit actionem aliquani de præsentifactam virtute eiusdem legis , ratione cuius potest verificari in futurum , quod lex disponit . Ita sumitur ex Glos . in l . Improbum , C Exquisitis causis infamia irrog . Quā se quitur Castro supra Tiraquel . supra num 40 . Et ratio optima est , quia lex non est ita interpretanda , vt sit vana , & inutilis : nam hoc cederet in iniuriam legislatoris ; ergo si talis reddatur , intelligendo poenam imponendam , & non latam ; non potest ita intelligi , etiam si per verba de futuro , vel generalia loquatur . Exemplis magis declaratur .

Dicti ergo auctores ponunt exemplū in poena infamia , ita interpretantes dictā l . Improbū , in qua dicitur , ysurario irrogāndam esse infamia , & nihilominus intelligēda est ipso iure infamia irrogare . Quam interpretationem , & opinio-

14
Alia regula
la limitatio
Tiraquel . re-
iecta si poe-
nas per ver-
bum futuri
imponatur
per duas le-
ges .
Felin .
Tiraquel .

15.

16
Regula pre-
dicta non pre-
cedit quan-
do talis ef-
ficiatur ne
si ipso fact
incurritur .
illusoria
reddatur .
lex enim
non debet
efficiere ;
Glossa .
Tiraquel .
Coffro .
Barth .
Bald .

17
Exemplum
in pena in
famia .

nem sequuntur ibi. Bart. Bald. & alii, & rationem reddunt, quia nisi lex illa de infamia ipso ure irroganda intelligatur, non posset habere effectum, quia non posset per iudicem imponi, & ita esset inutilis illa lex.

Hoc vero exemplum improbat Vasquez dicta disput. 123. cap. 1. solumque vtitur ratione huiusmodi, quia sententia iudicis sit necessaria ad incurram infamiam, solum est necessaria ut conditio requisita, illa vero posita, lex est, qua per se infamiam infert, quatenus statuit, ut condemnatus a iudice de talibus criminibus, statim sit infamis.

¹⁹ Veruntamem Glossa, & Doctores allegati non admittunt illud assumptum, & vtuntur alia ratione, ut statim dicam, que non dissolutur, & ita non satis improbat illo modo eorum sententia. Deinde etiamsi vera esset illa ratio, per illam non recte improbat exemplum, quia licet infamia non ponatur per iudicem, nisi ut applicantem conditionem necessariam, nihilominus talis pena imponetur ipso iure; ergo licet per verbum futuri exprimatur in lege, intelligenda erit lex de impositione ipso iure. Denique, quod caput est, infamia in tota sua latitudine sumpta non illo tantum modo, sed etiam alijs potest imponi. Aliquando enim incurrit ex vi iuris per sententiam declaratoriam, potest etiam aliquo modo incurri ante tam sententiam ex vi solius criminis, etiam occulti, atque etiam potest neutrō modo incurri ipso iure, sed per iudicem, & sententiam condemnatoriam imponi: nullus enim modus ex istis repugnat tali pena, ut probauit late in 7. tom. de Censur. disp. 38. sect. 1. & pro legum varietate uno, vel alio, aut alio modo incurrit, vel imponitur; ergo non est vniuersaliter verū, infamiam solum tertii per sententiā, ut per conditionem recessariā, aliquando enim imponitur per illā ut propriā causā per se in suo ordine.

Atq; hēc ultima ratio videtur efficaciter imaginare sententiam Glos. & receptam nisi limitetur. Dico vero aliud esse loqui de infamia in genere, aliud vero de infamia quatenus propter usuram potest a iudice seculari imponi. Priori modo non est verum vniuersaliter, infamiam esse tales penas, que non possit per iudicem imponi, & ideo etiam necessarium non est, ut quoties lex fert penam infamia, vel per solam comminationem, vel per verbum defuturo, sit de pena ipso iure intelligenda, quia cum possit per iudicem imponi, ut dictum est, non erit inutilis lex, etiam si cum proprietate intelligatur, & ita erit intelligenda, si aliud non obstat. Lequendo autem posteriori modo de tali infamia usurarii, ut imponenda per ius ciuile, dicunt citati Iuristæ, nisi incurrit ipso iure ex vi legis, non posse per iudicem ciuilem imponi. Ratio autem eorum est, quia qui soluit usuram non potest agere contra usurarium actione criminali, nec famosa, ut ipsi loquuntur, sed actione ciuili, scilicet conditione indebiti, vel simili: ex vi autem huius actionis non infamabitur usurarius per iudicem, etiam si condemnetur ad restituenda usurpas, iuxta l. Cessar. ff. de Actioni, & obligat. Nec etiā potest criminaliter puniri ex vi talis actionis, & ideo ex vi talis sententię non infamatur reus, & ideo ut infamis maneat, oportet, ut ex vi legis infametur, idonee nisi lex loqueretur de pena ipso iure.

A inutilis esset. Hoc ergo modo defenditur exemplū illud, licet sit valde legale & mihi incertum, quia, licet sit verū, & cōstans ex alijs iuribus, usurariū esse ipso iure intamē nihilominus, licet nō esset, nō video, cur per iudicē possit fieri infamis ex vi illius l. In p̄lā, si in iudicio de imbrebo fanore cōnuincatur, quacunque actione contra illum agatur. Nam licet conditio indebiti per se non faciat infamē, nihilominus, quia fundatur in crīmīne usurā, poterit ad infamiam sufficere ratione alterius legis. Sed hoc iuris p̄tis omitto.

²¹ Clariora sunt alia exempla huius regulæ. Vnū est de pena irregularitatis: nam licet canon tantum dicat sub pena irregularitatis, vel irregularis fiet, aut quid simile, intelligendum est, sententiam latam contire, quia irregularitas est talis pena, quæ non ab homine, sed à iure tantum imponatur, ut suppono ex dictis in 5 tom. disp. 40. sect. 4. Nam licet interdum aliqua irregularitas non incurrit, nisi suppona sententia criminis alias occulti, illud solum est, quando irregularitas non imponitur immediate ratione criminis, sed ratione infamia, non quia ad ipsa irregularitatem, per se loquendo requiratur sententia iudicis, & ideo lex imponens irregularitatem ipso iure, eam imponere intelligitur, etiam si per verbum de futuro, vel simile loquatur.

²² Aliud exemplum esse potest de irritatione, seu annullatione vinculi indissolubilis. Nam si lex imponat in p̄nam irritationem talis vinculi, licet per verba de futuro loquatur, intelligitur inducere inhabilitatem ipso factō, quia alias esset inutilis, & frivola. Ut si lex prohibeat contrahere matrimonium viri cum fœmina, quam polluit per adulterium, & addat, Alias tale matrimonium irritatur, cōsetut ipso iuri impedimentum irritans imponere, quia nisi tale esset impedimentum, non posset postea irritari matrimonium semel validum. Sic etiam; cum antiqui canones dicunt, irritandum, esse matrimonium virginum sacrarum, satis indicant, eas esse inhabiles ad validum matrimonium. Idemque est de clericis, & similibus. Et similis regula applicari potest ad impedimenta professionis religiōis: nam si canon dixerit, Siquis hoc commiserit, & postea profiteatur, eius professio disoluatur, ipso factō introducit impedimentum, quia alias non potest habere effectum. Quādo vero canones dicūt, Si quis hoc commiserit, eius ordinatio irritatur, tunc non potest eodem modo regula applicari, quia collatio ordinis, quoad valorē suū, irritari nō potest: intelliguntur ergo illa verba de irritatione quoad vsū, & sic solent suspensionē significare, que per hominē inferri potest, & ideo non est necesse, prædicta verba sub hac regula cōprehēdi. Et ad hoc exemplū spectat alia quæ assert Tiraquel, supra num. 265.

²³ Denique potest sumi tertium exemplum ex eodem n. 264. de lege præcipiente aliquid sub pena per iurij: nam eo ipso imponit illam ipso iure, non tam vi sua, quam alterius. Immediate enim ex vi talis legis fit, ut in transgressione eius committatur per iurium; nam talis lex necessariō supponit aliquid iuramentum in cuius virtute sic præcipit, & ideo transgressor talis legis, contra præstitum iuramentum peccat, & consequenter incurrit penam ipso iure propter per iurium impositam. Sed hoc exemplum

^{2. Exempla irregularitatis.}

^{3. de irritatione, seu annulatio ne vincula indissolubilis.}

^{4. Exemplum de lege præcipiente sub pena per iurij.}

non est propriè de lege pœnali. Nam verba illa sub pœna periurij non tam imponuntur ad cōm̄inationem pœnæ , quam ad declarandum modum præcipiendi ; exigendo oblationem prioris iuramenti, quod sufficienter illo modo significatur, iuxta cōm̄unem sensum illorum verborum. An vero illi periurio imposta sit aliqua pœna ipso iure, ex tali lege non habetur, vt per se patet, & quamuis Tiraquel id affirmet ex cap. Cum quidam , de iur. & l. 3. §. Si ad diem ff. de Re milit. tamen in illis iuribus nihil tale habetur, & longam requirit disputationem, quam tradidi lib. 3. de Iuram. cap. vlt.

24 **3 regula.** Tertia regula principalis sit, quando lex loquitur per modum imperandi , ancesps est loquutio, & ideo consideranda est materia, circa quam proximè versatur imperium . Nam si fuerit actio hominis, lex continebit sententiam ferendam, & non obligabit statim in conscientia; si vero fuerit effetus aliquis quem legislator per suam legem potest efficere, s̄pē continebit sententiam latam, & obligabit . Hanc sumo ex cōm̄uni doctrina, eamque sic declaro : nam verbum imperandi interdum est pure imperatiuum. vt sic dicam) aliquando vero est practice effectuum . Priori modo sumitur, quando dirigitur ad alium hominem ad mouendum, seu excitandum illum, vel etiā ad illum obligandum: vt ibi, Exurge , qui dormis , venite ad me omnes, &c. Posteriori modo sumitur, quando dirigitur ad aliquem effectum immediate faciendum, vt ibi. Fiat lux , & in similibus locis, & ita solent Theologi interpretari formam Gr̄ecorum in baptismo . Baptizetur seruus Christi : nam illud verbum imperandi non est de futuro, nec dirigitur ad alium, qui baptizatus sit, sed in actu exercito imperat receptionem baptisini, quem confert baptizas, His ergo duobus modis potest imperandi verbum sumi in lege pœnali . Priori modo sumitur, quoties cadit in actionem per alium exercendam, & tunc dicimus, tantum continere pœnam ferendam, quia vel imperium illud non dirigitur ad ipsum reum, vt cum dicitur. Expellatur priuetur, vel si possit dirigiri ad reum (vt cum dicitur, Seluat centum , vel quid simile) & iuxta materiam subiectam intelligendum est, vel certe secundum ordinem iustitiae postquam condemnatus fuerit, vel etiam tunc dirigitur immediate imperium ad instruendum iudicem: nam per inde est, ac si lex diceret. Cōdemnetur ad soluendum centum, & ita illa soluat . Hęc vero intelligenda sunt de pœnis judicialibus, seu fori externi : nam alia præcipiuntur interdum in ordine ad salutem animæ, quę possunt statim obligare, vt in decretis, seu canonibus penitentialibus s̄pē inueniuntur hęc verba , Pœnitent tanto tempore, ieunet, &c. in quibus etiam discernendum est, an per modum consilij vel præcepti id statuatur, quod ex vsu, & circumstantijs colligendum est . capit. Accepisti , de Sponsa duorum cap. vt mensura , de Empti. & Vendit. c. Quicunque 6. q. 1.

Posteriori autem modo sumitur verbum imperandi, quoties cadit immediate in effectum absque ministerio hominis soletque tunc passive usurpari , vt amittat , priuetur , subiaceat incurrit , fiat . Et tunc etiam non potest generalis regula constitui. Primo quidem, quia s̄pissime

A solent hęc verba usurpari pro futuris, & ita de illis tractat latissime Tiraquel supra, nullamque specialem mentionē facit imperatiui modi. Vnde quando ex adiunctis constiterit , tāle verbum accipi in vi futuri, superior regula in illo seruanda est, vt constat . Item quoties significatio fuerit dubia, in vi futuri accipiendo est verbū iuxta primum fundamentum initio positum, Præterea si verbum tale est, vt possit, & ad effectum ipsum immediate, & ad ministerium hominis referri, etiam si imperatiū verbum sit, referendum potius est ad homines, quā ad effectus, & continebit tantum sententiam, vt patet in verbo Excommunicetur, semper enim continet sententiam ferendam sine controuersia. Idem sentio de verbo Annuletur, irritetur, spoliatur, & similibus. De verbo autem Fiat solet esse maior dubitatio: plerunque autē videtur referri ad effectum ipsius legis , & illum imperare, & ideo in primis considerandus est terminus , cui adiungitur, nam si solum significat reatum, seu obligationem, recte exponi potest de pœna ferenda, vt si lex dicit. Fiat obnoxius talis pœna, fiat reus, fiat debitor, & similia: si autē cadet super ipsum effectū, verisimile est, continere sententiā latam, vt si dicat, Fiat inhabilis, fiat nullus, fiat irritus fiat excommunicatus. Et hoc videatur esse regulate, nisi ex materia, & circumstantijs legis aliud colligatur. Idem fere est de verbo, subiaceat, vel incurrit, nam si illi adiungatur ipse et effectus in particuliari, quem lex ipsa solet efficere, continebit sententiam latam, vt si dicat, Subiaceat excommunicationi ; incurrit inhabilitatem: si vero verba sint generalia, vt Subiaceat pœna, vel cadat in solum debitum pœnam incurrit reatum talis pœna, vel quid simile, non inducent sententiam latam de pœna ipsa, sed tantum de obligatione ad ferendam pœnam. Vnde etiam solent verba illa usurpari circa pœnas , quę per homines inferri solent, vt si dicatur, Subiaceat flagellis, incurrit exilio pœnam, &c.

26 **Quarta regula est receptissima de verbo temporis præsentis, & indicatiui modi, nimirum , legem, que pœnam ipsam fert per tale verbum, continere sententiam latam, vt si dicat, Excommunicamus hoc facientem, vel, notam infamia illi innrimus, inhabilitamus, priuamus. &c. Hęc regula est frequentius recepta, vt late refert Tiraquel. supra nu. 21. Castro, & alij moderni illā sequuntur. Vt autem ratiō reddatur adiutendum est, illum modum loquendi, & inferendi pœnam maxime habere locum in his pœnis, quę nō soluta imponi, sed etiam fieri possunt immediatè ab ipso legislatore sine actione rei, sed cum sola passione mōrali, seu priuatione, vt sunt pœnes censurarum, inhabilitatum, confiscationum, nullitatum, & similibus. Et tunc est facilis ratio, quia per verbum de præsenti significat sufficienter legislator, se velle per seipsum, seu per suam legē inferre talę pœnā, & potest id facere ergo facit, ergo verba continent sententiam latam, in eo etiam continent executionem eius.**

Confirmatur, quia alias verba legislatoris continerē mendacium, quia dicit, v.g. Inhabilitamus, & non facit, hoc autem adiutendum non est. Quia propter quando legis pœna talis est, vt non possit fieri inmediate per ipsam legem, sed per actionem, vel ministerium hominis, fieri non potest, vt lex hoc modo loquatur per verbum præsencis temporis, quod indi-

cet ipsum effectum pœnæ, sed ad summum per verbum indicans obligationem, ut Mandamus restituere, soluere, & tunc non credimus per huiusmodi verbum simplex significari sententiam latam, nec obligationem in conscientia, ante sententiam iudicis, nisi aliquid amplius addatur. Obligamus in conscientia, vel aliquid æquivalens, iuxta dicenda capite sequenti. Quia illud verbum præsentis indicatiui non excedit vim verbii de præsenti in modo imperandi, ut restituat quadruplum, *Soluat &c.* Dicitum est autem hæc verba non significare sententiam latam, ergo idem est dicendum de alijs. Atque ita possent exponi auctores negantes hanc regulam, quos late refert Tiraq. supra, 24. *Quod si de prioribus verbis loquatur, admittenda non est.* Neque obstat, quod in multis legibus, etiam si pœnam ferant per illa verba de præsenti, adduntur aliae particulae exprimentes sententiam latam, ut *Ex tunc eo ipso*, vel quid simile, in quo indicatur nuda verba præsentis non sufficere. Hoc (inquam) non obstat, nam sæpe adduntur plures ex his particulis ad maiorem abundantiam declarationem, & firmitatem, & ad exagrandam rei grauitatem, ut supra in simili dictu est, & sæpe repetit Tiraquel supra n. 26. & sequentibus. Qui nu. 32. addit similem regulam de verbo præteriti temporis. Veruntamen vix potest per huiusmodi verbum pœna ferri nisi vendo participio cum verbo substantiuo, vel alio simili, ut sit priuatus, non erit se esse priuatum, vel sciat se amississe, vel similia, que in sequenti regula melius explicabuntur.

28
Si participium fuerit futurum in dicta sententia feren dam.

Participium de præsenti cum verbo substantiuo sit, vel est indicata latam sententiam, quia talis locutio alias non esse vera.

Glossa Tiraquel.

qui talis loquutio ad ita sui veritatem requirit effectum de præsenti, ergo facit illum, cum verba legis verificari, debeant. Secus autem erit, si per participium non significatur pœna ipsa, sed obligatio ad illam, ut supra in tertia regula in simili dictum est. Idemque censetur, si ponatur verbum sit, ut *excommunicatus*, vel *priuatus sit*, quia denotat imperium efficax, & faciens. Item habet eandem vim, si adiungatur nominibus habentibus æquivalentem significationem, ut si lex dicat, *Est*, vel si

inhabilis, aut sit, vel est nullus: nam hæc verba significant contractum annullari ipso factō. Imo tanta est vis illius negationis, ut etiam si verbum. Est ponatur de futuro, significare censeatur nullitatem ipso factō, quiaquam non sit hoc omnino certum, ut videbimus capite sequenti, ubi omnia, quæ pertinent ad pœnam ipso iure latam magis explicabuntur.

CAP V T VII.

Quandoles imponentes pœnam latæ sententia obligent in conscientia ad exequendum ante iudicis sententiam pœnam, quæ in actione conflit.

Questionem hæc in materia de censuris in tomo 3. p. disputat. sect. succinte, & breuiter expediui, quoniam in illo genere pœnarum fere nullam habet controversiam, ut statim attingam. Nunc autem quoniam de omni genere legum, & pœnarum differimus, generalius, & accuratius tractanda est. Ut autem distinctius procedamus, supponenda est communis partitio pœnarum. Nam quædam sunt, quæ requirunt ministerium hominis, ut executioni mandentur, aliae, quæ per ipsas leges immediatè fieri possunt, inter quas hæc est differentia, quod in prioribus pœnis lex non trahit secum ex equutionem, id est, non infert pœnam ipsam, sed ad summum obligationem ad illam: nam lex quæ iubet hominem flagellari, non flagellat, & lex, quæ precipit soluere quadruplum, non soluit, nec spoliat hominem sua pecunia, sed obligat, ut soluat. At vero in pœnis posterioris generis, lex ipsa per se potest, non solum ferre, seu statuere pœnam, sed etiam inferre, seu exequi illam lex enim canonica ferens excommunicationem latæ sententia, secum affert exequutionem, per se enim censuram imponit, idemque est in lege irritante, vel inhabilitante. Hæc autem differentia iudicat aliam, quia priores pœnæ requirunt aliquem effectum physicum, ratione cuius requirunt actionem hominis: posteriores vero consistunt in effectu aliquo morali; lex autem per se non potest facere effectum physicum potest autem efficere effectu moralem, quales sunt inhabilitationes, impedimenta, censure, priuatione dominij, &c. Et hinc etiam est, ut hæc pœnæ, quæ per legem immediate inferuntur, semper consistant in priuationibus moralibus, ut sunt inhabilitates, nullitates, &c. quia pœna est malum, & ut sic est priuatione, & ideo lex per se puniens non confert potestatem moralem, sed ausert. Aliæ vero pœnæ positivæ dici possunt, quatenus requirunt actionem positivam, ad quam sequitur aliqua priuatione, in qua malū illud pœnæ consummatur.

Vlterius vero possumus sub distinguere primum membrum. Nam pœnæ requirentes actionem hominis, quædam postulant actionem tertia personæ distincte ab eo, qui punitur, alie per actionem ipsiusmet rei fieri possunt, & solent, vel ex necessitate, ut comedere, ambulare, &c. vel iuxta communem, & visitatum hominum morē, ut soluere pecuniam. De priori genere pœnarum, quæ postulant actionem alterius, non oportet in præsenti dicere, regula enim generalis est, illas nūquā ferri per legē latæ sententie

2.
Subditum
a primi membre

sententiæ, quæ statim obliget in conscientia. Ratio est, quia lex ad summum potest obligare reum ad sustinendam patienter, seu obedienter talem pœnam, quod ipse facere non tenetur, nec potest, donec talis pœna ab alio inferratur: alius autem non potest illam infertre ex vi legis, nisi ut minister iustitia, ideoque necessariò talis pœna requirit sententiam, & mandatum hominis applicantis, & exequentis pœnam legis. Quomodo autem reus teneatur patrere legi post sententiam in susceptione talis pœna, attingemus capite sequenti. De hac ergo pœna nihil amplius dicere necesse est. Non omittam autem aduertere, non solum censeri pœnam requirentem actionem alterius illam, quæ physicè loquendo non potest aliter fieri: vix enim repertur aliqua, quam non possit homo in se ipso exercere, spectando physicam potestatem, censetur ergo talis pœna omnis illa, quam vel non potest homo honestè sibi infligere, ut est pœna mortis iuxta multorum sententiam, vel certè quæ esset nimis acerba, & crudelis; si homo cogitetur ad illam sibi infligendam iuxta doctrinam cap. 5. datam.

Subdistingui potest pœna requirens actionem ipsius rei, in eam quæ requirit positivam actionem, ut est solutio pecuniarum, vel flagellatio, & in eam, quæ requirit omissionem actionis: omissione enim moralis, & humana solet quodam modo interactus morales computati, & in praesenti non immerito reputari potest per modum actionis, quia nec fit sine positiva voluntate, moraliter loquendo, nec sine dolore, & afflictione, immo saepe cum majori, quam positiva actio. Huiusmodi enim pœna censeri potest iejunium, quia nullam requirit actionem, sed abstinentiam. Denique in hoc conueniunt haec pœna cum pœnis actionis, ut sic dicam, quod non possunt inferri immediate per legem quo ad physicam priuationem actionis, sed ad summum potest lex imponere obligationem in conscientia ad talem omissionem: nam lex imponens pœnam iejunij non potest per se ipsam cogere hominem, ut abstineat vel inuitus, potest tamen obligare ad abstinentiam, & similiter lex priuans suffragio non infert ipsam omissionem suffragij, sed ad summum, potest imponere obligationem ad illam. Veruntamen licet hec consideratio, & subdivisio in corporalibus pœnis possit esse utilis ad intelligentiam legum, quia haec corporales pœna ordinantur ad positivam corporis afflictionem, ut sunt iejunium, vel absolute pœna non comedendi, vel non exequendi à carcere, vel à domo, aut ciuitate: nihilominus in spiritualibus pœnis similes priuationes actionum sub pœnis priuatiis computantur, ut patet in suspensionis pœna, & magna ex parte in excommunicatione, quæ priuat communicationem, quæ in actionibus humanis consistit, & ideo est de priuatione suffragij, præsertim, quia simul solet lex inqualidare illud, inhabilitando personam, quod pertinet ad moralem effectum ac priuationem iuris, seu facultatis moralis ad suffragium ferendum.

Tandem distinguere oportet varios terminos, quibus significari solet sententia lata per legem, præter eos, quos capite præcedenti obiter tetigimus. Interdum enim ipsum verbū, quod præcipitur pœna talis modi, ac temporis

A est, vt pœnam latam indicet, vt ibi diximus, & hic amplius explicabimus: frequentius verbo precepti adduntur aliquæ particulae, vel circumlocutiones, vel clarissima verba, quibus sententia lata per legem indicatur: particule sunt, ipso facto, ipso tute, eo ipso, ex nunc, vel ex tunc, & aquivalentes circumloquitiones communiter esse solet per effectus legis, quando statim fieri dicuntur, vt vacare censeatur, sine dispensatione non eligatur, non faciat fructus suos non possit eos retinere tuta conscientia; non valeat. &c. clariorae erunt verba; si addatur, teneatur ante sententiam, vel ante declarationem vel ante omnem monitionem. Clarissima denique erunt, si lex tot verba ex his accumulet, vt nullus tergiuersationi detur locus, & presettim si dicat Statim, & ante omnem sententiam hoc facere in conscientia teneatur: semper tamen sunt attentè spectanda verba pœna, cui haec particule adjunguntur, vt illud tantum grauamen intelligatur per leges ipsas jure impositum, quod per talem vocem in propria significatione, vel secundum ius, vel secundum communem consuetudinem solet significari: ita enim debent pœna, & rigores restringi, quæ animaduersio postea exemplis melius explicabitur.

B Primò igitur de pœnis exequendis per actionem ipsius rei sit regula generalis: solum ita imponi, quando per verba legis tam clare explicatur lata sententia statim obligans in conscientia, vt vitari non possit sine corruptione, vel magna extorsione verborum legis. Hanc assertionem sumo ex communis sententia Doctorum, quos cap. 5. retuli. Nam qui negant has pœnas posse imponi ipso facto, videntur loqui de potestate ordinaria (vt sic dicam) seu de ordinario iure: nam absolute fatentur, in casu rato posse id fieri, unde à fortiori dicent, nunquam esse ita legem intelligendam, nisi quando omnino verba cogunt. Alij etiam aliarum opinionum auctores fatentur, difficilius, & rarius imponi has pœnas ipso facto, quam alias priuatius, unde oportet, vt clarissima verba requirant. Nam si in hoc genere pœna sic imponendo maior est acerbitas ex genere suo, & ideo minor est illius usus, certe necessarium est, vt talis modus puniendi omnino in lege declaretur, & alias non censeatur à legislatore intentatus. Quando autem lex sufficienter declarat obligationem ad talem pœnam, sine dubio obligat, quia potestas non deest, vt probatum est. Supponimus autem legem esse ita moderatam, vt non contineat crudelitatem nec apertam iniustitiam, & ideo regulariter tales pœna sunt pecuniariæ, & non de omnibus bonis, sed in quantitate moderata, aut tolerabili. Denique supponimus, legem esse receptam, & non derogatam per consuetudinem contrariam quo ad hanc partem, quod in omnibus legibus penalibus locum habet. Abrogari enim possunt per consuetudinem quo ad pœnam, vel modum pœnae, licet quo ad reliqua obseruentur, vt notant Caietan, in Summa verb. Excommunicatione, cap. 75. & Nauarr. cap. 27. num. 150. & infra dicemus. Et ita in praesenti possit lex non esse derogata quoad vim obligandi statim in conscientia ad pœnam solutionem: quia consuetudo potest

Regula generalis.

Caiet.
Nauar.

derogare legi in totum : ergo etiam in parte separabilabili ab alijs.

6.
Exempla
regulae praedictae

Vt autem haec regula melius intelligatur, facilius que possit ad usum applicari, nonnulla illius exempla afferre oportet. Primum sit de legibus praeципientibus actiones afflictivas corporis, vt est flagellatio, quam potest homo in se ipsum, & sine peccato exercere. Huc etiam pertinet pena exilio, quam potest in se quis exequi exeundo a loco prohibito, se itinuendo, & agendo in se ipsum sine ullo peccato, vel indecentia. Ordinariè vero non solent cogi homines per solas leges ad huiusmodi actiones, licet non repugnet obligari. Ideoque in his maxime penitus verum est, verba debere esse luce clariora, vt talem obligationem inducant. Harum vero legum exempla non habemus in iure civili, vel canonico. In aliquibus autem religionibus dicuntur esse aliquæ regulæ penales, quæ licet non obligent in conscientia absolute ad proximum opus, quod iniungunt, vel ad catendum, quem prohibit, obligant nihilominus ad aliquam penam, quam transgredientibus talem, vel talem regulam imponunt. Quæ pena talis esse debet, vt non excedat disciplinam religiosam, & communiter esse solet breuis aliqua oratio, & posset extendi ad moderatam flagellationem propriam, & secretam, vel etiam ad ieunium, vt infra dicam. Ut tamen intelligatur esse obligatio in conscientia ex vi legis, & ante preceptum superioris, oportet, vt lex dicat in virtute sanctæ obedientię, vel teneantur in conscientia, aut quid simile iuxta consuetudinem religionis.

7.
De paenit.
pecuniarijs

Secundum exemplum esse potest de legibus imponentibus pecuniarias penas, in quibus facilis potest haec obligatio imponi, quia ex genere suo leiores sunt, & sine dedecore, vel infamia impleri possunt. Huiusmodi sunt aliquæ leges in regno Hispanie, quæ prohibit aliquid recipere quibusdam personis, & puniunt transgressores in quadruplo addendo, ut in conscientia, & sententia non expectata reddere teneantur. Ita referunt Couarr. Cordub. & alij ex lib. 2. Ordin. regal. tit. 9. l. 2. tit. 14. l. 4. tit. 15. l. 30. tit. 21. l. 15. ubi sic habetur, *In quibus paenis ex nunc pro tunc eos condemnamus, ita ut in foro conscientie ad eas paenas soluendas, etiam ante iudicis sententiam teneantur.* Quia vero non dicunt haec leges, ante omnem sententiam, vel absque alia declaracione dubitari potest, an coarctari possint ad sententiam condemnatoriam, & sufficienter exponi, ut ante sententiam condemnatoriam iudicis oriatur haec obligatio in conscientia, non vero ante sententiam declaratoria, sed immediatè post illam, nam condemnatoria satis aperte ponitur per legem, non tam videtur excludere necessitatem iuridice declarationis. Sed nihilominus censeo ex vi illorum verborum iudicii dictam obligationem, nulla expectata sententia iudicis etiam declaratoria, tum quia alias utilis fuisse totum multiplicatio, & exaggeratio, unde ipsam extraordianaria forma praecipendi, indicat satis extraordinariam, & magis rigorosam obligationem ad talem penam, tum etiam, quia cum dicit lex, *ex nunc pro tunc*, particula illa *pro tunc*, non designat tempus post latam a iudice sententiam declarato-

Ariam criminis, de qua lex mentionem non fecerat, sed tempus commissi criminis, de quo lex fuerat loquuta, tum denique (quod notandum est) quia illa particula *ante sententiam*, licet indefinita videatur, aquila et vniuersali in lege absolute loquente, quia ubi lex non distinguit, nec nos distinguere debemus, maxime quia illud verbum *ante*, includit negationem sententia latæ a iudice. Atque ita intelliguntur illæ leges a citatis auctoribus.

B At vero Soto supra ad 4. ausus est carpere, aut reprehendere legislatorem ciuilem, eo quod usurpet verba illa, *Inconscientia*, quia non est, inquit, secularium Principum, de conscientia iudicare, & in iure communi exemplum simile non inuenitur, & fortasse ob eam rem tales leges usu receptæ non sunt. Sed certè excessit Soto, quia leges, quæ magna consideratione conduntur, non possunt tam facile reprehendi. Item quia Princeps secularis potest obligare in conscientia, ut supra ostensum est, cur ergo peccat, explicando in actu signato usum illius potest statim ad superanda subterfugia, & tergiuersationes hominum? Nec refert, quod iniure communi non inueniatur exemplum, quia non tenetur supremus Rex formam præcipendi sumere a communi iure, sed potest nouam addere, si expedire iudicer. Quod si illæ leges (ut fertur) usu, vel per posteriores leges, quoad hanc partem mutatae sunt, non ideo fuit, quia essent iniusta, sed quia vel hominum protervia prævaluit, vel experientia docuit, aliud magis expedire. Et nihilominus in nouissima compilatione legum Hispanie lib. 2. tit. 18. l. 1. extat lex, quæ prohibet secretarios regios munera recipere sub pena reddendi quadruplum, cum his circumstantijs, prima ut iurent, hanc penam soluere, si in illam inciderint: secunda ex nunc in illa condemnantur: tertio declaratur, ut ad illam soluendam in conscientia teneantur, nulla expectata condemnatione. De qua lege etiam solet dubitari, an sit recepta quoad hanc partem, seu abrogata per contrariam consuetudinem, & an posit in illa habere locum expositio, ut non excludat necessitatem sententia declaratoria, & quidem hoc posterius valde probabile videtur. Tum quia non dicit, *ante sententiam*, absolute, sed *ante condemnationem*, seu *non expectata condemnatione*; tum etiam, quia licet dicat, ex nunc non addit pro tunc, & ita licet lex ferat sententiam condemnatoriam, non designat tempus, pro quo illam fert, nec excludit sententiam declaratoria. Tum denique, quia etiam modo tam iuramentum, quam reliqua verba habent magnos effectus: nam ratione iuramenti tenetur quis statim ac declaratur de crimen, soluere quadruplum sub pena periurij: nec potest occultare bona, quibus potest soluere penam, immo nec potest negare quantitatem munerum, quæ recepit, etiamsi in sententia non declaretur, sed tantum crimen recipiendi munera. Item ad hoc etiam obligat illa lex sua propria vi præter obligationem iuramenti, immo ita obligat, ut facta declaratione delicti nullus inferior iudex possit illam minuere, qui est etiam magnus effectus illorum verborum. Et saltè hoc modo videtur mihi illa lex obseruada, nec posse dici abrogata contraria

confuetu-

Couarr.
Cordub
Ordin. lib
2.

Extraordi
narius mo
odus præci

piendi inde
car rigorof
orem obliga
tionem.

confuetudine, quia nec talis consuetudo probari potest, nec tolerantia Principis scientis illam.

9. Tertium exemplum afferri solet ex Concilio Later. sub Leone X. & Motu quadam Pij V. vbi clericis beneficiarij non recitantes diuinum officium fructus omnes omnium beneficiorum singulis diebus respondentes pro rata restituere obligantur in conscientia, statim & absque alia declaracione, seu sententia. Ita enim esse illud præceptum, & pœnam in eo impositam intellegenda latè ostendilib. 4. de Orat. cap. 29. & 30. Sed nihilominus hoc exemplum non pertinet propriè, & directè ad hanc regulam, quā modo tractamus, quia illa pœna priuatiua potius est quam actiua, vt sic dicam. Lex enim illa immediate impedit acquisitionem fructuum beneficij propter omissionem officij, quo posito impedimento ex natura rei sequitur obligatio respectu fructuum, quia nemo potest retinere sibi quod suum non est. Et ita interpretantur omnes illud præceptum, & colligitur aperte ex verbis Concilij, cum ibi, Beneficiorum suorum fructus suos non faciat, tum maximè ibi, tanquam iniuste perceptos erogare teneatur. Illud ergo prius factum est virtute illius legis, secundum autem sequitur ex vi iustitiae, non quia per se, & immediate iti pœnam impositum sit.

10. Dices, interdum ex vi illius legis beneficiarius tenetur se spoliare fructibus iam perceptis, & quos vere fecerat suos, vt si quis grossam beneficij acquisierit, & receperit, iure illam accepit, & fecit suam: & nihilominus si posteà recitare desinat aliquibus anni diebus, tenetur partem grossæ illis diebus pro rata respondentem, restituere: iuxta declaracionem aperte factam à Pio V. ergo nascitur hæc obligatio immediate ex punitione legis, non ex alia obligatione iustitiae. Sed hoc nihil obstat, nam hæc obligatio restituendi partem illam ex eodem fonte, & eodem modo nascitur. Cum enim expresse concilium dicat. *Fructus suos non faciat, sed eos tanquam iniuste perceptos pro rata restituere teneatur,* & Pius V. non mutet, nec augeat hanc pœnam, sed tantum ratam illam declaret: non possumus nos ad aliquam restitutionem obligare ex vi illius legis, nisi eodem modo, & titulo. Dico ergo, ex vi illius legis factum esse, vt in dicto casu non percipiat fructus omnes grossæ, nisi sub conditione, & onere non omittendi peccaminosa diuinum officium. Vnde si tunc receperisset grossam totam cum animo non recitandi decem diebus, iniuste receperisset, suamque non fecisset partem illam, repugnante lege Concilij. Quando ergo bono animo, & proposito totam recipit quasi anticipata solutione, suam quidem facit, non tamen omnino plenè & absolute, sed sub modo, & conditione tali, vt illa nō impleta amittatur dominium, ex vi legis, quæ illud à principio infirmavit, vt sic dicam, & fecit pendens à futuro euentu, qui effectus legis priuatius etiam fuit, & ex illo nascitur posteà ex natura rei obligatio restituendi.

11. Quamvis autem hæc vera sint, nihilominus ex illa lege sumitur probabilis confirmationis dictæ regulæ: nam sicut lex humana imponit ipso facto pœnam priuatiuam, ex qua necessariò sequitur obligatio ad actionem pœnalem, ita potest obligare ad similem actionem

A nem pœnalem immediate. Colligitur etiam ex illis decretis, vt lex obliget per se ad actionem pœnalem, siue mediare, siue immideate, non oportere, vt semper expresse declarat formalibus verbis obligationem in conscientia ante omnem sententiam, sed satis esse, vt ill explicit per aliquem effectum, qui subsistere non possit sine tali obligatione, vel qui necessario illam inferat, sicut ibi, ex effectu impediendi acquisitionem dominij, sequitur obligatio restituendi. Estque simile huic exemplum in Concilio Trident. sess. 23. cap. 1. de Reformat. vbi de beneficiario non residente modo ibi præscripto dicitur. *Statuit sancta synodus, eum pro rata temporib[us] absentis fructus suos non facere, nec tutu conscientia, alia etiam declaracione non sequuta;* illos omnes sibi detinere posse, &c.

12. Atque ex dictis in hoc tertio exemplo ita intelligi potest, hanc regulam positam de pœnis consistentibus directè in actione hominis, cum proportione applicandam esse ad poetas, quæ proximè priuant actione humana, ex qua priuatione sequitur pœnalis afflictio corporis. Nam hæc pœna, vt supra dixi, moraliter æquivalent illis, quæ in actione consistunt, & ideo eadem doctrina ad illas est applicanda. Exemplum est in pœna ieiunij, quæ non tam agendo, quam carente, seu abstinenti impletur. Hæc verò non tam est pœna ciuilis, quam canonica; & nihilominus non inuenio eam ipso iure impositam in iure canonico. Nam licet Cordub. dicta q. 36. ad hoc alleget cap. Quicunque. 6. q. 1. & cap. Ut mensura, de empt. & vendit. & cap. Accepisti, de Spensa duortim; in his, & similibus iuribus nullum est verbum indicans talem obligationem, vel sententiam latam, solum enim dicitur, vt contrahens cum duabus, & periurus, & defraudans iustum mensuram, quadragesima dies in pane, & aqua pœnitentia; quæ verba non obligant statim ad illam penitentiam agendum, donec imponatur, vt de periurio explicuit lib. 4. de Iuram. cap. vlt. in fine, & eadem ratio est de reliquis. Igitur in iure communi non habemus huius rei exemplum, tamen in regulis religiosis posset facile reperiri, in quibus seruanda sunt quæ suprà de alijs actionibus pœnalibus diximus.

Aliud exemplum huius pœnae est de fame, & carentia cibi sustinenda vsque ad mortem: hanc enim pœnam interdum leges imponunt: tam acerba autem est, vt non possit ipso facto imponi. Imò etiam credo, nec per sententiam iudicis obligari hominem in conscientia ad illam impletandam, si comedere possit. Solet autem quæstio esse, an tunc possit non comedere, & sinere se mori, si facultas suppetat comedendi, quæ ad materiam de Homicidio spectat. 2. 2. q. 64. Aliud denique exemplum est de pœna permanendi in carcere, vel aliquo loco: nam illa etiam sustinetur per priuationem actionis, scilicet, non fugiendo, & hæc etiam non solet imponi per legem, sed per mandatum hominis, de quo quando ponitur in solam pœnam, vel in ordine ad solam punitionem, dubium est, an possit obligare in conscientia, de quo alias. Nam quod ad nos attinet, leges per se ad hoc non obligant in conscientia, maximè quando graue damnum inde timetur, absolute enim existimo, non esse in vsu tales, leges & ideo nihil amplius de illis

Conc. Trid.

12.

Expositio predicta regulæ ad pœnas quæ proximè priuant actione humana ex qua sequitur afflictio corporis.

Cordub.
G. Quicunque.
C. Ut mensura.
C. Accipi pisti

De pena famis usq[ue] ad mortem.

illis in presenti dicere necesse est. Nam quæ tractari solent de iusta punitione rei fugientis è carcere in 2. 2. habent proprium locum q. 69. art. 4.

C A P V T. VIII.

Lex imponens pœnam priuationam ipso facto, quando obliget in conscientia ad executionem eius ante sententiam.

Venio ad præteras priuationias (ut communiter appellantur) quæ per ipsam legem immediate fieri possunt, quas in tres classes distinguo. In prima ponō censuras, In seunda priuationes quasdam, quæ non consequuntur suum plenum effectum sine actione hominis, ut sunt priuatio beneficij acquisiti, vel proprietorum bonorum. In tertia constituo quasdam priuationes, quæ per legem solam integrè sunt, & non requirunt per se aliquam actionem hominis, nec ad illam obligant, sed solum ad abstinentiam ab aliqua receptione, vel actione, ut inhabilitas ad matrimonium, ad beneficium, ad ferendum suffragium, & similia. Et in hoc tertio ordine posset comprehendendi irregularitas, illam vero omitto, quia, ut supra dixi, irregularitas talis pena est, ut nunquam nisi ipso facto incurritur, & ideo quomodounque feratur, ipso iure imponi censetur, & incurri ante sententiam declaratoriam, nisi necessaria sit, ut infamia compleatur, ut in propria materia latius dictum est. Decenfuris etiam in particula diximus tom. 5. in 3. disp. 3. sect. 3. vbi generaliter diximus, inter omnes penas priuationas censuras esse, quæ certius, & facilius incurrintur quantum ad conscientiam ipsius delinquentis ipso facto, & ante omnem sententiam declaratoriam criminis. Ideoque quoties in canone censuram ferente additur, ipso iure, vel ipso facto, aut quid sūtile, esse canonem latæ sententiae. Quæ est communis doctrina fere sine controversia, & pro ratione sufficit, quod verba illa in rigore sufficiunt ad hoc significandum, & quod communis usus, & sensus, ac obseruantia talium legum ostendit, in hoc sensu usurpari, neque in his canonibus temperatum esse aliquo modo rigorem talium vocum. Cuius ratio esse potuit, vel quia hæ penæ sunt spirituales, & medicinales, & ideo animam statim ligare censentur, & cum hac veletratione, & timore semper suscepuntur, vel quia per censuras separatur quis à communibus bonis Ecclesiæ tanquam indignus, & ideo statim obligatur in conscientia, vt se separet, & abstineat. Pertinet enim ad pastorem Ecclesiæ separare indignos, & illis præcipere, vt se separent, quod præceptum in ipsa censura includitur.

In priuationibus & inhabilitationibus per particulæ, ipso facto, ipso iure, & ipso.
Tiraquel.

verbo *Reuertatur*, n. 259. & potest sumi ex c. vlt. de Prescript. in 6. vbi duobus modis dicitur quis priuari bonis in pœnam, scilicet, vel per sententiam, vel ipso iure. Inde enim colligimus, particulam, ipso iure, semper efficere aliquid in quo non expectetur sententia ferenda. Vnde ratio regulæ est, quia verba illa in lege non sunt superflua, nec falsa, non possunt autem esse vera, & utilia, nisi aliquid operentur ante sententiâ, ergo aliquem effectum habet lex ex vitalium verborum circa pœnam, quam imponit. Dices, ponit ad terrorem, vel ad mouendum iudicem, ut cum rigore pœnam exequatur. Sed contra, quia hoc modo eneruari possent, & frustrari omnes leges pœnales: nam semper dici posset, verba ponit ad terrorem. Est ergo absurdâ illa interpretatio, & contra communem usum verborum, quæ synonyma non sunt, & potius est verborum corruptio. Quamvis enim legislator interdum multiplicet synonyma verba, quia nec repugnat veritati, & efficacia legis, eundem effectum multis modis significare, nec est omnino superfluum, quia fit ad indicandum rigorem, & ad maiorem certitudinem, & claritatem: nihilominus quando verbum propriam vim, & significationem habet, etiamsi unum tantum signum ponatur de se sufficiens ad indicandam voluntatem legislatoris, satis erit ad effectum legis, quia non sunt cogendilegillatores ad exaggerationem verborum semper adiungendam: hoc enim contrarationem est, & frequenter non expedit. Sit ergo certum, huiusmodi leges semper operari aliquid ratione talium verborum, quid verò illud sit in his pœnis priuationis, explicandum superest.

Sit ergo secunda regula. *Quoties lex fert pœnam priuationis rei propriæ, & iam obtentæ, quæ sine actione hominis non potest plene mandari executioni, tunc talis lex, licet aliquem effectum pœnalem per se faciat, non tam inducit statim absolutam priuationem, nec obligat in conscientia ad illam exequendam, quæ ex actione Rei pendet, ante sententiam declaratoriam criminis, nisi ex alijs verbis legis, vel ex materia, aut consuetudine aliquid amplius colligatur. Hæc regula sumpta est ex doctrina magis recepta scribentium in hac materia. Prima ergo pars affirmans, illam legem aliquid per se operari, probatur sufficienter ex proxima precedenti regula ostendetur autem clarus declarando quid operetur. Nam primo ex vi illius legis ad incurrendam talem pœnam, & obligationem eius, non est necessaria sententia condamnatoria, sed sufficit declaratoria, nam cōdēnatoria per legem ipsa fertur. Quia ex vi dicatorum verborum aliqua sententia fertur, & non declaratoria criminis, vt per se patet, ergo condamnatoria pro tali tempore, vel sub tali conditione, si de delicto iuridice constet. Confirmari hoc potest ex I. eius, qui delatorem, ff. de Iur. fisci, vbi Bart. id adiurit, & latè Felin. referens plures in c. vlt. de Rescrip. n. 37. Secundo hinc fit, vt talis condamnatio post factam declarationem extendetur, seu retrotrahatur usq; ad diem commissi criminis, quia ex tunc lateat sententia, & propter hunc effectum posita est illa particula, & ita sumitur ex I. vlt. C. Ad leg. Iuli. maiest. & tradunt Doctores citati, & referendi. Tertiò hinc etiam fit, vt licet talis lex non obliget in conscientia ante declarationem delicti ad dimittendam*

Cap. vlt.
de Prescrip.

3.
regula.

L. eius qui
delatorem
Bart.
Felin.

fendam rem, qua priuat, vel abstinendum ab vsu eius: nihilominus aliquo modo diminuat, & infirmiter ius circa talem rem; & potestatem vtendi illa. Hoc patet, quia eo ipso, quod potest pœna illa retro trahi postea usque ad diem commissi criminis, necesse est, ut potestas vtendi illa re non maneat tam libera, & absoluta sit cut ante aera, & consequenter, ut ius in illa fuit diminutum, ut statim exemplis magis declarabitur. Sumiturque ex c. Cum secundum leges, de Hæret. in 6. cu ibi notatis, & ex his, quæ notant, & latè referunt Tiraquel. dict. §. Reuertatur, n. 267. & 268. & Cœuar. in 4. 2. p. cap. 6. §. 8. & 9. & alij statim allegandi.

Secundâ vero pars negatiua controuersa est inter Doctores. Nam communiter Iuristæ assertunt; ex vi talis legis teneri delinquentem in foro conscientia ad relinquentiam rem, qua per legem priuatur, siue sit beneficium, siue officium, siue bona temporalia etiam omnia, quæ aliquis possidet, si pœna de omnibus vniuerso aquatur. Ita tenent Abb. in c. 1. de Constit. & Felin. in cap. Rodulphus, & vlt. de Rescriptis, n. 38. Matthæ. de Afflict. & alij relati per Tiraquel. suprà n. 291. quos & ipse sequitur, & Nauarr. in Sum. cap. 23. n. 67. vbi in hoc æquiparati priuatione beneficij, & similes priuationes censuris, & irregularitati. Inclinat etiam Cordub. dicta q. 36. Sequitur Castro lib. 2. de Leg. pœnal. c. 6. & lib. 3. c. 10. & Anton. Gom. tom. 3. Variar. c. 2. n. 5. Fundamentum est, quia verbum ipso iure, vel ipso facto, in rigore hoc significat, & est efficax; ergo inducat talē obligationem, quia nihil est, quod impediat: nam supponimus fore iustum pœnam, etiamsi cum hoc rigore effatur. Antecedens probatus exemplo censurarum; nam si in eis illud idem verbum habet hanc significationem, & efficaciam, vbiique illam habebit. Neque refert, quod simplex illud verbum sine alia adjunctione, vel exaggeratione ponatur. Nam (vt dicebam) non tenetur legislator multiplicatis verbis suam mentem indicare, sed satis superque est, quod uno simplici, & sufficiente illam manifestet.

Nihilominus regula posita non solū secura, sed etiā probabilior est, cui multū fauet Innocent. in capite Cum nostris, de Concess. Præbendum. 1. Citari etiam potest Decius in cap. 1. de Constit. lect. 1. numer. 20. Sed non recte sentit. quia generaliter de pœna loquitur, & non distinguit inter legem imponentem pœnam simpliciter, & ipso facto, sed illam æquiparat. Felinus etiam in cap. Anobis, de Simon. dubitat de sententia Panormitan. quam prius tenuerat, & cogitandam relinquit. Possuntque in fauorem huius sententia adduci multa, quæ idem Felinus accumulat in dicto capite Rodulphus. num. 37. In eandem inclinat Bald. in lège 2. Cod. de Vectigal. & commis. num. 2. dum ait, eum, qui cadit in commissum, non teneri in foro animæ, etiam si moriatur, tenet etiam Cagnol. in leges Si quis maior, Codice de Transact. num. 160. & ibi Alexand. de Imol. Idemque sentit Iul. Char. lib. 5. q. 73. num. 4. tenet etiam Archid. & Ioan. Andr. quos refert, & sequitur Syluester verb. Assasinus. num. 4. & verb. Hæresis. 1. q. 8n. 12. & 13. Couarr. dicto §. 8. numer. 10. Conrad. tract. de Contract. quest. 7. Peña referens alios in direct. Inquis. 3. part. comment. 158. ad qu. 129. Multi autem ex

his fundantur in generali principio, quia talis lex esset nimis acerba, vel iniqua: congeret enim homines ad se prodeiidum, & ad execundam in se acerbissimam pœnam; ad quod nulla lex obligat. Sed hæc omnia non sunt vniuersaliter vera, vt constat ex dictis, & dicendis, & ideo probatio non est efficax.

Sylvestr.
Ratio ergo solum est, quia particula illa, ipso facto, vel ipso iure, in his legibus posita sufficientem effectum habet, iuxta priorem huius regulæ partem; ergo non est amplius extendenda in his temporalibus pœnis. Probatur consequentia tum ex principio generali, quod pœnae temperandæ sunt potius, quam augendæ; tum etiam quia alias saepe tales leges essent nimis rigorosæ, & ferè inhumanæ; tum præterea, quia communis vsus ita interpretatur huiusmodi leges, & ideo iura ipsa, quando maiorem obligationem imponere volunt, plura etiam verba addunt, & magis rem explicant, vt videbimus. Denique confirmari hoc potest, quia in ipso iure videtur ita temperatus rigor talium legum in capitè Cum secundum leges, de Hæretic. in sexto. Nam ibi explicatur, in pœna confiscationis bonorum, quæ propter hæresim imponitur, simul coniungi, quod sit ipso iure imposita, & quod ad actuellem priuationem requiratur sententia declaratoria criminis, ergo habemus ex iure, particulam illam ipso iure in huiusmodi pœnis non excludere necessitatem sententia declaratoria. Reæte enim infert Sylvester suprà; si in crimen læsa maiestatis diuinæ recipit illa particula illam moderationem, vt non excludat sententiam declaratoriam, à fortiori dicendum esse idem in inferioribus delictis.

Responderi vero potest, in illo textu non dici, non teneri reum in conscientia ad execundam in se talem pœnam ante sententiam declaratoriam criminis, sed solum non posse ab alijs cogi ad illam, seu bonis suis priuari. Quod quidem longe diuersum est, & distinctam valde rationem habet. Nam qui deliquit conscientius est sui delicti, & ita quoad se iam habet prolatam sententiam sui criminis, & sine iniuria, vel scandalio potest pœnam sustinere à se ipso; quoad alios vero non est delictum de se sufficierat notum, donec per sententiam declararetur, vnde si alijs daretur licentia execundi pœnam ante talem declarationem, esset occasio inferendi iniurias, aliaque scadala inde orirentur. Fateor equidem decisionem illius iuris non esse formaliter, & expresse de quæstione, quam tractamus, alias nulla fuisse de bonis hæreticorum controværia. Nihilominus tamen valde probabile sumitur inde argumentum, quia lex puniens ipso iure in bonorum confiscatione, non dat ius fisco ad usurpanda illa bona ante sententiam declaratoria criminis, etiam non auferre ipsi possidenti ius retinendi illa, vnde sit, vt non obligetur in conscientia se illis priuare ante sententiam. Confirmique hoc potest exemplis, quæ adducemus post sequentem regulam. Nunc affero unum ex Concilio Trident. sess. 22. c. 11. de Reformat. vbi fertur ipso iure pœna priuationis iuris patronatus contra laicos patronos, & beneficiorum contra clericos usurpantes bona Ecclesiarum. E.

Conc. Tridi.

C. Cum secundum leges.

Tiraquel.

Couarr.

4. Sententia contraria regulæ positionis.

Abbas. Felinus. G. Rodulphus. Tiraquel. Nauarr. Corduba. Castro. Ant. Gom.

5. Autores affirmantes regulæ prædictam, quia est opprimere numerum acerbum. Innocent. Decius. Felinus. Panorm.

Bald. Ingla. Cagnol. Iulius Claram.

Archid. Ioā. And. Sylvestr. Cœuar. Conrad. Peña.

tamen certum est, per illam legem non obligari hos delinquentes ad se spoliandos, quia verba non cogunt ad interpretationem adeo rigorosam.

8.
Explicatur particula, ipso facto.
Fundamentum autem contraria sententia facilè dissoluitur ex dictis. Particula enim *ipso facto*, vel qualibet aequivalens, capax est amplissimæ significationis sententia latè absque illa necessitate declarationis judicialis, ut probat exemplum de censuris. Oportet autem ut vel ex ipsomet iure, vel ex communi vsu constet, in hoc sensu, & hac intentione potius in lege à legislatore. Hoc autem in censuris inuenitur, & fuit congruum propter rationem supra factam: in aliis vero pœnis nec locum habent prædictæ rationes, nec etiam ex iure, vel consuetudine constare potest ille sensus, quando maior declaratio in lege non additur, imò contrarium constat consuetudine, & insinuatur in iure, ut dixi. Possuntque multa exempla afferri legum, & canonum, in quibus, non obstante illa particula, non statim oritur obligatio ad pœnæ executionem, quatenus ex ministerio hominis pendet, ex quibus exemplis nonnulla statim afferemus, explicando sequentem regulam. In qua simul exponemus ultimam partem huius regulæ, per quam illam limitamus, nisi ex materia, vel adiunctis verbis aliud colligatur.

9.
Tertia regula.
Tertia igitur regula sit, leges pœnales imponentes priuationem ipso facto, inducunt ab-solutam priuationem bonorum, quam intendant, & obligationem in conscientia ad exequendam totam pœnam inde subsecutam, etiā si ex actione hominis delinquentis pendeat, quando adduntur alia verba in lege, quæ hanc intentionem legislatoris satis explicant, vel quando lex esset inutilis, & inefficax, nisi hanc effectam, & obligationem induceret. Iuxta hanc assertionem mihi valde placet communis opinio Panormit. & aliorum, quæ in proximo puncto, priori loco retuli, & eam admittunt alij allegati pro nostra sententia, uno, vel alio excepto, ut in sequentibus exemplis ostendam. Ratio autem assertionis facile reddi potest. Nam posterior pars probata est in simili in capite præcedenti, vbi ostendimus, non esse interpretationem legem cum ipsius iniuria, & vilipendio & ideo extendendam esse ad sententiam latam si necessarium sit ad vitandum hoc incommodum; ergo idem in præsenti à fortiori dicendum est, & omnia ibi dicta possunt hic cum proportione accommodari, neque ea repetere oportet. Ratio verò prioris partis, & totius regulæ est quia legislator humanus potest hoc modo per se, & sua voluntate efficere talem priuationem ex iusta causa, & obligare ad similes actiones, vel omissiones ex simili causa, ut inhabilitat personam ad matrimonium, vel prohibet ferre suffragium quando expedit, vel aufert bona reipublicæ necessaria, ergo idem potest efficere in pœnam iustam; ergo si hanc voluntatem satis explicet, re vera id facit. Neque obstat, quod inde necessitate quadam morali sequantur actiones pœnales exequendas ab ipso reo: tum quia ostensum est, has etiam actiones posse directe imponi in pœnam ipso facto, & ante omnem declarationem, sicut possunt præcipi ob alias rationes iustas, tum etiam, quia semper supponimus, tales debere esse huiusmodi actiones, vt

A non excedant rationem iusta pœnæ, considerata qualitate delicti, & reipublicæ necessitate, & humanæ naturæ morali conditione, ac possibilite. Vnde etiam per se loquimur de hac obligatione, nam si per accidens interdum non potest talis executio ab ipso reo fieri sine magno scandalo, vel sine magna infamia, aut alio gravi incommmodo, quod vix potest homo sibi ipsi inferre, tunc excusabitur quis ab obligatione, seu executione legis id tamen est per accidentis: nam lex per se obligat.

B Magis autem explicabitur hæc regula, ad ductis nonnullis exemplis, non ut illa, quæ ad alias materias pertinent, hic ex professo tractemus, sed solum ut attingamus ea, quæ ad generalem doctrinam legum intelligendam fuerint opportuna. Primum ergo exemplum sit de legibus canoniciis, quæ propter aliquæ delicta priuant omnino titulo, & dominio beneficij legitimè antea obtenti, & posselli, & consequenter obligant ad resignationem beneficij iam obtenti, quæ resignation actio positiva est, & satis onerosa, ac pœnalisa. Sumiturque ex capite *Licet canon*, de Elect. in 6. vbi recipiens beneficium parochiale absque ordine sacerdotali, si intra annum non ordinetur sua culpa, ad illud renunciandum obligatur. Quod autem hæc obligatio sit statim in conscientia, his verbis apertissime declaratur. *Quod si intra idem tempus promotus non fuerit, Ecclesia sibi copiissa, nulla etiam præmissa monitione, sit præsentis constitutionis auctoritate priuatus.* Hinc enim constat, hanc pœnam immediatè esse priuatam; ad illam verò sequi obligationem renunciandi, quia pœna potest retinere beneficium, quod sūm non est. Vnde etiam obiter colligitur, legem non solum posse ipso facto imponere pœnam priuatam rei nondum habitæ, impediendo illius domini acquisitionem, sed etiam rei habitæ, priuando dominio iam acquisito: nam in illo casu iam ille erat dominus beneficij, & tamen illo priuatur ante omnem monitionem, & à fortiori ante omnem sententiam declaratoriam, ut ibi sentiunt *Glossa*, & *Doctores*, & *Nauarr.* in *Summa cap. 25. n. 118.*

C Dicunt verò aliqui, illam non fuisse pœnam impositam per legem Ecclesiasticam, sed fuisse declarationem legis naturalis: nam ordo sacerdotalis necessarius est ad officium, propter quod datur beneficium, & ideo, qui non ordinatur debito tempore, eo ipso ex natura rei amittit titulum beneficij, quod in illa legi fuit declaratum. Sed hoc est contra verba illius canonis, *Sit præsentis constitutionis auctoritate priuatus;* non est ergo illa lex tantum declarativa, sed etiam constitutiva, & effectiva. Deinde falsum est, quod assumitur: nam licet ex natura rei sequatur ex beneficio parochiali obligatio ad sacerdotium, & ideo grauiter peccet, qui est in mera notabiliter recipiendi illum ordinem; non tamen idcirco priuatus est beneficio ex natura rei, quia semper potest emendari, & retinere beneficium, si ordinetur, stando in naturali obligatione. Vnde licet in illo capite determinetur tempus implendi obligationem illam ad annum, quæ determinatio non erat ita certa, nec vniuersalis ex natura rei, etiam quoad obligationem, nihilominus si canon ille non addidisset pœnam illam, sed solam obligationem suscipiendi ordinem ad tale tem-

10.
*Exempla tertie regu-
la.*

**Cap. Licet
canon.**

**De obliga-
tione ad or-
dines illius
qui recipi
beneficium
parochiale.**

**Glossa.
Nauarr.**

pus definisset, non teneretur transgressor illius legis dimittere beneficium, sed posset post annum, vel etiam post plures annos ordinari, & retinere beneficium sine noua collatione, aut nouo titulo. quia in hoc nihil inuenitur contra legem naturalem: fuit ergo illa pœna ipso iure lata per illam legem.

Aliter verò dici posset illam non fuisse propriam pœnam legalem, sed conuentionalem, quia ex vi illius legis datut beneficium sub ea conditione, & dependentia ab illius complemento. Sed hoc licet non multum refutat, gratis dicitur, tum quia lex illa effectum habere potuit in beneficijs acceptis, & possessis ante illam legem: tum quia etiam nunc operatur lex illum effectum in pœnam negligentie, & virtute sua sine respectu ad conuentione. Quia licet is, qui recipit beneficium ignoret pœnam illius legis, nec velit acceptare beneficium sub conditione, sed absolute, nihilominus lex operatur illum effectum.

Secundum exempli præcedenti simile sumi potest ex Concilio Trid. sess. 23. cap. 2. de Reformat. vbi simili modo puniunt Episcopos, qui intra sex menses à confirmatione sua nisi consecrantur, priuando illos Episcopatibus. Hanc enim legem æquiparat præcedenti Nauarr. in Sum. cap. 25. num. 118. & eodem modo ait obligare Episcopum ad renunciandum episcopatu iam vacanti virtute illius legis. Sed aduerto, ibi non haberi omnia verba, quæ in superiori canone, sed tantum dici, sint ipso iure priuati: omittuntur verò illa, nulla etiam præmissa monitione, & ideò licet verba illa contineant sententiam latam, tum propter verbum præteriti, tum propter particulam, ipso iure, nihilominus sufficienter verificantur de sententia condemnatoria, & limitari possunt, ut non obligent, nec habeant suum effectum ante sententiam declaratoriam criminis. Nam in his pœnis rigorosis subintelligenda semper est necessitas huius sententiaz, quoties in lege expresse non excluditur, ut in præcedenti regula diximus, & ita hoc exemplum melius accommodatur ad præcedentem regulam, quam ad presentem.

Tertium exemplum sumitur ex Extrau. Ambitiose, de Reb. Ecclesiast. non alien. vbi inferiores prælati, & rectores Ecclesiarum, qui suorum beneficiorum bona contra præscriptum illius legis alienauerint, priuantur suis beneficijs, per verba de præterito, Priuati existant, & additis præterea his particulis, ipso facto, & absque alia declaratiōne vacare censeantur. Quæ ultima verba nullam patiuntur tergiuersationem, quia non vacat beneficium, nisi quando amittitur titulus, & dominium eius; ergo ex vi talis legis ante omnem sententiam etiam declaratoriam amittitur beneficium, vnde fit ut statim oriatur obligatio in conscientia renunciandi illud. Et ita intelligunt pœnam illam Caiet. in Summ. ver. Excommunicatione, cap. 75. Nauarr. in Summa cap. 27. num. 150. Corduba dicta qu. 36. & alij. Quamuis addant, legem illam, quoad talem pœnam contraria consuetudine derogatam esse, vel multis in locis, vel vbique, quod ad presens institutum non refert.

Quartum exemplum sumi potest ex c. Pro humani, de Homicid. in 6. vbi occidentes alios

A per assassinos priuantur beneficijs ipso facto, & eodem tenore, & e isdem verbis, quibus excommunicantur, hoc modo, Excommunicationis, & depositionis à dignitate, honore, ordine, officio, beneficio incurrit sententias ipso facto. Et præterea additur,

Et illa liberè alijs per illos, ad quos eorum collatio pertinet, conferantur. Vbi etiam est ponderanda illa particula, liberè, quæ indicat beneficia illa vacare ipso facto, & ideò posse alijs conferri liberè, id est, non vocato possessore, nec admissa aliqua exceptione, vt Glossæ exponunt,

& ita vtitur hoc exemplo Corduba d. qu. 36.

Veruntamen licet exemplum vix possit ad proxim reduci, iuxta illa, quæ de illo delicto diximus in 5. tomo, disp. 23. fct. 5. num. 46. Nihilominus vt vim talium verborum explicemus,

re vera illud exemplum magis ad præcedentem regulam confert, quam ad presentem. Nam ibi non infertur priuatio beneficij ante iudicis declarationem de delicto: quia in textu ipso ex-

pressè additur, Postquam probabilibus constiterii argumentis, aliquem tam execrabile scelus commisisse, non esse necessariam aliam sententiam; ergo ad incurram priorem pœnam, & vt beneficia libere possint conferri, netesse est, vt prius de scelere constet probabilibus argumentis.

Quod maximè videtur intelligendum, debe re constare iudici, vt iudex est, ac subinde per ipsum debere declarari. Quod sentit Fe-

lin. in capite 2. de Fid. instrumentor. numero 9. Addit tam en sufficere ad hoc declarandum vehementem præsumptionem ex indicijs, & coniecturis, quæ rem faciant morakiter indubitabilem. Potest etiam hoc extendi ad notitiam facti publicam, ita vt si delictum sit ita publicum, vt nulla tergiuersatione celari possit, omnes illæ pœnæ in actu incurvantur.

Quod est probabile saltem quoad pœnam excommunicationis. Contrarium verò est probabilius quoad omnes, quia de omnibus tex-

tus loquitur, & verba illa magis propriæ, & iuridice referuntur ad probationem delicti in iudicio, & non sunt extendenda in lege odiofa, maximè, quia pœnæ sunt multæ, & gruissimæ, quæ meritò requirent notitiam inridicam delicti. Vnde obiter aduerto duo,

vnum est, quod in illo textu ex vi illorum posteriorum verborum etiam sententia excommuni-

cationis non incurritur ante declaracionem iudicis de delicto, quod est ibi speciale, quia particula ipso facto expresse limitatur per posteriora verba. Aliud est, quod licet verba illa ultima non adderentur, nihilominus priuatio beneficij non incurreretur ante

sententiam ex vi priorum verborum; quia verbum, Ipso facto, non sufficit, & illud libere conseratur, requirit actum hominis, & consequen-

ter debitum ordinem per sententiam, saltem de claratoriam criminis.

Quintum exemplum sumi solet ex moru proprio Pij IIII. contra committentes simoni-

niam confidentialem, quem refert Nauarr. cap. 23. num. 110. & concedit, in eo casu contra

hihanc pœnam statim, & sentit, legem illam obligare ad renuncianda beneficia ante om-

nem sententiam, quia Pontifex dicit, Pra-

sentium auctoritate priuamus. Ego verò in tomo primo de Religione libro 4. de Simon. cap. 43.

in fine, censui, pœnam illam non ita incurri ante sententiam declaratoriam criminis,

4. Exempli
de occiden-
tibus per a-
sasinos.

Corduba.

In diff. ex-
empli non
infestur pri-
uatio bene-
ficij ante in-
dices decla-
rationem de
delicto sed
nec excom-
municatio.

Febrias.

16.
5. Exempli
ex motu pro
prio Pij
contra com-
mittentes si-
moniam co-
fidentialem.
sed videtur
pœna illa
de priuatio-
ne inst. na-
mea deroga-
ta consuetu-
dine.

Nauar.

vt cogatur quis se spoliare beneficio, aut fructibus postea perceptis, quia illa verba tantum continent sententiam condemnatoriam, & aequivalent simplicibus verbis *ipso facto*, & non additur expressè particula excludens necessitatem sententiæ declaratoriaæ, & ita exemplum hoc videtur magis pertinere ad proximè præcedentem regulam, quam ad præsentem. Nunc verò attentius considerando initium illius clausulæ de illa resolutione dubitare cœpi. Præmisserat enim Pontifex plures cautiones, & circūstantias, quibus facile concederet viam ad probandum in iudicio hoc delictum, etiam si magna cautela, & sollicitudine à delinquentibus occultaretur; & deinde subjungit. *Sed ne quisquam vana fiducia freat us non intendendi contra se iudicij, in criminis perseveret, omnes & singulos. &c.* In quibus verbis aperte declarat Pontifex, voluisse omnino præcludere viam permanendi in tali delicto, vel committendi illud spe subterfugiendi iudicium, & consequenter pœnas; & ideo statuisse tali modo omnes illas pœnas, vt ad illarum effectum plane contrahendum iudicium necessarium sit, & consequenter, nec sententia declaratoria. Ergo ne frustretur intentio Pontificis, & lex illa in hac parte vana, & inutilis reddatur, necesse est fateri pœnas illas omnino contrahi, & obligare ante omnem iudicis sententiam declaratoria, quia hæc etiam sententia non fertur sine ordine iudicario, & requisitis probationibus. Quapropter in rigore loquendo, & spectata mente legislatoris ita mihi dicendum videtur, & ita hoc exemplo rectè explicatur posterior pars huius regulæ. Probabile autem est, pœnam illam nō esse in hoc sensu communiter receptam, & idè fortasse esse illi derogatum in hac parte per communem consuetudinem, quæ tolerabilis iudicari potest, quia re vera pœna est valde rigorosa.

17.
6. Exemplū
de exami-
natoribus s/
moniacis.
Conc. Trid.

Sextum exemplum hic addo ex Concilio Tridentino sess. 24. cap. 18. de Reformat. vbi examinatores beneficiorum, simoniam in examine committentes, videntur ita priuari beneficijs prius obtentis, vt ad illa dimittenda statim in conscientia obligentur, quia ibi dicitur, vt absolui non possint à peccato simoniae, *Nisi di- missis beneficijs, que quomodounque antea ob- sinebant:* ibi enim aperte videtur loqui Concilium de absolutione à culpa in foro sacramentali, tum quia loquitur de absolutione à vito simoniae, non à censura; tum etiam quia si loqueretur le absolutione in iudicio externo, non diceret, *Nisi dimissis beneficijs (que verba significant voluntariam dimissionem)* sed diceret, *nisi ablatis beneficijs*, vtique, per iudicem, à quo esset absolutione danda. Præcipit ergo Concilium, vt tales non absoluantur sacramentaliter, nisi dimissis beneficij; ergo obligat illos in conscientia ad dimittenda beneficia, quia alias non posset præcipere, vt non absoluantur, quia si non tenentur, dimittere beneficia, peccant non dimittendo, ergo possunt agere penitentiam de priori delicto, & sufficienter disponi, vt absoluantur; eur ergo poterit illis negari absolutione? Nec enim dici potest, illam fuisse quandam reseruationem peccati, quia neque ibi est verbum indicans reseruationem, nec reseruatio fieri solet præcipiens si simpliciter negationem absolutionis, nec

A cōditio illa adhiberi solet in similibus legibus, nisi quia absq; tali conditione homo non potest bene disponi ad absolutionem, propter obligationem in conscientia, quam habet ad talem conditionem implendam: hanc ergo obligationem habent examinatores simoniaci ex vi illius legis: nam aliunde illam habere non possunt. Illa ergo forma puniendi planè inducit ipso facto hanc obligationem, vt sensit etiam lib. de Simon. cap. 58. num. 3. Vnde etiam videtur posse inferri, per illam legem priuari delinquentes beneficijs suis, quia possent alias in conscientia teneri ad illa dimittenda, nec actio dimittendi beneficium proprium solet directè præcipi, sed solum quatenus consequitur ex priuatione tituli, & carentia beneficij. Quod est quidem probabile, sed incertum, quia non sunt ampliandæ pœnæ adeo graues, minusque onerosum est, vt quis solum obligetur dimittere suum beneficium, quam vt ipso facto illo spoliatur, cogaturque illud dimittere tanquam non suum, nec posset illud retinere sine noua oblatione, & titulo, neque fructus eius, si forte illos aliquo tempore percepit. Videtur ergo limitanda illa pœna ad vim verborum, & quod ad hoc potest illud exemplum acceptari.

Lib. de si-
monia.

B Septimum exemplum sumi potest ex vlt. Concilio Lateran. sess. 5. sub Julio II. vbi contra Cardinales simoniacos in electione Summi Pontificis fertur pœna priuationis beneficiorum sub hac forma. *Eo ipso alisque alia declaratione priuatus existat.* Circa quam formam non est nunc tractandum, an illo particulari casu, vel vsu reuocata sit: (hoc enim in proprio loco actum est) sed inquiri non immrito potest, ac debet, an forma illa ferendi talem pœnam sufficiat ad obligandum beneficium ad spoliandum se beneficio, illud renunciando ante omnem iudicis sententiam, & consequenter, an faciat fructus suos, si illud retineat, vel teneatur illos restituere in conscientia similiter ante omnem sententiam. Aliqui enim dixerunt, non obstante illo rigore verborum expectandæ esse sententiam declaratoria criminis. Ita sentit Couarr. in 4. 2. p. 6. 8. num. 3. illat. 3. Fundatur, quia etiam post sententiam condemnatoriam, quando leges pœnales illam requirunt, non tenetur in conscientia reus condemnatus priuare se suis bonis, aut illa reddere fisco, sed iudex debet exequi pœnam, cui reus non potest resistere; ergo multo minus obligatur in conscientia quis propter solam legem, etiam si maximè dicat, ante omnem declarationem, sed ad summum in foro exteriori poterit puniri, quia illam non seruat. Hoc enim ultimum etiam insinuat. Couar. respondendo ad Syluestrum, licet non satis apte loquatur. Vnde etiam indicat, si aliquid operatur illa particula, *Ante omnem declaracionem*, esse in ordine ad forum externum; non quoad obligationem conscientiæ. Atque hanc opinionem sequitur Vasq. 1. 2. disp. 168. cap. 4. num. 15. Solum quia plures leges habent illam loquendi formam, essetque nimis aspernum, omnes illas ita interpretari. Quis verò sit effector illius particula ne inaniter in lege posita videatur, ibi non explicat, sed explicaturum promittit, non tamen inuenio ab ipso declaratum, nisi fortasse id intendat in loco infra citando.

18.
1. Exemplū
de Cardina-
bus simo-
niacis in elec-
tione Pont.
Conc. Lat.
Julio 2.

Couar. ait
expectandæ
sentent. de-
claratoria

Syluest.

Vasquez.

Con-

19. Contraria sententia communis est, nam à fortiori illam tenet communis opinio Canonistarum suprà citata, & Nauarr. & Cordu. & maximè Castro. Imò etiam Soto dicto loco citato ad 8. fatur, hanc esse vim illius particulae, Ante declarationem. configuit tamen ad pœnas conuentionales, & tandem dubitat de vsu, propter rigorem talium legum. Expressius verò, magisque in particulari hanc opinionem docuit Syluest. verb. *Assassinus, in fine, & ver. Emphyteus.* Ratio verò est, quia illa verba ex vi particulari, *Ipsa factio*, continent sententiam condemnatoriam, & addendo alteram, scilicet, *Absque alia declaratione*, expresse excludunt necessitatem sententiæ declaratoriaæ, & ita relinquitur condemnatio absoluta, & sine vlla conditione, vel mora: ergo statim operatur, & per se exequitur talis lex pœnam, quā imponit. Probatur consequentia, quia ne deest potestas in legislatore, vt supra probatum est, nec voluntas, cum per illa verba satis explicetur, vt ostensum est.

20. Et declaratur amplius, ac confirmatur, quia alias verba illa essent inania, neque efficerent quod significant, imò nec effectum aliquem moralem habere possent. Nam quod Couarr. respondere videtur, nimurum, in foro conscientiæ non habere effectum, habere tamen posse in ordine ad forum externum: hoc (inquam) non video, quomodo subsistere possit. Quia multo minus potest quis incurrire pœnam in foro exteriori ante declarationem, quam in interiori, quia non potest iudex exequi pœnam in aliquem prius quam declaret illum commissum delictum: & ita non solum ad id non obligatur, verum etiam nec iuste potest id facere. Reus autem ex se potest licite, & per legem illam videtur obligari, non esset ergo ullius momenti obligatio, nisi esset in conscientia.

21. Diceret fortasse Couarr. particulam illam operari in ordine ad forum externum, non quia det licentiam iudici exequendi pœna ante declarationem delicti, vt bene probat ratio facta. Sed quia facit, vt ante omnem declarationem delinquens censeatur incurrire pœnam, non quidem tunc exequendam, sed postea subsecuta declaratione. At hoc duobus modis potest intelligi. Primo vt ex vi talis legis delinquens postea puniri possit speciali pœna, eo quod statim ac deliquit non soluit pœnam, vel non renunciavit beneficium nulla expectata declaratione. Et hic modus probabilis non est nec sibi constans; tum quia si ille reus non obligatur statim ad exequendam pœnam ex vi talis legis, nullaque expectata sententia declaratoria: cur debet postea puniri, quia id non fecit? vel si tenebatur ex vi legis, & ideo postea iuste punitur tanquam fractio legis, cur illa obligatio non erit in conscientia, cum per legem præcipiente imponatur? Deinde (quod caput est) in illis legibus non agitur de punitione talis moræ in exequenda pœna, sed tantum de imponenda tali modo pœna pro alio delicto, ergo ficta est, & voluntaria talis interpretatione. Quocirca licet in similibus casibus possit fortasse iudex Ecclesiasticus postea punire beneficiatum, qui post tale delictum beneficium retinuit, & in illo ministrauit, hoc solù erit ex officio suo, & alia pœna fortasse arbitri-

A traria & ad hoc ipsum necesse est supponere obligationem relinquenti beneficium ex vi talis legis penalitatis, quod nunc agimus.

Alio ergo modo potest exponi, illum priuari ante declarationem, quia postea declaratione sequuta, pœna retrotrahitur à die commissi criminis, ac si tunc fuisset exequutioni mandata, atque hunc solum effectum tribuit illis verbis Vasques disp. 173. cap. 2. neque aliud apud ipsum reperio. Mihi autem non satisfacit: nam hunc effectum habet lex ponens similem pœnam ipso facto, vel ipso iure, etiam si ulteriore particularam non addat: ergo per hunc effectum non explicatur quid denuo faciat illa additio, *Absque alia declaratione*, vel *nulla monitione præmissa*. Nec enim dici potest, talia verba addi ad exaggerationem, vel maiorem declarationem præcedentis vocis ipso facto. Tum quia est contra manifestam intentionem legislatorum, qui optimè nouerunt, particularam, *Ipsa factio*, iuxta communem interpretationem vsu receptam, non excludere in his pœnis necessitatem sententiæ declaratoriaæ, & ideò ad excludendam illam addunt particularam prædictam, & recte intelligitur ex dicto logo Concilij Tridentini Seffio. 23. cap. 1. de Reformat. ibi, *Nec tuta conscientia, alia etiam declaratione non sequita, illos sibi detinere posse: nihil enim aliud per illa interposita verba efficere voluit, nisi excludere necessitatem sententiæ declaratoriaæ.* Tum etiam, quia vt supra dixi, illa interpretatio legum habet locum, quando verba re vera sunt synonyma, & alia ratione multiplicari non possunt in eadem lege: hic vero voces non sunt synonymæ, & in omni proprietate intelliguntur addi propter proprios effectus, & significations, ergo non sunt eludenda, & interpretanda, vt vana, & inutilia reddantur.

Fundamentum autem Couarr. falsum sumit: nam vt ostendam capite sequenti, in his etiam pœnis, quæ per iudicem imponendæ sunt ex virtute legum, post latam sententiam tenetur reus pœnam exequi iuxta præscripta verba sententiæ, & iustum iudicis mentem, & hoc ipsum de lege dicimus, quando non solum fert sententiam, sed etiam præcipit executionem; hoc autem facit per verba prædicta, vt declaratum est. Dices; quamuis demus, legem per illa verba, *Sit priuatus beneficio, aut bonis ipso facto, & ante omnem declarationem, tollere dominiū rei, aut beneficij, non tamen inde sequi obligare delinquentem in conscientia ad spoliandum seruare sua, vel beneficio,* quia hoc est durissimum præceptum, & in eis verbis nec formaliter continetur, vt constat, nec virtute: quia possessio, & vsus rei aliud est à dominio, & ita potest quis retinere possessionem rei, & usum quamvis domino priuetur. Multi enim ita sentiunt fieri in confiscatione bonorum, quæ per legem ipso facto fit. Et hoc modo habet sufficientem effectum illa particulara ante omnem declarationem, quia ex vi illius statim vacabit beneficium quoad titulum, & proprietatem, licet quoad possessionem & usum retineri possit.

Respondetur in primis, quidquid sit de alijs bonis temporalibus, in beneficiis Ecclesiasticis hoc non habere locum, & idem esse existimo seruata proportione in officijs publicis. Ratio autem est, quia beneficium Ecclesiasticum non

poteſt in conſcientia retineſti, ſine vero titulo, qui autem priuatur beneficio, eo ipſo priuatur vero eius titulo. Item quia beneficium datur propter officium, qui autem eſt priuatus beneficio omnino, ita ut beneficium vacet, iam non potheſt licite exercere officium proprium talis beneficij, & ideò non potheſt licite illud retineſre, aut illo frui. Imò tales effeſtus ſic facti, quādo requirunt jurisdictionem erunt inualidi per ſe loquendō, & licet ſuſtineat propter titulum coloratum, poſſunt poſtea irritari, ſi alias irritabiles ſunt, quia ſententia retrotrahitur ad omnia, hæc autem ſunt valde abſurda. Item eſt ratio à priori, quia hæc beneficia non dantur principaliter propter recipiētes, ſed propter ministerium, & propter fideles, quibus ministrari debet, & ideò qui priuatur beneficio, remouetur ab illo ministerio, ac ſubinde illud amplius retineſre non potheſt. Quæratio in quibuscunque officijs publicis locum habet. Præterea ſequetur abſurdum de fructibus beneficij: nam vel illos faciet ſuos, qui ſic retineſt beneficium, vel non; primum dici non potheſt, quia nemo potheſt iuſte accipere fructus rei non ſuorum, neque ſine vero titulo potheſt quis facere fructus ſuos: ſi autem dicatur ſecundum, qui ſieri potheſt, vt quiſ poſſit iuſte retineſre fructus non ſuos? Vel ſi non potheſt retineſre, quomodo potheſt iuſte accipere? Vel ſi neque accipere illos iuſte potheſt, quomodo potheſt iuſte retineſre beneficium, cui debentur tales fructus? Igitur ſi leges illæ per verba prædicta priuunt titulo, & dominio beneficij, proſecto etiam obligant in conſcientia ad diſmittendum illud, & hanc conſequentiā in beneficij omnes admittunt.

25.

De alijs autē bonis fortunæ eſt magna quæſtio, quam in materiam de Fide reſeruamus ut ſupra dixi. Nunc ergo ſolum dico non eſſe de illis eandem rationem. Tum quia leges ciuiles, & canonicae videtur, ita interpretari pœnam illam, & concedere delinquenti naturalem retenzione talium bonorum, & uſum in ſuum commodum, & ſuſtentationem, quandiu non iudicatur de crime, ut ſumitur ex capite, Cum ſecundum de Hæret. in 6. & ex l. vlt. C. Ad l. Iul. Maiest. & expreſſius in l. Hispania part. 7. tit. 2. l. 4. Neque in hoc eſt repugnantia, & ſi demus dominium transferri in fiscum, trāſfertur enim ſub ea cōditione & limitatione, ut interim dum non profertur ſententia declaratoria, antiquus dominus retineat poſſeſſionem naturalem, & administrationem, ac certum quemdam uſum talium bonorum. Quod etiam non repugnat conditioni talium bonorum temporalium, quæ ad priuata commoda poſſidentis ordinantur, & prauis etiam hominibus facile concedi poſſunt, in beneficij autem Ecclesiasticis numquam hoc leges declararunt, nec eſſet conſentaneum illorum naturæ, & institutioni, ut declaratum eſt.

26.

Ad fundamentum autem ſecundum eiusdem ſententia repondeo, maius inconueniens eſſe, omnes leges ſic loquentes ita exponere, ut inutiles ſiant, & ſenioritatem fortaffe ad commune bonum neceſſariam amittant. Deinde dico, licet videatur durum, ita interpretari leges omnes poenteſ illam particulam, tolerandum nihilominus eſſe, quia ita ſcriptum eſt, ut de libiſ canoniciſ dicitur in cap. In memoriam,

A dist. 19. & de Ciuilibus in l. Prospexu. ff. Qūl, & à quibus, eo vel maximè quod leges punientes cum tanto rigore rarae ſunt, & in grauiſſimis criminibus. Et præterea in bonis temporalibus quando omnia confiſcantur, in iure ipſo ha- bant limitationem, & declarationem ſuprā ex- plicatam; in alijs verò bonis beneficialibus poterit etiam priudens moderatio ſecundum rationem naturalem adhiberi, nimiriū, ut hæc obligatio ſit per ſe, per accidentem vero excuſari poſſit, ſeu impediſſi illius execuſio, vel quando ſine graui infamia, & publicatione delicti fieri non potheſt, vel quando neceſſarium eſſet ab ſtuſ cadere, & in graui neceſſitate pro vita ſuſtentanda conſtitui: tunc enim liciti in erit ſuſpendere executionem, dummodo ad ſuperiorē ſiat recursus, ut remedium adhibeat, & beneficium, aut officium reſtituat, & pœnam commutet, aut temperet, quod ſine infamia potheſt occulte fieri conſilio viri prudentis, quo in ſimiſibus caſibus ſemper utendum eſt.

B

C A P V T IX.

Quæ obligatio oriatur in conſcientia ad execuſio- nem pœna priuati & ex lege imponente illam ipſo facto, quando execuſio pœna actionem non requirit.

Ex regulis superiori capite propositis priuatis, & ideò de illa iam non traſtamus, ſecunda vero, & tertia tantum proposita ſunt de pœniſ que licet proximè priuationem inducant, in actione conſummantur. Et ideo ſupererit dubium, qua ex his regulis utendum ſit, in pœniſ pure priuatiſ, quæ ad plenam executionem nullam hominiſ actionem requirunt. De qui- bus certum à fortiori eſt, quod ſi in lege dicatur ipſo ſacto, & addatur, Absque alia declaratione, vel quid ſimile, ſtatim abſque mora lex ipſa exequitur pœnam: quia potheſt, & nihil eſt, quod expeſtetur, ut probatum eſt. Dubium ergo ſolū eſt, an ſimplex verbum, ipſo ſacto, ſufficiat in hiſ pœniſ. Quæ diſtingui poſſunt, nam interdu- ſunt quafi paſſiuſ, ut eſſe ineligibilem, eſſe in- capacem bonorum, & ſimiles, quæ tollunt paſſiuſ capacitatem, ſeu habilitatem; alia verò diſci poſſunt a ctiuę, quæ priuant voce a ctiua, ſeu reddunt inabitabilem personam ad ferendum ſufragium ad eligendum, & ſimiles.

De hiſ ergo eſt valde recepta ſententia, quo- ties lex pœnaliſ cum additione, ipſo ſacto, vel ſi- mili, imponit huiusmodi inabilitatem, etiam ſi non addat. Absque alia declaratione, vel aliud e- quiualens, inducere ſtatim illam inabilitatem ante omnem ſententiam, etiam declaratoriam, criminis. Ita tenent aperte Caieta. 2. 2. q. 62. art. 2. Syluest. Verb. Assasius, Nauar. Cordu. & alii in cap. 1. de Constit. & Tiraq. ſupra. Conſen- tit etiam Medin. 1. 2. q. 96. ar. 4. & in hiſ pœniſ idem ſentit Couarr. in 4. p. 2. cap. 8. q. 5. n. 8. lo- quens de incapacitate ad hæreditatem paternam, quæ illegitimis ſpuriis imponitur ipſo ſacto per leges, cu: muis illa, non tam ſit filiolorum pœna, quam parentum. Idemque ait in Regula, Peccatum. 2. p. 5. 6. de lege, quæ in pœ- nam impedit acquisitionem dominij alicuius

Regula ge-
neralis pro-
particula,
Ipſo ſacto.

Caietan.
Syluest.
Nauar.
Tiraquel.
Couarr.
Medin.

rei

Cap. Cum
ſecundum.
L. Hispania
part. 7. tit.
2.

Conc. Lat.
Trident.
Soto.

rei, vt ex Concilio Lateran. supra retuli, & ex Trident. sess. 23. cap. 1. de Reformat. & simile habetur in sess. 22. cap. 3. Soto lib. 10. de Iustit. q. 5. art. 6. non audet hoc negare saltem de impedimento pure passiuo : semper tamen reducit has poenias ad conuentiones, quia beneficia, vel officia dantur sub his conditionibus. Quod vt saxe dixi voluntarium, & insufficiens est: tum quia illæ leges generaliter feruntur, etiam pro his, qui ante illas beneficia, vel officia obtinebant; tum etiam quia non pendent ex pacto, vel conuentione, nec illo intuitu feruntur, nec requirunt scientiam, aut consensum talis pacti, sed ex mera potestate legislativa feruntur.

3.
C. Cum si-
nt. a.
Glossa.
Motus Py-
V.

Probaturque ex c. Cum singula, de Præbend. in 6. ibi. Ex tunc eo ipso efficiatur ineligibilis, & in fine. Reddantur ineligibilis ipso iure, vbi omnes intelligunt cum Glossa, illam poenam statim incurri, ita vt electio de tali persona facta nulla sit, & tamen inhabilitas illa, seu inabilitas non nascitur ex aliquo pacto, vel conuentione, sed pure ex efficacia legis. Aliud exemplum huius assertionis sumi potest ex Motu proprio Pij V. contra simoniacos, vbi recipiens beneficium per simoniam redditur inhabilis ipso iure ad beneficia, quæ poena statim etiam incurrit ante omnem sententiā, vt proprio loco dixi, stante illa lege in sua vi. Huc etiam spectant canones, qui in poenam alicuius delicti, vt vxoridij, redundunt personam inhabilem ad matrimonium, vt constat ex cap. 1. & cap. Super eo. & cap. Significari de Eo qui duxit in matrimonium, quā polluit, &c. Verum est, in his iuribus non haberi particulam, Ipso facto, vel similes, sed ex effectu colligi inhabilitatem ipso facto, quia talia matrimonia censentur irrita, & ita illa iura non probant, an alia iura per solas particululas predictas censeantur illam inferre.

4.
Præbendati
sine iusta
causa non
promoti in
tra annum
ad ordines
Iuspræben-
dis annexos
ex tunc pri-
mantur vo-
ce actiua in
capitulo se-
tient
Glossa.
Card.
Bonifacius.

Præterea de priuatione quasi actiua est optimum exemplum in Clement. Vtis qui, de Stat. & qualit. vbi præbendati in Ecclesijs Cathedralibus, qui sine iusta causa non promouentur intra annum ad ordines suis præbendis annexos, ex tunc, priuantur voce actiua in capitulo. Quod intelligitur ante omnem sententiā iuxta Glossam, Cardinal. Bonifaci. & omnes, plura afferemus infra, tractando de legibus irritantibus contractus. Ratio denique est, quia hic effectus est aptus fieri integre, & perfectè per solam legem, & ita potest non deest: voluntas autem legislatoris sufficienter significatur per illam vocem. neque est ullum iuridicum fundamentum ad limitandam illam. Item quia in hoc videntur hæc inhabilitates comparari censuris, & irregularitatibus, nec sufficiens ratio differentiæ assignari potest, neque ex vñ a liud constat.

Dissentient
Sotus, &
Ledesm.

Ab hac verò sententia dissentit Soto libro 1. de Iustit. q. 6. art. 6. ad 4. & libro 4. q. 6. art. 3. circa finem. Ledesm. in 4. p. 2. q. 18. art. 2. §. Postremo habitat, qui loquuntur de inhabilitate quasi actiua ad ferendum suffragium; tractant enim specialiter de legibus vniuersitatum, per quas poena inhabilitatis imponitur Scholasticis hoc vel illud committentibus, & docent, tales poenas non incurri, donec ipsi condemnentur. Et Ledesm. quidem non addit expressè. Iacet lex dicta ipso facto, vel ipso iure, sed indefinite loquitur, supponitque legem poenalem nunquam aliter

A obligare ad pñnam, & eisdem fere verbis loquitur Soto in posteriori loco: tamen in primò vbi ex professo rem tractat, aperte loquitur de legibus punientibus ipso facto, & extendit sermonem ad omnes electiones, & suffragia. Et præter rationes generales, quas supponit, addit aliud, scilicet, quia alias vix esse posset totus aliquis electus, vel qui cathedram per suffragia scholarium obtinuit, quia multi electi suffragantes fortasse inhabiles erant ipso facto, licet occulti. Hi vero auctores in primis excedunt, quatenus indicant, has leges in priori sensu intellecas, aut fore iniustas, aut omnino excedere potestatem legislatoris humani: hoc enim satis improbatum est in superioribus, & idem necesse non est, hic ad rationes generales respondere: hoc enim satis in superioribus actum est. Deinde ratio, quam Soto addit, non est magni momenti. Negatur enim sequela, & primo dici posset de occultis Ecclesiastis non iudicare, & ideo merito approbari huiusmodi electionem, seu collationem, & electum esse omnino tutum, & securum, quia non tenetur malum presumere, & præsertim contra se. Veruntamen etiam si electo constet, aliquem sibi suffragantem fuisse inhabilem poenali inhabilitate, & solum ratione illius cathedram obtinuisse; nihilominus dico, electionem fuisse validam, quia licet ille esset inhabilis res ipsa, & quoad se, nihilominus erat minister toleratus, & publica autoritate suffragium tulit, & ideo acta eius tenuerūt, iuxta regulam I. Barbari. ff. de Offic. Prætor. Et saltem, quoad leges Ecclesiasticas imponentes hanc poenam, habet in eis locum moderatio Extrauag. Ad uitanda, vt ille censeatur prohibitus quoad se, non quoad alios, & ideo ipse peccat suffragio ferendo, nihil vero nocet electioni, quatenus ad alios pertinet.

B L. Barbari-
us
E xtrauag.
Ad uitan-
da.

Ex quo potest communis sententia confirmari, quia nisi ex vi huiusmodi legis obligatur talis homo inhabilis, factus ad non eligendum, seu ad non ferendum suffragium, inutilis esset talis lex ipso facto imposta quoad particulam. Ipso facto: nullum enim moralem effectum inde haberet, quod admittendum non est, vt supra ostendi. Dices etiam tunc operari ut sufficiat postea sententia declaratoria criminis sine condemnatoria. Sed contra: nam tunc differentia erit verbalis, potius quam realis. Declaratur, quia tunc non poterit sententia retro trahi, quia non poterit irritari suffragium iam datum, vel electio ratione illius facta, quia re vera fuit actus validus vt ostensum est, ergo condemnatio non habet effectum, nisi ex quo fertur sententia, & quoad futuros effectus, quod pertinet ad sententiam condemnatoriam: & ita differentia erit de vocabulo, & vix etiam talis erit, quia vt notauit Simancas, tit. 9. nu. 163. nullus iudex profert sententiam declaratoriam criminis, quin declaret delinquentem reum poenæ legis, quod est condemnare, imo hoc requiritur ad iustitiam sententiæ definitiæ, iuxta l. Praes., C. de sentent. & interloquit. Ut ergo sit aliqua differentia in re, oportet, vt sententia retrotrahatur, & quod illa retractio per se habeat aliquem effectum, quo puniatur delinquens à die commissi criminis, quod in genere poenæ locum non habet; ergo oportet, vt habeat suum effectum etiam an-

6.
Fundamen-
tum Auto-
ris.

Obiectio cū
responsione.

te sententiam declaratoriam, Acedit, quod alias moraliter illa lex esset inutilis, tum quia sape non punit, nisi prohibendo, & inhabilitando ad unum actum, qui ordinariè sit ante sententiam declaratoriam, & vix potest aliter fieri moraliter loquendo, quia haec inhabilitates vix possunt sufficienter probari. At sententia postea lata inutilis esset, quia iam non habet locum dicta pena, & alia non imponitur per legem, nec videtur posse imponi etiam arbitrio iudicis, quia ille non peccauit sic ferendo suffragium, quia non erat inhabilis, sed inhabilitandus, ergo iuxta materiæ capacitatum verisimillimum est, intentionem harum legum, quando addunt, ipso facto, esse penam inferre ante omnem sententiam extra conscientiam ipsius personæ.

Quod autem diximus de valore suffragij, non obstante inhabilitate contracta, ipso iure, imprimis locum habet in actua inhabilitate, non in passiva: nam rationes factæ non habent locum in eo, qui per legem ipso iure factus est ineligibilis, vel inhabilis ad cathedram: nam ille non exercet actum aliquem publica auctoritate, sed ut priuata persona suum commodum querit, & ideo cum inique sese immisceat, non debet eius malitia illi suffragari. Vnde in illo etiam cessat altera ratio, qualicet illa inhabilitas sit occulta, nihilominus quoad ipsum inhabilem, habet totum suum effectum, & ita facit electionem, vel prouisionem nullam, quia per hoc non nocet alijs, sed sibi, sicut de excommunicato, vel irrigulari dicitur.

Deinde quoad actiuam inhabilitatem debet id intelligi de inhabilitibus penalibus, non de illis, quæ tantum sunt ex defectu conditionum necessiariorum, ut alicui detur potestas ferendi suffragium, vt est in hac universitate, actas quatuordecim annorum, haberè cursum integrum iuxta morem universitatis, audiuisse lectiones oppositorum, vel saltem sufficientem habere notitiam, seu informationem eorum, & ad hanc conditionem pertinet, ut opinor (quidquid Soto, & Ledesma contradicunt) conditio ut quis sit inscriptus in matricula universitatis iuxta illius statuta: nam ille qui non est inscriptus priuetur suffragio non in penam prioris omissionis, sed quia tunc non se gerit, ut membrum huius communitatis, & ideo ad illam non pertinet, electio eius, & idem est de similibus. Quaties enim inhabilitas est ex defectu cuiuscunque conditionis ex praeditis suffragium erit omnino nullum, etiam si defectus sit occultus, quia illa inhabilitas non est priuatio potestatis prius habite, ut sic dicam, sed est perpetua carentia nunquam accepta potestatis. Nam haec potestas non est ab intrinseco, ut sic dicam, sed est ex concessione Principis, Patroni, aut superioris, qui illam non vult concedere nisi personæ habenti tales, vel tales qualitates, ideo sicut supra dicebamus de legato reliquo sub conditione, ea non impleta, non obtineri, ita hic dicendum est de habilitate ad ferendum suffragium. Et hoc plane significat lex, cum dicit, qui non fuerit quatuordecim annorum, non habebit suffragium, seu non sero vote, ut nostra habent statuta. Quæ eodem tenore loquuntur de alijs casibus.

Hinc autem difficile est discernere, quando inhabilitas sit penalitatem, quando vero sub-

stantialis, ut sic dicam, & ex defectu conditionis necessariæ: id tamen ex qualitate conditionis, & materiæ discerni poterit, maximè tamen ex vsu. Illæ enim conditiones, quæ per se eo tendunt, ut persona habeat qualitates moraliter conuenientes, ut sit idonea ad talem actum, & sine quibus ei non datur ius suffragij; possunt censeri substantiales; & carentia illarum non habet rationem penæ, sed cuiusdam inidoneitatis. At vero quando inhabilitas ponitur non obstante idoneitate, personæ propter actiones incongruas, & disconuenientes rectæ electioni, tunc censetur penalitatem. Quæ discretio maximè perfici potest cœsitudine, quæ est optima legum interpres. Et ita solent in hac universitate distinguiri duplices inhabilitates, quasdam vocant iuris, alias facti, priores sunt quas ego substantiales voco, & forte dictæ sunt iuris, quia omnino impediunt obtainere ius ad ferendum suffragium, vel quia extra omne dubium inducunt ipso iure inhabilitatem, & annullant actum, vel quia non fundantur in facto personæ, sed in iure requirente talē conditionem ut essentialiæ in persona, ut sit capax suffragij. Aliæ vero dictæ sunt facti, licet etiam per ius introductæ sint, quia in facto fundantur, & ad illud cohibendum positæ sunt. Et ideo de his posterioribus inhabilitatibus dicimus esse penales, ac subinde, licet inhabilitent personam ipso facto, posse sustineri actum, si alias persona habeat omnes conditions per se, & iure requisitas ad potestatem ferendi suffragium.

An vero in hac universitate istæ inhabilitates, quæ dicuntur facti incurvantur ipso facto, ita ut obligent personam ad abstinentiam à suffragio ante omnem sententiam declaratoriam, dubiares est. Quia partem negantem suadet, quod in statutis non habetur particula, ipso iure, vel, ipso facto, affirmantem vero suadet ille modus loquendi. Non sequitur, non habeant suffragium, qui videtur equivalens, & habere vim negationis de praesenti, seu imperij practici denegantis, seu non concedentis ius suffragij. Et fortasse in rigore verborum, & attenta serie capitulo, omnium sub illo titulo contentorum, hoc posterius probabilius est, tum si aliud habet consuetudo, sustineri potest, quia est interpres, & moderatrix legum. Et cum hoc temperamento moneo esse accipendā sententiam hanc, qua docemus inhabilitates has statim incurri ex vi legum loquentium per verbum, ipso facto, sci. nisi ubi aliud fuerit in aliqua lege consuetudine receptū. Et hoc modo limitanda sunt, quæ loquendo de particularibus vitijs, & penit in alijs locis scripsimus.

Sed tunc occurrit aliud dubium, quod etiam Soto, & Ledesma attingunt, an scholaris v.g. sub iura mento à superiore interrogatus, an hoc vel illud fecerit contra statuta inhabilitantia, teneatur veritatem respondere, etiamsi occulte fecerit, vel possit sine perjurio negare, saltem quando non laborat infamia, nec habetur semiplena probatio contra illum. Soto enim, & Ledesma supra, absolute respondent non teneri, quando nec infamia præcedit, nec semiplena probatio, quia non interrogatur iuridice: supponunt enim, non incurrisse inhabilitatem ipso facto, & ita non posse iure repellendi, donec legitimè conuincatur, & consequenter nec posse

Declarantibus si fecerint contra statuta universitatis inhabilitantia.

Soto.

Soto.
Ledesma.

9.

*Hui tenetur
restituere
damna non
electo: affir-
mant Sot.
Ledesm. est
tamen in-
certum.*

Mens An-
toru.

Innocent.
Panorm.
Angel.
Syuest.
Nauar.
Sotus.

12.
Quando po-
tebit qui res-
pondeat am-
phibologiae.

posse interrogari iuridice, donec præcedat aliquis probatio. At vero si supponamus hanc inabilitatem ipso facto incurri, necessario dicendum est, subditum à Rectore interrogatum tener veritatem confiteri, & ad mentem interrogantis respondere sub periurij pena, etiam si nulla præcedat probatio, vel infamia. Ratio est, quia tunc non interrogatur per se, & præcipue ad punitionem, sed ad cauendum peccatum, & iniuriam tertij. Ille enim subditus supposita inabilitate, & priuatione, vel suspensione, quam incurrit, peccat grauiter se immiscendo, & tendit ad faciendam alteri iniuriam, usurpando iudicium, vel electionem ad se non pertinentem; ad hos autem fines habet superior ius interrogandi occulta, etiā si nulla præcesserit infamia; & subditus tenetur simpliciter veritatem fateri. Ut est certum in iure cap. vlt. de Clandesti. de- sponsal. cum similibus, & est communis senten- tia Innoc. Panorm. & aliorum in cap. Qualiter, & quando. 2. de Accusat. Angeli. Sylvest. & alio- rum Summi starum verb. Inquisito, & Nauar. in cap. Inter verba. concil. 6. num. 255. & sequentib. & tenet ipse Soto Relect. de Secreto, membr. 2. q. 6. concil. 3. Quod si hoc fuerit graue onus, sibi imputet, qui se immiscuit, nam ante omnem interrogationem tenebatur abstinere. Et declaratur in alijs inabilitatibus iuris quas non penales, sed substantiales appellauimus: de illis enim interrogati electores tenentur simpliciter veritatem fateri, tum quia agitur de cognitione ne- cessaria ad legitimam electionem, & tum etiam quia intercedit ibi pactum tacitum, vt habeat suffragium qui tales conditiones habuerit, & non alias, ergo omnes de his conditionibus le- gitime interrogantur, ne inique se ingeraunt qui ad illud munus non sunt admissi, nec ius habent eligendi, & ideo in his non est necesse, vt præce- data aliqua probatio, vel infamia, quia non agi- tur de illorum punitione, sed de cauenda in iu- stitia; ergo idem est dicendum in ceteris inha- bilitatibus, si verum est, ita esse contractas ipso facto, vt grauiter peccent, qui tale iudicium, seu suffragium usurpant.

At vero ubi inabilitas non est contracta ip- so iure, donec per sententiam declaretur, proba- bilis est opinio Soti, nimirum, subditum sic in- terrogatum de actu occulto, de quo nulla infamia, vel semiplena probatio præcessit, non tene- ri veritatem aperire, etiam si iuret, sed ut posse amphibologia, responderido ad mentem suam, non ad mentem superioris interrogantis, quia tunc, qui fert suffragium ante sententiam non pec- cat, per se loquendo, quia suum ius retinet, dum non iudicatur inabilitis, & ita iure suo virutur ferendo suffragium; ergo non peccat. Nec obstat dicere, quod per legem fuerit prohibitus, quia illa pro- hibitio non obligat illum nisi per iudicem, & ita directe instruit iudicem, non obligat reum, donec condonetur, atque ita non peccat iuxta illa sen- tentiam, ergo nec tenetur respondere superiori in- terroganti ad meritum eius, & occultum suum factum aperiendo, nisi legitime interrogetur, quia præ- cessit infamia, vel semiplena probatio. Proba- tur consequentia, quia iam tunc illa interrogatio non tendit ad vitandam culpam, vel iniuriam tertij, quia ostensum est, nullam committi, etiā si ille suffragium ferat; ergo tendit ad punitionem, ergo debet in ea iuridicus ordo seruari.

Addunt vero Soto, & Ledesm. suprà, quod si-

A quis iuridice interrogetur, non solum peccat, & est periurus negando veritatē, sed etiam tenetur restituere damna, quę fortasse ob eā causam pā- titur non electus. Sed hoc secundū aulde incer- tū est, & contrariū fortasse est probabilius, sup- posito illo principio, quod ille nō est inabilitis ipso facto. Nā tunc ille negādo veritatē nō pec- cat contra iusticiā cōmutatiā respectu eligēdi, sed contra obedientiā respectu iudicis, vel contra iusticiā legalem respectu reipublicā, vel cōtra iuramentū, & religionē. Neq; etiam ferendo suffragium post negatā veritatē ille peccat contra iustitiam, quia non amisit ipso facto ius ferēdi suffragium, etiam postquam veritatē negauit, donec te ipsa condēnetur, quia illa est penafer- renda, vt supponitur; talis autē pena non aliter incurrit. Et ideo reus, qui negando iniquè ve- ritatē, evitat condemnationē penę alias ferēdā, non tenetur illam restituere, iuxta probabilio- tem sententiam, quam nunc suppono ex Nauar- ro in Sum. cap. 18. num. 49. & alijs modernis.

Alterū vero de culpa regulariter verum est, supposita interrogatio ne legitima, quia nō po- test dari bellū iustum ex vtraque parte, & quia lex illa iusta est, & non in vanum tales interro- gations præcipit; ergo obligat, saltem quando iuri dicē fiunt. Hoc autem videtur intelligen- dum per se: nam ex accidenti possit à culpa ex- cusari, qui non potest responderere verum sine magno scādalo, vel infamia propria, vel inimi- citia, vel alia simili graui iactura, & tunc licet interrogatio per se sit iuridica, quia tamē ex ac- cidenti respondens impeditur, licet respondeat, se non fecisse, habet locum subintellecta inter- pretatio, scilicet, non ita feci, vt tetigat propala- re, & ita excusatur à mendacio, & periurio. In his etiā legibus contingere potest, vt in presū- ptione fundentur, & ideo iuxta doctrinā satis receptā, si is, qui alias vere habebat ius suffragij, habeat animū seruandi iustitiā, & fauendi di- gniori, poterit excusari ab obligatione cōfundi suū factū occultum, quia lex id iubens fundatur in presumptione, quę tuū cessat, & intentio le- gis se ruatur. Hec rāmen posterior excusatio moraliter non est admittenda. Quia illa non est lex propriè fundata in presumptione, sed fundata in morali periculō, quod imminet reipu- blicā, seu academiā ex huiusmodi subornatio- nibus, & muneribus, quibus electores corrumpuntur, & iuste electiones impediuntur, quod fundamentū nō est presumptū sed verū, & licet in particulari cesseret effectus eius, nō ideo cessat obligatio legis. Ideoq; non excusatur quis ab obligatione respōdendi verū, etiam si intentio- nem habeat faciendi iustitiam. Eo vel maxime, quod facile hi decipiuntur, & formant consciē- tiam iuxta suum affectum, quem habent ad al- teram partem propensum. Prior etiam excusatio, licet in rigore sufficiat, & contingere possit, tamen moraliter loquendo rārissima est, tum quia fere semper potest quis se subducere, & coram Rectore non apparere; tum etiam quia po- test ita moderari responsionem, vt ad inabilitatē confitendam sufficiat, & infamia non inducat, quā sublata, alia incommoda leuia esse solent.

Denique sincere spectato tenore statutorum, & legum, & præcipue huius Academiā, sentio, teneri scholares, qui ad suffragia ferenda se offe- runt, & coram Rectore præsentantur, veritatem

*Iuridice in-
terrogatus
tenetur re-
spōdere ni-
sit periculū
magni scā-
dali, infa-
mia pro-
prie, velini-
micitia, vel
altius similes
graui iu-
stra.*

*Teneri ab-
solutē scho-
larē, offeren-
tes se ad suf-
fragium.*

fratia veritate fateri, siue præcedat infamia, siue non. Tum quia illa interrogatio non est primario propter punitionem; sed propter morale bonum cōmune reipublicæ, &c (vt ita rem explicem) non oritur ex affectu iusticiæ vindicatiuæ, sed ex affectu iustitiae distributiuæ, & legalis, & hoc est satis, vt interrogatio sit iusta, etiam si infamia non præcedat. Quia non est necesse, vt semper interrogatio fiat ad impediendū peccatū futurū, sed satis est, vt fiat propter communē utilitatem, & ad tollendā materiam, & cōmunes occasiones peccatorum. Ut bene notauit Nauar. in dict. c. Inter verba, cōcl. 6. n. 258. & 264. & 265. Tū etiam quia lex illa indifferenter præcipit exigere iuramentū, & sub eodem tenore in omnibus illis articulis, siue perteat ad conditiones quasi substantialiæ ad ius suffragij habendū, siue ad alias, quæ tendunt ad cauenda mala, & occasiones iniustitiae publicæ, & acceptiois personarum. Et similiter pónuntur pro omnibus personis, nulla habita ratione infamia, nec alterius ordinis iudicialis, ergo supponit illa lex, interrogationem illam esse iusta, & a quæ posse omnes, & in omnibus casibus obligare, alias lex ipsa non esset iusta, quod dici non potest. ergo sicut tenentur omnes respōdere veritatem in inhabilitatibus iuris, seu substantialibus, quātūuis occulte sint, ita in reliquis. Tū præterea quia sub hac lege, & conditione admittuntur omnes ad suffragiū ferendū, vt illis interrogationibus vere respōdeant iuxta mentem interrogantis (hæc enim sine dubio est intentio legis) & has conditiones accipiunt electores sine vlla limitatione, vel discriminē, ergo tenetur illas seruare, vel non dare suffragiū.

Vnde est magna differentia inter hanc interrogationem, & illam, quæ tendit ad vindictam: nam in hac posteriori, interrogation, & respōsio est quasi coacta, & in malū interrogati, illa vero prior est magis voluntaria ei, qui vult ferre suffragiū, & per se ordinatur ad cauendam iniustitiae in electionibus, & idēo non est necessarius aliis ordo iuridicus in hac interrogatione præter illum, quem statuta prescribūt cui electores voluntariè subdūtur. Nec etiam facile admittenda est excusatio consuetudinis, per quam dici solet hic rigor taliū legū temperatus. Nā consuetudo illa videtur potius corruptela, qui est contra bonos mores, & præbet occasionē innumeris finalis, nec etiam talis consuetudo censeri potest tolerata à Principe sciente illam: nā semper reprehenditur, & reprobatur, & si contingat, aliquæ cōuincit de mendacio punitur. Atq; hoc maximè obseruandū est, in grauioribus actibus, & transgressionibus, vt sunt emptio, & venditio suffragiorū, & alia illicita pacta, & mores publicos: in rebus vero leuioribus vt sunt loqui, ingredi domum, & similes, facilius admitti possit probabilitas contraria sententiæ, maximè faveante consuetudine, quæ quoad hæc leuiora magis tolerata esse videtur.

*Consuetudo
corriaria di-
ctis est cor-
ruptela.*

*Quomodo
admitti po-
test consue-
tudinis ex-
cusa.*

A ppter hoc loco explicabitur. Duo igitur distinguuntur in omni pena, scilicet, pati, & agere. In passione videtur consistere pena per se, ac formaliter de illa loquendo, vt pena est, quia consistit in priuatione alicuius commodi; priuatione autem ut sic in passione, vel quasi passione consistit. Quod si aliquando penæ positiva esse videntur, vt verbatio, & cibustio, & similes non habent rationem penæ, nisi ut passiones, & receptiones quādam sunt, tali subiecto disconuenientes, & ideo nulla est pena sine aliqua passione eius, qui patitur. Aetio verò requiri solet quasi antecedenter ad penam, & ideo interdum inferri potest pena per actionem transcurrentem alterius sine cooperatione patientis, interdum fieri potest à solo paciente quasi immaterialiter in se operante, aliquando ab utroque, id est partim à paciente, partim ab alio. Addit etiā Caiet. 2. 2. q. 62. art. 3. aliquando fieri sine vlla actione, vt in censuris, irregularitatibus, &c. Et ita cōmuniter loquuntur alii. Siquis autē recte consideret, sicut ibi non est actio physica, ita neq; passio, & sicut est passio quādam moralis, ita etiam est actio moralis, quæ est excommunicatio actiua v.g. vel immissio talis inhabilitatis, &c. quæ in virtute est veluti quoddam præceptum legis, vel hominis imponentis obligationem abstinenti ab hoc, vel illo munere, fructu, vel communicatione, vel etiam inhabilitatis personam ad aliquid. Et ita melius fortasse dicitur, hanc penam non postulare, aliam actionem propter illam, quam lex & sententia facere potest.

B 2. Primo ergo, quod attinet ad passionem penæ, nulla est difficultas. Dicendum est enim, legem, etiam post sententiam latam non obligare per se, & immediate ad passionem, obligare tamen per se loquendo, ad sustinendam passionem penæ patienter, & sine propria resistentia, vel obligare ad ea, quæ secum assert priuatione penalis semel illata. Priorem partē pono præcipue propter penas, quæ consistunt in physica priuatione, seu passione. Et probatur facile, quia pati, vt sic immediate, & per se non cadit sub obligationem: nam obligatio cadit in actum liberum; passio autem, vt sic, non est libera, nisi ratione actionis. Potest autem sub obligationem cadere non resistere passioni, seu ne passio inferatur. Et quoad hoc certum est, legem penalem obligare post sufficientem sententiam latam, quia tunc habet iudex ius resistendi, alias daretur bellum iustum, ex utraque parte. Loquor autem de propria resistentia positiva: nam impedire penam per fugam non est prohibitum in conscientia, quando pena corporalis, & gravis est. Dixi autem, Post sufficientem sententiam, quia debet esse iusta, & secundū leges lata; alias non potest conferre ius ad sui executionem.

C 3. Vbi statim occurrebat quæstio, quid dicendum sit, si sententia sit iusta in exteriori foro secundum allegata, & probata, re tamē vera non habebat fundamentum veritatis. Sed hæc quæstio magis pertinet ad potestatem iudicis, quam legis, habet quæ proprium locum in 2. 2. q. 60. ar. 5. & quæst. 67. ar. 2. & q. 96. ar. 4. Vbi à commentatoribus tractatur, & Soto lib. 3. de Iustitia. q. 4. art. 5. Et de Censuris tractata est à nobis latè quantum materia illa postulabat, tom. 5. disput. 4. Sess. 7. num. 8. & sequentibus. Videri etiam possunt, quæ supra diximus de lege iniusta,

Caietan.

C A P V T X.

*Vixum omnium lex penalis obliget reum ad penam execu-
tionem, saltem post sententiam iudicis.*

I. H ec quæstio videri potest pertinere potius ad potestatē, & vim præcipiédi explicadā in iudice, quia in lege: tū quia sēpe pēdet ex sola lege, & sēper ad illā cooperatur lex, ideo bre-

*D.Thom.
Sextus.*

iusta, & de vi, quam habere potest ad obligandum. Resolutio ergo breuis est, quod licet illa sententia per se non obliget reum ad executionem pœnae, quando illam commode vitare, aut fugere potest sine publica resistentia, vel scandalo; nihilominus obligare ad parendum executioni iudicis, vel legis, quando sine resistentia violenta, vel scandalosa vitori non potest; hæc enim resistentia nunquam licet, quando sententia est iusta secundum allegata, & probata, quia tunc iudex legitimè vtitur potestate sua, cui subditus parere tenetur.

Secundo, nulla relinquitur questio de Pœna, quæ per solam actionem solius iudicis, aut legis inferri potest. Hoc patet, quia si pœna sit Physica, & efficienda per actionem iudicis, illum obligare poterit, aut ministros eius, non autem reum, nisi modo dicto in præcedenti assertione. Si vero sit moralis priuatio, siue fiat per solam legem, siue mediante sententia per se ipsam operante, ut in excommunicatione, & similibus, ibi nulla est necessaria obligatio respectu solius passionis talis pœnae, quam immediatè facit lex vel sententia, quia illa operatur etiam in inuitum. Vnde non est in potestate patientis, illi resistere: nam prolatæ sententia excommunicationis iusta per canones, vel homines, reus necessario relinquitur excommunicatus, nec potest resistere, licet maxime velit, & idem est in similibus. Ideoque quo ad hoc non habet locum obligatio parendi, quia ubi non potest esse resistentia, non est libertas in non resistendo, & ideo nec potest esse obligatio parendi propriè quo ad receptionem talis priuationis. Ipsa tamen priuatio, seu censura, aut inhabilitas assert secum obligationem ad patientias, vel exequendas alias priuationes, seu carentias, quæ aliquo modo pendent ex hominis libertate, & necessariam connexionem habent cum primaria priuatione, vt non communicare, non contrahere, & similes. Hoc etiam est per se clarum, quia quoad hæc pœna illa includit præceptum legis, vel iudicis, in cuius obseruancia consistit executio talis pœnae; sed tenetur quis obedire præcepto iusto, & exequi pœnam quo ad hanc partem, & hoc satis constat ex dictis capite præcedenti.

Tertio ergo superest questio, quando pœna, vel requirit actionem, aut coope rationem ipsius rei, vel saltem per illam fieri potest, an tunc obligetur reus ad operandum, vel cooperandum, saltem post sententiam iudicis. Multi enim affirmant, post latam sententiam teneri reum ad exequendam pœnam legge statutam, si actio illa non includit intrinsecam malitiam, vel nisi hoc modo pœna reddatur iniusta, vt esset se occidere, vel mutilare. Tribui solet D. Tho. 2.2.q. 62. ar. 3. ubi negantur nenerire ad pœnam ante sententiam, post sententiam vero iudicis condemnantis ad pœnam dicit teneri, & eodem fere modo loquendi Caiet. ibi, clarius id docet 2.2.q. 69. ar. 4. & Soto lib. 1. de Iustitia, q. 6. ar. 6. conclus. 5. Castro lib. 2. de lege penal. c. 3. Nauarr. in Summa cap. 23. n. 66. Ledesm. in 4. 2. p. q. 18. ar. 2. Anton. Gom. 3. Variar. c. 14. n. 4. Cordub. dicta q. 36. Feli. cum Bald. & Anchar. quos refert in cap. de Constit. n. 46. & plures adducit Tiraq. in l. Si unquam, verbo Reuertatur. num. 291. Ratio huius sententia est, quia lex ha-

Abet vim obligandi ad pœnam pro aliquo tempore, vel statu, sed nullum potest esse magis opportunū, quam post latam sententiam iudicis (quid enim aliud spectandum super est) ergo. Item quia sententia, quam iustum supponimus, habet vim p̄cepti, sed subditus tenetur obediere superiori præcipienti; ergo.

Secunda opinio negat teneri reum, etiam per sententiam damnatum, exequi pœnam in se, vel actionem aliquam exercere, quia illam exequatur, vel ad illam cooperetur. Ita sententia Couar. lib. 1. Variar. c. 2. n. 10. & in 4. 2. p. c. 6. §. 8. n. 10. illat. 2. & num. 11. & tribuit Caiet. de quo iam dixi. Citat. etiam Adri. Quod lib. 6. art. 1. illat. 3. Sed ille aperte loquitur ante sententiam, & potius inferius refert Paulum in Clement. Pastorale, de Re iudicat. dicentem, quod filij.

B quorum pater incidit in crimen læsa maiestatis, possunt subtrahere de bonis eius, & nonquam restituere. Ipse vero ait, Sed hoc non affero, sentiens teneri ad restituenda illa bona, si pater de criminе damnetur. Et ita ille Paul. videtur opinioni Couar. adhæsse. Et pro eadem potest allegari Deci. in c. 1. de Constit. quia licet in illa postea non persistat, quia putat, legem pœnalē etiam ante sententiam obligare, nihilominus ex hypothesi tenet, quod si lex non obligat ante sententiam, neq; post sententiam obligabit ad pœna executionem. Solet ad hoc allegari c. 5. uam, de Pœnis, vbi Papa prohibet, ne quidam clerici in pœna molestentur etiam post condemnationem. Ratio autem præcipua est quia ad officium iudicis spectat, non tantū proferre sententiam; sed etiam exequi: reus autem non tenetur subite officium iudicis, nec fieri minister eius contra se ipsum; ergo per sententiam nō obligatur ad talem actionem sed ad solā passionem sine resistētia. Et ita soluit hæc sententia fundamentū præcedentium quia negat, legem pœnalem iudicere hanc obligationem, etiam pro illo tempore; tū etiam quia putat, præter sententiam aliquid aliud esse expectandum à iudice, scilicet, executionem. Vnde etiam negat, in sententia iusta includi tale præceptum, sed solū sustinendi pœnam, quod probari potest argumento quodam in superioribus facto, quia non plus potest præcipere iudex, quam lex, vel saltem non intendit plus præcipere, quia iudicat secundum legem, sed lex non præcipit actionem executiūam pœnae, sed tantum sustinentiam; ergo

D Veruntamen controversia hæc facile componi poterit: nam si res ipsa distinctè explicetur, parva esse potest dissensio, nisi fortasse in uno, vel altero exemplo diuersarum pœnarum. Primo ergo ex parte sententia distingui potest inter sententiam condemnatoriam, vel declaratoriam: nam de utraque potest queri, an post illam latam oriatur prædicta obligatio. In hoc autem punto necesse est, vt ex parte legum distinctio cum proportione fiat. Nam si lex continet tantum pœnam ferendam, nec operari potest, nec locum habere sententia tantum declaratoria criminis. Primum patet ex dictis capite præcedenti: nam hoc specialiter operatur particula, ipsa factio; ergo illa deficiente, cessat effectus. Ratio etiam est euidentis, quia sententia tantum declaratoria, vt talis est non præcipit aliquid de nouo, sed solum dat publicam, & iuridicam notitiam delicti; at neque lex ipsa in illo casu præcipit, quia non

6. Sem. negatiua, quia exequi est iudicis. Couarr. Caucian. Adrian. Paul. in Clement. Pastorale. Decius.

Cap. S^u

7. Mens & distinctionis au thoris.

fert pēnam ipso facto, vt supponimus; ergo non est, vnde oriatur obligatio. Secundum autem, scilicet, non esse locū tali sententiā in eo casu, patet, quia in illo maximè locum habet dictum suprà citatum ex l. Praes., C. de sentent. & interloquit. Legem definitiūam non absoluēt, vel condemnantem reūm pro iusta non haberi. In eo autem casu si daretur sententia purē declaratoria criminis, nec absoluēret, nec damnaret, nec formaliter, vt supponitur, nec virtute, quia nec lex ipsa damnaret, esset ergo sententia iniusta; imò & ridicula, & adeo stulta vt moraliter non sit possibilis.

8. Secundo aliter dicendum est, quando lex imponit pēnam ipso facto: si ex parte rei aliqua actio, vel cooperatio necessaria est, ad illam obligatur statim in conscientia post latam sententiam declaratoriam criminis. Probatur contraria ratione, quia licet talis sententia non prēcipiat, lex tamen prēcipit illa sententia posita, seu pro illo statu, vt capite præcedenti declaratum est. Supponimus autem præceptum esse iustum, id est, pēnam esse talem, quæ etiam hoc modo imposta non excedit debitam moderationem, vel æquitatem humanam; ergo tale præceptum statim obligat. Vnde propter hanc causam nunquam illa particula ponitur in lege, nisi vbi pēna adiuncta talis est, vt possit, & liceat, & conuenienter mandari executioni, & obseruari ab ipso reo; ergo signum est, legem intendere obligare eo ipso, saltem postquam sententia declaratoria profertur. Confirmatur, ac declaratur, nam si lex dicat, ipso facto, & absque illa declaratione, per se obligat in conscientia ad executionem pēnæ, ergo quando ponit, ipso facto, solaque sententiam declaratoriam requirit, non postulat aliam iudicis executionem, cum ab illo solum sententiam declaratoriam criminis requirat; ergo post illam sententiam prolatam statim obligat reūm ad executionem pēnæ.

Obiectio
Concurrit.
Diluitur
testio.
10.

Contra hanc verō assertionem obijci potest ex Couar. suprà, illat. 3. Nam etiam post sententiam condemnatoriam, non tenetur reus pēnam exequi, nisi index illam exequatur: ergo multo minus tenebitur post solam sententiam declaratoriam, etiam si lex condemnare censeatur, ipso facto. Respondeo in primis antecedens non esse in vniuersum verum, vt statim dicam. Quia verō interdum potest esse verum, vt etiā dicam, & inde potest argumentū confici, addo, esse differentiam inter legem punientem ipso facto, & iudicem cōdemnantem. Quod lex puniēs ipso facto, statim præcipit quidquid necessariū est ad executionē pēnæ, solumque permitit transgressorī expectare iudicis declaracionem, & nullum aliud ministerium iudicis vult esse necessarium ad talem executionem. Et quia lex semel lata semper eodem modo præcipit, ideo semper etiam eodem modo obligat post declaratoriam sententiam. Iudex autem dum condemnat, non semper vtitur eisdem verbis, & ideo non semper obligat, vel non obligat ad executionē immediate faciendā per actionem ipsius rei absque alia executione sua, sed uno & altero modo potest condēnare, vt iam dicam.

Quanquam autem hæc sit regula generalis de se, dubitari nihilominus potest an patiatur aliquam exceptionē, & in particulari solet queri de pēna confiscationis omnium bonorum, an per eandem regulā obligetur reus in conscientia

ad illā exequendā statim ac fertur sententia declaratoria criminis. Nā multi ex auctoribus citatis affirmat, vt Soto, Medin. Cord. Anton. indicat Simanc. dicto tit. 6. n. 165. Nicetut in fundamētis positis. Alij putant, in hoc casu habere locum priorem sententiam Couar. & hoc magis sentit Simanc. n. 163. & mihi etiam magis probatur, tum quia illa pēna est grauiissima, & consequenter ille modus executionis esset nimis arduus, tum etiā quia in c. Cum secundum leges, nō imponitur hēc positiva obligatio, sed iudici datur potestas ad auferendā omnia bona à die commissi delicti post declaratoriam sententian; tum denique, quia hæc est communis praxis, & consuetudo. Sed de hac pēna confiscatiōnis in materia de fide ex professo tractamus.

Venio ad alteram partem de lege. quæ tantum continet pēnam ferendam, & de statu eius, in quo iam est per sententiam Iudicis imposita. In quo puncto oportet distinctionem adhibere ex parte pēnarum: nam quādam sunt corporales, alia pecuniarie. Et inter corporales quādam sunt contra vitam, vel integritatem, vel grauem dolorem, & ignominiam inferunt, vt mors, mutilatio, & publica, acerba, & vilis flagellatio. Aliæ sunt, quæ in corpore, vel per corpus excentur sine crudelitate, vt abire in exilium, domi contineri peregrinari, &c.

Primo ergo dicendum est, Reus damnatur ad priores pēnas corporales, regulariter nō tenetur in conscientia ad propriam executionem earum, sed hanc debet facere iudex per ministros suos. In assertione fere omnes conueniūt. Probari solet, quia non licet reo talem pēnam in se ipso exequi, quia esset, occidere, vel mutilare se, quod est intrinsecè malum. Sed hæc ratio, & dubia est circa has pēnas, quia in eis non legeret reus vt priuata persona, sed vt minister iudicis, & ideo non videtur esse hoc intrinsecè malum, de quo in 2.2.q.64. & non est vniuersalis, quia alia sunt pēnae corporales, quæ sine peccato possent ab ipsomet, qui puniuntur, fieri, & tamen ad illas neque obligatur quis post sententiam, nec forsan obligari potest, vt est infamis & publica verberatio, & si quæ sunt alia similes. Ratio ergo est supra tacta, quia est nimis violentum, quod idem sit agens, & patiens in pēna tam acerba, qua igitur ratione hoc non imperatur per legem ipsam, eadem non præcipitur per sententiam. Et ita constat ex communi vsu: nam in huiusmodi sententijs, verba passionem potius, quam actionem significant respectu rei.

Dubitari autem solet, an, dum iudex exequitur sententiam præsertim mortis, possit quis, vel teneatur aliquas actiones exercere, vt ambulare, ascendere, & extendere manum, vel præparare collum, &c. Aliqui absolutè negant, teneri ad aliquid agendum, sed solum ad patiendum. Et ratio esse potest, quia quidquid agat cooperatur mortis suæ, quod non licet, vel est adēd durum, vt nemo videatur posse ad hoc obligari. Maximè, quia nulla videtur actio rei necessaria ad executionem pēnæ, v.g. mortis, quia si ipse non ambulauerit, vel ascenderit poterit per violentiam fieri, ergo vel non potest obligari ad aliquam actionem similem, quia cooperatur suę morti, vel certe non debet obligari, quia esset nimis acerba, & non necessaria obligatio.

Sotus.
Medin.
Cordub.
Simanc.
Couar.
Simancas.

C. Cum se
cundum le
ges.

11.

12.
Reus condē
natus ad pē
nas corpora
les contra
vitam, inten
sitas, hom
norē & gra
uē dolore in
ferentes non
tenetur ad
propriā ext
ectionē quia
esse nimis
violentum.

13.
Data sen
tia potest
reus exen
dere coll
ascendere
scalam, &
cet. aptan
do se morti
recipienda.

Cum-

14. Communis tamen responsio est, neminem obligari ad eas actiones, quæ commode fieri possunt per ministros iustitiae, quia per se solum tenetur ad patiendum: ad alias vero actiones, quæ per alios commode exerceri non possunt, & alioqui sunt necessariae ad illum effectum, obligari, quia alias non possit iusta pœna executioni mandari. Vnde repugnare illis actionibus esset iustitie resistere. Neque moraliter censetur cooperatio ad mortem, quia est actio valde remota, & de se indifferens, id est non intrinsecè affectans mortem; vt est actio ambulandi, ascendendi, &c. Vnde confirmatur, quia sic condemnatus potest tutta conscientia ex parte sua exhibere huiusmodi actiones, quia non continent intinsecam malitiam, tum quia dici possunt exerceri ab ipso reo, non vt priuata persona, sed vt ministro iustitie, tum maximè, quia sunt actiones de se indifferentes, & propter bonum fieri possunt, saltem propter vitanda maiora incommoda, & acerbiores coactiones, & propter vitandum scandalum, quod ex contraria resistentia nasceretur. Ergo etiam potest illa actio precipi à iudice, quia potest precipere actiones honestas, moraliter conuenientes ad executionem pœnae, & quæ non continent inhumanam crudelitatem vel acerbitatem; ergo ex vi sententie, & condemnationis censetur iudex obligare reum ad easdem actiones, cum morali & ordinario modo ad executionem pœnae requirantur. Non est tamen hæc ratio ita accipienda, vt credatur iudex posse præcipere quidquid potest reus licet exercere: hanc enim regulam non censeo veram, quia potest quis severius in se ipsum agere, quam possit cogi ab alio per iustum preceptum, vt potest quis damnatus ad moriendum fame non comedere, etiamsi fortasse ad id non possit obligari. Procedit ergo illa ratio in actionibus communibus, quæ & licet sunt, & non sunt nimis acerbæ, & crudeles, quæ autem hæc sint, prudenti arbitrio ex communi usu, & sensu hominum iudicandum est. Aliæ vero quæstiones de possibili, an possit quis condemnari, vt se ipsum iugulet, vel vt bibat venenum pertinent ad materiam de Homicid. 2. 2. qu. 64. vbi Soto, & alij, & Victoria, Relect. de Homicid.

15. Secundò dicendum est, reum iuste damnatum ad pœnas corporales secundi generis, vt sunt exiliū, in carcere, flagellatio moderata, & honesta, ac similes, teneri ad exequendas, seu seruandas huiusmodi pœnas eo ipso, quod per sententiam condemnatur. Est communis opinio, quani tenent omnes supra allegati, & consentit Couar. supra, & lib. I. Variar. cap. 14. & sequitur Dried. lib. 2. de Libert. Christiani. cap. 6. Nauar. Comment. 4. de Regular. nu. 65. Salced. in Pract. cap. 137. liter. B. Ratio generalis est, quia sententia iudicis condemnatoria, vel sex penalis post talem sententiam obligat in conscientia ad pœnam impositam, quando non inuoluit iniustitiam, per crudelitatem aut aliquid simile, sed talis est in illa pœna dicto modo imposta, vt constat ex qualitate illius. & ex communi usu, & iudicio hominum; ergo tenetur reus seruare, quia re vera est hæc intentio iudicis, & preceptum, quod imponit, est iustum.

A Deinde declaratur discurrendo breuiter per aliquas ex illis pœnis. Vna est detentio in carcere, seu certo loco prescripto, quæ quidem pœna non indiget positiva executione, sed solum priuatione alicuius actionis, vt est v. g. non egredi, aut non fugere ex carcere, & ex hac declaratione videtur clarum, posse hæc facile præcipi. Et ita exercere contrariam actionem, esset resistere iudici iuste cogenti, quod nunquam licet, cap. Qui resistit. 2. q. 3. Denique talis pœna potest sine peccato obseruari, ergo debet. Dices, hanc rationem non cogere, quia vt diximus, non solum est attendendum, an liteat, sed etiam an pœna sic imposta, sit humano modo tolerabilis: potest autem esse crudelis obligatio ad pœnam, non solum quando includit actionem, sed etiam quando includit acerbam cessationem ab actione, vt est obligatio ad non comedendum, vel non fugiendum, etiamsi instet mors. Dicendum vero est illam rationem procedere per se loquendo, & iuxta materiae capacitatem: sic enim permanentia in certo loco, seu carcere, non est res adeò acerba, & grauis, vt non possit sub obligationem imponi, & tanto erit facilior, quanto latior fuerit locus, & paucioribus incommodis expositus. Secus vero esset si esset carcer nimis acerbus, tristis & insalubris, tunc enim durum esset obligare reum, sic condemnatum, ad non fugiendum etiam si posset. Multoque durius id erit, si quis non solum detineatur, sed etiam nimis male, & acerbè tractetur, ita vt paulatim ad mortem disponatur, vel certè cogatur ferre vitam doloribus, & afflictionibus plenam. Tunc ergo non obligabitur in conscientia ad ibi sua sponte permanendum. Et ideo credere non possum quod Nauarr. ait, damnatos ad triremes teneri in conscientia ad nō fugiendum, etiam si possint. Nam hoc nimis violentum est, & ad ministros iustitiae spectat illos custodiros. Excipio tamen casum, in quo fuerit data fides presertim iurata; nam tunc iusta promissio seruanda est, & maxime est implendum iuramentum, iuxta ea, quæ latè dixi lib. 2. de Iurament. cap. 10. Et hac ratione specialiter possunt obligari religiosi puniti ad carcerem, ad seruandum illud, quia voto obedientiæ obligantur, & specialiter obligari possunt ad talem clausuram seruandam iuxta regulam, vel in pœnam iustum, & suo statui confonam.

D Ex eisdem principijs iudicandum est de pœna exilio: ad illam enim obligari potest reus in conscientia, postquam condemnatus est quia non habet iniustitiam, vel crudelitatem ex hoc præcisè, quod per actionem eiusdem hominis executioni mandetur; & ita facetur sententiam Couar. cum ceteris. Oportet autem, vt per verba sententiae hæc obligatio satis exprimitur. Nam si aliquis condemnatur, vt deportetur in exilium, non tenetur ex ire, donec defteratur, postea vero tenetur non redire intra tempus præscriptum. Si autem simpliciter condemnatur ad exilium, videtur utrumque præcipi. In quo attendendum maximè est ad communem usum, & modum, quo solet talis pœna præcipi, vel executioni mandari, & ad promissionem, & pacta, quæ in hoc interuenire solent, & ad modum, quo leges loquuntur: inde enim facile colligitur, quanta sit hæc obliga-

E. Quare
suffit.

Nauar.

17.

Couar.

tio. In vniuersum tamen loquendo, de latio extra territoriorum solet per coactionem, & ministerium iudicis fieri; commoratio autem extra regnum, seu non redditus ad illud solet sub obligationem imponi. Sicut è contrario in pœna carceris perpetui delatio ad locum constitutum solet esse coacta, seu per executionem iudicis, detentio autem sub obligatione relinqui. Regulariter enim facilius præcipiuntur hæ quasi priuationes, quam actiones, & ordinariè solent iudices constituere reos in statu (vt sic dicam) talis pœna, & illi imponere, vt sub illa permaneant. In rigore autem utrumque possunt committere reo, præcipiendo illi, vt totum exequatur, quod erit saxe faciunt. Et licet addant comminationem aliarum pœnarum, nisi priores obseruent, nihilominus etiam obligant in conscientia, quia præceptum est iustum, & comminatio pœne non minuit obligationem vt suprà dictum est. Altera pœna corporalis potest esse flagellatio moderata, & non turpis, neque infamis, & ad hanc etiam obligabitur reus post sententiam latam, si constet in eo sensu ferri, propter eandem rationem, quod talis pœna, vt proponitur, non sit per se iniusta, nec inhumana. Non solet tamen talis pœna esse in usu, nisi in religionibus, & aliquando in foro Ecclesiastico, vt in sancto officio inquisitionis. Frequentius tamen mandatur executioni per ministerium personæ ab ipso reo distinctæ. Denique idem cum proportione dicendum est de pœna ieiunij, & similibus, quæ in Ecclesiastico foro interdum solent imponi.

Tertiò dicendum est, in pœnis pecuniaris facilius posse obligari reum in conscientia ad soluendas illas, eo ipso, quod condemnatus est, quando pœna sunt ordinariæ, & moderatae. Ratio est, quia nec repugnantia, nec nimia difficultas in hoc inuenitur. Solum sunt attendenda verba sententia: nam si reus simpliciter condemnatur ad tales pœnam, satis erit, si illum soluat, quando fuerit postulata, vt Couarr. dixit, & mihi placet, quia pœna sunt lenientes, ubi contrarium non constat. Vnde si absolute condemnaretur reus, vt ipse soluat, tenebitur sponte sua facere, quia est satis clarum præceptum, & iustum. Et in hoc re vera non dissentit Couarr. à communione sententia. At hinc obiter colligitur, si reus post huiusmodi sententiam moriatur, non soluta pœna reali, teneri heredem ad soluendam illam eo modo, quo reus tenebatur, quia succedit in eodem onere. Baldus in l. Id, quod pauperibus. C. de Episcop. & cleric. q. 9. Castro dicto lib. 2. cap. 3. Quod autem dicitur in l. Si pœna, ff. de pœnis, pœna ad heredem non trahire, vel intelligitur de pœna corporali, vel de pœna, quæ nondum fuit debita, viuente reo, quia nondum erat sententia lata, nec per iudicem, nec per legem: tunc enim pœna etiam pecunaria non transit ad heredem. Sed habet locum alia regula, quod morte finiuntur delicta quoad humanum forum, iuxta cap. Quorundam. 32. d. I.

C. Si reus, vel accusator, &c. Solum quando pœna est ipso iure lata, & incursa ipso facto, potest agi post mortem ad declarationem delicti, & executionem pœnae, vt sit in crimen heresis, vt notant Castro lib. 2. de Iusta heretic. punitione c. 19. & Simanc. de Cathol. instit. tit. 18. Estque expressum in cap. Accusatu, §. In eo, de

A Hæret. in 6. Vnde fit, vt etiam si post mortem innotescat delictum, & per sententiam declaratur, confiscentur bona, & auferantur ab herede, quia cum illo onere ad illum peruerteret, nisi per quadraginta annos bona fide illa prescriperit. Nam tunc titulo præscriptionis confirmatum est dominium, & illud onus sublatum, cap. Si qui, de Præscript. in 6. De qua re in materia de Hæresi latius.

C. Accusa-
tus.

C. Si qui.

I. 9.

B Ex his ergo sufficienter responsum est argumentis aliarum opinionum. Nam rationes primæ opinionis, probant non excedere officium, & potestatem iudicis, hanc obligationem imponere. Ratio autem posterioris sententia ad summum probat, aliquas pœnas esse ab hac generali regula excipiendas. Solum oportet pauca dicere de cap. Sham, quod immerito ad præsentem causam adducitur. Nam in primis in illo non agitur de pœna ipso facto imposta, sed solum de secunda pœna (vt sic dicam) imponenda non soluendi priorem pœnam intra certum terminum, de qua solum dicitur, *Et que pœna triginta librarum imposta, nisi eas soluerent in termino constituto.* Vbi nullus terminus additur significans impositionem talis pœnae ipso facto. Vnde inferius dicitur, *Eos in prefatis triginta libris tibi per delegatum iudicem condemnari obtinuisse.* Ex quibus verbis constat, autores non tantum sententiam declaratoriam, sed etiam condemnatoriam procurasse, & ita textus ille non potest applicari contra superius dicta de pœna imposta ipso iure per legem, & iam debita post sententiam declaratoriam.

20.

C. Sham.

Vltra hoc vero textus ille nullo modo facit ad causam, quia ibi non simpliciter reprehenditur Episcopus, quia petebat reum damnari in pœna imposta per legem, sed quia veritate tacita luce, contra clericos impetraverat. Nam pœna illa imposta illis fuerat, nisi intra certum tempus quadraginta libras soluerent; illi autem triginta tres soluerant intra terminum, & Episcopus occasione residuarum septem librarum contra eos impetraverat literas, veritate tacita (vt ibi dicitur tacendo nimis solutio nem triginta trium librarum, & simpliciter debitum triginta librarum, vel aliquid simile narrando. Quæ fuerat manifesta surreptio, quia non erat eorum integrum pœnam postulare, cum tarditas in soluendo tantum in minima parte fuisset. Vltra hoc, fortasse ille Episcopus non declarauerat modum, & causam illius nouæ exactiois triginta librarum, scilicet, quod fuisset occasione alterius pœnae non soluta, sed solum quod clerici erant debitores illarum librarum, quæ erat noua surreptio, quæ colligitur ex illis verbis. *Quia igitur te non decet tantum Pontificalis modestie ostendisci, ut in honestis questionibus ambelando, desideres cum aliena iactura dari.* Nam hinc colligitur, Pontificem non intellexisse modum illius quæstus, & non fuisse concessum literas pro tali causa, si fundamentum illius sibi narratum fuisset. Et ideo quasi in pœnam surreptionis imponit silentium Episcopo quoad petitionem illius secundæ pœnae triginta librarum.

21.

Non potest igitur ex tali responso colligi, non teneri in conscientia eum, qui damnatus est ad iustum pœnam, eam persoluere, sed potius inferri potest, illos clericos non fuisse iuste damnatos, tum quia sen-

tentia.

18.
De pœna
pecunaria

Couarr.

Bald.
Castro.
L. Simanc.

C. Quorū-
dam.

Castro.
Simanc.

tentia fundata fuerat in literis subreptitijs, A tum etiam, quia non debebatur integra pœna pro tam leui parte non in tempore soluta, & hoc multum indicat Gloss. ibi. Addo etiam, ex illo textu non posse absolute colligi, esse iniustum, aut inhonestum. agere contra aliquem ad condemnationem prenē contracta, ex eo, quod incidit in commissum, sed ad summum id non decere per similem subreptionem, vel propter tam paruam transgressionem totum petendo. Nam alias per se loquendo non est malum, nec semper indecens, agere contra alium ad solutionem pœnae iustæ obtainenda, vt videri potest in Fortunio tractatu de ultimo fine, illati. 18. Couarr. 2. parte quarta, capite sexto, §. actauo, numero vndecimo, Sarmient. libro 3. Selectar. capite 6. num. 4. & Nauarr. cap. 23. numer. 67. Simancas de Catholic. instit. titulo nono, num. 178.

B lictum proferre, & executioni pœnae incumbe; vtrumque autem horum manifestè cadit sub obligationem iudicis. Primum quidem, quia tenetur secundum veritatem probatam proferre sententiam; secundum autem, quia est minister, & executor iustitiae. Et quanvis hæc obligatio magis ex munere ipso, & lege naturali, quam ex lege puniente reum, oriri videatur, nihilominus etiam dici potest oriri ex tali lege, quia non nisi ratione illius determinatur obligatio ex quoedi talem pœnam, potius quam aliam.

At vero si lex imponat pœnam ferendam, obligat iudicem, vt illam imponat, & inde etiam sequitur altera obligatio, scilicet, vt post condemnationem illam exequifaciat; ne inutilis, & fruola sit condemnatio. Et ita hoc posterius personeorum est. Primum autem ostenditur quia lex imponens pœnam ferendam, etiam sub ea ratione est vera lex, & vt sic magis fertur ad iudicem, quam ad reum, adeò vt Castro suprà dixerit solum habere rationem legis respectu iudicis, quia antequam ipse iudicet, non obligat in conscientia reum, regulariter loquendo: ergo saltem necesse est, vt ipsum iudicem obliget ad imponendam pœnam; alias talis lex in ordine ad hunc effectum, valde esset inefficax; ergo ita instruit iudicem, vt obliget etiam illum siue expressè siue tacite: nam ex natura rei ad iudicem diriguntur verba legis. Secundò explicari potest ratio, quia eo ipso, quod lex taxat pœnam, tenetur iudex ex vi sui muneris ad imponendam illam. Probatur, quia tenetur seruare æquitatem in pena imponenda, cum sit iudex iustitiae; hæc autem æquitas resultat posita lege: nam ante illam solum erat æquitas naturalis, quam prudenti arbitrio discernere, & seruare tenetur iudex: posita autem lege, resultat æquitas legalis, quam etiam seruare debet, quia est custos, & executor legum, & quasi animata lex.

D Per hæc igitur satisfactum fere est rationibus dubitandi in principio positis. Ut autem vltimam, & rem totam magis explicemus, aduertendum est, duo posse in hac æquitate pœna considerari, & distingui. Vnum est, vt pœna non excedat terminum prescriptum à lege. Aliud est, vt ab illo non deficiat. In primo horum est manifestior obligatio, quia non solum iustitia legalis, & obligatio proprij muneris respectu reipublicæ, sed etiam ipsa iustitia commutativa respectu rei obligat iudicem ad vitandum illum excessum. Ratio est, quia non potest à reo iuste exigi plus, quam debitor; posita autem lege taxante talem pœnam, qui contra illam committit, fit reus, & debitor talis pœnae, & non majoris; ergo quicquid male ultra illam infertur huiusmodi reo, non est pœna, sed iniuria. Vnde fit, vt in eo casu teneatur iudex satisfacere, seu restituere reo damnum, vel nocumentum quod ex illo excessu ipsi euenerit, quia iustitia commutativa obligat ad restitutionem.

Dices, lex taxans pœnam non excludit prudens iudicis arbitrium, vt si ratione circūstantiarum viderit, reum esse dignum grauiori pœna, possit illam augere. Quod vsu etiam obseruari videtur. Respondet. imo ad hoc præcipue ponи huiusmodi pœnas in legibus

Fortun.
Couser
Sarm.

Nauarr.
Simanc.

CAP V T XI.

Vtrum lex penalis obliget iudicem ad pœnam in ea prescriptam imponendam,

Duos respectus habet lex penalis, unus est ad subditos; quorum facta prohibet, aut præcipit, de quo hactenus dictum est: aliis est ad iudicem, de quo dubitatur, an imponat illi obligationem. Nam in superioribus solum diximus, pœnam legi apponi ad instruendam iudicem, & hoc sonantiura: ergo non est, cur addamus obligationem, quia longe diuersa est. Præsertim quia in his legibus non solent apponi verba præceptiva respectu iudicium, sed tantum subditorum; ergo saltem ubi non fuerint expressa, non erit talis obligatio. Item quia si esset talis obligatio, non licet interpellare pro reo, rogando iudicem, ut remittat pœnam, quia non licet petere ut agat contra obligationem suæ legis: consequens est contra communem morem timoratorum, & religiosorum, quem fuisse à Sanctis, & antiquis Patribus obseruatum, constat ex Sozomeno lib. 1. Histor. cap. 13. vbi de sancto Antonio loquitur, & simile de D. Ambroſio refert Nicephor. lib. 2. Histor. cap. 41. & Sozomen. lib. 7. Histor. capit. 24. & de antiquis Monachis refert Cassian. collat. 14. cap. 4. Constat denique ex D. Augustino Epistola 54. 127. 158. & sequenti, & refertur in Decretis. 23. q. 5. cap. 1. & sequentibus.

Sozom.
D. Amor.
D. Ambro.
Nicephor.

Cassian.
Aug.

Legem obligare iudicem, vt secundum illam iudicet, & puniat reum sufficenter de crimen conuictum. Est communis conclusio cum D. Thoma. 2. 2. q. 66. art. 5. & q. 67. art. 3. tradit Sotio lib. 3. de Iustit. q. 4. art. 5. & sumitur ex Iurisperitis, quos statim referemus, & ex Arist. 5. Ethic. cap. 6. & 3. Politic. c. 10. Estque sententia D. Augustini lib. de Vera relig. cap. 31. & refertur in cap. In isti, dist. 4. Non licet, inquit, iudicere legibus iudicare, sed secundum ipsas, & Gregor. in cap. Summopere. 11. q. 13. Diuina, & humana lex reuelatur, secundum quod ibi definitum est, profératur sententia. Ratio etiam reddi potest primò, quia si lex penalis imponat pœnam ipso facto, ad iudicem propriè non spectat pœnam imponere, sed sententiam super de-

vt non maneat arbitria, sicut taxantur pretia rerum, vt tollatur arbitria estimatio, saltem quoad augmentum pretij. Per hoc autem non tollitur, quominus si delictum habuerit extraordinarias circunstantias, quæ illud atrox, vel grauissimum reddant, possit iudex prudenter arbitrio illas specialiter puniri, quiā dignæ sunt speciali pena, & hoc non excluditur per legem, quæ loquitur de delicto, vt ordinarie committi solet, & non excludit prudenter ad bonum commune; & ad aliorum exemplum necessarium est, vt sumitur ex lege. Quidquid ergo, s. Pena. ff. de His, qui notantur infam. vbi Glossa. verbo Onerasse, id notat.

L. Quic.
quid.
Glossa.
6.

Obligatur iudex adstatuendam sententiam penam, quando securus, faceret contra ius tertij ut in pena pecuniaria applicata parti lese.

Circa diminutionem autem penæ ulterius aduentendum est, aliquid esse penam legis, quæ in aliorum utilitatem, & commodum cedit, vt est pena pecuniaria, quæ interdum applicatur parti lese, interdum fisco, vel alijs. Aliquando vero pena tantum est in vindictam ad sati factiōnē reipublice, & præseruationem aliorum, vt est pena corporalis. Quando igitur pena est prioris rationis, interuenit obligatio non solum legis, sed etiam iustitiæ ad non diminuendam illam. Quod maximè verum est, si talis pena ipso facto per legem imposita sit: nam tunc acquiritur ius alteri, cui talis pena per legem applicata est, quia post latam sententiam declaratoriam criminis, statim lex ipsa transfert ius in illum; ergo iniustitia illi fit, si tali iure priuetur. Idem autem esse existimo, etiam si pena legis non sit ipso facto, quia aliquod ius acquiritur alteri ad pecuniam illum, & iuste petet a iudice, vt illud sibi seruet, teneturque iudex ex officio reddere illi ius suum; ergo contra illum iniustus est, si talem penam ei non applicet. At vero quando pena tantum est vindictiua, seu corporalis, non intercedit hoc genus iniustitiae respectu tertij, quanvis pena minuatur.

7. Remissio penae vindicative, seu corporalis illicita quando contra commune bonum.

Nihilominus tamen duplici alia ratione illud non licet. Primo, quia est contra commune bonum, atque adeò contralegalem iustitiam, quod de lecta maneant impunita, aut non satis punita, quia est moralis occasio, vt multiplicentur. Secundo quia iudex ex officio suo, ac proinde ex iustitia tenetur obseruare leges iustas, quæ ad bonum commune ordinantur; immo & facere, & procurare, vt seruentur: lex autem quatenus imponit iusta pena, iusta est, & ad commune bonum necessaria; ergo. Tandem dici potest respublika acquirere speciale ius in talem personam delinquentem, vt ab illa sumat iustum vindictam; ergo non potest voluntate iudicis illo iure priuari.

8. Differentia communiter tradita in superiorum iudicium, & in inferiorum quoad ad remissionem penae licitam, differentia videtur in foro conscientiae. D. Thom. L. Nulla iuris ratio. Sotus.

Solet autem hæc generalis doctrinalimitari, vt locum habeat in ordinariis iudicibus: non autem in supremo Principe, vel Rege, quia illi licitum est, penam reo remittere. Docet D. Thom. 2. 2. q. 67. artic. 4. quem alij communiter sequuntur, & idem tradunt iurista in leg. Nulla iuris ratio. ff. de Legibus. Quæ doctrina in exteriori foro facile admittetur, quia Princeps impunit id faciet; inferior autem iudex puniri ob eandem causam poterit, si in casibus non missis id faciat. At vero in foro conscientiae videtur difficultas ea differentia, & ita Soto supra indifferenter de utroque loquitur, quia vel est sermo de remissione ex sola

A voluntate sine ratione, vel ex causa iusta; prior modus etiam Principi non licet in conscientia, quia supra dictum est, legem iustum obligare Principem quoad vim directiū; posterior autem modo, etiam inferior iudex potest interdum remittere penam legis, vt notat Glossa citata in dicto verbo Onerasse. & Felinus multa referens in cap. 1. de Constit. numero 49. & sumitur ex Decio ibid. lect. 2. n. vii. Possunt enim occurrere plures legitimæ causæ huius remissionis, quibus occurrentibus, iudicibus hæc potestas committitur. Ut sunt etas ad tolerandam penam insufficiens, qualis esse potest senectus, & pueritia, vt patet ex l. Diuīs Adrianus. ff. de Termino moto, & l. Auxilium. ff. de Minoribus. ibi. Nisi quatenus interdum miseratio etatis ad mitiorem penam iudicem perduxerit. In pena autem pecuniaria causa remissionis solet esse paupertas, in l. Illicitas. s. vlt. ff. de Officii. præsid. Multum etiam resert modus probationis: nam si reus non est omnino concutus, temperanda est pena. Item modus peccandi considerandus, vt si ex passione, &c. l. Absentem. ff. de Pen. De qua re videri potest Felinus. in c. Qualiter, & quando, 2. de Accusat. a. n. 29. & latissime Tiraquel. tract. de Pena temperanda.

B C D

Respondetur, utrumque quidem verum esse, scilicet, & inferiores iudices posse iustis ex causis temperare penas, & Principem non posse mero arbitrio, & sine villa prout causa indulgere peccantibus: nam sine dubio esset magnū reipublicæ nocumentum. Nihilominus tamen aliquod interuenit discrimen: nam facilis hoc facere potest Princeps, quam iudex. Nam inferior solum id potest, vel in casibus inre expressis, vel consuetudine receptis, aut certè per modum epibiæ, quando non est facilis recursus ad superiorē. At vero Princeps habet supremā potestatē, & ad interpretandam legē, & ad dispēsandū, quotiescunq; prudēter iudicauerit causam esse sufficiēt, vel rationabilē. Vnde inferior iudex vix potest aliquādo minuere penam nisi quando etiam tenetur, quia nimis lex, vel consuetudo disponit, vt in eo casu minuatur, aut ratio æquitatis necessariō id postuleat. Princeps autem sāpē potest dispensare, etiam si non teneatur. Item aliquando potest iuste id facere in gratiam subditorum, vt se illis ostendat benignum, & liberalem, vt eos beneuolos, & obsequentes habeat. Sicut Pontifex sāpē censemur iuste indulgentiam concedere ob similem causam. Item potest facere remissionem in gratiam alterius Principis id postulantis: nam hæc beneficentia mutua necessaria est, & redundat etiam in bonum commune. Item propter utilitatem personæ, quæ deliquit, vel propter priora obsequia, potest interdum iuste cum illo in pena dispensare. Et facile est alias similes rationes excogitare, quæ in inferioribus iudicibus non sufficiunt. Estique alia differentia, quod Princeps potest antecedenter, vt sic dicam, concedere privilegium, vt aliquis non possit tali pena puniri, quod non possunt inferiores iudices. Alia etiam notatur à Glossa, & Doctoribus citatis, quod iudex, licet ante latam sententiam possit interdū illam temperare, post latam sententiā nihil potest, quia iā fūctus est officio suo. Princeps autem interdum potest, dummodo non redun-

Glossa.
Felin.
Desus.

9.

Venam dis
crimen in
Principem, & in
inferiorum iu
dicem, faci
tus tempe
posse indule
gare non pro
mero arbitrio.

det contra ius alteri quæ situm seu in damnum tertij. Nam hoc non potest iuste Princeps inferre, nisi tantum intersit bono communi, ut propter illud priuari possit particuliaris persona iure suo.

Hinc ergo facile intelligi potest, quid ad ultimam rationem dubitandi respondendum sit. Nam in primis cauendum est, si pecunaria sit pœna certæ personæ applicanda, ut illius remissio non procuretur cum detrimento tertij, quod vel sit iniustum, vel charitati non consentaneum. Ut enim dixit Ambros. 3. Offic. cap. 9. *Si non posset tui subuctiri, nisi alter ladatur, non modius est, eutrum iuuare, quam grauare. Ierum, id que in cassis pecuniaris interuenire non est sacerdotis, quia frequenter fieri non potest, quin alter lada:ur. Sacerdotis ergo est, nulli nocere, prodesse velle omnibus, posse autem solius Dei est.* cap. Denique. 14. quæst. 5. Vnde Augustinus suprà. In huiusmodi casibus (inquit) non cum iudice. sed cum alio tertio intercedendum esse, vt remittat pœnam. Deinde in alijs pœnis, quæ tantum ad bonum commune ordinantur, habenda etiam est ratio boni communis. Nam si delicta sunt frequentia, vel delinquens obstinatus est, vel incorrigibilis, aut scandalosus, vitanda est intercessio: ita enim est indigentibus subueniendum, ut iustitia non ledatur. Quomodo exponit Diuus Thomas 2. 2. quæstion. 62. artic. 4. ad tertium illud: Exod. 13. *Pauperis non misereberis in iudicio, scilicet, contra iustitiam, multoque minus contra commune bonum. Duo igitur iuste postulari possunt, unum est, vt si res fuerit aliquo modo dubia, mitior interpretatio fiat: id enim, & rationi, & regulâ iuris consentaneum est, cap. In paup. de Regul. iuris in 6. cap. Alligant. 26. quæst. 7. vbi inter alia inquit Chrysostomus, *Melius est proprie misericordiam rationem reddere, quam proprie crudelitatem,* vbi Glossa limitat hanc regulam, nisi reus obstinatus sit, & incorrigibilis, & spem emendationis non prabeat; tunc enim etiam in casu arbitrario, rigorè potius, quam benignitate cum illo vtendum est. Secundò, vt ait Diuus Augustinus suprà, generatim postulari potest, vt tantum de pœna remittatur, quantum intra latitudinem iustitiae fieri potuerit, siue in grauitate pœnæ, siue in modo, aut tempore eius, vel in alijs circunstantijs, quæ frequenter ex voluntate iudicis pendunt.*

Posset autem hic consequenter tractari; an iudex iniquè agens, remittendo pœnam legis, teneatur ad aliquam restitutionem, vel ratione nocimenti inde sequuti reipublicæ; aut tertie personæ, aut ratione carentia lucri, quod in pœnis pecuniaris solet accrescere illi, cui talis pœna esset applicanda. Sed hæc quæstio pertinet ad materiam de Restitutione, & de Officio iudicis, ex quo nasci potest talis obligatio, si quæ est, & ideo illam remitto in 2. 2. quæst. 62. & 67. Deinde posset etiam inquiri, quando pœna multiplicantur in distinctis legibus, an sint omnes imponendæ, seu exequendæ, vel altera tantum, Quid tractant Iuristæ, ad quos hoc magis pertinet, vt Bartholomeus in legibus. 2. ff. de Vi boni raptor. Annan in capite *Quod olim*, de Iude. Nauarr. in consil. 10. de Constit. & attingit in capite *ita quorundam*, de Iude. Gloss. ultim. num. 24. 29 & 30. Breuiter tamen dico, si leges ipso facto imponant diuersas pœnas, tunc omnes incuri

per idem delictum, vel ante, vel post declarationem iuxta verba legis. Probatur, quia non est maior ratio de una pœna, quam de alia; ergo vel neutra, vel utraque incurrit. Primum autem dici non potest, vt per se constat, ergo secundum. Nec etiam dici potest, incurri solam pœnam impositam à posteriori lege, quia posterior lex pœnalism non revocat diuersam pœnam positam à priori lege, nisi vbi ex verbis, aut modo legis constat, hanc esse mentem legislatoris, ut supra. Natur. ex multis tradit, & dicimus infra tractando de abrogatione legum. At vero quando pœna est ferenda per iudicem, Iuristæ frequentius dicunt, in arbitrio iudicis esse unam, vel alteram pœnam legum imponeare, non vero debere imponere plures simul. Quod etiam intelligendum puto, nisi sufficienter constet de mente posterioris legislatoris, voluisse addere pœnam pœnæ, illas multiplicando, quod fieri sepe solet ad coercendam delictorum frequentiam, & delinquentium contumaciam.

C A P V T XII.

Virum ignorantiæ excusat pœnam legis.

Dupliciter potest quis excusari a pœna legis sustinenda, vel quoad executionem tantum, vel quo ad reatum, & debitum priorem modum attingimus capite præcedenti, scilicet, per dispensationem, remissionem in integrum, vel in parte, vel per commutationem. Ita enim re vera fit, quando delinquens contraxit totum debitum pœnæ, postea vero vel propter paupertatem, vel debilitatem virum, aut alias iustas causas vel non potest pœna executioni mandari, vel non expedit, & ideo vel remittitur, vel commutatur. De alio ergo modo dicendi in est in praesenti, videlicet, quoad ex circunstantia, vel modo operadi excusat qui, ne fiat etiæ debitor pœnæ, vel saltē nō tātē pœnæ, etiamsi fuerit legis transgressor. Et quantius ex pluribus causis possit hæc excusatio oriiri, nihil minus quia ignorantia frequenter allegari, vel intercedere solet, ideo de illa in particulari dicimus, & per similitudinem rationis, poterit de cetera ad alias excusationes facile applicari. Oportet autem nonnullas distinctiones ignorantiae præ oculis habere, quæ latius in 1. 2. q. 6. & 76. traduntur. Nam ex parte medi est vulgaris distinctione ignorantiae in probabilem, quæ inuincibilis, & inculpabilis, & antecedens dici solet, & in improbabilem, seu culpabilem, aut vincibilem, seu consequentem (concomitantem autem omitto, quia, vt talis est, mea sententia, neque accusat, neque excusat quoad exteriorem actum.) Solet autem ignorantia culpabilis distingui in affectatam, crassam, & generaliter vincibilem. Veruntamen de affectata non lequor, quia nihil excusat: omnis vero alia, si talis sit, vt non excusat à culpa mortali, crassa, & supina in uniuersum dici potest: si autem solum habeat admixtam negligientiam venialem, non est culpabilis, nisi secundum quid, recteque dicetur ignorantia leuis. Loquor autem Theologice, nam iuristæ in ordine ad aliquos effectus iuris aliter solent hanc ignorantiam culpabilem distinguere in illam, quæ ex lata,

10.

Ambrós.

August.

D. Thom.
Exod 23.C. In pœ-
nis.
Chrysost.
Glossa

1.

Barb.
Anan.
Nauar.
Glossa.
Si leges ip-
so facta

ponant di-
versas pœ-
nas, omnis
incurri per
idem deli-
ctum, uti ē-
te, vel posi-
cionamati-
onem.

1.

eui

Coulard.

leui, vel leuisima culpa procedit, vt videri potest in Couar. in 4. 2. p. c. 6. §. 8. n. 12. & in Reg. Posseſſor. 2. p. §. 7. n. 7. Quæ diſtinctio nunc nobis neceſſaria non eſt.

2. Ulterius ex parte rei ignoratæ potest dari ignorantia, vel totius legis, & prohibitionis eius, vel ſolius pœnae, vt quādo quiſ non ignorat eſſe prohibitum v.g. hodie comedere carnes, ignorat tamen aliquā censuram, vel pœnam eſſe illa peccato annexā. Et de inde quando ignoratui prohibitio ipſius legiſ humanæ, potest actus eſſe alias intriuſ ſecē malus, vel diuina lege prohibitus, quod non ignoratur: aut potest tantū eſſe malus, quia prohibitus; ac proinde, ſi probabilis ignorantia humanæ legiſ interueniat, erit non malus, ac ſubinde bonus, vel indifferens. Denique nulla interueniente ignorantia iuriſ, potest intercedere ignorantia facti, quia nimis rūm, opus non putatur eſſe tale, quale per legem prohibitum eſt. Hac de ignorantia. De excuſatione verò diſtingui potest, ytrum ſit in foro conſcientiæ, vel in extero, vel in utroque ſimul. Et ad utrāque excuſationem intelligendam, conferet animaduertere, an pœna ſit ipſo lute lata, vel tantum ferenda.

3. His poſitiſ, eſt prima generalis regula. Omnis ignorantia, quæ excuſat factum, ne peccatum ſit, excuſat etiam debitum pœnae in utroque foro. Eſt communis ſententia Doctorum in c. 2. de Conſtit. & videri potest Castro libr. 2. de Leg. pœn. c. 14. Tiraquel. li. 1. de utroque retract. §. 15. Glosſ. 4. n. 27. qui refert alios, & probatur ex d.c. 2. de Conſtitut. dicente, *Quod culpa careat, in dampnum vocari non debet.* & facit regula, Cefante cauſa, cefat effectus. Cap. Cum cefantes, de Appellat. Probatur etiam ex cap. Apoſtolica, de Clerico excommunicato ministrante, & cap. Vi animarum, de Conſtit. in 6. cap. Propoſuisti. diſt. 32. Ignorantibus, inquit, non eſt venia deneganda. Et idem ſumitur ex cap. Si vir. de Cognat. ſpirit. Vbi id notat Glosſ. & ideo in l. vlt. ff. de Decretis ab ordine faciendis, dicitur pœnam non imponi propter ignorantes. Ratio à priori eſt, quia lex iuſta nō imponit pœnam, niſi ut pœnam, ſed ablata culpa non habet locum pœna, ut pœna, ergo nec debitum eius; ergo talis ignorantia, quæ tollit culpam, excuſat omnino à pœna.

4. Statim vero occurrit instantia de lege purè pœnali, ſed ex dictis superioribus, facile ſoluitur: nam vel illa non eſt rigorosa pœna, ſed veluti pars diſiunctiui præcepti, & ideo incurri potest ſiue culpa; vel eſt talis pœna, quæ ſolum requirit culpam ciuilem, & legalem. Unde cum proportione etiam in illa locum habeat prædicta regula. Quia ut pœna illa debeatur, neceſſe eſt ut precedat voluntarius actus, vel omissio contra legem. Quapropter ſi intercedat ignorantia, quæ culpam excuſet, aut excuſare ſufficeret, ſi actus eſſet prohibitus, illa redit auctum inuoluntarium, & ideo etiam excuſat illam pœnam. Atque ſimiſis reponſio applicanda eſt ad ſimiſem instantiam, quæ fieri potest de irregularitate, vel alia ſimiſi inhabilitate, quando non imponitur ſub propria, & rigorosa ratione pœna, ſed propter indecenſiam. Tunc enim excuſatio culpæ non impedit talementum irregularitatem, quia non propter

A culpam, ſe d propter ipsum factum imponitur. Regulariter autem quando actus, propter quem illa quaſi pœna imponitur, eſt opus ipſiusmet perfonæ, quæ defectum contrahit, oportet, vt ſi illi voluntarius, niſi aliud in lege exprimatur: interdum enim ſine illa voluntate propria, & propter factum alienum incurrit irregulartas, quæ non eſt pœna. Dices, etiam ſimiſi modo ſollet aliquando incurri pœna propter factum alienum, non obſtantے ignorantia eius, qui pœnam ſuſtinet, vt in ſimonia conſtat. Respondeo primò regulam intelligi per ſe, & niſi aliud in lege exprimatur, quam limitationem expreſſe addit Decius in dicto cap. 2. de Conſtit. lec. 2. n. 5. Secundò dici potest, etiam in eo caſu non incurri illam pœnam ſine culpa alicuius, vt in ſimonia, licet ignoret accipiens, peccat fortaſſe, dans beneficium, vel intercessor ſimoniacus. Quomodo enim actio erit ſimpliciter ſimoniaca ſine culpa alicuius. Tunc ergo pœna illa non eſt, quia nec culpa omnino de- eſt Quod verò redundant pœna in eum qui non peccat, eſt per accidens: redūndat enim non ut pœna, ſed ut incommodum, quod tolerandum eſt propter commune bonum, quia non ſine cauſa imponitur. Vnde ſi contingere, aliquid ſimiſe imponi per legem etiam ignorantibus omnibus, qui in facto interueniunt, ac ſubinde ceſſante omni culpa: tunc haberet locum limitatio: quanuis etiam tunc dici poſſet illam non imponi ut pœnam, ſed ut remedium ad tollendas occaſiones, vel ad indecen- tiam vitandam. ſicut dictum eſt de irregularitate non pœnali. Et ita in rigore non eſt limitatio regulæ, quæ de propria pœna loquitur.

Sed licet hec regula in facti ignorantia communiter recepta ſit in utroque foro, nihilominus ignorantia iuriſ habet nonnullam dubitationem. Nam aliqui auſtores abſolute negant, hanc ignorantiam excuſare. Ita ſentit Scotus in 4.d.6.q.8. & Turrecr. in c. Quibus, de Conſecr. diſt. 4. n. 8. Qui videntur maximè loqui de ignorantia iuriſ humani, quando cadit in auctū prohibitum iure diuino, vel naturali, quam di- cunt non excuſare pœnam legiſ humanæ. Generalius verò loquitur Glosſ. in c. vlt. de Verb. ſignif. in 6. verb. ſciences, ex regul. 13. iuriſ in 6. Ignorantia faliſi, non iuriſ excuſari. Nihilominus regula data cum proportione applicata, etiam in ignorantia iuriſ locum habet, vt latè oſtendit Castro lib. 1. de Leg. pœn. c. 1. ad fin. & lib. 2. c. 14. Idem ſentit Soto in 4.d.3.ar.9. & ad 22.q.1. ar. 2. Couar. in Regul Posſeſſor. p. 2. §. 7.n. 7. Et declaratur breuiter in hunc modum: nam con- traria vel fundatur in hoc quod ignorantia iuriſ nunquam eſt inuincibilis, vel in hoc, quod licet ſit inuincibilis, non excuſat à pœna, neutrū dici poſteſt, ergo.

Minor quoad priorē partem clara eſt, quan- tum ſpectat ad ius poſtiuum humanum; imò etiam quoad diuinum poſtiuum. Nam licet fortaſſe in hoc rarius contingat ignorantia incul- pabilis, tamē neq; repugnat, nec videtur eſſe ni- mis rara inter homines rudes. Quin potius etiā de iure naturali oſtendimus ſuprà, interdūigno- rari inuincibiliter quoad aliquas conclusiones, quæ per ſe nōtā noti ſunt. Et ratio omnium eſt, quia ſep̄ homo per ſe non valet ſcientiā omniū

Dicitam re-
gulam non
tenere in
ignorantia,
turis ſenti-
unt falſo.
Scot.
Turrecr.

Glosſa.

Castro.
Soto.
Couar.

præceptorum cōsequi, & interdum, ac s̄ape A etiam deficiunt occasiones, vel opportunitates ad comparandam illam notitiam sine hominis culpa, aut voluntate, quia nō habuit vnde, aut quomodò excitaretur ad illam notitiam procurandam. Dices, licet forte talis ignorantia aliquando non sit in se culpabilis, nihilominus est culpabile applicari ad opus cum tali ignorantia propter periculum transgrediendi. Respondeo facile, in primis non semper intercedere aliam applicationem ad opus, præter omissionem actus præcepti. Deinde dicitur, quando interuenit opus factum ex ignorantia inuincibili, extendi etiam ignorantiam illanti ad applicationem ad opus, quia neque de illo periculo cogitatum est, nec dubium aliquod de tali obligatione in mentem venit. Et ita facile probatur altera pars minoris, quia ignorantia inuincibilis, etiam si iuris sit, excusat à culpa, quia excusat à voluntaria transgressione legis; ergo & à pñam, iuxta rationes factas pro conclusione.

Contingit autem interdum actum prohiberi duplii lege, diuina, & humana, & humana inuincibiliter ignorari, cum tamen diuina non ignoretur, & tunc homo non excusat simpliciter à culpa, ideoque in eo casu probabile est, non excusari regulatiter loquendo à pñam legis humanæ, in quo sensu Scotus & Turrecrem. loquuti sunt. Et ratio est quia tunc non cessat causa pñam: lex enim humana non solum intendit punire transgressionem suam voluntariam, sed etiam culpam contra legem diuinam commissam. Item, quia scientia pñam, vt statim dicam, non est necessaria ad incurrendam illam. Sicque rebaptizans fit irregularis, etiam si ignoret legem Ecclesiasticam de hoc latam, si non ignorat inuincibiliter diuinam, vt latius dixi in tomo tertio, 3. part. disputat. 31. sect. 6. Vbi etiam notaui, excipiendas esse censuras, quæ non contrahuntur, quando lex Ecclesiastica inuincibiliter ignoratur, etiamsi alias actus sit malus contra legem Dei, quia requirunt contumaciam, vt sumitur ex cap. Ut animar um, de Constit. in 6.

Igitur illa regula iuris, si intelligatur quoad forum conscientiæ, debet intelligi regulariter, seufreenter, quia ignorantia iuris raro est inuincibilis, quia vniuersus tenet sci-re leges ad se pertinentes, vt tradit D. Thomas 1. 2. quæst. 76. articul. 4. Et sumitur ex cap. 1. de Constitution. & ex leg. Leges sacratissima Cod. de legib. & ex leg. Constitutiones, Cod. de Iuris & facti ignorati. Sicut illa regula intelligatur in foro externo (vt facilius exponitur) intelligit secundum præsumptionem iuris propter iura proximè citata: & nihilominus si talis ignorantia sufficienter probetur inculpabilis (quod difficile est) etiam in illo foro excusabit a pñam, propter alia iura pro assertione allegata, quæ indifferenter loquuntur. Vnde etiam si lex ponat pñam ipso facto ante omnem declarationem, non tenetur quis in conscientia illam implere in eo casu. Quod si per iudicem condemnetur, quia deficit in probatione, & ipse sit certus in conscientia de sua inculpabili ignorantia, licet exterius feneatur parere, tamen in conscientia non tenetur exequi pñam, potestque illam omittere cauendo scan-

dalum.

Secunda regula est. Quando ignorantia non excusat à culpa graui, propter quam pñea legis lata est; non excusat simpliciter à pñea, nisi in lege addatur verbum, quod scientiam, aut dolum requitat. Prior pars communis est, tradit illam Panormitan. in capite secundo de Constitutionib. numero 6. vbi Panormi. Decius lect. 1. numer. 8. Felin. numer. 4. Barthol. in leg. Quod Nerua. ff. Deposit. numer. 20. Bart. & alij moderni relati, & referendi. Et sumitur ex leg. 1. ff. de legibus, vbi dicitur, non solum scientes, sed etiam ignorantes esse transgressores legum, quod debet intelligi, quando ignorantia est inuincibilis, quæ non excusat à culpa, quia non tollit omnino voluntarium. Vnde sumitur ratio, quia hæc ignorantia non tollit causam pñam, quæ est culpa, quia non tollit omnino voluntarium, ergo nec pñam excusat. Dixi autem esse necessarium, vt talis ignorantia non excludat culpam, propter quam imposta est pñam, quia interdum potest ignorantia nō excusare ab omni culpa mortalí, & nihilominus excusare à pñam, quia excusat ab speciali grauitate orta ex speciali circumstantia, quam peccati grauitatem lex principaliter punire voluit. Ut v. g. si quis adulteretur, inuincibiliter ignorans matrimonium complicis, quamvis non ignoret non esse suam, excusabitur à pñam posita contra adulteros, licet in eo facto mortaliter peccauerit, quia illud peccatum tantum est in illo homine simplex fornicatio. Sic etiam, qui interficit hominem clericum, ignorans inuincibiliter esse clericum, non tamen ignorans esse hominem, non incurrit pñam canonis. Si quis uadente licet alias homicida sit, & canonem non ignoret.

Sed quæret aliquis, an hæc ignorantia crassa diminuat saltem pñam, esto non excusat à tota illa. In hoc duo distinguenda sunt, scilicet, damnum ob eam causam alteri illatum, quod reparandum, & restituendum est, & propria pñam vindicativa. Quoad primum non habet locum diminutio, sed integrè resarcendum est damnum: vt sumitur ex l. Quod Nerua. ff. Deposit. & l. 1. ff. Si mensur falsum modum dixerit, & bene Glossa in lege In actionibus, ff. de In item iurand. verbo Non etiam, & plura congerit Tiraquel. tractati de Pñam temperand. causa 14. Et ratio est, quia illa obligatio nascitur ex iustitia commutativa, quæ respicit æqualitatem rei ad rem. Loquendo autem de propria pñam, subtingue oportet, an contrahatur per legem ante omnem sententiam, vel imponenda sit per iudicem. Nam in priori casu non habet locum diminutio, quia lex ipsa infligit pñam, simpliciter, & sine moderatione, & semper eodem modo loquitur, & ita nunquam diminuit illam; ergo nec reus, auctoritate sua potest diminuere, tum quia ad hoc requiritur potestas publica, tum etiam quia esset suspectus dispensator in propria causa. Quin potius probabile existimo, quoties lex ponit pñam ipso facto, quamvis requirat declarationem iudicis, non esse in potestate illius diminuere pñam, si absolue per sententiam declarat, reum commisso delictum, quia tunc non ipse imponit pñam, sed legis

Scot.
Turrecr.

8.

D. Thom.

9.
Regula.

Panormi.

Decius.

Barthol.

Felin.

10.

Existente
ignorantia
crassa inte-
græ sanc-
dum dam-
num.

Tiraq.

Non habet
accordi-
minutio in pñ-
na imposi-
ta per legem
seu vero
in imponen-
da per iudi-
cem.

legillator, & fortasse hæc est vna ex potissimis differentijs inter sententiam declaratoriam, & condemnatoriam. Atque ita videmus vñi seruari in pena confiscaonis. At verò quando pena est imponenda per iudicem, tunc potest in eo casu illam moderari, quia causa minor est, & quia hoc ei iure conceditur, iuxta dicta in capitulo præcedenti.

11. Et ex hac regula colligitur, ignorantiam solius pœnæ regulariter non excusare eiusdem pœnæ reatum. Ita docet Couarr. suprà, & videtur necessariò admittenda à Doctoribus pro secunda regula citatis. Multi tamen nihilominus dissentijunt, vt Ioan. Andr. in capite secundo de Constitution. in 6. & Felinus suprà numer. 6. & alij, quos Couarru. refert. Quibus assentire videtur Menochius libro secundo de Arbitris, cent. 2. causa 185. numer. 45. dicens, legem requirere notitiam, quoad pœnam, non quoad commodum. Quod dictum probat Sancius lib. tertio de Matrimon. disputat. 36. n. 3. in fin.

Fortasse verò intelligunt de notitia legis quoad prohibitionem, vel præceptum, non quoad pœnam: sic verò dubia erit pars alia de præmio, dè qua in lib. seq. Mihi ergo videtur illatio facta: necessariò colligi ex regula posita. Quia ignorantia pœnæ quantuncumque sit antecedens, non excusat culpam in transgressione legis, vt per se constat, quia vt lex obliget in conscientia, non oportet, vt addat pœnam, ergo vt quispiam agat contra conscientiam, violando legem, non oportet, vt sciat pœnam; illa ergo ignorantia non excusat culpam, ergo nec pœnam, quia non cessat effetus. Item quia illa ignorantia ad summum facit, vt illa pœna non sit voluntaria; hoc autem nihil refert, quia pœna potius postulat, vt iniunctio sit. Atque ita videmus seruari tam a Deo, quam ab hominib[us]; puniet enim Deus aeterna pœna etiam illos, qui ignorabant, suis peccatis deberi talem pœnam; & ab hominibus suspenditur fur, etiam si pœnam ignorauerit. Neque in contrarium video rationem alicuius momenti. Dixi autem Regulariter, propter censuras, præfertim excommunicationis, de quibus est magna controvleria, an ignorantia censuræ excusat illam, quam tractauimus in tom. 5. disp. 4. sect. 9. & dixi admittendam esse exceptionem: nam ratione contumacia requiritur est ibi specialis ratio. Denique intelligentium hoc est per se, ac præcise: nam si ignorantia pœna redundet in ignorantiam obligationis legis, quia nimis existimat talis persona, legem non imponentem pœnam grauem, non inducere grauem obligationem, tunc iam illa ignorantia excusare posset culpam, & consequenter pœnam.

12. Dicti autem Iurisperiti in hoc differentiam faciunt inter legem punientem actum iam damnum, & legem de nouo damnantem, & punientem actum. Ut doctrina data procedat in priori, non in posteriori, sed non est necessaria distinctio, quia in utroque casu ignorantia solius pœnæ non excusat illam, extra censuras. Quia, licet lex puniat factum alias damnatum, nihilominus punit illum, vt culpabilem simpliciter, sed hæc culpa non excusat per ignorantiam solius legis punientis, ergo nec pœna. Item si eadem lex prohibet actum alias non damnatum, & simul punit

A illum, qui committit illum actum vt damnatum per tales legem, quam vt prohibente non ignorat, incurrit pœnam eius, licet ignoret eandem legem, vt punientem sicut dictum est, ergo idem erit etiamsi actus damnatur per aliā legem, si talis damnatio & malitia actus, non ignoratur. Patet consequentia, quia valde accidentarium, & per accidens esse videatur, quod damnatio, & punitio fiat per eandem legem, vel per diuersas, quia lex non punit culpam præcise, & quasi formaliter, vt à se prohibitam, seu vt est contra suam prohibitionem, sed absolute punit talern culpam. Sicut modo dicebamus de lege puniente furtum, & idem est de lege puniente simoniam contra ius diuinum: nam incurrit, licet quis ignoret pœnam, vel prohibitionem iuris humani. Eademque ratio est de similibus. Nec video obiectionem alicuius momenti, & ita docet Panormitan. in cap. A nobis, de sententia excommunicati, & latius Deci. in dicto cap. 2. de Constit. lect. 1. num. 13. & alij multi, quos Felin. suprà refert. Neque etiam oportet distinguere inter pœnam latam ipso facto per legem, vel per iudicem imponendam, licet ita distinguant Bart. & alij, prout refert idem Felin. dicentes, pœnam lege latam ipso iure excusari per illius ignorantiam, non verò ferendam. Hæc enim distinctio nec iure, nec ratione fundatur. Rationes enim à nobis factæ generaliter procedunt. Et probant pœnam simpliciter latam, simpliciter etiam incurri, non obstante ignorantia pœnæ, quia hæc non excusat causam pœnæ, & ita non potest excusare pœnam, vel pœnæ reatum.

Secunda pars assertionis posita est propter quasdam leges, quæ expresse addunt verbum, *Scienter*, aut *præsumperit*, aut *qui temere hoc fecerit*, vel aliud æquivalens, quod dolum requirit, vt Iuristæ loquuntur. De quibus legibus dixit Glosa citata cap. vlt. dè Offic. delegati, verè *Scientes*, non obstante talis forma legis incurrire pœnam eius, qui ex ignorantia crassa illam violat. Idem tenet Glosa in cap. 1. de Consanguinit. & affinit. verb. *Scienter*, quas sequuntur sunt multi, quos refert Tiraquel. in dicto tract. de Pœnis temperandis causa 13. n. 22. Fundantur in dicta 1. 1. ff. Si mensur falsum modum dixerit, quæ dicit, ignorantiam crassam æquiparari dolo, & ratio esse potest, quia non excusat culpam grauem contra talem legem.

Sed nihilominus assertio posita certa est, & pro materia de Censuris necessaria, quam ibi sequuntur communiter Doctores, præfertim Cajetani. verb. *Excommunicationis*, explicando fere singulas excommunications, & Nauar. in Sum cap. 27, & dixilate in tom. 5. disp. 4. sect. 3. à n. 9. & sequitur Tiraquel, supra n. 23. & sequentibus referendo plures. Ratio autem est, quia pœna, vt in iure dicitur, leniendæ sunt potius quam exaggerandæ, cap. *Pœna de Pœnit.* dist. 1. & l. *Pœna ff. de Pœnis.* Sed quido lex addit talia verba, ipsamet moderatur pœnam, nec vult illam incurri, nisi quando peccatum habet tantum circumstantiam, ergo non est extendenda, vt sine illa circumstantia incurritur. Et confirmatur, quia paulo superius dixi, quanvis ignorantia non excusat culpam mortalem, si excusat modum, aut circumstantiam, aut speciem peccati, quam lex respicit, satis esse

Glossa

Tiraquel.

Caiet.

Nauar.

Tiraquel.

C. Pœna.

L. Pœna.

vt excusat pœnam, quia re vera tollit causam eius; ita verò est in præsenti: nam peccare ex certa scientia, est circumstantia, quæ multum aggrauat culpam, & iniuriam, quam grauitatem respicit lex, quando similia verba addit: ignorantia autem licet sit crassa, excusat illam grauitatem, esto non excusat culpam mortalem; ergo id satis est, vt excusat pœnam talis legis.

15. Atque ita patet responsio ad rationem in contrarium. Nam licet talis ignorantia non excusat absolutam grauitatem peccati, excusat nihilominus ab illo modo grauitatis peccati; sine quo noluit lex peccatum punire, vt verba dicta significant. Ad dictam autem l. i. respondetur, spectando rem ipsam, & in conscientia, & quoad grauitatem culpæ, solam ignorantiam affectatam æquiparari scientiæ, quia sola illa voluntarium directum includit, vt bene notauit Glossa ex textu satis expresso in cap. Eos, de Tempor. ordin. in 6. Quin potius non defuerunt, qui dixerint, etiam ignorantiam affectatam sufficere ad excusandam in simili causa pœnam legis, quia est minor, quam scientia, argumento cap. Cum inhibito. s. 1. de Clandestin. desposal. ibi. Non expertes scientia: vel saltem affectatores ignorantia. Quod sensit Crotus in cap. Vt animarum, de Constit. in 6. Sed re vera ignorantia affectata in iure æquiparatur scientiæ, quia, & sufficit ad directam intentionem, temeritatem, & præsumptionem: & includit scientiam saltem periculi, & dubitationis, & hac ratione quodam modo videri potius augere culpam, quam minuere, vt in l. 2. latius traditur. Seclusa ergo ignorantia affectata, alia crassa, & negligens non æquiparatur scientiæ. Illa vero lex i. intelligenda est de æquiparatione non in culpa; vel pœna, sed in obligatione ad reparandum damnum inde subsequutum: nam qui negligenter, vel ignorantiter crasse exercet ministerium suum, tenetur restituere damna sequuta, non minus, quam si certa scientia fecisset. Quod ita benè explicuit alia Glossa in l. In actionibus, verbo. Non etiam ff. de in Litem iurando. Possunt etiam æquiparari in pœna imposta ipso iure, quando lex non addit particulam Scienter, vel similes, sed simpliciter punit transgressores: at vero quando addit particulam, Scienter, nullo modo æquiparantur, nec incurritur talis pœna propter actum ex ignorantia crassa factum vt dictu est.

16. Tertia, & yltima regula est, Ignoratia, quæ excusat culpam mortalem, licet non excusat culpam venialē, excusat à pœna graui legis. Ita sentit Soto lib. 5. de Iustit. q. i. ar. 9. ad finē, Medin. C. de Pœnit. tract. de Ieiun. q. de Necessitate seruadi ieiunium. Ratio est, quia talis ignorantia verè tollit causam, & fundamentum talis pœnae, quia pœna grauis non solet imponi per leges humanas, nisi propter culpam mortalem, vt supradictum est. Vnde hic potest à fortiori applicari illud principium, Quod ignorantia excusans circumstantiam, quam respicit lex, excusat pœnam, & si maneat culpa mortalē: nam multo magis excusabit, si maneat tantum culpa venialis, quia leges humanæ non solent ita punire veniales culpas, præsertim illas, quæ non sunt directa voluntate, quales sunt illæ, quæ sunt ex tali ignorantia. Vnde talis actus imperfecte voluntarius, & humanus dici pos-

A test: merito ergo excusatū sic delinquens à tali pœna. Secus verò esset si pœna esset leuis, quæ iustè in culpam venialem cadere possit: nam tunc verba legis seruanda sunt. Inde verò oriri poterant variae quæstiones de Censuris, & irregularitatibus, an propter veniales negligencias incurvantur. Sed illæ in locis proprijs tractate sunt. Supererat hoc loco dicendum de interpretatione stricta legis pœnalis; sed hoc reseruamus in lib. 6. Vbi de interpretatione legis humanæ dicemus. Reliquum ergo est, vt ad alias onerosas leges transeamus.

C A P V T XIII.

An leges, per quas tributa imponuntur, pure pœnales sint:

B Q uod hæ leges tributorum onerosæ sint, & inter odiosas computentur, notissimum est, tum ex communi sensu non solum iurium, & Doctorum, sed etiam omnium hominum, tum etiam ex ipsis terminis, vt illos exponendo statim patebit, ideoque ad hunc locum expectant, & merito cum lege pœnali coniunguntur, quia sunt adeo similes, vt earum differentiam prius explicare necessarium sit. Prius vero circa nomen tributi aduertere oportet, aliquos existimasse, illud deriuari à tribubus, vt scilicet, quia pecuniæ olim tributum imperabantur, inde tributa sunt appellata. Alij verò putant è contrario tribum à tributo esse appellatam. Nam quia tributa exigebantur à singulis partibus, in quas totus populus diuidebatur, ideo partes illæ tribus sunt appellatae. Et hoc videtur verisimilius, sequitur Gregor. Lop. in l. 25. tit. 13. p. 5. Gloss. 2. cum Ioan. de Platea in Rubr. C. de Annon. & tribut. Vnde etiam videtur verisimilius tributum à verbo Tribuo, deriuatum esse, vt sensit etiam Vlpianus in l. Ager. §. Sipendium. ff. de verb. signif. Luxta hanc autem vocis etymologiam quæcumque pensio, aut portio determinata, quæ alteri ex iure aliquo persoluitur, poterit tributum appellari, & generali significacione, siue pensio illa ad ius priuatum pertineat. siue ad publicum. Veruntamen iam vox illa siue ex suis accommodatione, siue per antonomasiam, significat pensionem publicam, quæ ad Regios sumptus, seu communes Reipublicæ operas per singulos de populo distribuitur, & stata lege persoluitur. Sunt autem alia etiam nomina, quibus tributa significantur, vt vectigal, pedagium, & similia, quæ si specificas rationes tributorum indicant, licet interdum generalius usurpentur, & ideo eorum significaciones breuiter exponere necessarium existimo:

C Vt autem commodius fiat, oportet prius distinctionem tributi adnotare, in reale, personale, & mistum, quæ sumitur ex l. vlt. ff. de Muner. & honor. Reale dicitur, quod pro rebus immobilibus, & de fructibus earum quotannis persoluitur, quomodo decimæ Ecclesiasticæ possunt dici tributa realia, quanvis nec sub hac voce comprehendendi soleant, nec de illis nunc disseramus. Solent igitur ita vocari pensiones quædā, quæ penduntur Regibus, & Principibus exterris, & agris quæ à principio ad eorum sustentationem illis applicata fuerunt; ipsi vero i-

Greg. Lop.

D Tributū dividitur in reale, personale, & mixtum.

E Reale quidem

empti

Canon. quid.

emphyteusim, vel feudum alijs ea donarunt sub certa pensione annua, quæ in iure ciuili solet Canon appellari, quia certa regula, & lege præscripta erat, l. 1. C. de Indictionibus lib. 10. Solet etiam hæc pensio appellari, *Vestigal*, & agri ei subiecti *Vestigales*, vt patet ex l. 1. & 2. ff. Si ager vestigal. Alia verò significatio huius vocis statim tradenda magis propria & visitata est. Personalia tributa dicuntur, quæ ratione tantum personæ soluuntur, & vocantur *census*, iuxta illud Matthæi 22: *Licet censem dare Cesari, an non*. Nam census ille tributum personale erat, propter quod imponendum facta est descriptio, quam narrant Lucas capit. 2. & Acto. 5. vt probabilius fert sententia ex Iosepho lib. 18. Antiquit. cap. 1. & expositoribus ibi. Quod tributum generali nomine tributi appellatur Lucæ cap. 20. à Matthæo vero speciali, vel fortasse illæ voices synonymæ sunt respectu Principis, licet respectu priuatorum soleant distinguiri, vt notat Panormi. in cap. *Innouamus*. de Censib. nu. 3. quod solū pertinet ad usum vocis, vt dixi. Propriè item personale tributum vocatur à Iuristis Capitatio, in l. vlt. §. vlt. ff. de Muneribus & honori-
tib. & l. Sacrosancta. C. de Sacrosanctis Ecclesi. quia scilicet, per capita soluuntur. Mixta dicuntur, quæ pro rebus præsertim mobilibus, & personis soluuntur, huiusmodi sunt *Gabella*, quæ soluitur de rebus, aut venditis, Hispane *Alcavalla*. Item *Vestigal*, quo nontine, in iure significat tributum debitum ex mercibus inuestis in provinciam, vel ex illa euectis, seu, quæ per pontes, aut portus vehuntur, iuxta l. *Vestigalia*. ff. de publican. & *Vestigal*, & l. *Ex præscriptione*. C. de *Vestigal*. Et ita distinguitur *Vestigal* à tributo tanquam species à genere, licet interdum videantur condistingui tanquam duæ species, vt apud Paul. Roma. 13. *Cui tributum tributum cui, Vestigal. &c.* Ut tributum videatur significare pésionem debita ratione personæ, vel possessoris; *Vestigal* autem ratione mercium, vel rerum, quæ portantur. Et hoc habet etiam fundamētū in iure l. 1. §. 1. ff. de Publi. & *Vestigal*. ibi notat Glossa verb. *Pendant*. Ordinario vero usum nomen *tributi* generale est, *Vestigal*, speciale, quod solet etiam appellari, *Portorium*. l. 3. C. de *Vestigal*.

3. Alia vocantur *Angaria*. l. *His oneribus*. ff. de Vacat. & excusat. mun. & l. *Neminem*, C. de Sacros. Ecclesi. vbi Glossa inquit, *Angaria* sunt, quæ sunt in operis personarū. Alia vocantur *Pedagia*, & *Guidagia*, quoru significatio nota est, & de illis videri potest Gloss. in cap. *Super quibusdam de verbis significat*. Item *Glos*. in l. *Cum qui*. ff. de verbis. significat. vbi pedagium pro *Vestigali* ponitur, vide etiam *Sylvestr*. verb. *Gabella*, in princip. Nauar: in cap. *Fraternitas*, à num. 41. Et de his posterioribus tributis sub nomine *Pedagij* dicitur in cap. *Quanquam*, de Censib. in 6. regulariter esse in iure reprobata, non quia semper iniusta sint, sed quia solent esse suspecta. Omnis autem hæc tributorum varietas, quantum ad præsens spectat, materialis est, sumitur enim vel ex rebus, super quas imponuntur, vel ex fine & causa impositionis: formalis autem ratio obligationis eadem est in omnibus, & ideo de illis tantum generatim loquemur. Alij verò explicant illa tria membra ex parte oneris, seu pensionis alicui impositæ: aliquando enim est opus, seu labor personæ, & ideo per

Nauarr.
Sylvestr.

A sonalis dicitur interdum verò est res aliqua, vel usus eius, vt pecunia, triticum, gallina, vel usus equi, aut domus, nonnunquam in ero utrumque includit, vt si quis certis temporibus teneatur seruire Principi, persona, & sumptibus suis. Quæ explicatio habet etiam fundamentum in dicta. vlt. Tamen etiam est valde materialis, & magis habet locum in priuatiss oneribus, seu muneribus, quam in tributis, quæ frequentius solent in pecunia exigi, quanvis aliquando etiam alia onera exigantur, de quibus quod spectat ad iustitiam legum, eadem est proportionalis ratio.

B Ex his ergo facile intelligitur, quæstionem propositam non habere locum in tributis realibus: nam ut bene dixit Nauar. suprà, sunt maximè naturalia, & præse ferunt iustitiam, quia exiguntur de rebus proprijs, & in contractu iusto fundata sunt. Et ideo leges, per quas talia tributa solui præcipiuntur, etiam si in illis addatur pena, sive dubio pure penales dici non possunt, sed morales, sicut sunt alia de seruandis contractibus, & implendis promissis, & in vniuersum de reddendo debito, quod vnicuique ex iustitia debetur. Vnde etiam certum est tales leges obligare in conscientia ad soluenda talia tributa, integrè, & sponte, & sine villa diminutione, ac fraude; etiam si non peccantur: Quia sunt debita ex iustitia commutativa, quæ secum assert hanc intrinsecam obligationem, nisi ex consuetudine, vel scriptura constet, aliam fuisse conditionem pacti, seu oneris rebus ipsis impositi: nam tunc illæ seruandæ sunt, & ita de his tributis nihil amplius hic dicemus: pertinent enim ad materiam de feudis, & alijs regalibus, vt vocant.

Obligatio
est in con-
scientia
soluenda tri-
buta realia
licet non pe-
ccantur.

Circa alia vero tributa ratio dubitandi esse potest; quia hæc tributa poni ordinariè solent sine verbo præcipiendi, sed statuendi sub aliqua conditione penalii, ergo leges, quibus præcipiuntur merè penales sunt. Probatur consequentia, quia per talem conditionem indicatur, tributum non poni sub reatu conscientia, sed sub reatu solius penæ. Ut supra de lege pure penalii dictum est. Confirmatur, ac declaratur, quia interpretando has leges in hoc sensu seruatur æquitas iustitiae, quæ ad talem obligationem necessaria est: hoc enim modo non defraudatur Rex pensione sibi debita, quia per adiectionem penæ compensatur sufficienter quidquid de bonis eius per denegationem tributi diminui potest; ergo pena imposta est ad refaciendum, vel potius vitandum documentum Regis, quo cessante, cessat etiam obligatio in conscientia soluendi tributum vel ex ipsa rei natura, quia nulla sit inæqualitas: vel ex intentione legis latoris, rationabiliter præsumpta. quæ præsumptio confirmatur: nam sic explicatæ leges tributorum, erunt moderatæ, & tolerabiles, quæ in maiori rigore erunt nimis duræ, & fortasse iniustæ. Et pro hac sententia referri possunt auctores, qui dicunt, tributa non deberi in conscientia, prius quam petantur, quos capite 15. referemus. Atque ita tenet aperte Angelus verbo. *Pedagium*. numero 6. & possunt citari omnes, qui legem penalem negant in conscientia obligare, sicut consequenter tenuit Nauarrus in Sum. c. 23. *Nauar*.

num.

num. 60. loquens specialiter de vectigalibus, & portorijs. Declarat tamen, post quam aliquis cecidit in commissum, non posse res defendere vi & armis, quia iuste impeditur, & punitur, posse tamen fugere, vel modo alio licito evadere, si potest.

Dicendum nihilominus est, leges tributorum ex genere suo, seu ex vi materia, nec per se habere ut pœnales sint, neque etiam esse mere pœnales ex eo tantum, quod in eis pœna adiiciatur, nisi ex verbis, aut circumstantijs legis aliud constet. Hanc doctrinam existimare esse communem, eamque late tradit Couar. in Regula, Peccatum: 2. p. 5. 5. Eandemque supponunt omnes, qui dicunt, leges tributorum obligare in conscientia, quos infra cap. 15. referimus. Sensus autem est, nihil speciale in hoc habere leges tributorum, ac subinde sicut alias leges, ita & has posse tribus modis ferri, scilicet, per purum præceptum sine adiectione pœnæ, & præcipiendo simul, & adiiciendo pœnam non soluentibus, & imponendo tributum sub onere tantum pœnæ sine interpositione præcepti. Ratio generalis est, quia materia harum legum est capax omnium horum modorum, & nulla est ratio, ob quam aliquem illorum excludamus. Quod ita breuiter declaratur, & probatur, quia in lege tributi duæ partes distingui possunt, & debent. Una est imperans, seu imponens tributum, alia est imponens pœnam non soluentibus tributum: hæc autem pars non est per se ac necessariò coniuncta cum prima, sed pendet ex arbitrio Principis, vt per se notum videtur. Tum quia secunda pars est posterior, & ie omnino distinguita à prima, & prior non pendet essentialiter à posteriori; ergo potest ponи sine illa. Tum etiam quia posset lex communari tantum pœnam in genere non soluentibus tributum, nimirum, quod digne puniantur, nisi soluant, non taxando pœnam, sed relinquendo arbitrio iudicis, sicut in alijs rebus non minus grauiibus sèpè fit, ergo etiam potest nullam omnino mentionem pœnæ facere, sed simpliciter imperare tributum: nam ibi implicitè includitur, transgressorē fieri reum pœnæ, & posse puniri saltem arbitrio iudicis, est ergo possibilis ille prior modus, de alijs vero res est manifesta.

Hinc ergo aperte concluditur prima pars assertionis: nam leges tributorum ex genere suo, & ex vi materia sua tantum habent, vt tributa imponant, vt declaratum est; sed vt sic non sunt pœnales; ergo. Probatur Minor, quia licet tributum sit aliquando onerosum, vel laboriosum, non tamen supponit culpam, nec transgressionem aliquam, etiam ciuilem, propter quam vindicandam, vel coercendam imponatur; ergo nullam habet rationem pœnæ; ergo ex hoc capite non habet talis lex, quod penalitatem sit. Confirmatur, quia multæ aliæ leges possunt imponere grauiora onera, vel imperare res difficilliores, quæ non propterea sunt pœnales, vt in legibus militiæ, & similibus manifestum est. Denique materia talium legum est materia iustitiæ commutatiæ, continetque veluti iustum stipendium seu subsidium reddendum Regibus ad sustentanda onera muneris sui, iuxta illud Pauli, Roma. 13. Saluante omnibus debita, cui tributum, &c. Et rationem reddit, quia ministeri Dei

Aunt, in hoc ipsum seruientes. Ideo enim (inquit) mīlita præstatu. Ergo haec leges, vt tales sunt, nullo modo possunt dici pœnales, sicut leges taxantes pretia rerum, vel stipendia operarij, aut militum, non possunt dici pœnales respectu eorum, qui talia stipendia soluere coguntur, quia in eorum utilitatem, vel commodum illæ res, vel munera fiunt, vel conferuntur.

Dixi, interdum tributum aliquod potest imponi in pœnam, vt recte docuit Victor. Relect. de Iur. belli. num. 57. & colligitur ex Deuter. 20. & patet; quia Rex potest punire civitatem rebellem, vel aliud regnum, aut rem publicam, quæ iniuriam sibi intulit, postquam illam expugnauit; ergo potest iusto arbitrio eligere aliquod tributum, quod illi in pœnam imponat. Respondeo, nos formaliter loqui de tributo, vt tributum est secundum propriam finem, & quasi intrinsecam naturam eius, & sic manifestum est, non esse pœnam. Nihil tamen obstat, quomodo similis impositio fiat, in ceteram. Tunc autem sequetur naturam pœnæ quo ad obligationem, solum est considerandum in istis casibus, & similibus tributum non imponi propter delictum futurum, sed propter iam factum, & post iustum condemnationem, vt supponitur: & ideo ita obligari homines ad illud tributum soluendum, sicut obligatur reus ad solutionem pecuniarę pœnæ, postquam ad illam est iuste condemnatus.

CEx his vñterius infertur, leges tributorum spectatas præcise secundum id, quod pet se, & intrinsece requirunt, esse veras leges morales obligantes in conscientia. Probatur, quia si lex hæc imperat tributum sine adiectione pœnæ, imponit necessitatem soluendi tributum, & non imponit necessitatem pœnalem, quia vt supponimus, illam non exprimit; ergo imponit necessitatem in conscientia. Probatur vñtima consequentia, quia alias esset lex inutilis, & inefficax: nullo enim modo cogeret transgressorē. Quia si non obligaret in conscientia, neque potest posse quis propter transgressionem puniri, quia neque sub tali conditione fuit posita. Secundo quia lex superioris absolute posita obligat in conscientia iuxta capacitatem materiæ, sed illa materia est capax obligationis rigorosæ: nam est materia iustitiæ, & iusti stipendij soluendi, vt declaratum est; ergo. Quin potius licet talis lex non contineret alia verba præceptiva præter taxam quantitatis soluendæ. Principi in tributum, obligaret in conscientia, quia debitum alendi, & sustentandi onera Regis, naturale est; ergo eo ipso, quo lex humana taxat quantitatem & modum, obligat in conscientia ad seruandam illam, quia illud statim est medium iustitiæ, vt in alijs pretijs rerum, quæ lege taxantur & in decimis Ecclesiasticis, quoad quotam taxatam per Ecclesiam, est manifestum videre.

DIam ergo probatur secunda pars assertionis ex dictis de lege pœnali in communi: nam adiectione pœnæ non tollit obligationem, quam eadē lex præcise lata sine pœna induceret; Sed ostensum est, legem tributorum vt moralis est, præcise latam obligare in conscientia; ergo licet illi addatur pœna, obligabit per se ad tributum persoluendum, vel restituendum (cum contra iustitiam non sit solutum) absque vlla cōdénatione, vel sētētia, etiā si tūc nemo obliget

*Adiectio
ne pēnæ no
datur vassal
lo optio ut
l. tributū l.
pēnam sol
uat : licet nō
repugnet da
ri legem sic
ligant ē sub
disiunctio
ne.*

11.

ad pēnæ solutionem ante sententiam, iuxta generalem doctrinam datam de lege pēnali. Quia non minus habet locum in legibus tributorum, quam in alijs, supposita paritate in verbis legis: nulla enim ratio discriminis excogitari potest. Declaraturque in hunc modum; quia in tali lege mista, seu quasi composita ex tributo, & pēna ad diuersos fines ordinantur impositio tributi, & adiectio pēnæ: tributum enim est ad sustentationem Principis, seu ad satisfacendum naturali obligationi dandi stipendium iustum laboranti in nostram utilitatem; pēna vero est ad cogendum, vt prior obligatio implatur, vel puniendum delictum, si omittatur; ergo licet tributum sit iustum, & ad æquatum finis suo, & obligatio eius integra maneat, iuste additur comminatio pēnæ, & executio eius, si culpa intercedat, ultra integrum tributi exactionem. Sicut in pēnis conuentionalibus, quæ addisolent inter contrahentes, iuste exigi potest pēna à violatore contractus, etiam ultra intereste, & satisfactionem damni illati, vt suprà dictum. Idem ergo est in præsenti: intercedit enim veluti contractus inter Principem, & subditos, vt ille gubernet, hi vero ipsum alant per tributorum solutionem, & ad soliditatem huius contractus pēna potest adiungi, quæ non minuat vim, aut obligationem contractus, sed nouam coactionem adiungat. Vnde etiam potest ita declarari, quia propter adiectiōnēm pēnæ non conceditur libertas, seu optio vassallo, vt vel tributum soluat, vel pēnam patienter sustineat, si illi imponatur: sic enim adiectio pēnæ non augeret efficaciam legis, sed minueret, quod plane est contra intentionem talium legislatorum; ergo addendo pēnam, non tollunt præceptum, sed confirmant, & vrgent illud; ergo semper lex per se obligat, licet illi addatur pēna & re vera hoc est maximè consentaneum finalis legis, & vt sic dicam, quasi cōnaturale illi, vt in puncto sequenti magis explicabo.

Supereft ergo explicanda tertia pars assertionis, nimirum, quando ex verbis, & forma legis constituit, mentem legis latoris esse, non absolute imperare tributum, sed solum sub conditione, nisi quis malit fieri pēnæ obnoxius, seu (quod perinde est) sub disiunctione, vel soluendi tributum, vel pēnam ob non solutionem, si de illa feratur iudicium, sustinere: tunc leges non obligare in conscientia determinate ad solutionem tributi, sed solum per modum pēnæ, seu simul cum illa, quādo exigatur, in qua parte duæ incliduntur. Una est posse tributum sicut tantum imponi, & hoc est per se notum: nam pendet ex voluntate Principis, & non continet iniustitiam, nec rigorem, sed potius lenitatem, nam in eo videtur Princeps, potius ex parte cedere iuri suo; quam in aliquo excedere. Adenique non magis repugnat hic modus legis in hac materia, quam in alijs: nulla enim ratio discriminis afferri potest, vt de alijs argumentati sumus. Altera pars est, quod posita tali lege, illa non obligat in conscientia statim, seu determinatè ad solutionem tributi. Et hæc etiam est euidentis eisdem fere rationib⁹, tūquia obligatio hæc pendet ex voluntate Principis, ipsi autem Princeps satis per talia verba declarat, nolle se obligare absolute, sed tantum sub predicta conditione, seu disiunctione: tum etiam

A quia non est maior ratio de hac materia, quam de alijs: in alijs vero lex illa non obligat in conscientia, nisi modo dicto, vt suprà ostensum est; ergo, neque in ista.

Statim vero insurgit dubitatio suprà etiam de lege pēnali generatim tractata, an leges tributorum adjacentes pēnam, vt regulariter ferruntur, intelligendæ sint iuxta hanc ultimam partem, vel iuxta secundam. Sed de hoc punto dicimus plura paulo post in cap. 15. Nunc breuiter censeo, leges has pēnales imponentes tributa sub pēna, esse mistas, ac subinde per se obligare in conscientia ad solutionem tributi. Ratio est, quia verba legis ordinariæ sunt præcepitiæ, sicut sunt communiter in alijs legibus moralibus, quæ ad bonum regimen reipublicæ ordinantur, ideoque obligant in conscientia, non obstante adiectione pēnæ. Secundò, quia intentio talis esse præsumitur, nisi aliud certo constet morali certitudine, quia (vt dicebam) per pēnari volunt Principes augere efficaciam legis, non minuere. Et quia per se primo intendunt in effectu consequi tributum sibi, & communi bono reipublicæ necessarium. Unde est tertia ratio, quia materia talium legum maximè postulat huiusmodi obligacionem, quia est materia iustitiae, & in re grauissima, ac pertinente ad commune bonum: imo necessaria moraliter ad reipublicæ conservatiōnem, & gubernatiōnem; ergo illi materiae quasi debetur, & connaturale est præceptum per se, & absolute obligans, non tantum sub conditionali pacto sustinendi pēnam, quod est valde per accidens, & de se sufficiens ad grauissimum tributorum finem. Ideoque censeo, non esse regulandas hæc leges per illas, quæ sub pēna prohibent venari, aut ligna cœdere, aut aliquid è regno ex trahere: nam hæc prohibitions, & similes sunt multo minoris momenti, ordinariè loquendo, & extra causas grauis necessitatibus regni, & ideo ad illas sufficit illa coactio, vel compensatio quasi contingens per pēnam. Tributorum autem impositio, & solutio est per legem intenta tamquam per se debita, & necessaria reipublicæ, ac Principi, & ideo ex se postulat proprium, ac directum præceptum, per se & absolute obligans, etiam si pēnæ accumulentur. Quapropter non ex istimo sufficere, quod lex loquatur conditionali modo, si quis non soluerit tale tributum, tali pēna puniatur, vt illo modo intelligatur. Nam talis lex supponit necessariò tale tributum esse debitum, & ideo moraliter nunquam ponitur illa conditionalis, nisi post impositionem tributi, quæ fit per absolutum præceptum, vel saltem per taxationem quantitatis soluendæ, qua facta, naturalis lex iustitiae obligat ad tributum soluendum, etiam ante adiectiōnēm pēnæ; illa autem obligatio non admittit propter conditionalem illam adiunctam, vt ex dictis constat. Illa ergo non sufficit in tali materia ad presumendum legem esse purè pēnalem, sed oportet, vt vel clarioribus verbis declaretur, vel ex alijs circumstantijs, aut certa consuetudine colligatur.

Ad fundamentū ergo contraria sententiæ respondet, ad summum probare tertiam partem assertionis nostræ, quia vero simpliciter proce-

13.
Fit satis ar
gumentis cō
trarie sen
tentie.

procedit contra secundam, & intendit ex adiectione pœnæ inferre ablationem absolutæ obligationis in conscientia, respondeatur, negando hanc consequentiam. Quia non est hoc necessarium ad æquitatem iustitiae, ut ostensum est, quin potius ad prouidendum sufficienter iustitiae, & æquitati, quæ debet seruari. inter Principem & subditos, necessarium est, ut subditi simpliciter & absolutè obligentur in conscientia ad iusta tributa soluenda, & ut rebellis distincta pœna puniantur. Alia enim est iustitia vindicativa à commutatiua, & prior obligatio ad commutatiua pertinet, & transgressio eius constituit nouum reatum, seu debitum in ordine ad iustitiam vindicatiua. Neque etiam de intentione legislatoris aliud præsumi potest ex vi solius combinationis pœnæ, vt ostensum est, neque villa inæqualitas, vel nimius rigor resultat in his legibus ex illo solo capite, magis quam in alijs omnibus, quæ præcipiendo, pœnam transgressoribus minantur; vel quam in contractibus iustis & æqualibus, quibus nihilominus adjicitur pœna, ultra interesse, ut dictum est.

CAPVT XIII.

De potestate necessaria ut lex tributum imponens iusta sit.

Quoniam obligatio legis ex illius iustitia maximè pendet, & iustitia tributorum multas conditiones requirit, ideo illas explicare necessarium est, quod discurrendo per causas tributorum optimè fieri. Quod ergo ad efficiendum spectat, certum est, necessarium esse potestatem ad imponenda tributum in eo, qui huiusmodi legem statuit, alioqui non erit iusta, sed tyrannica. Conclusio est clara, quia ubi deest potesta, actus non potest esse validus, nedium iustus. Item quia superior non potest præcipere, nec inferior tenetur obediens; hæc enim correllatiua sunt. Denique quia prima conditio necessaria ad iustitiam legis est potestas ferendi illam, ut supra visum est; ergo eadem requiritur cum proportione in lege imponente tributum. Imò hic considerandum est, non omnem potestatem, quem sufficit ad condendam legem in alijs materijs, sufficere ad imponenda tributa: nam leges potest interdum condere Princeps non supremus, aut ciuitas, vel aliquis magistratus iuxta sui muneris institutionem; tributum autem imponere non potest, nisi supremus Princeps non recognoscens superiorem in suo ordine, ut ex dicendis constabit, & ideo specialiter requiritur hæc conditio in legibus tributorum, præter conditionem omnibus legibus generalem.

2. Statim verò occurrit inquirendum, quinam habeant in Republica hanc potestatem. Respondeo, quod attinet ad leges civiles, primum omnium esse hanc potestatem in Imperatore, lege prima & secunda, Codice. Noua vectigalia, institui non posse. Vbi in lege secunda additur, Ciuitates non habere hanc potestatem, & idem habetur in l. Vectigalia, ff. de Publican. & Vectigal. Intelligentum autem est, nunc durare hanc potestatem in Imperatore in tertis imperijs, in quibus supremam potestatem fetinet, non tamen in alijs Regnis seu prouincijs, in quibus iam illam amilit, iuxta dicta in libro præcedenti. Vnde consequenter addendum est secundum, hanc potestatem esse in Regibus, qui in supra potestate æquiparantur Imperatoribus, vt

suprà dictum est, & ita habetur etiam in legibus horum regnum, & utrumque dicitur aperte in cap. Super quibusdam, de Verb. significat. licet Hostiens. ibi id neget, & per Reges exponat regem Romanorum, contra vim verborum, & contra Glossam, & sine ullo fundamento, imò ulterius extendi hoc debet ad Principes, ut habetur in c. Innouanus, de Censib. & sentit Glossa ibi in d.l. Vectigalia, & in c. Si quis Romi petas, 24. q.3. Intelligi autem debet de his Principibus, qui licet Reges non appellantur, tamen habent supremam iurisdictionem in temporalibus. Et sic est facilis ratio, quia ad ponendum tributum magis attenditur iurisdictio, quam nomen, vel alia dignitatis conditio. Item quia hi Principes possunt indicere bellum, & administrare Rempublicam independenter ab alio superiori temporali, sed ad hoc sunt necessaria tributa; ergo etiam habet potestatem imponendi tributa Quartò verò addimus, reliquos omnes, qui recognoscunt superiorem in temporalibus non posse tributa imponere, ut ex eisdem legibus colligitur, & docent Deci. cons. 534. & Rebussus in Expositione Bullæ Cœnzæ, articulo tertio. Et ratio esse videtur, quia potestas agentis debet esse proportionata fini: finis autem tributorum est, commune bonum Reipublicæ, & ideo potestas imperandi illa ei tantum data est, qui supremam curam habet totius Reipublicæ. Item hæc potestas per se primo, & ex natura rei erat in Republica, vnde illa Reipublicæ, quæ nunc sunt supremæ, illam potestatem in se retinent, quia inter Reges & Principes computantur; ergo ubi Respublica transtulit suam potestatem in Principem, solum inuenitur hæc potestas in illo Princeps, qui supremam Reipublicæ potestatem habet.

3. Sed quæret aliquis, an Pontifex, vel Concilium, vel alia potestas Ecclesiastica habeat hoc ius. Aliqui enim dicunt; Concilium generale habere hanc potestatem, quia potest eam alij concedere, ut significatur in capite, Super quibusdam, §. Præterea, de Verborum significat. Respondetur tamen, Pontificem, quatenus temporalis Princeps est, posse in suis terris imponere tributa, quia re vera ibi est supremus in temporalibus per directum dominium & potestatem. In alijs vero Regnis, sicut non habet dominium vel temporeli iurisdictionem directe, ita nec potest per se, & directe imponere temporalia tributa, quia hic est actus illius potestatis. Quod à fortiori verum est de quocumque inferiori Prælato Ecclesiastico, vel Concilio etiam generali, cuius potestas ex Pontifice maximè pendet. Nihilominus tamen si ad spiritualem finem sit necessarium, ut ad defendendam Ecclesiam ab infidelibus vel hereticis, potest Summus Pontifex imponere temporalia tributa, quia sub ea ratione habet supremam potestatem etiam in temporalibus. Potest autem directe Summus Pontifex propter eundem finem, vel in subiudium sibi necessarium tributa imponere super Ecclesiæ bona, sicut tractando de Decimis, diximus, posse partem decimarum sibi reservare, quia in illo ordine per se, & directe est supremus Princeps totius Ecclesiæ, & supremus dispensator bonorum eius, & ideo supremam etiam in hoc habet potestatem. Aliqui vero Episcopi hoc non possunt, capit. Prohibemus, de Censib. Concilium autem etiam generale in tantum id poterit, in quantum fuerit a Pontifice

*Nisi sit opus
ad spiritualem
finem non
posse Papam
imponere tri-
buta terriæ
non tuis tem-
poraliter, si-
cuit nec con-
cilium ullū.*

*Cap. Prohi-
bemus.*

Cap. Inno-
namus.
Cap. Super
quibusdam.

4.
illa tributa
etiam esse ius-
ta, de quibus
non constat, à
quibus sint
imposita.

5.

Castro.
Medin.

6.
Medina.
Medin. fun-
datus in c.
Quibusdam
Sen. affir-
mā
idem esse de
potestate im-
ponendi nouū
tributum ex
immemoriales
consuetudine
licet impo-
nens non si
supremus
dominus.

concessum vel approbatum. Potest præterea Ecclesia declarare, qui Principes temporales possunt imponere tributa, & prohibere, ne alij imponant, vt fecit Concilium Lateranen. in dicto cap. Innoamus, & ita etiam intelligitur dictum ca. Super quibusdam. Et singulis annis sub grauissima censura sit similis prohibitio in Bulla Coenæ.

Additur verò in dicto cap. Super quibusdam, non solum illa esse iusta tributa, de quibus constat esse imposta à regibus vel Principibus supremis, sed etiam illa, de quibus non constat, à quo imposta sint, dummodo, Ex consuetudine, de cuius initio non extat, memoria sint introducta. Cuius ratio est, quia vbi nec constat, nec constare potest de iniustitia, secundum ius præsumitur iustitia: in huiusmodi autem casu constare non potest, tale tributum sine legitima potestate esse impositum, immò cùm adeò prævaluerit, vt per longissimum tempus à tota communitate solutum sit, præsumitur iuste incepisse. Item quia præscriptio præsertim immemorialis dat ius sufficiens; illa autem consuetudo inducit præscriptionem, & idè diximus, requiri bonam fidem, quia in omni præscriptione necessaria est.

Occurrit autem hic graue dubium, an idem dicendum sit de potestate imponendi nouum tributum, ex immemoriali consuetudine, etiam si is, qui illud imponit, non sit supremus in temporalibus. Est enim attente considerandum, hæc duo esse valde distincta, imponere tributum, vel exigere iam impositum, & similiter aliud esse, habere consuetudinem immemorialem exigendi aliquod tributum, quod ex eadem consuetudine supponitur iam impositum; aliud verò habere consuetudinem immemorialem imponendi noua tributa, & consequenter illa postea exigendi. Hæc enim potestas sine dubio est multo maiori, vt bene notarunt Castro dicto lib. I. c. 10. & Medin. dicto c. 13. §. Sed forte, tum quia est potestas legislativa, & dominativa, & extéditur ad plures actus, & ad nouas impositiones facientes; alia verò est quoddam particulare ius obtinendi, seu lucrandi pensionem, quæ supponitur iam imposta. Vnde etiam certum mihi est, ex hac posteriori consuetudine non bene inferri priorem. Multi enim Principes inferiores, immò & priuatæ personæ habent ex consuetudine ius exigendi aliqua tributa antiqua, vel à rege imposta, vel de quorum initio, aut auctore non constat, qui non habent potestatem vel consuetudinem imponendi noua tributa. Ideoque licet ratio facta prober antiquum tributum, de cuius initio non est memoria, reputari iustum, & legitima potestate introductum, & ideo exigi iuste posse à quoconque habente titulum vel consuetudinem legitimam obtinendi talem pensionem, adhuc superest questio, an noua impositio tributi fieri iuste possit à non supremo Principe, allegate consuetudinem immemorialem imponendi tributa.

In qua dubitatione Medin. dicto C. de Restit. c. 13. §. vt igitur, affirmat tale tributum iustum esse. Fundatur præcipue in dicto cap. Super quibusdam, quod longè aliter intelligit, quæ ab nobis declaratum sit. Ex illo enim capite colligit auctoritatem imponendi tributa esse in Imperatore, Rege, Papa, Concilio, & in antiqua consuetudine. Et ita sentit, Pontificem in eo textu principalius loqui de nouis tributis, qui imponuntur ex vi potestatis præscriptæ per consuetudinem sine alio titulo, licet paulò inferius. §. De veteribus, fateatur, etiam esse licitum, exigere tributa

antiqua in sola immemoriali consuetudine fundata, quia tunc pro recipientibus iuste præsumitur, & in §. Sed forte, obliando contra hoc dictum cap. Super quibusdam, respondet, non esse contrarium, sed potius approbando illa noua tributa, innuere(air) etiam hac antiqua iuste recipi posse. Potest pro hac sententia citari Panorm. in dicto cap. Innoamus, n. 6. quatenus dicit, potestatem hanc imponendi tributa, posse præscriptione acquiri, & iura Principis posse consuetudine obtineri, de cuius initio non extet memoria, iuxta doctrinam Barthol. in l. Infamem, ff. de Publi. iud. & Innoc. in cap. Ego P. de Fide instrum. Expressius id docet Panormit. in dicto cap. Super quibusdam, n. 1. & 2. Ex quo videtur Medin. sumptissime illius textus interpretationem. Eandem sententiam tenet D. Antonin. in 2. p tit. 1. c. 13. §. 8. in fin. vbi in speciali loquitur de quibusdam impositionibus particularibus, quas aliquæ civitates facere solent pro suis tantum membris, vt ad communnes necessitates cōtribuant; Quia licet hoc, inquit, ordinariè non possint facere sine licentia Principis, secundum erit, si ita facere consueverint ante bominum memoriam.

Ratione potest hæc sententia suaderi, primò, quia eadem ratio esse videtur quoad præscriptionem de iure perenti tributum antiquum, & de potestate imponendi nouum, quantum spectat ad possibilitatem acquirendi illud per consuetudinem: nam vtrumque est proprium Principis; ergo si vnum comparatur præscriptione, cur non aliud? Nam quod differant secundum magis & minus, parum refert, cùm hæc differentia accidentalis sit, & in multis alijs reperiatur, quæ cōtra Principem præscribi possunt. Ut sunt iurisdictio, quæ per consuetudinem acquiritur, etiam si propria regis sit, & potestas legitimandi spurios, restituendi famam infamibus, creandi tabelliones, & similia, quæ Innocen. suprà notat, præscribuntur contra Principem, cùm non videantur minora, quæ potestas imponendi tributum. Vnde confirmatur, quia præscriptio temporis immemorialis equiparatur priuilegio concessu à Principe ex certa scientia, teste Bald. sub titulo. Quæ sint regalia in vñib. Feudor. sed per priuilegium Principis potest inferior imponere tributum, vt ex allegatis iuribus colligitur, quæ dicunt, neminem posse imponere tributum, nisi Principem, vel qui ab eo habuerit facultatem; ergo eadē potestas poterit per immemorialem præscriptionem acquiri. Probatur consequentia simul cum Maiori, quia per talem consuetudinem præsumitur, illam fuisse ortam ex aliquo simili priuilegio; & ita vel ipsa consuetudo confert potestatem, vel saltem probat sufficienter, illam quatenus est ratio sufficiens ad præsumendam iustum originem eius. Vnde Glosa etiam in dicto c. Super quibusdam, verb. Non extat, dixit, consuetudinem, cuius non extat memoria, ius, sive priuilegium inducere.

Contrariam nihilominus sententiam tenet Castro lib. 1. de lege pœnal. cap. 10. dicitque antiquam consuetudinem, de cuius initio non extet memoria, valere ad exigendum tributa, quæ ab illo tempore antiquo sunt introducta, non vero ad noua imponenda; Probat primò, quia dictum c. Super quibusdam, loquitur de antiquis tributis, non de nouis per antiquam consuetudinem impositis. In quo fundamento duo consideranda & distinguenda mihi videntur. Vnum est intelligētia illius textus, aliud est illatio, quæ ex illo fit. In primo hæc posterior interpretatio verior videatur: nam in textu non dicitur, cōsuetudinem suf-

8.
Sententia
negativa.
Castro.

ficer

Medina.
sicere ad imponendum tributum, nec ad potestatem imponendi tributum, sed dicitur illa tributa esse interdicta, que non appareat Imperatorum, vel Regum, vel Lateranensis Concilii largitione concessa, vel antiqua consuetudine, cuius non exest memoria introducta. Loquitur ergo aperte Pontifex in his vltimis verbis de tributis introductis per antiquam consuetudinem, & de illis solis. Vnde non video, cur dixerit Medina hoc innui in illo textu, & non potius, hoc solum expressè affirmari, & quidquid aliud inde affirmetur, esse per illationem, non quia in textu contineatur. Nec etiam video, cur dixerat idem auctor cum Panormit. numerari in eo textu quatuor habentes auctoritatem ad imponendam tributam, scilicet Imperatorem, Regem, Concilium (vtique cum Pontifice) & consuetudinem: nam ibi non dicitur, consuetudinem dare auctoritatem ad imponendum tributum, sed dare auctoritatem tributo, quod hodie impositum inuenitur, quod sine dubio longè diuersum est, vt recte dixit Castro, Medina etiam non negat, hæc duo esse diuersa; male autem conatur literam illius textus ad utrumque accommodare, & magis in eo fallitur, quod textum principaliter accommodat ad eam partem, quæ in litera eius non continetur.

Panormit.
Castro.
Castro. Cap. Inno-
guamus.
Alterum vero, quod ex hac vera interpretatione colligit Castro, non videtur mihi ex illo textu probari positivè, sed ad summum negotiū, quia licet ibi non affirmetur, consuetudinem immemorialem posse dare potestatem imponendi triplex, non tamen negatur; ergo inde non potest colligi testimonium politium contra priorem sententiam, sed solum negotium, hoc modo, nemo habet potestatem imponendi tributam nisi qui in illo textu numerantur, sed ibi non datur hæc potestas consuetudini; ergo. Et simile videtur esse aliud argumentum, quod Castro sumit ex dicto cap. *Innouamus*, quamvis ipse dicat, quod in eo, *Autoritas imponendi noua tributa aperte negatur aut: que consuetudini, quia expressè sibi dicitur, solum Regibus & Principibus esse concessam*. Vnde ex illa exclusa, solum, videtur colligere, negari hoc consuetudini. Sed in rigore non est solida illatio, cum quia dictio exclusa non excludit ea, quæ sunt pars, sicut ibi non excluditur Concilium: cum etiam quia dictio exclusa non excludit concordantia, huiusmodi autem dici potest consuetudo, quia illa in tantum habet vim, in quantum preluminatur in auctoritate Principis fundata. Unde addo, in illo textu non haberi verba, nec modum loquendi, quem Castro intendit, sed verba eius sunt. Nec quisquam aliam nouas pedagiorum exactiones sine auctoritate & consensu Regum aut Principum statuere presumat. Qui autem imponit noua pedagia ex vi consuetudinis, non presumit illa imponere sine auctoritate Regum vel Principum: sed allegat & presumit talem consuetudinem in auctoritate Regum esse fundatam; ergo non potest dici aperte excludi in illo textu, ergo ad summum dici poterit, ibi non probari talem consuetudinem sufficere. Quod argumentum negotium ex utroque textu leue est, & utrumque retorqueri potest. Primum quidem, argumentando à paritate rationis, & negando talem consuetudinem omnino omitti, quia in altera includitur, vel in potestate Regum, vel in concessione Concilij. Aliud vero, quia aetus proprius Principis si sit ab inferiori, ex immemoriali consuetudine, censeretur fieri auctoritate Principis, sed illo textu approbatur tribu-

A tūm nouum positum auctoritate Principis, ergo & positum ex immemoriali consuetudine, quia hæc includit auctoritatem Principis.

B Alio ergo modo possumus illa iura in favorem huius sententiaz inducere, etiam quatenus auctoritatem tantum negotiūam continent. Quia nulla potestas per consuetudinem seu præscriptionem acquiri, nisi virtute alicuius legis ciuilis, aut canonica, sed nulla talis lex est, quæ det auctoritatem præscribendi hanc potestatem imponendi tributa; ergo non potest præscriptione acquiri, & conlequenter nullus Princeps recognoscens superiorem potest iuste tali potestate vati, præ textu consuetudinis etiam immemorialis. Maior constat, quia præscriptio non est iure naturali introducta, imò quodammodo videtur ab illa discordare, vel saltem omnino illi addi: nec etiam constat esse de iure gentium, quia omnes gentes illa vntuntur, neque eodem modo oportet ergo vt fundetur in iure humano, ciuili vel canonico, quia sine auctoritate iuris non esset præscriptio, sed iniqua usurpatio rei alienaz. Probatur ergo minor, quia nulla inuenitur ciuilis lex, quæ talem præscriptionem approbet, neque etiam canonica, quia maximè illa duo capita supra tractata, ostensum autem est, in illis nihil de hac consuetudine caueri, & alioqui generaliter damnari omnia tributa non concessa à Regibus, Principibus, vel Pontifice, seu Concilio, & in textu originali Concilij Lateranensis sub Alex. III. p. 1. cap. 22. additur; *Vt nemo audeat, tales exactiones statuere, aut statutas de novo tenere.* Item ibi videtur postulari ad iustitiam tributorum, vt constet auctoritate supremi Principis esse imposta, si sint noua, vel quod ex consuetudine immemoriali presumatur, si sint antiqua: de præsumptione autem vel præscriptione pro potestate imponendi illa nullum ibi est verbum. Nec etiam valet aliquid argumentum, quod à simili sumebatur, tum quia hæc translatio vel usurpatio alieni iuris per consuetudinem odiosa est, & ideo non debet extendi, sed restringi, tum etiam quia non est æqualis ratio cù ostensum sit, hanc potestatem esse maiorem, tum denique, quia præscriptio talis potestatis multò magis potest cedere in perniciem reipublicæ, & ideo multò minus potest præsumi, à Principibus approbari; ergo ubi non est expressa lex non licet per solam conjecturam vel æquiparationem illa colligere.

C Et confirmatur hæc ratio ex alio principio iurisperitorum: nam ea, quæ ita conueniunt supremam potestati, vt ad propriam illius rationem pertineant, non possunt à subditis consuetudine præscribi; sed talis est potestas imponendi tributa; ergo. Maior habetur ex communi sententia luriſtarum Bald. in l. Comperit, C. de Præscrip. triginta, &c. Panormit. cap. Cum nobis, & cap. Ad audienciam, de Præscript. & aliorum, quod refert; & sequitur Couarr. in Regul. Poffessor, num. 8. & 9. & in Practie. cap. 4. num. 1. & Velasc. de Iur. Emphyteut. q. 8. num. 29. & sequent. Cuius ratio à priori est, quia nullum ius humanum faciet tali præscriptioni; imò illi resistit, vt in iure ciuili constat ex dicta l. Comperit, & in iure Hispania l. 1. tit. 15. lib. 4. nouæ recopilat. & idem sumitur ex l. 5. tit. 29. p. 3. Resistit etiam ius Lusitanie lib. 2. Ordinat. tit. 26. in princ. & q. 15. Congruentia vero est, quia præsumi non potest, Principem consentire in huiusmodi præscriptione, imò nec iure posse, quia esset valde perniciosa reipublicæ, & ipsimet Principi, quia ex parte

Conc. Later
Alexan. III.

II.

Bald.
Panorm.

Velasc.

L. Comperis.

Ord. lib. 2.

priuaretur regia potestate. Minor item proposi- A
tio in argumento sumpta colligi potest ex dictis
cap. Innuamus, & super quibusdam, quatenus do-
cent, ius imponendi tributa, esse reteruatum Re-
gi, & Imperatori, ac similibus Principibus su-
permis, & eodem modo sumitur ex l. Vettigal.,
ff. de publi. & vectig. & l. 1. C Nou. vect. & ex
l. 9. tit. 7. p. 5. vbi Glossa 2. notat, esse hoc ex re-
seruatis Principi.

Sed forte dicet aliquis, aliud esse, quod actus
sit reseruatus Principi, aliud vero quod sit quasi
de intrinseca ratione supremæ potestatis eius,
vel signum quasi proprium, & quasi potestatiū
supremæ excellentiæ illius. De actibus ergo hu-
iis secundi ordinis est vera prima propositio;
non vero de actibus prioris ordinis, ut probant
adducta pro contraria opinione: imponere au-
tem tributum, tantum probatur esse Principi re-
seruatum priori modo. Neque aliud colligitur
ex iuribus citatis, & ideo non procedit ratio, quia
multa similia reseruata Principi possunt contra
illum prescribi, ut supra inductione ostensum est.

Sed contra hoc ostendo: esse proprium Pri-
ncipis posteriori, & stricto modo. Et primum ex-
pendo verba Pontificis in cap. Tributum. 23. quiz.
8. ibi. Quod constitutum est pro pace & aequitate, qua
nos tueri debent & defensare, Imperatoribus persoluendu-
m est. Quibus verbis significatur titulum, ob
quem tributa debentur fundari in ea obligatio-
ne, qua rex tenetur, regnum suum in pace defen-
dere, sed hæc obligatio requirit supremam po-
testatem, & in illa fundatur; ergo tributum in-
trinsecè respicit illam potestatem, & inter alia
habet, ut sit veluti signum exhibendum in signu
supremi dominij. Hoc etiam confirmat quod

D. August. ait lib. 22. contra Faust. cap. 74. Ad hoc
tributa praestantur, ut propter bella necessario militi sti-
pendia prabeantur. Nam licet non sit hæc adæquata
causa imponendi tributa, est vna ex præcipuis,
& ostendit, quod sicut potestas indicendi bellum
est propria supremi Principis, nec potest acquiri
per præscriptionem ab inferiore Princeps ha-
bente superiori, ita etiam potestas imponendi
tributum. Præterea ex citatis legibus sumitur
magnum argumentum, quia expresse definiunt,
neminem posse præscriptione eximi a tributis
solvendis, ut patet ex citata l. Conferit, & alijs
horum regnum. Et ex à Panormitan. in dicto

cap. Cum nobis, num. 11. vbi reddit rationem, quia
tributum deberit in signum subiectionis sed
multo plus est præscribere potestatem imponendi
tributa, quam præscribere exemptionem a tributis,
quia maius etiam signum supremæ potestatis
est, tributa imperare, quam exigere, ergo.

Et declaratur hoc amplius, quia Rex habet
potestatem imponendi tributa in toto suo regno,
etiam in terris subiectis alicui inferiori Principi
ipsi subiecto, quando ergo ille inferior Princeps
acquirit per consuetudinem potestatem impon-
endi tributa in suis terris, vel rex illam amittit,
vel uterque retinet illam. Primum est intrinsecè
contra dignitatem Regiam, eam enim magna ex
parte conuelliit, quod per præscriptionem fieri
non potest, ut ostensum est. Est etiam contra na-
turalem obligationem, qua vasalli tenentur re-
cognoscere Regem ut supremum dominum. Se-
cundum autem est etiam contra iustitiam respe-
ctu populorum, ita enim supra modum grauare-
tur. Vtrumque sic explici, quia populi ex natu-
rali iustitia per se primò tenentur tributa pédere
Regi, tum quia ille est supremus dominus, tum

quia illius potestas censetur esse immediata à po-
pulo, & ideo etiam populi subditi inferiori Prin-
cipi subdito Regi, quatenus sunt pars quædā re-
gni, tenentur per se contribuere ad sustentationē
Regis, & status, ac dignitatis, omniumq; nume-
rum, & onerum eius, quod faciunt populi tribu-
ta soluendo. Ergo contra iustitiam eslet, quod e-
tiam inferior, & quasi proximus Princeps, posset
sua auctoritate imponere eidem populo noua
tributa, & quod populus obligari posset à duo-
bus Principibus, & præfertim ab illo, cum quo à
principio non contraxit, neque ei potestatem
contulit. Isti enī inferiores Principes non à po-
pulo, sed à regibus vel Imperatore, suum statum
ac dignitatē acceperunt, & ideo non à populo,
sed à Rege, vel iuxta regis præscriptum possunt
certos reditus à Vasallis accipere. Atque hæc vi-
detur esse ratio propria, cur hic actus imperandi
tributa est proprius supremi Principis, quæ con-
sequenter optimè videtur ostendere, esse hoc tam
intrinsecum illi supremæ potestati, ut contraria
consuetudo illam destruat, & iustitia multum
repugnet, ideoque non sit admittenda contra
Principem, neque sufficiat ad iustificanda noua
tributa, sine certa facultate à Regibus concessa.

Hæc ergo sententia mihi videtur verior & se-
cunior, quia est magis consentanea iuri & ratio-
ni, & quia impositio tributorum est grauissima,
& multa consideratione indiget, ut iuste fiat, &
ideo non est facilè committenda voluntati eorū,
qui in temporalibus habent superiorem, nec co-
suetudo aliud inducens honesta censenda est.
Neque presumendum est, quod bona fide sit in-
troducing, vel per scientiam & patientiam Regū.
Oportet tamen aduertere, aliud esse, quod Princeps
aliquis inferior præscribat potestatem im-
ponendi tributa retenta subiectione ad superio-
rem, & sine licentia eius: aliud vero esse, quod
Princeps, qui prius recognoverat superiorem
per consuetudinem & præscriptionem eximatur
à tali subiectione, & fiat supremus, & sic acqui-
rat potestatem imponendi tributa. Hactenus er-
go de priori modo loquuti sumus, & ita dicimus
nisi non posse, tum propter iura citata, tum
propter repugnantiam, quam inuoluit contra
iustitiam aequitatem, & debitum ordinem, qui
seruandus est, stante subiectione.

At vero si in posteriori modo supponamus, illam
potestatem supremam, & exemptionē posse
præscriptione acquiri, ut Iuristæ communiter
docent cum Bart. in l. Infamem, ff. de publi. iud. in
tine, & in l. Hostes, ff. de Capti. & alijs quos referunt
& sequitur Couar. in dicta Reg. Posse, 2. p. 4. 2.
n. 8. §. Ex his vero, & in Regul. Peccatum, 4. 9. n. 9.
Hac (inquam) sententia supposita consequens erit,
ut talis Princeps acquirat etiam potestatem
imponendi noua tributa, quia iam non est subdi-
tus, sed supremus, & ita ad illum pertinet regula
textus in dicto cap. Innuamus, & dicto c. Super qui-
busdam, Panor. vel in cap. Cum non licet, de Pra-
scrip. n. 16. sentit, non posse supremam regni po-
testatem illo modo acquiri, quia non potest infe-
rior eximi a potestate superioris, consuetudine so-
la etiam longissima. Sed hæc quæstio nunc ad nos
non pertinet; tantu enim ex hypothesi loquimur,
quæ sine dubio vera est, quidquid sit de veritate
suppositionis, quamvis etiam illa satis probabilis
sit, & forrassè etiam praxi comprobata sit. Nam
multa regna censentur hanc potestatem vsu ipso
& præscriptione acquisisse, præcedente aliqua
probabili occasione & titulo.

14.
Autem sen-
tentia.

15.
Iurista cum
Barbolo.
Panormus.
Couser.

Cap. Inno-
uamus.
Cap. Super
quibusdam.
C. Cum non
licet.

16.
Non esse pa-
rem ratione
de consuetu-
dine imponen-
di tributum,
& exigenda

Ad rationes ergo contraria sententia nego A esse parem rationem de consuetudine imponendi tributum, vel exigendi, tum quia prior consuetudo nullibi in iure censetur sufficiens ad acquirendam potestatem imponendi tributum; posterior vero inuenitur approbata, vt sufficiens ad iustitiam tributi. Quia prior potestas multo maior est, magisque perniciosa reipublicæ, si indebitè usurpetur, tum etiam quia per illam consuetudinem derogatur supremæ potestati Regiae, per posteriorem autem minimè, immo fundatur in præsumptione contra subditos soluentes tributum antiquum, etiamsi non constet quia potestate vel causa impositum sit. Vnde ex hac parte consuetudo illa, & præscriptio fauet Principibus. Quod si sit sermo de consuetudine accipiendi tributum, per quam solet præscribi contra Regem (quod maximè intendunt Iuristi ibi allegati) sic etiam neganda est consequentia, quia utilitas tributi potest facile à Rege donari alijs, & ita nihil est, quod vetet præscriptionem in illam. Quia per illam non derogatur dignitati & potestati Regiae, sed tantum cuidam temporali utilitati, quod secus est in consuetudine imponendi tributa, vt ostensum est. Et ita etiam responsum est ad alia exempla, quæ ibi afferuntur: nam licet sint de actibus reseruatis principi, non tamen sunt propriæ signa excellentiæ eius, vel actus, qui veluti intrinsecè includant dependentiam à suprema potestate, vt est tributorum impositio.

17.

Ad confirmationem respondeo, posse quidem Principem committere inferiori, vt nomine & auctoritate sua tributum imponat in particulari casu, & examinata causa, ratione, & modo, vt in eisdem iuribus significatur: non tamen posse iuste concedere inferiori generale priuilegium imponendi tributum independenter à sua approbatione, & redundans in solam utilitatem ipsius inferioris, esset enim tale priuilegium valde perniciosum reipublicæ, ac communii bono, & valde repugnans supremæ potestati eiusdem Principis & iustitiae æquitati, vt ostensum est. Ideoque ex vi consuetudini, quantumcumque longæ, nunquam præsumitur esse fundatam in aliquo priuilegio vel iusto titulo. Et hæc est ratio sufficiens, vt per eam non possit talis potestas comparari.

C A P V T X V.

De ratione & causa finali ad iustitiam tributi necessaria.

C. Peruenit.

Glossa.
Meusina.

Secunda conditio ad iustitiam tributi necessaria est causa finalis, seu ratio. Ita sumitur ex cap. Peruenit, de Censib. vbi etiam significatur, necesse esse causam esse notam, quia census ignorantia (vt ibi dicitur) id est, cuius causa iulta ignoratur, vt ibidem exponit Glossa) nullo iure domino vel humano probatur. Et ideo, inquit Pontifex, Oportet, vt censu omnis, ad quid, & quomodo personam debat, præsidiatur. Quod intelligendum est de censibus nouiter imponitis vel imponendis, vt ibi sentit Glossa, vt notat Medin. supra q. 14. Nam de antiquis præsumitur causa, licet non sciatur, vt dicemus. Imo etiam in tributis nouis (vt infra dicam) non est necessarium, vt causa sit nota omnibus, & singulis de populo; oportet tamen vt sit nota Principi, & consiliariis eius, vel procuratoribus regni, aut alijs ad quos pertinet, iustitiam tributi examinare. Quia nisi Principi con-

B stet iustum interuenire causam, vel probabilibus rationibus, vel fide digna, auctoritate & iudicio suorum consiliariorum, non poterit iuste imponere vel exigere tributum, quia temere agendo non habet ius exigendi. Et ideo nec retinere potest, quod sic exigit, nisi postea examinata causa inuenierit iustum fuisse tributum in re, licet temere fuerit impositum.

Vt autem causa sit iusta, dicunt Doctores omnes, necessarium esse, vt tributum imponatur propter commune bonum, non propter priuatum ipsius Principis. Sed in hoc oportet duo distinguere, vnum est id, quod debetur Principi ratione sui munera & laboris, quod dici potest pertinere ad utilitatem eius: nam datur ad sustentationem, & quasi stipedium. Aliud est, quod necessarium est ad subueniendum reipublicæ in occasionibus necessariis occurrentibus. Si ergo de utilitate Principis priori modo spectata sit sermo, iuste imponuntur tributa propter usum & utilitatem Principis. In hoc enim sensu dixit Paulus ad Roman. 13. Ideo enim tributa praestatis, & subdit, Minister enim Dei est. Quasi diceret, sollicitis stipendum Principibus, quia ministri Dei sunt, in hoc ipsum seruientes, ac subinde propter eorum ministerium. In hac autem utilitate seruanda est æqualitas, vt scilicet, detur Principi quantum necesse est, & quantum decet iuxta statum & labores eius, non vero sine mensura iuxta concupiscentiam eius. Addi vero potest, hæc utilitatem Principis non esse omnino priuatam, sed communem, quia ipse est persona publica, & sustentare illum, & statum illius bonum commune est. Præter hunc autem finem, imponuntur sèpè aliqua tributa propter insurgentes occasionses & causas, & de his verum est, causam esse debere non commodum Principis, neque alicuius persona priuata, sed communitatibus bonum.

Duplex ergo immediata causa in tributis spectanda est, una pertinens ad personam Principis, vt talis est; alia spectans ad lumentus communis. Et hæc potest esse multiplex. Una, & valde communis est, bellum, & ideo dixit Augustin. 22. contra Faust. cap. 74. tributa solvi ut habeat rex, vnde militibus stipendia soluat. Alia causa est solet refectio pontium, & viarum, atque earum custodiæ, & alia similes, quæ in totius communitatibus commodum cedunt. Sic igitur explicata causa tributi, non potest esse iusta, nisi ad commune bonum pertineat: nam cum onus tributi commune sit, etiam finis seu fructus eius debet esse communis, alioqui non seruaretur æqualitas. Hoc autem præcipue locum habet in tributis, quæ per se ut tributa imponuntur. Nam imponi etiam possunt in poenam alicuius delicti, vel in recompensationem alicuius documenti illati, vt supra dictum est. Tunc ergo non oportet, vt ad communem utilitatem specialiter ordinentur. Nam si ponantur in poenam, poterunt sicut alia poenæ applicari hisco, vel pauperibus, vel alijs pijs, aut etiam publicis operibus, aut ministris iustitiae arbitrio Regis imponentis. Si vero sint ad damna recompensanda, in eorum commodum redundare debent, qui damnum passi sunt, vt per se constat.

Atque hinc sequitur quantitatem tributi non posse iuste excedere conditionem seu indigenitatem causæ. Quia sicut causa iusta est necessaria, ita etiam proportio tributi ad causam eius necessaria est ad æqualitatem iustitiae communitatium, quæ est rei ad rem, quia tantum tributum

2.

3.

4.

Cap. Quia
plerique.
Caietan.

D. Thom.

Greg. Lop.

5.

6.
Tributum
pendere à
causa in fie-
ri, & conser-
uari.
Cap. Si ces-
sante.

C. Post trans-
lationem.

7.

iustè potest imponi, quantum ad finem eius est necessarium, & sufficiens: nam si plus imponatur, iam in eo non habet causam, & excedit aequalitatem iustitiae, vt in simili dicetur in c. *Quia plerique*, de Immunit. Ecclesiastica. Atque ita sub hac conditione includitur alia, quam Caiet. ponit in Sum. verb. *Vestigalia*, quam vocat vsum, id est, quod tributum expendatur in illum vsum, propter quem est impositum, & sumitur ex Diuino Thomae lib. 2. de Regim. Prin. cap. 12. Nam vt iustè exigatur tributum, & ex debito solvatur, tanquam necessarium requirit, vt id fiat, propter quod imponitur, eumque imitatus est Gregor. Lop. in l. 2. tit. 1. part. 2. n. 9.

Circa hanc verò conditionem est considerandum, si loquamur de tributis, quæ penduntur ipsi Regi ad suos sumptus, & propter suos labores, & vigilias: talium tributorum iustitiam non pendere ex vso: nam siue male, siue bene, Rex postea expendat tales reditus, non erit iniustus accipiendo tributa, quia verè est dominus illorum, & de illis potest liberè dispensare, sine iustitia, dummodo suo muneri satisfaciat, gubernando & defendendo rem publicam, sicut teneatur. Alioqui si in hoc deficiat, iniustè accipiet, & retinebit hæc tributa, quæ propter officium dantur, & sunt tanquam merces operis, quam iniustè accipit, qui non laborat. Si verò loquamur de tributis impositis ad opera communia reipublicæ, de his clarum est, debere expendi in talia opera, alias committi fraudem & iniustitiam, quæ potius est in acceptance & retentione illius, quam in impositione. Nam hæc potuit esse iusta, si re vera causa suberat; posteà verò acceptio vel retentio fit iniusta ex defectu debiti vissus. Necessarium ergo est, vt tributum expendatur in opus, propter quod impositum est, nam illius tributi non sit propriè Rex dominus, sed dispensator. Vnde ad summum poterit interdum, quando vera necessitas occurrit, commutare illud in aliud opus, pertinens etiam ad communem regni, vel populi utilitatem. Nam quoad hoc habet supremam potestatem & administrationem.

Ex quo ulterius infertur, tributum pendere (vt sic dicam) à causa in fieri & conservari. Nam sic causa est necessaria ad iustitiam tituli, non potest plus durare tributum, quam causa. Quia cessante causa (vtique necessaria, & in suo genere ad æquata) cessat effectus, cap. *Cum cessante*, de Appellat. Quod ita ferè explicat Glossa, citans varia iura in capite *Post translationem*, de Renunciat. verb. *Cessante*, & notant Doctores in l. *Cum Pater*, §. *Dulcissimi*, ff. de Leg. 2. Sed in præsenti, causa est necessaria ad iustitiam tributi, vt dictum est; ergo illa cessante, cessat iustitia, & consequenter debet cessare tributum. Et confirmatur, quia si cessante causa tributum exigatur, iam plus exigitur, quam sit necessarium; ergo in eo non seruat æquitas, nec iustitia, quia, vt diximus, proportio inter quantitatem tributi, & exigentiam causæ est necessaria ad iustitiam tributi; ergo si causa sit perpetua, tributum poterit esse perpetuum, si autem sit causa temporalis, tributum debet etiam esse temporale, ita vt illa cessante, hoc etiam cesseret.

Hoc autem intelligendum est cum limitatione seu declaratione, vt intelligatur formaliter de causa, potius quam materialiter. Nam licet cessauerit determinata causa, pro qua positum fuit tributum, si alia æquivalens loco illius sub-

A

stituatur, poterit non cessare tributum, quia tunc non cessat simpliciter causa, sed talis causa, quæ non est simpliciter necessaria, & est in potestate Principis, vt dixi, illam mutationem facere, sicut posset nouum tributum imponere, noua insurgente causa. Item oportet aduertere, interdum causam tributi consistere in vno actu, sed effectu, quo absoluto omnino cessat causa, vt ædificatio tali ponte, finito tali bello, & similibus, & in huiusmodi causa maximè procedit doctrina data, quod cessante illa, cesseret iustitia tributi. Sapientius verò causa tributi est permanentior, & occasio eius cessat pro aliquo tempore, semper tamen manet occasio vel periculum eius. Ut v. g. causa imponendi pedagium fuit securitas itineris, & commoditas, quam Rex procurare tenetur. In his ergo & similibus causis, licet pro aliquo tempore cesseret actualis necessitas expensarum in tali opere, nihilominus cessat tributum, nec iustitia est, tum quia illud est accidentarium, & in re morali non potest esse tanta dependentia, alias quotidie fieret mutatio iuxta occurrentes occasiones, quod sine dubio non expedit. Tum præcipue, quia illa causa de se est permanentis, & Princeps semper tenetur esse paratus, & habere curam securitatis viarum, aut maris, quæ obligatio est digna stipendio. Tum denique quia sicut cessat interdum necessitas expensarum in uno vel alio opere, ita sèpè occurunt alia occasiones expendendi, quæ loco aliorum operum possunt succedere. Et ita vt in hoc etiam sumatur aequalitas, tenebitur Princeps non pro quacumque exurgente occasione nouam facere impositionem, etiam temporaneam, sed prudenter pensare, an pro illis sufficient antiqua tributa, in quibus actualis necessitas faciendi expensas cessauit, vel suspenfa est.

B

C

D

Quæri verò ulterius potest, an in aliquo casu possit iustè exigi tributum, cuius causa cessavit, saltem ratione antiquæ consuetudinis, quæ supplet vicem causæ. Hoc dubium tangit Cor. dub. in Summa Hispan. q. 95. & absolutè negat quia non putat posse bonam fidem in tali consuetudine interuenire. Contrarium tenet Medin. dicto cap. 14. qui non solum affirms sufficere consuetudinem ad præsumptionem iustæ causæ, quando de illa est ignorantia negativa, vt sic dicam, verum etiam si constet causam, propter quam impositum fuit tributum, cessasse, atque adeo iam non subsistere legitimam causam; putat nihilominus, consuetudinem antiquam, & bona fide, ac sufficienti tempore præscriptam, sufficere, vt tributum iuslè exigatur. Ratio est, quia præscriptio dat sufficientem titulum, & supplet defectum quilibet, etiam si proueniat ex defectu causæ. Quod si obijcas, quia tunc non potest consuetudo esse bona fide continuata, nam eo ipso, quod scitur, causam cessasse, non potest exactio tributi bona fide continuari. Respondet, posse durare bonam fidem, quia licet prior causa cessauerit, loco illius successit præscriptio, quæ dat sufficientem causam iustam ad exendum tributum.

Sed hoc non videtur satisfacere. Nam consuetudo antecedit titulum præscriptionis, nam est causa eius; ergo bona fide consuetudinis non potest fundari in præscriptione, quia ante acquisitionem titulum præscriptionis oportet, vt consuetudo bona fide continuetur; ergo toto illo tempore non potest fundari bona fides in titulo

8.
Dubium de
consuetudine
Cordub.

Medin.

acquisito

acquisito per præscriptionem. Neque tunc potest fundari in alia causa iusta, nam supponimus, illam cessasse, & hoc constare Principi exigen-
ti tributum; ergo non potuit illa consuetudo bona fide continuari. Et declaratur amplius, quia dum iusta causa tributi durat, consuetudo exigendi non seruit ad præscribendum ius exi-
gendi etiam cessante illa causa, alias omne tributum potum propter causam temporalem dura-
turam tamen longo tempore quadraginta, aut
centum annorum, præscriberetur per illud tem-
pus, ut perpetuo peti possit, etiam si constet cau-
sam cessasse, quod est aperte falsum, quia esset
inæqualitas magna inter tributum, & causam
eius, quin potius eo ipso, quod consuetudo exi-
gendi continuatur tantum propter durationem
causæ, præscribitur (ut sic dicam) contra solu-
tionem talis tributi, si cesseret talis causa. Et ita
dum causa durat, & propter illam durat etiam
exactio tributi, non potest inchoari præscrip-
tio ad exigendum illud sine tali causa; ergo
deberet inchoari postquam cessauit causa, & ni-
ihilominus continua fuit exactio, at tunc non
potuit esse bona fides, quia nec potuit fundari in
causa, quæ cessauit, & non ignorabatur, ut sup-
ponitur, neque in præscriptione, quæ nondum
erat, ergo talis consuetudo nunquam potest dare
titulum præscriptionis.

Alio ergo modo censeo esse possibilem bo-
nam fidem in huiusmodi consuetudine, & ita
esse explicandam, & præsumendam, ut præ-
scriptio iudicari possit legitima. Nam licet causa
prima, propter quam fuit impositum tributum,
cessauerit, potuit loco illius alia & alia succede-
re, & ita bona fide tributum continuari: nam hoc
est in potestate Principis, ut diximus. Si ergo
constaret, non solum primam causam cessasse, sed
etiam nullam aliam extra præscriptionem fuisse
loco illius subrogata, non video, quomodo
possit bona fide continuari consuetudo exigen-
di tale tributum, ut probat ratio facta. Si vero
quamvis constet primam causam cessasse, non ta-
men constet, an alia fuerit loco illius subrogata,
tunc potest facile locum habere bona fides.
Et ideo distinguenda sunt tempora. Aut enim
sumus intra tempus nondum consummatæ præ-
scriptionis, & tunc dicendum est, quam primum
constiterit causam omnino cessasse, ita ut neque
prima subsistat, neque alia iusta subuenierit, ces-
sandum esse ab exactione tributi, quia tunc nec
per se est iustum, ut ex dictis patet, nec ratione
præscriptionis, quia non fuit consummata. Aut
loquimur de tempore post consummatam præ-
scriptionem, & tunc poterit tributum sustineri,
quicquid sit, vel fuerit de causa in re ipsa specta-
ta: nam præsumitur fuisse iusta. Neque est mo-
raliter possibile, ut post talem præscriptionem
incipiat positivè constare (ut sic dicam) quod nul-
la subsit causa, sed ad summum negatiū potest
non constare de illa, & ita semper est locus præ-
sumendi non deesse.

Præterim quia est tanta varietas in statu &
sumptibus Principum, & in valore rerum, ut
facile credi possit, antiqua tributa, quæ pro-
pter alias causas imposta fuere, illis cessantibus
durasse, quia iudicata sunt necessaria ad hone-
stam Principis sustentationem. Quod etiam at-
tigit Medin. supra, & propter hoc Castro sup-
ra, in his tributis antiquis non requirit has con-
ditiones, sed pro illis dieit sufficere immemo-
rialem consuetudinem. Et ita mihi probabile

A est, ad hanc consuetudinem, quæ suppleat causam
iustam, non sufficere certum tempus etiam diu-
turnum, sed oportere, ut excedat hominum me-
moriā, argumento dicti cap. Super quibusdam, à
paritate rationis, & quia tributum nunquam po-
test iuste exigi, nisi per respectum ad causam iu-
stam, nec aliter potest præscribi, quia hic respe-
ctus intrinsecè includitur in ipsa consuetudine,
ut iusta & bona fide esse possit; ergo oportet, ut
causa illa sit nota, vel præsumpta; ubi autem
ignoratur non potest ita præsumi, nisi consuetu-
do excedat hominum memoriam; ergo talis con-
suetudo necessaria est ad hunc effectum, & ita
etiam sentit Medina supra.

C A P V T XVI.

De forma & materia in legibus tributorum seruandis.

B **T**ertia conditio ad iustitiam tributi neces-
saria est forma, ut Caiet. loquitur, seu pro-
portionio, ut loquitur Castro: hæc enim duo in
idem coincidunt, ut significavit Medin. quia illa
forma nihil aliud est, quam proportionio seruan-
da inter tributum & subditos, quibus impo-
nitur. Nam præter proportionem inter quanti-
tatem totius tributi, & causam eius, quæ perti-
net ad æqualitatem rei ad rem, seu iustitiae com-
mutatiæ, de qua iam dictum est, seruanda est
proportionio tributi ad personas, quibus imponitur,
& hæc proportionio vocatur forma tributi, per-
tinetque ad iustitiam distributiuam respectu com-
munitatis, sed redundat in commutatiuum re-
spectu singulorum. Non est enim iustum, ut om-
nes æqualiter soluant, sed iuxta facultatem &
conditionem vniuersi, plus enim à diuite,
quam à paupere exigendum est, ceteris paribus.
Vnde fit, ut iuxta proportionem, quam personæ
inter se seruant quoad facultatem, seu conditio-
nes alias requisitas ad tributum, seruanda sit pro-
portionio inter eas in impositione tributi, & hæc
est proportionio distributua iustitiae. Et ita decla-
ratur hæc conditio à D. Thom. 2. 2. q. 63. ar. 4. **D. Thomas**
Est autem talis proportionio necessaria, ut à nul-
lo subdito plus exigatur, quam iuste possit, &
debeat contribuere, & quoad hoc resultat æqua-
litas commutatiæ iustitiae. Atque hinc etiam
est necessaria proportionio ad res super quas im-
ponitur tributum: quas vocamus materiam tri-
buti. Nam si imponatur super rem immobilem,
non debet excedere quantitatem moderatam,
consideratis fructibus eius, & laboribus, ac ex-
pensis, quæ circa illam fiunt: nam si in hoc tri-
butum sit nimis onerosum, plane erit iniustum.
Si autem imponatur super res mobiles, quæ ven-
duntur, & emuntur, vel arte fiunt, obseruari
debet ne tales sint huiusmodi res, vel tantum, &
tam magnum tributum, ut redundet in maius
onus pauperum, & artificum, aut mercatorum,
quam possint sustinere commodè, ad vitam &
familiam sustentandam.

C Atque ex hac conditione inferunt multi, in-
iusta esse vestigalia, quæ pro rebus, quæ ad
proprium vsum portantur, imponuntur, lo-
lumque imponi posse in rebus, quæ causa nego-
tiationis deferuntur, sicut statutum est in l. Uni-
uersi, & l. Omnia, C. de Vectigal. & idem habetur
in l. 5. tit. 7. partit. 5. Ita tenet Caiet. verb. Vecti-
galias, & hac ratione addit duas conditiones nece-
sarias ad iustitiam tributi, scilicet, ut materia sit
apta ad illud; hæc autem non est apta materia.

1.
*Ad iustitiam
tributi neces-
sariam esse
formam, seu
proportionem.*
Caiet.
Castro.
Medina.

D. Thomas

2.
*Multi cen-
sent in iusta
vestigalia
qua pro re-
bus, que ad
proprium
vsum por-
tanur impo-
nuntur.*
L. Uniuersi.
L. Omnia

Caiet.

Glossa.
Hofiens.
Pisan.
Driedo.

Bulla Cœnæ.

Tolet.

Sotus.

Ledesm.

3.
Contraria
opinio au-
storiæ.

Anton.

Gab.
Syluest.Angel.
Armil.
Tabien.
Medin.
Nauar.
Molina.

Ratio est, quia in ea non seruatur forma debita, & iusta distributio oneris impositi per tributum: nam si imponatur in rebus necessariis ad proprium vsum, pauperes plus grauantur, quam diuites. Quia raaix vsum (ait Caiet.) est indigentia, & ita qui magis indiget, magis vtitur. Et pauper, qui est oneratus filijs, pluribus rebus indiget, & ita plus soluit ex vectigalibus. Et hæc videtur fuisse antiquorum opinio, vt Glossa, & Hofiens. in cap. Super quibusdam, & sequitur Summa Pisan. & Sum. Cōfessor. & Driedo lib. 2. de Libert. Christ. cap. 5. Qui addit, hæc tributa esse prohibita iure ciuili, & canonico. Priorem partem probat ex l. allegata, posteriorem verò ex Bulla Cœnæ, in qua excommunicantur imponentes vectigalia prohibita, & ita sentit incurrere in censuram Bullæ Cœnæ exigentes hæc vectigalia, quod aperte tradit etiam Tolet. lib. 5. Summæ c. 79. n. 1. licet postea n. 2. sententiam limitet. In eandem sententiam inclinat Soto lib. 3. de Iustit. q. 6. art. 7. vbi prius explicans quid sit vectigal, Portorium, & pedagium, solum ponit pro materia eius res, que vehuntur negotiationis gratia, & postea dicit, esse iniusta tributa prohibita in dicta l. Universi, scilicet, quæ pro his rebus, quæ ad proprium vsum pertinent, exiguntur. Et inde videtur damnare iniustitiz gabellam, quam Alcaualam vocant, quatenus exigitur de rebus, quæ ad propriam necessitatem subleuandam venduntur, quia tunc etiam plus soluit, qui plus eget, non qui plus habet, vel lucratur. Idem ferè sentit Ledesm. 2. p. 4. q. 18. ar. 3. quatenus damnat quod-dam tributum in Lusitania vstitam, quod soluitur ab ementibus res ad suum vsum necessarias, & à vendentibus res, vt suis necessitatibus subueniant, quod tributum vulgo Sisa vocatur, quod idem ferè est, quod Alcauala, licet in Lusitania non coluatur à solo venditore, vt in Calteilla, sed partim ab emptore. Itaque sentiunt hi auctores, tantum peti posse ex lucris vel fructibus, seu in rebus quatenus vel fructiferæ sunt, vel ordinantur ad lucra, & ideo iniuste exigi ex rebus emptis, vel venditis, vel transportatis ad proprium vsum.

Nihilominus dico, illam conditionem materiæ, quam ponit Caiet. prout ab ipso explicatur, non esse necessariam, quia non est iniustum, tributum imponere de rebus, quæ ad proprium vsum fruuntur, aut venduntur, vel emuntur. Hæc est communior sententia, & sumitur ex D. Anton. 2. p. tit. 1. cap. 10. §. vlt. nam licet loquatur de particularibus impositionibus ciuitatum, eadem est proportionalis ratio de generalibus tributis. Et idem omnino sequitur Gabriel. 4. d. 15. q. 5. ar. 2. concl. 2. in fine, Syluest. Gabella, 3. q. 5. vbi nonnullam differentiam in hoc constituit inter externos & incolas, de qua statim dicam. Eodemque fere modo loquitur Angel. verb. Pedagium, n. 3. Armill. verb. Gabella. n. 11. Tabien. verb. Pedagium, n. 4. Idem tenet Medina dicto C. de Restit. q. 15. in fine. Nauarr. cap. 17. n. 202. Molin. tom. 3. disp. 669. Supponendum autem est ad probandum hanc sententiam, sermonem esse de impositione tributi, habente alias conditiones ad iustitiam tributi requiritas, nimirum quod ab habente potestatem, & propter causas iustas & proportionatas imponatur, & solum tractari, an eo ipso, quod imponitur super tam materiali, sit iniustum vel iniquum.

Probatur ergo non fieri iniustum, neque iniquum ex illo capite. Quia vel est iniustum, quia prohibitum, vel quia per se, & natura sua est

A intrinsecè malum: auctores enim primæ opinio- nis interdum uno fundamento, interdum alio vntuntur, & in hoc satis confusè loquuntur; neutrū autem fundamentum solidum est. Probatur ergo, propter solam humanam prohibitio- nem non posse dici simpliciter malum, id est, ubique, & in omnibus regnis vel prouincijs Chri- stiani orbis, quia non inuenitur prohibitum iure canonico & ciuile, ad hoc non sufficit. Prior pars declaratur, quia in Bulla Cœnæ non fit specialis prohibitio, sed supponitur, & fertur specialis modus censuræ contra imponentes tributa prohibita. Nec etiam in corpore iuris canonici inueni- nitur speciale ius, quod designet materiam ve- ctigalium, seu pedagiorum, vt iusta sint. Neque hoc recte ab aliquibus ex cap. Quanquam, de Cen- fibus in 6. colligitur, quia in eo dicitur, Pedagiorum exactiones, tam iure canonico, quam ciuili, re- gulariter merito esse damnatas. Nam vt ex Glossa ibi Ioan. Andr. & alijs constat, ius canonicum, quod ibi citatur non est aliud, nisi quod habetur in Concilio Lateranensi, cap. Innoam, de Cen- fibus & in Innoc. 3. in cap. Super quibusdam, de Verbor. significat, ibi autem non prohibentur talia tributa ratione materiæ, sed quatenus non fe- runt ab habentibus potestatem, vel ex consen- su illorum. Et eodem modo intelligit Glossa ibi prohibitionem iuris ciuilis, citando legem Non solent. C. Vectigalia noua, &c. significat etiam pos- se id referri ad prohibitiones pedagiorum respectu Ecclesiasticarum personarum, dum allegat L. Placet, C. de Sacros. Eccles. & cap. Generali. ter. 16. q. 1. Denique in illo capite non fertur prohibitio, sed supponitur, & non simpliciter, sed cum illo addito regulariter, & fortasse id dictum est propter violentias & excessus, qui regulariter fiunt in exactiōibus pedagiorum.

B Altera verò pars de prohibitione iuris ciuilis probatur in hunc modum, quia licet non nege- mus, vectigalia in rebus ad proprium vsum es- se prohibita iure Codicis, tamen illa lex non obligat in Hispania, Lusitania, Francia, & alijs similibus regnis, vel rebus publicis, quæ supe- riorem in temporalibus non recognoscunt, quia, vt supra ostensum est, leges Imperatoriz ibi non obligant. Vnde miror, cur dixerit Tolet. Re- ges, & temporales dominos non posse de his rebus visualibus pedagia exigere propter pro-hibitionem illius legis, Pontificem autem in suo dominio temporali id posse, quia non subdi- tur legibus Imperatoris, cum non minus sint supremi in temporalibus alijs Reges numerati in suis regnis, quam sit Pontifex in sua ditione temporali, quod attinet ad potestatem & domi- nium directum, de quo tractamus. Neque etiam video, cur Hofiens. in Sum. tit. de Cenfib. §. Hosliens. Ex quibus causis, versic. Quod si quis (quem multi alijs sequuntur) dixerit, non posse iustificari hæc peda- gia, etiam ratione immemorialis consuetudinis, nisi supponant legem illam non prohibere rem de se indifferentem, sed rem per se malam, quod probare non possunt, vt statim ostendam. Ideo- que concludo, legem illam nunc non obligare, nisi in terris Imperij, & nisi ibi sit per contrariam consuetudinem abrogata, vt facile fieri potuit.

D Probatur igitur ultima pars, videlicet, hoc non esse prohibitum, quia malum, quia nulla sufficiens ratio intrinsecæ iniustitæ in hac mate- ria tributi inuenitur. Nam si quæ esset, maximè quia in tali materia nō potest seruari debita for- ma, & proportio tributi, quia pauperes plus gra- uantur,

Gloss.
Ioan. Andr.Non so-
lent.

L. Placet.

Tolet.

Hofiens.

6.

Caiet.

vantur, quām diuites; at hoc non ita est per se loquendo, ac moraliter; ergo. Probatur minor, primò tollendo quandam æquiuocationem, quæ latet in verbis Caietani, & eadem ferè est in alijs auctoribus. Ait enim Caietan. quod indigentia est radix v̄sus, & ita qui magis indiget, magis v̄titur, & ita magis grauantur pauperes indigentes. At profecto vox illa indigentia æquiuocat, & aliter in antecedenti, & aliter in consequenti sumitur. Indigentia enim interdum significat necessitatem, & de hac indigentia verum est, quod est radix v̄sus, & quod qui plus indiget, magis v̄titur, utique quando subuenit indigentia sua seu necessitati. Hęc vero indigentia communis est diuitibus cum pauperibus, imò in diuitibus est maior, vel propter suum statum, vel propter suas delicias, & quia voluptates reputant indigentiam. Quapropter stando in eadem significatione, non recte infertur, pauperes, qui sunt indigentes plus v̄ti, & plus grauari, quia non sunt hoc modo plus indigentes. Alio ergo modo indigentia significat paupertatem, & sic falsum est, hanc indigentiam esse radicem v̄sus: nam potius pauper s̄pē indiget veste, & non v̄titur illa, quia eget pecunia; & consequenter etiam est falsum, quod qui plus indiget, plus v̄titur, quia multò magis v̄tuntur rebus v̄su consumptibilibus diuites, quām pauperes, & plures ac pretiosiores ex illis emunt. Et similiter pauperes non solent res portare ex distantibus locis, vbi solent vestigalia exigi, sed diuites frequentius hęc portari sibi faciunt ad proprium v̄sum. Vnde ex vi paupertatis non video, quomodo hinc sequatur illa impropositio. Quod si contingat, paupertem habere plures filios, & ideo plura emere, illud est accidentarium, quod in re morali considerari non potest. Præsertim quia etiam diuites possunt filiis abundare, & ita quoad hoc est æqualitas, & aliundè pluribus & pretiosioribus rebus v̄ti solent ad eorum sustentationem, & præterea regulariter diuites habent maiorem familiam seruorum, & familiarium, quam alunt, præter expensas equorum, &c. & ita plura emunt ad suum v̄sum, & consequenter plus solvunt ex tali tributo.

7. Et hic discursus, licet in vestigalibus seu portorijs sit euidentior propter illam considerationem, quod pauperes raro deferunt ex locis remotis res propter suum v̄sum, absque adminiculo negotiationis: nihilominus etiam procedit de tributo imposito propter solam emptionem aut v̄enditionem in rebus necessariis ad vicium & vestitum, quia etiam ex his rebus plures emunt diuites per le, ac moraliter materiam expendendo. Nam contingit quidem diuiti, licet plura consummat, pauciora emere, quia vel ex tribus suarum possessionum multa colligit, & alia domi alit, vel sua industria comparat; licet hoc autem ita sit, hoc totum est accidentarium, & in re morali impossibile est infallibilem regulam cōstituere, quæ non s̄pē deficit. Quod si fortasse Caiet. & alij velint, eo ipso esse formam tributi iniustum, quod pro asportatione, aut emptione eiusdem rei ad v̄sum necessariæ, & quale tributum pauperi & diuiti imponitur: immerito id asserunt, alioqui etiam esset iniusta forma tributi impositi pro rebus causa negotiationis allatis, quia æquale tributum ponitur pauperi negotianti pro vita sustentanda, & mercatori diuiti, in eadem materia, & ceteris paribus. Imò & decimarum distributio esset iniusta

A sta, quia eadem quota pro pauperibus & diuitibus ponitur. In his ergo rebus non potest semper tam exacta distributio fieri. Præsertim, quia hęc impropositio potest compensari aliundè, scilicet, quia diuites plura & pretiosiora consumunt, & transfuehunt.

Quapropter dicendum est in primis, conditionem illam ex parte formæ tributi, scilicet, vt cum proportione distribuatur quantitas oneris, iuxta vires facultatis vniuersiūque moraliter accipiendam esse, quantum, videlicet, suauiter possit seruari, & habeti ratio illius proportionis sine vexatione populorum, & sine magna difficultate Principum. Vnde si hęc diligentia adhibetur, nihil obstabit, quod aliqua impropositio sequatur; quia illa est moraliter ineuitabilis, &

Conditione tributi ut cum proportione distribuatur quantitas oneris iuxta vires cuius quo intelligenda mōrē.

non est intenta, nec censetur volita, sed permissa, sicut videmus in decimis Ecclesiasticis, quod vniiformiter imperantur, etiam si per accidens contingat, aliquos pauperes nimium onerari. Deinde dicimus, conditionem aliam ex parte materiæ sumptam, scilicet, vt tributa hęc non imponantur in rebus, quæ ad v̄sum proprium portantur, emuntur, aut venduntur, non esse simpliciter, ac per se necessariam ad iustitiam tributi, quia nec inuoluit intrinsecè inæqualitatem in forma tributi, vt ostensum est, nec per accidentales euentus fit iniusta, vt etiam est declaratum, nec etiam propter leges ciuiles est iniqua, nisi vbi lex illa obligauerit in terris nunc subditis Imperatori. Solum ergo necesse est obseruare, vt sit iusta causa imponendi talia tributa, quia nimur, alia non sufficiunt, & publica necessitas vrgot, & alia ratio commodior illi succurrendi non suppetit. In quo etiam tenebitur Princeps moralem diligentiam adhibere, vt modum magis equum, & subditis magis proportionatum, ac suauorem eligat, qua diligentia præmissa securè potest eligere modum hunc, si probabiliter credit esse aptiorem. Accedit, quod ne-
mo dubitet esse iusta vestigalia, quæ imponuntur oneribus, seu rebus, quæ gratia negotiationis asportantur, at hęc tandem redundant in onus ementium: nam mercatores ob eam causam carius illas vendunt, & ita in re non videtur esse magna differentia inter hęc tributa, quantum est ex parte oneris, quod in pauperes redundant, quia non redundant in illos vt pauperes sunt, sed vt ementes sunt, etiam si illas ad suos v̄sus à mercatoribus emant.

Quapropter non existimo, ciuilem legē prohibuisse illam vestigaliū materiam, quia sit onerosa pauperibus, sed quia videtur asperū, & durum grauare homines in his rebus, quibus quotidiè nutriuntur, & indigēt, & similiter v̄sum est grāue, difficile ac onerosam reddere asportationem rerū ad propriū v̄sum pertinentium. Sed hęc difficultas nō facit, rem esse per se malā, & superari potest ex alijs commoditatibus vel necessitatibus occurribus, propter quas potest aliud statui ab habente potestatem supremam, quæ non subditur illi legi. Nihilominus tamen propter rationem & fundamentum illius legis, & quia hęc tributa male audiunt, & odiosa sunt communitatibus pauperū, recte facient Principes, illa excusando quoad fieri possit. Multoq̄ue cōgruentius esset, in rebus, quæ ad v̄sus nō necessarios, sed ad delicias, vel nimū ornatum, vel curiositatē deferuntur, similia onera, & gratiora imponere, dum tamen illa sufficient ad indigentiam, iustum & necessitatem regni aut Principis subleuandam.

Optimum consilium.

Vnde

10.

Vnde infero, hæc vectigalia & pedagia, si generalia sunt, & propria tributa iuste exigunt non solum ab incolis, sed etiam ab extraneis peregrinatis in tali regno. Sicut vectigalia mercium soluntur a mercatoribus etiam extraneis. Tum quia hoc consuetudine seruatur in omnibus regnis, quia fortasse non poterat commode fieri personarum distinctio, & quia alias occasio fraudibus datur, & ita sit virtualis cōpensatio, veluti quodam iure gentium introducta. Tum etiam quia extranei multa commoda recipiunt a Principe illius regni, in quo versantur, scilicet viarum securitatem, & expeditionem, & pacis conseruationem, & administrationem iustitie, tum denique quia dum ibi degunt, sunt aliquo modo subditi, quatenus tenentur illius regni legibus parere. Illa ergo exceptio, quam aliqui ex allegatis Doctoribus addunt, necessaria non est. Dixi autem si tributa sunt propria & generalia: nam si sunt particulares impositiones ciuitatum ad propria commoda particularia introductæ, magis ex quadam ciuium cōventione, & voluntate, ac pacto tacito, vel expresso, tunc non obligabuntur externi, & in hoc casu videntur loqui citati auctores. Non video tamen cur specialiter hoc doceant de vectigalibus positis in rebus ordinatis ad proprium usum, cum eadem sit ratio de omnibus, si seruetur proportio. Ratio autem est, quia illi non consenserunt in illo pacto & cōventione, nec commoditas intenta in eos redundat. Nam si redundaret, & ex consensu Principis impositio generaliter fieret, tunc, iam indueret ratione tributi suo modo generalis.

CAPUT XVII.

Vtrum aliqua alia conditio presertim subditorum consensu ad iustitiam tributi requiratur.

11.

Castro.
Medina.

Pars negans satis videtur ex dictis concludi, ex illis enim colligi possunt tres conditiones tributorum scilicet, legitima potestas, iusta causa, ac debita proportio, quæ planè videntur sufficientes ad iustitiam tributi, & ita illas tantum ponunt Castro, & Medin. Et probatur nam aliæ, vel necessariæ non sunt, vel non nisi quatenus in his continentur, ut dictum est de usu, & materia. Idemque est de personis, quibus imponitur tributū, debent enim esse subiectæ Principi secundum eam potestatē, qua tributum imponit. Hæc enim conditio vera est, sed includitur in prima de Principe habente potestatē: nam superior & subditus correlati sunt, & ideo eo ipso, quod requiritur potestas Principis, manifestum est, non extendi, nisi ad subditos. Vbi statim offeratur occasio explicandi, quomodo Ecclesiastice personæ exemptæ sunt à tributis Principum secularium, sed hoc alio loco ex professo tractatum est, & ad præsentem non spectat. Quomodo item priuilegia exemptionum in hac materia dari possint personis laicis, vel semel data seruanda sint, alterius etiam est considerationis.

Non omissam tamen aduertere, ex cogitata esse a quibusdam conditionem aliam ut simplificiter necessariam ad iustitiam tributi, nimirum, ut cum consilio & consensu regni imponatur. Putant enim, Principem etiam supremum non posse noua tributa imponere in regno suo sine consensu regni. Fundanturque in quadam legi Hispaniæ, quæ hodie habetur in lib. 6. Nouæ recopil. tit. 6. l. 1. vbi statuitur, ut in Hispania Rex non possit nouum imponere tributum, nisi prius

A convocato regno per procuratores, & illis consentientibus, & acceptantibus tributum. Volunt autem hanc legem non tam constituerem nouum ius positivum, quam declarare ius gentium, seu naturale, & dare modum, & formam, qua illud seruetur. Tum quia non est verisimile, Reges Hispaniæ tam liberaliter voluisse cedere iuri suo, vel ligare, ac diminuere potestatē suam, si antea ex vi Regiæ potestatis omnino liberam illam haberent. Tum etiam quia nisi hæc potestas ita sit restricta in Regibus, facile verget vel in tyrannidem, vel certe in notabile incommodeum, vel grauamen regnorum. Quia Principes valde propensi sunt ad imponendas subditis huiusmodi exactiones, semperque causantur antiqua tributa sibi non sufficere ad suos eximios sumptus, siue illi necessarij sint, siue superflui. Unde si sua sola potestate tributa possint imponere sine consensu regni, plus iusto, vel certe nimium populos grauarent. Accedit regula iuris. Quod omnes tangit, debet ab omnibus approbari. cap. 29. de Regul. iur. in 6. quæ regula est valde consentanea iuri naturali; ergo maximè debet seruari in re tam ardua, quam eit tributorum impositio.

Hanc vero sententiam sic explicatam non inuenio in iure communio, canonico, vel ciuili, neque in auctoribus antiquis, & ideo non centeo, hanc conditionem esse necessariam ex vi iuri naturali, aut gentium, neque etiam ex iure communione neque ex iure antiquo Hispania. Probo singulas partes, & primò de iure naturali videtur per se evidens, quia constitutio regnorū, & potestas regū non est immediatè de iure naturali, sed mediante concessione populorum, ut supra ostensum est, ergo amplitudo, vel restrictio potestatis circa ea, quæ per se mala, vel iniusta non sunt, non potest esse de iure naturali, sed pender ex arbitrio hominū, & ex antiqua cōventione, vel pacto inter Regem & regnum. At vero potestatē ad imponendū tributum intra limites iustitiae absolute residere in solo Principe non est intinsece malū, nec contra bonos mores, vel è conuerso quod requiratur cōsensus populi, non est per se necessariū ad iustitiam & æquitatem, ergo neque illud prius est contra ius naturale, neque hoc posterius est de eiusdem iuri præcepto. Neque sufficit dicere, hoc esse magis cōueniens populis & regni: tum quia ex maiori cōuenientia non potest colligi necessitas præcepti, tum etiam, quia illud non est certum, quia si coniecturis & congruentijs videntur est, possunt facile pro utraq; parte afferri.

Nam constat ex supra dictis, Monarchiam posse utroque modo cōstitui, scilicet, vel ita ut Princeps in condendis legibus penderat à consensu populi, seu senatus tanquam ab habentibus suffragium definitum, vel ita ut potestas simplificiter sit in solo Principe, licet uti debat suorum consilio. Et hunc posteriorem modum diximus esse magis cōsentaneum monarchico regimini, & magis utratum, satisque consonum prætentiam & iustitiam, & cōuenienti regimini, & obedientiam subditorum. Si ergo hæc potestas est, data solis Regibus in alijs legibus ferendis, etiam si grauissimæ sint, cur non poterit esse etiam in legibus tributorū, vel cur hoc repugnat iuri naturali. Item Princeps supremus ad inducendum bellum, non indiget consensu populi, neque ad reficiendos pontes, vias, castra, mœnia, &c. cur ergo ex natura rei erit illi necessaria populorū acceptatio in tributorū impositione. Cum propter has causas præcipue fieri soleat. Denique Monarchia

Non esse opus
ad tributum
consensum
regni, nisi ex
benignitate
regi.

Archia integra & perfecta non est contra ius naturale, ut per se notum est; sed non est perfecta & integra monarchia, nisi habeat potestatem plenam ad imperanda tributa iusta, tum quia quantum pendet in hoc à consensu regni, tantum deficit à perfecta monarchia, tum etiam, quia si in hoc pendet illo modo consequens est, ut etiam pendeat in omnibus alijs, quæ sine tributis fieri non possunt; ergo monarchia cum tali potestate non potest esse contra ius naturæ, ac subinde, neque illa conditio, seu dependentia potest esse ex dictamine necessario iuris naturæ.

Atque hæc rationes idem conuincunt de iure gentium. Eo vel maximè quod creatio Regum, & potestas eorum non est de iure gentium, sed est potius de iure ciuili, vel nationali (vt sic dicam) vniuersusque regni, vel prouinciarum. Vnde licet in communi dici possit de iure gentium diuisio regnorum, ciuitatum, & magistratum, aut regiminum, modus tamen constituendi regimen vel per plures, aut pauciores, vel per unum cunctantia, vel maiori potestate, & cum his, vel illis conditionibus, non est de iure gentium, sed ex proprio iure singulari communitatuum, & à principio fuit aut ex pacto voluntario, aut ex iusto bello, vel consuetudine introductus; ergo non potest hæc necessitas fundari in iure gentium. Multo autem minus potest fundari in iure positivo communi: nam (vt vidimus) in iure canonico hæc potestas conceditur simpliciter Imperatoribus, ac Regibus, & Principibus supremis, qui illis æquiparantur, & nulla limitatio additur, neque postulatur regni cōsensus. Eodemque modo loquitur ius ciuile, ut etiam citauimus, ergo illa cōdicio non solù non potest fundari in iure communi, verū etiam illi repugnat, dum simpliciter loquitur: nam limitandū non est sine alio iure vel ratione cogente. Et ita Doctores interpretantes illa iura ab solute dicunt, esse in Principe hanc potestatem, nulla facta mentione consensus populi, vt patet ex Innoc. in d. cap. Quod super his, & ibidem Panorm. & in dicto cap. Innouanus, Barthol. & alijs in dicta l. Vetus Galia, & in l. 1. & 2. C. Noua vetigal. &c. Bart. etiam in l. vnic. ff. Ad l. Iuliam. de Ambitu.

Tandem neque ex antiquo iure Hispania talis dependentia Regis à regno, seu necessitas talis conditionis ad iustitiam vel valorem tributi colligi potest. Nam in l. 2. tit. 1. p. 2. prius dicitur absolute, Imperatorem habere supremam potestatem & absolutam imponendi iusta tributa, & postea subditur, hanc potestatem, in his regnis translatam esse in Regem. Similiter in l. 9. tit. 8. p. 5. hæc potestas soli Regi tribuitur, id est que supponitur in l. 5. tit. 10. partit. 7. Relinquitur ergo, concursum regni, seu populi cōsensum per se, vel per procuratores suos, non esse conditione necessariam ad iustitiam tributi. Imò etiam sequitur, iustitiam tributi esse priorem ex natura rei tali cōsensu populi, ideoque supremum Principem sua potestate posse imponere tributum iustum, lege lata, & consequenter posse obligare populum ad consentendum, & acceptandum tributum, modo explicando in capite sequenti. Alias tributum non posset imperari per modum præcepti & legis, nisi prius acceptaretur à subditis per modum noui pacti, & donationis, quod non potest esse verum ex natura rei, cùm tributum pertineat ad obligationem iustitiae, non in noua, & liberali donatione fundatam, sed in naturali iure, quo teneatur dare laboranti mercedem, & gubernanti subsidium ad onera muneris sui sustentanda.

BLex ergo illa, & consuetudo Hispaniæ requiriendi cōsensum regni, quando tributa imponenda sunt, specialis inititio regum fuit ex illorum benignitate, non ex necessitate iustitiae concessa, ante ducentos annos, vel circiter. Et ideo non est extendenda ad omnia regna, sed in unoquoque seruanda erit sua lex, vel consuetudo, & ubi nulla specialis determinatio fuerit, seruanda est æquitas iustitiae naturalis. Illa vero Hispaniæ institutio in hoc fundata videtur, quod eo tempore, in quo illa stabilita est, iam erant in Hispania imposta multa tributa, quæ ad onera regni sustentanda videbantur sufficere, & ideo ne nouis oneribus grauaretur populus sine magna & publica causa, & ut majori ac suauiori prouidentia id fieret, quando fieri oporteret, ideo reæstissime id institutum est. Et post concessionem illam à Regibus factam, & moribus confirmatam, seruanda est. Non est autem ita intelligenda, ut sit in arbitrio Procuratorum, suum contentum non præstare, etiam si iustitia tributi, eiusque necessitas nota sit, tunc enim consentire tenentur, sicut etiam tenentur fortiter resistere, quando iniustitia tributi est manifesta, vel quando ex multitudine tributorum tam grauiter onerantur populi, ut æquitatem iusti stipendij & auxilij Principi debiti, excedat.

CAPUT XVIII.

Vtrum leges tributorum obligent in conscientia ad illorum solutionem, etiam si non petantur.

Cuestio hæc locum habere potest etiam si lex tributi poenalis non sit, vt diximus, quia licet tributum non sit poena, & ideo ad illius solutionem non sit necessaria sententia condemnatoria, imò nec declaratoria; nihilominus potest require exæctio, ita vt sine illa nemo cogatur spontaneè offerre tributum. Sicut etiam poena pecunioria legis post sententiam debita est si ne alia noua sententia, & nihilominus Couarr. & alij sentiunt, non deberi, nisi petatur: simili ergo modo potest accidere in tributis, & hoc est, quod inquirimus. In qua etiam quæstione aduento, non posse habere controversiam, si de possibili loquamur. Quid enim vetat tributum imponi cum hac moderatione, & postulatum soluatur, & non alias? non est ergo dubium, quin possit hoc modo ferri, & quod sic lata lex non plus obliget, quia obligatio non est maior, quam legis verba postulent, per quæ animus imperantis cognoscitur. Et similiter dubitare nemo potest, quin Princeps possit imperare solutionem tributi, nulla expectata petitione vel monitione. Quia etiam si imponatur hoc modo, & cum hac expressa conditione, potest esse iustum tributum secundum omnes conditiones suprà numeratas, vt patebit facile discurrendo per eas; ergo iuste potest sic imponi; ergo sic etiam obligabit: nam quoad hoc totum lex illa est moralis, & procedunt omnia dicta in ca. 11. Item tributum imponitur vt stipendium iustum, & debitum ex lege iustitiae, sed præcipere solutionem debiti, non spectata petitione, non est onus iniustum; imò nec nimis graue; ergo talis lex ex hoc capite nec iniusta nec nimis grauissensi potest; cur ergo non statim obligabit?

DHis ergo existentibus certis, solum de yisu, & de efficacia legum imponentium tributa, seu de sensu verborum, quibus vntuntur, esse potest controversia. In qua varias inuenio opiniones.

2..